



BIBLIOTHECA
UNIV. JAGIELLO-
NICA CRACOVENSIS


Mag. Dr. Dr.

466

NOVO-LACINA

II


kal.komp.




466

Now-Tacin-

J. XXI. 4.





MARCI ANTONII
MURETI

PRESBYTERI, J. C. ET CIVIS ROMANI
ORATIONES, ET EPISTOLÆ,

Quæ extant in Jacobi Thomassii editionibus,

NEC NON PRÆFATIONES

I N U S U M

SCHOLARUM SELECTÆ.

TOMUS I.

ORATIONES EJUSDEM CONTINENS.

*Accedit insuper novus in quemque Tomum Index,
non mediocris diligentia contextus.*



VENETIIS, MDCCCLIX.

TYPIS JOSEPHI BORTOLI.

SUPERIORUM PERMISSU, AC PRIVILEGIO.





LECTORIBUS HUMANISSIMIS

J. B.

SALUTEM PLURIMAM.



Si ineluctabilis necessitas (optime intelligi velim) nullum consilium, nullave reprehendendi occasio. Quid ergo? Proprio non consulendum commodo; amicorumve non parendum placitis? Omnia-ne a nobis dicenda? Ingenue fateamur. M. ANTONII MURETI Operum nobis nostra defecit editio: multæ ubique instantiæ: accedit utilitas: quid igitur? Animo hæsitavimus, ac ad trutinam re vocata, aliorum votis, nostræque cedendum rei nobis consultum. Numquid jurgiis impeti, atque lacessiri nobis timendum? Minime vero. Obstare quidem videbantur Cominiana editio: verum tum quod evenit nobismetipsis, tum Cominiana Præfatio scrupulum solvit, & nos ratio confirmavit. Dum enim nostra adhuc staret editio anni 1739. Cominiana lucem nata est anno 1740., numero

hior certe, perfectiorque, quam nostra: quæ Cominiana, quia nec Veronensi anni 1737. (super nostra, quæ quoque siluit omnino) nec nostræ perperit, non ex adverso animo, sed pro opportunitate, in exemplum a nobis est assumpta. Hinc si duas annis paucis poenæ contrerraneas (a) editiones habemus Operum M. Antonii Mureti Retbolicorum; Veronensem unam; quæ nunc vero prodit alteram, nempe Patavinam; non est, cur de hac quam rursus damus Veneta editione causemur; inconsultoque male de hac re audiremus eo magis, quo has editiones sibi met continuo instantes Cominiana eruditissima fert Præfatio, temporumve ratio probat. Cæterum, si hæc editionum continuo sibi met instantium successio, & alterius alteri quasi lampada tradentium, decidua in posteros (b) portio nonnulla ejus hospitalitatis, qua majores nostros venientem ad se olim Virum effuse prosequutos accepimus, altera hac præsentis editione, quam sibi jam antea, primumque vindicavit laudem, qui & Veneta Civitas in hac portione nonnulla ejus hospitalitatis, qua Majores sui humanissime Virum exceperunt testanda sibi met comparare non persequetur? atque eo magis, quo sicut prima suo recepit sinu Muretum Veneta Civitas, dein Patavium, (c) non assimiliter, ni fallor, & comitatus suæ prima Typis dedit indicia? Quin, Italia sui moris non erga Muretum oblita, (d) quem & recepit, & suum

co.

(a) Præfat. Comin. pag. 5.

(b) Ibidem.

(c) Vitæ pag. 3.

(d) Præfat. pag. 6.

comiter civem fecit, quum notam inhospitalem esset perosa magis, quam vetustis Lucaniae populis inimicum id vitium, & legibus coerceri solitum; apud Lauredanos, (e) Bombos, Contarenos, Sorianos, Manutios, cæterosque clarissimos viros, Venetiis exceptus, cum tanto in honore, & præstigio fuerit, ut dulcis quædam inter eos contentio nasceretur, qui maxime amarent Muretum, aut admirarentur, inclita Veneta Urbs, ipsa & præstigiæ suæ hospitalitatis non memor ejuldem signa & testimonia futuris generationibus tradere cessabit, futurorumque hominum memoriæ commendare? Illa, inquam, Veneta Civitas, (f) in cujus, sicut & in Venetorum Reipublicæ laudes effusus ipse Muretus? quibus & Urbis Venetorum majestas, & amplitudo Reipublicæ, & Venetorum in hospites doctos bene promerita commendantur cultissimis, & eloquentissimis verbis memoria hominum sempiternæ. Commendantur autem ab Alumno Gratiarum unico, qui e Galliis esset in isthæc littora, ut novus quidam Ariens, cum lyra, & omni Musarum instrumento pervectus. Quinetiam, si qua in Cominiana Præfatione (g) memorantur, eo pertinere dignoscuntur, ut & majorum causa nobis carissimus debeat esse Muretus, veluti comitatus illorum prerogativa fidei nostre commissus, ac de manu traditus in manum; & suemet virtutis ergo sit Appollinari laurea donandus Italie, ac, denum, utilitatis quoque gratia sepe habendus in manibus; Majorum causa & sibi carissimum, &

(e) Vita pag. 3.

(f) Præfat. pag. 44.

(g) Ibid. pag. 7.

hanc comitatem, cæteraque omnia testetur, communique bono & ipsa simul cum aliis hæc consulat Veneta editio; pro qua neque aliquid nobis laborandum. Meliora siquidem cum semper sectanda, Cominianam editionem sequuti, ut nostra se bene haberet, quid amplius nobis agendum, quam quod Rei Litterariæ Vir præstitit emeritissimus, Joseph Cominus, in cujus laudes nobis immorari supervacuum omnino, ejus per universam litterariam Rempublicam nomine reboante, atque etiam Præfatione testante. Hanc ad unguem usque ambabus manibus imitati, omni adhibita diligentia, si res nobis omnino non pro votis evenit, nihil addendum, nisi quod Cominiana ait Præfatio: *Verum ejusdem (h) est diligentiae rem sedulo gerere, atque, illa sicubi non pro votis omnino successerit, fateri candide. Neque enim Hippocratis accuratio minus apparet, cum se in quodam egroto falsum confitetur, quam ubi plurima, vel potius innumerabilia, suæ artis edit benefacta*. Sapientis viri est de thesauro cordis sui bona proferre, cæterisque sine invidia communicare: optimi facti exemplum, occasionemque nobis dedisse gaudeat Josephus Cominus; omnia enim in suam cedere laudem æque fatemur: jucundo nobis sint animo Eruditi Viri, & ad majora fidenter properabimus. Valete.

18

V I T A M A R C I A N T O N I I M U R E T I

J. C. PRESBYTERI, ET CIVIS ROMANI

ex Scriptis ejus, & funebri Oratione

FRANCISCI BENCII (a)

Societatis JESU Sacerdotis, ab

A N D R E A S C H O T T O

ejusdem Societatis JESU Sacerdote collecta.



Atus est MARCUS ANTONIUS MURETUS anno post CHRISTUM natum MDXXVI. mense Aprili (b) in Gallia Aquitanica in pago suburbano Lemovici, cui Mureto nomen, loco honestissimo, patre Jurisconsulto, genere perantiquo, & nobili: quippe quod & pagum illum antiquitus possiderit, (unde etiam familiar nomen) & quadringentis ab hinc annis tulerit Stephanum, Grandimontensium ordinis antistitem, virum sanctissimum, atque hominem in corporis afflictatione singularem: cujus dies festus in Idus Februarias incurrit. Ab ipsa vero pueritia Muretus admirabili fuit ingenii magnitudine, vix ut ullam desideraverit disciplinam, & pœne puer discipulos prius habere cœperit, quam pœne magistros. Nam ut primum imbutus est litteris, quibus informari ad humanitatem ætas puerilis solet, Lemovici in patria sua, deinde vero Aginni, (quæ urbs in Aquitania est pœne princeps) ea docere incœpit (c) cum esset adolescentulus aut pœne.

(a) Numeratur ea in Orationibus Bencii XVII. p. 219. ed. Ingolstadt. A. 1595.

(b) Pridie Idus April. ut habes lib. II. Epist. 34.

(c) De hoc videnda Censura Jos. Scaligeri, quam dedimus lit. ar.

X M A R C I A N T O N I I

pœne puer, quæ nuncquidem, communi more atque usitato, ea ætate si quis disceret, in summa laude poneremus. Quippe ut ingenio doctrinam, sic etiam usu præcurabat ætatem. Agnini vero eodem tempore usque summo duce & adiutore studiorum Julio Cesare Scaligero, (d) viro in omni eruditionis atque humanitatis genere perfecto ac perpolito. Hunc ille ut parentem colebat, a quo etiam ut filius dirigebatur. Admirabatur enim vir omnino admirabilis excellentissimum ingenium adolescentis, eique volens ac lubens, rectam ac brevem, quæ ad rerum scientiam ferret, viam monstrabat, quo sua eum natura ducebat. In qua tamen bonitate naturæ, atque ingenii abundantia, tanta utebatur contentione animi atque industria, quanta utendum est homini, qui quo minus ingenio potest, subsidio sibi comparat diligentiam: ut & ingeniosos diligentia vinceret, & ingenio diligentes & totum illud sibi tempus perire crederet, in quo non aut doceret aliquid, aut disceret. Cum igitur aliquamdiu Aginni fuisset, ejusque doctrina atque ingenium omnium fama atque oratione celebraretur, ad doctrinarum domicilium, & orbis terræ Museum Lutetiam profectus est: ubi cum itidem explicaret divitias ingenii, nec latere posset in tanto orbis splendore tam illustre lumen, non magno negotio ad se omnium studia, atque ora convertit. Novus videbatur exortus Demosthenes Christianis Athenis: ita docente Mureto, & quidem adhuc per adolescente, concursus audiendi causa ex tota urbe fiebant; magna hominum frequentia Gymnasium celebrabatur; loci ipsi in Gymnasio occupabantur; aditus complebantur; ne pes quidem relinquebatur præ maxime audientium multitudine, ubi pedem doctor ipse ponere posset: ita per illorum humeros, quasi per undas gradiebatur ad suggestum. Nihil ferme aliud erat Lutetiæ magis eo tempore in hominum sermonibus quam Muretus: quem ipse etiam Rex aliquando & Regina, (ut quod fama, & auditione acceperant, ne ipsa experirentur) audire voluerunt. (e) Pictavienses, Burdigalenses, Auscitani, Tolosani) hic enim Juris civili docendi primum quidem facultatem, deinde etiam potestatem (f)

acce-

(d) *Vid. Ibid. lit. ap.*

(e) (f) *Etiā in his duobus recurre ad censuram Scaligerianam, lit. ay. & az.*

accepit) juvenem tam excellentem, omnique laude cum-
 flatum videntes, ejus voce ac doctrina fruebantur, & tra-
 jectis litteris, Mercurii filium alii, alii Mercurium audire
 se putabant. Consequens illud erat ut posteaquam om-
 nem prope Galliam illuminarat, suam quoque lu-
 cem diffunderet in Italiam. Itaque Venerias, cum A.
 annum ageret duodetrigesimum, venit. Statim præ- 1554
 clara ejus eloquentia, ut Phidiæ statua, simul &
 perspecta & probata est. Hic apud Lauredanos, Bembo-
 Contarenos, Sorianos, Manutios, cæterosque clarissimos
 viros tanto in honore, & pretio fait, ut dulcis quædam
 inter eos contentio nasceretur, qui maxime amarent Mu-
 retum, aut admirarentur. Paulo post concessit Patavium,
 ut in optimam & vetustissimam in Italia ingeniarum ar-
 tium, & disciplinarum officinam. Neque hic diu
 versatus est: anno enim ætatis circiter quarto & 1560
 tricesimo, honestissimis conditionibus invitatus,
 ad summum illum doctorum Mecenatem Hippolytum
 Cardinalem Etsensem se contulit: in cujus comitatu cum
 Galliam rediisset, mox etiam legatione obita Ita-
 liam revertit. Romæ tandem anno MDLXIII. ipso 1563
 Cardinalis suâsu atque eorum rogatu, quorum consi-
 lio res ibi litteraria regebatur, Aristotelis Ethicæ doce-
 re publice cœpit, tanta hominum frequentia, ut Aristo-
 teles quidem ipse Romæ docere, sed Romano ore, & lux
 quædam urbi Romæ reddita veteris eloquentiæ videre-
 tur. Unum vero & viginti annos Romæ docuit. Quid
 docuerit breviter perstringam. Docuit annos quatuor li-
 bros Aristotelis de moribus; totidem jus civile, nec vulgari
 sane via, spinosas illas Jurisconsultorum concerta-
 tiones cum sermonis nitore conjungens. Ad annum 1584
 vero ætatis undexagesimum, Gregorii XIII. au-
 thoritate ac liberalitate permotus, in eorum librorum,
 qui non solum acuire, sed alere etiam ingenium solent,
 ut Platonis, Senecæ, Horatii, Taciti, Ciceronis expli-
 catione annos reliquos consumpsit. Quo tempore a Step-
 hano Batherio Polonorum Rege in Poloniam amplissimis
 præmiis acersitus est: moremque gessisset optimi Principis
 voluntati, nisi egisset idem Gregorius ne discederet, cum
 sua sponte, tum magistratuum admonitu, qui Mureto ipsi
 aliquot ante annis ultro Romanæ Civitatis jus detulissent.
 Quo

Quo factum est, ut tantum ei stipendium decerneretur, quantum haud scio, an unquam antea nemini. Rem ut gesta est, ut ex ipsius ad Joan. Zamoscium regni Poloniæ Procancellarium epistola (g) discite. Præter spem & opinionem meam accidit, ut cum me ad iter accingerem, atque istic animo, cogitationeque totus essem, subito ostenderet Gregorio Pont. Max. processionem meam sibi non placere, meque per viros summa auctoritate præditos monendum curaret, ne ex Urbe discederem: sibi cura fore, ut ne in Urbe deteriori conditione essem, quam qua mihi in Polonia deferretur. Quinetiam ad quingentorum aureorum annuorum stipendium, quod mihi jampridem constitutum erat, statim ducentos adjici jussit, mandavitque Datario suo, primo quoque tempore quomodo efficeret, ut aliunde mihi trecenti aurei nummi quotannis pendirentur. Ea res factum est, ut coactus sim deponere consilium quod cæperam: a quo, ne vivam, si me alia ulla res, quam Summi Pontificis voluntas, atque auctoritas abducere potuisset. Hactenus ille. Nunc de iis, quæ scripsit dicamus. In quibus ejus spirat imago atque ingenium, suntque in manibus quædam, ut Variæ Lectiones, (ut inde potissimum incipiant) quibus nil uberius, nil elegantius fingi potest. Sunt & Orationes plurimæ Venetiis, & Romæ in consessu Purpuratorum habitæ. Poemata item, quæ Romæ cum esset composuit: nam quæ adolescenti annorum circiter viginti exciderunt, & juvenili quodam calore atque impetu in Gallia profudit, atque convenienti nomine juvenilia appellavit, ea sæpe Francisco Bencio, cæterisque familiaribus dicebat, sibi adeo non placere, ut ne pro suis quidem agnosceret; tantum abest ut probaret (h). At seniles Mureti Versus pii sunt, eruditi, & jucundi, lustrique Græcis & Latinis versibus primæ ætatis Institutionem in gratiam M. A. Mureti fratris filii. Hymnos quoque sacros Ducis Mantuæ rogatu edidit: & Ferrariæ eruditæ de jure civili disputationes in quatuor libri I. Pandectarum titulos: *de origine Juris: de legibus & Senatusconsulti: de Constitutionibus Principum: de officio ejus cui mandata est Jurisdictio*; Epistolarum item volumen ad familiares: neque enim alias, quas nimis officiosi amici cum nominis aliqua contumelia ediderant, pro suis agno-

vit.

(g) Lib. II. Epist. 81.

(h) Conf. quæ circa lit. d.

vit. Commentarii item varii sunt & Scholia in veteres Poetas Terentium, Horatium, Catullum, Tibullum, & Propertium. In M. Tullii item Catilinaria Commentarius exstat peregregrus; Castigationes item in Philippicas. Nihil unquam (mirum dictu!) bis scribebat, vix adeo his legebat id ipsum quod scripserat, raro interpolabat, non sæpe mutabat aliquid aut emendabat, rarius demebat, delebatve: ita cum uno quasi tenore fluere omnia, nihil nisi aptum & accommodatum ad manum, mentemque veniebat, ut multo meliora fortuito illi exciderent, quam alii, qui eandem assidue incudem tundunt, excudant labore. Ad summum singulis noctibus somno quinas horas, quaternas plerumque aut etiam ternas tribuebat. Restat, ut in aspectum proferantur in Aristotelis Ethicen, Politicen, Rhetoricen, & Platonis de Republica ac de Legibus libros notata, quæque in Juris civilis Institutiones commentabatur.

Dux de multis in illo virtutes enituere, Benignitas, atque Religio. Illa enim gratus atque acceptus summis, mediis atque infimis vixit: cujus ædes portus quidam, oraculum ac perfugium omnium erant; exteri etiam ab extremis oris ejus visendi, discendique gratia Romam consuebant, qui & ipsi profitebantur, majora se omnia re ipsa, quam fama comperisse. Docebat quæ poterat, id est, quæ discere velles omnia. Religione vero ac pietate in Deum singulari fuit: catholicam enim fidem non solum servavit, sed & pro virili defendit, cum tamen non deessent in Gallia homines seditiosi, qui omnibus artibus ad suas eum parte traducere conarentur. Novem ipsos annos sacerdos vixit, quo tempore tam sancte sacris operatus est, ut inter sacrificandum & lacrymas effunderet frequenter, & easdem aliis excuteret. Sacras quoque quotidianas preces diligenter obibat. Sæpe de morte senex, tanquam de migratione, cum familiaribus diserebat, ut ex pedibus æger jamjam sibi esse migrandum domo, cujus fundamenta labarent, prædicaret. Mortuus est ornatus omni instru- 1585
mento, & viatico quod Christiana Religio tribue- *pride*
re homini atque impertiri solet, quem parat ad *Non-*
mortem. A Xysto etiam V. Pontifice Max. priva- *Jun-*
tim veniam peccatis impetravit, & ad eorum ex-
piatio-

piationem ejusdem etiam illam publicam adhibuit indulgentiam, qua qui rite uteretur, ei non liberationem solum culpæ, sed remissionem etiam poenæ Christi Vicarius benignissime concedebat. Triduo ante mortem sacrosanctum Christi Corpus suscepturus, omnibus qui eo convenerant præsentibus, atque audientibus, supplex veniam a familiaribus petiit, lacrymantibus omnibus, qui aderant. Dum vox aderat mixtis suspiriis identidem iterabat, O J E S U, o Deus; ut aliud nihil in mente habuisse constet. Elatus honorifice Nonis Juniis, anno hujus sæculi quinto & octogesimo, laudatusque est pro funere a Francisco Bencio Societatis J E S U presbytero in æde sacra sanctæ Trinitatis, quæ est in colle Hortulorum sodalium Minimorum, (ubi ad aram maximam sepulcrum ejus spectatur) laudatus, inquam, coram Cardinalibus amplissimis Nicolao de Pelleve Senonensi, & Carolo a Lotharingia de Vaudemont, a grato sane discipulo erga optime de se meritum præceptorem. Qui & ipse discipulo Bencio multum se debere testatum reliquit, quod humana contemnere & ad divina pleno gradu properare se docuisset, faciesque ac stimulos animo suo ad pietatem subdere nunquam destitisset: Merito igitur *re-amo*, inquit, (i) & ut patrem filius & ut filium pater; his enim nos, qua maxima sunt, charitatis vinculis bonitas divina colligavit. Poetæ in ejus laudem Epicedia varia conscripserunt: unum de multis Julii Roscii (k) hominis perfamiliaris, adscribere placuit.

*Hic. Marci caros cineres Roma, incluta servat,
Quos Patria, optasset, Gallia, habere sinu.
Stat colle Horrorum tumulus: stat proximus astris,
Quæ propius puro contigit ille animo.
Tu, sacros, latice lacrymans asperge, Viator,
Et dic: Heu lingua hic fulmina fracta jacent.*

EPI-

(i) Lib. II. Epist. 98.

(k) Eidem, cui Orationem funebrem, h. e. Bencio, eribunt Orationum Mureti editiones duæ, una Colonienfis Anni 1601. Vol. II. p. 181. altera Lugdunensis A. 1613. p. 582.

E P I T A P H I U M

U T R I U S Q U E M U R E T I.

Romæ ad S. TRINITATIS in colle Hortulorum.

M. ANTONIUS MURETUS LEMOVIX
 AD DEI MISERICORDIAM OBTINENDAM,
 PIORUM PRECIBUS ADJUVARI CUPiens,
 CORPUS SUUM POST MORTEM HOC LOGO
 SEPPLIRI JUSSIT.
 ADTRIBUTIS MILLE SCUTATIS PUIUS
 MCNAST. SODALIBUS. IMPOSITOQUE ONERE
 PERPETUI ANNIVERSARII.
 NICOLAUS DE PELLFVI CARD. SENONEN.
 TESTAM. EXECUT. PONI MAND.
 VIXIT ANN. LIX. MEN. II. OBIT PRID. NON.
 JUN. MDLXXXV.

~~~~~

M. ANT. MURETO MAGNI HUIUS MURETI  
 FRATRIS FILIO AETATE QUIDEM, ET  
 NOMINIS CELEBRIT. MINORI, SPE AUTEM  
 ET EXPECTATIONE PROPE PARI  
 IMMATURA MORTE PRAEREPTO,  
 LUDOVICUS RUALDUS LEMOVIX, ET  
 M. ANT. LANFRANCUS VERON. EJUS  
 TESTAMENTO AD PIAS CAUSAS FACTO.  
 SCRIPTI EXECUTORES POSS.  
 VIXIT ANN. XVI. MEN. V. OBIT PRID. NON.  
 OCT. MDLXXXVI.

## MARCUM ANTONIUM MURETUM,

Virum suæ ætatis sine controversia eruditissimum; scriptum eo ipso die, quo elatus est Nonis scil. Junii Anno MDLXXXV. in summo animi dolore, & dictum in Schola Rhetorices auditoribus suis a

## P. FRANCISCO BENCIO,

*Epc. JESU, inter quem & MURETUM multa existunt mutue caritatis argumenta.*

**N**Am quid dissimulo? quid concita corda tumultu  
Mendax fronte premo? lacrymas quid in ore natantes  
Mergo? quid misero non rumpo pectora quæstu?  
Flebimus. Est quædam moerenti flere voluptas.  
Quis scit, an & nostrum doleatis forte dolorem?  
Heu dolor immensus, minor o quam causa dolendi,  
Tuque dolore minor luctus, quid tenditis ultra?  
Heu quid certatim conscinditis hoc miserum cor?  
Cor lacerum, cor luctificis inamabile curis,  
Cor siccum, cor luminibus cupientibus ullas  
Ferre negat lacrymas, & iniqua mente resistit.  
Nam cur largifluo non manant omnia fletu?  
Cur tonat interius pectus modo? turbinis instar,  
Quem clausere cavæ penitusque hausere cavernæ,  
Nec, licet indignans, cæco de carceris antro  
Evomit undifonas lacrymas, fractoque remugit  
Murmure, & horrifico se rumpit ventus hiatu,  
Mareus perit: heu periit Muretus, & omnes  
Divitias linguæ secum abstulit! abstulit omnes  
Delicias Musarum, & amicas mentibus artes  
Ingenuis, quicquid Grajis, quicquidque Latinis  
Condiderant veterum chartis monumenta virorum,  
Nam seu Socratis sermonibus appulit aures,  
Sive in Academi lucis, seu forte Lycei  
Dulcibus alloquiis lata spatiat in umbra est:  
Proximus a primo semper fuit. Ilicet ille

*Sicut*



## MURETI EPICEDIA.

XVII

Sicut apis flores & rura halantia circum  
 Omnibus e pratis decerpit singula libans,  
 Dulciaque e foliis expressit victor amaris  
 Mella, quibus prisco collectum nectar Hymetto  
 Mirata est nostra atque omnis mirabitur ætas.  
 Sive etiam sacri pandentem oracula juris,  
 Seu morum officia & vitæ laudanda docentem  
 Munera, & omnigenis dulces e fontibus haustus  
 Instillantem animis & grandia verba tonantem,  
 Fluminis in morem, vel cælo fulminis acti:  
 Audit ipsa sui pendens jam civis ab ore  
 Gallia, mox etiam Italia & Mavortia Roma  
 Æmula cognovit Marci, Marci aurea verba.  
 Is nostram super ætatem, propiorque vetustæ  
 Ire videbatur, veterumque retundere fastus.  
 Heu quoties illum plausus populique patrumque  
 Dicentem excepit, nimiumque libentibus hausit  
 Auribus! Ille quidem magnorum nomine Regum,  
 Pontifici Summo gratatus sæpe liquenti  
 Parius electro eloquium profudit ab ore,  
 Montanis nivibus niveoque simillimus amni.  
 Ille Pii dudum moestissima funera Quinti,  
 Mox Caroli funesta tui, fera Gallia, Regis,  
 Atque Tolosani Foxi solemnia iusta  
 Debita deslevit duri solamina casus.  
 Ille etiam immanes Turcas cum contudit armis  
 Classis Christicolum, & victrix dare terga coegit,  
 Altaque constravit trepidantibus æquora Pœnis,  
 Lætitia ingenti & magnis clamoribus implens  
 Hanc urbem; Romæque decus columenque Quiritum,  
 Extulit ad cœlum divina laude Columnam.  
 Quid cum etiam nuper, ( vox o cygnea tenet jam  
 Nunc etiam mentem, & dulcis sonus occupat aures )  
 Ad Vaticanum, Patribus quos purpura velat,  
 Hortaror fuit, ex alto velut æthere missus,  
 Pontificis formam evolvens & munera Summi,  
 Quem legere ipsi descripsit pœne legendum.  
 Nec modo, Roma, tibi Muretus cognitus ille,  
 Quem veteris specimen linguæ morumque tuorum  
 Admirata tuis adjungis civibus ultro,  
 Unde etiam attonsum fers tristi fronte capillum;

Sensit eum, caput Oceano qua flammivomus Sol  
Exerit aut condit, tellus, quæcumque perusta  
Sole rubet, quæcumque gelu nivibusque rigescit.  
Certe, illum & bello & paci nova gloria. Rector  
Sarmatidum Stephanus, regnum quod protulit armis,  
Augeat ut rerum doctrinarumque repertis,  
Muneribus magnis excitum accersit olim:  
Et traheret, si non Romani amittere cives  
Hunc veriti, sanctusque Parens migrare parantem  
Et monitu & precibus tenuissent. Heu mihi, dicam,  
Dicam aliquid, dolor invito de pectore voces  
Elicit, ipse etiam hortando & fortasse monendo,  
Pars non magna fui. Quid enim meus ille Magister,  
Quid Pater ille meus? nam sera ætate creatum  
Me sibi jactabant quondam: quid filius eheu  
Filius? ut Patrem tu me, Murete, colebas,  
Idque etiam præ te, semper deslende, ferebas:  
Ipse ego te contra dulci certamine Patrem  
Dicebam, te quando hiemes certo ordine septem  
Audii inexpletum discens, & sedulus aure  
Dicta bibi, quæ post tenui mihi fluminis alveo  
Effluerent, parvæ ut possent adolescere silvæ,  
Muretumque omni Muretum fonte sonarem.  
Ipse mihi sensus animi curasque latentes  
Consilio & dicta & facta, heu dilecte, solebas.  
Credere, quæ studio cegerem commissa fideli.  
Sed quamvis persæpe dares mihi commodus aures,  
Et morem, ut fatear, gereres persæpe monenti,  
Non tamen omnino tu nostra es dicta sequutus.  
Nam quoties! quoties! ignari nescius oti  
Pervigili studio noctesque diesque trahebas.  
Ipse laboranti contra vigilique quietem  
Præteritisque memor suavi, metuensque futuri,  
Nunc vero infelix vates, verissimus augur.  
Quid quod & urgenti tandem vergente senecta,  
Edere curares, quæ cunctis edita profint,  
Ex utriusque opibus, poteras quæ plurima, linguæ,  
Tu tua non faciens magni, quæ maximus orbis  
Attonitus colit & poscit, sermone modesto  
Spem tamen haud omnem eripiens plerumque negabas.  
Multa quidem sunt à Mureto & magna, sed ipsa

Cre-



## MURETI EPICEDIA.

xix

Credite plura, adeo nec sunt fortasse minora,  
 Quæ jamjam affecta aut potius confecta volebat  
 Promere, & ante diem, ni deesset vita, volebat.  
 Ante diem moritur, qui viveret utilis orbi,  
 Nec dum, etiam bis tricenos expleverat annos.  
 Mitto ea, quæ calidæ abreptus fervore juventæ,  
 Quorum & pœnituit, fudit Juvenilia: namque  
 Vera loquor, velut immaturo tempore factus  
 ( Nec satis ille pios dicebat ) providus a se  
 Expulit, expungens quod præfert pagina nomen,  
 Certus enim & fluvio & rapidis committere flammis.  
 His missis, quantum, o puro sermone Terenti,  
 Et quantum, o Tulli, quantum, o Venuſine Poeta,  
 Et Tacite, & Seneca, & sinuosa volumina Juris,  
 Spissum opus & propriis innectens vincula vinclis,  
 Quantum illi, doctæ, debes, doctissime gentis  
 Doctor Aristoteles? Latio sermone loquentem  
 Quem fecit, nostroque etiam nonnulla rogatu,  
 Ferme opus extremum. Sed quis numerare potis sit  
 Omnia quæ pulchris apparent illita chartis?  
 Nam quid carminibus memorem laudesque virorum:  
 Et sanctorum, alta Cœli quo Christus, in aula  
 Exhilarat vultu? Tiburtinumque recessum  
 Quem Pater Hippolytus priscorum æquavit honori,  
 Magnaque quæ pueris, tantus vir, condita versu  
 Argolico præcepta dabat vertuque Latino.  
 Sunt pueris præcepta, viri quæ implere docendo  
 Lætentur, metuant non discere. Magne Thuane,  
 Felix morte tua, cui tanti nominis auctor  
 Obtigit, ut grandi celebraret carmine vitam.  
 Tantum ille & versu poterat! Tu Mantua testis;  
 Sanctorum ad laudes Mureti dulciter hymnos  
 Scilicet in templis sacra inter munera cantas:  
 Lauretana domus testis, cui nobile carmen  
 Quod sacratum olim vates pius edidit, audit  
 Orbis, & hæretica haud potuit contemnere pestis.  
 Anne etiam memorem variarum illustria rerum  
 Doctorum contrita manu monumenta, lepore  
 Aspersa egregio, qualem non Itala tellus,  
 Ni fallor, nec fallor enim, gustaverat unquam?  
 Anne etiam ad caros olim quæ scripsit amicos?

b 2

Sed

Ex

MARCI ANTONII

Sed quid ego hæc memorem, nostro quæ cognita sæclo  
 Postera laudabunt, & noscent sæcula, dum se  
 In mare præcipiti devolvent flumina lapsu?  
 Dicam ea, quæ multis incognita, nec mihi soli  
 Cognita, cum certos liceat producere testes.  
 Proh quantum amittis, Stagiræ civis, & omnis  
 Historiæ princeps, Plato quantum tu quoque, quantum  
 Thucydide, & Livi, & Xenophon, & grandis Homere!  
 Proh quantum legum rudis indigestaque moles!  
 O Tulli, o Crispe, o Plini, o lenissime Cæsar,  
 O qui multarum pandis miracula rerum,  
 Atque virum historias & vitas scribis, & omnes  
 Instruis officiis, Plutarche, & moribus ornas!  
 Denique quoscumque est oculis dignatus & alto  
 Ingenio auctores, quantum amissitis in uno!  
 Ille quidem maculas tergebat, & abdita sensa  
 Exponebat, uti foret ad consulta vocatus,  
 Quilibet ut calamo mentem commisit & arti.  
 Sed quid ego hæc miser? infelix amittere majus  
 Quid potui? in me omnis cecidit collapsa ruina  
 Et prope sum tantæ cumulat ponderis molis.  
 Illius haud fruar alloquio, lucemque morantem,  
 Et matutinas consumens dulciter horas,  
 Atque inter risus delibans serâ dicta.  
 Hæc, Murete, utrum Franciscum incommoda tangunt  
 Bencium, & agnoscit lacrymans lacrymabilis idem,  
 Quid merito doleat quantumque amiserit eheu.  
 Nam tibi jam tandem requies concessa laborum.  
 Quippe sacerdotem, ut spero, majora parantem  
 Ex animo, Christus perpendens facta, sacerdos  
 Maximus etherio in solio confidere iussit,  
 Redditus, & merito socium te adscivit Olympo.  
 Roma sacerdotem te nonum viderat annum,  
 Atque sacerdotum tibi rector & arbitrer orbis  
 Polcenti veniam Xystus concessit abunde,  
 Nec lacrymas tenuit, quin & miseratus euntem est.  
 Nec minor ex isto spes est, quod tu omnibus armis  
 Instructus, Cœli confors Ecclesia quæ dat  
 Militibus, ceu victor abis: quod publica Xystus  
 Commoda quæ tribuit, proprios convertis in usus:  
 Quod jamjam Christi satiandus corpore, ceram

Omni-



Omnibus, ad sacrum obsequium qui accedere, quique  
 Visere te poterant, multum lacrymantibus ultro,  
 (Insignis pietas nullum reticenda per ævum  
 Tam raro exemplo) famulos quos munere largo  
 Ditasti, & partem haud meritos, veniam petis. Auctor  
 Consilii Deus ipse fuit; noctemque diemque  
 Quod vidi, hoc tantum consumptum munere vocis:  
 O Deus, o Christe! Hunc anima fugiente vocabas,  
 Hunc agitans animo singultibus interruptis.  
 Et tamen hæc inter, memini, & memorare decorum est,  
 Omnia cum memorem fugissent avia mentem,  
 Ut tua luminibus fixisti lumina nostris,  
 Quem dudum oraras, ne summo in tempore deessem,  
 Me, me cognosti & voluisti dicere Patrem.  
 Deseruit prior heu conantem syllaba linguam,  
 Atque Pa, Pa tantum profers & brachia pandis.  
 Heu dolor! hinc tandem luctatus tempore longo  
 Spiritus invito de corpore decedebat,  
 Et pulchrum vultu placido lætumque reliquit.  
 Hinc vero ad templum, trino quod Numini & uni  
 Addictum celebrant Galla de gente sodales,  
 Quos coluit semper, donisque ingentibus auctos,  
 Quos voluit moriens, dum plures ordine cœtus  
 Funereas de more faces longo agmine portant,  
 Alternantque preces, solemni funere fertur.  
 Filius hunc fratris, rerum & cognominis hæres,  
 Prosequitur longa procerum comitante caterva.  
 Jam, Murete, vale, vale, o Murete; sequar te.  
 Duximus exequias, & vitam ducimus? eheu!  
 Te sine vita gravis, sine te sine mente relinquo.  
 Egredii juvenes vos, o mea maxima cura,  
 O vestri memores generis miserefcite vestri,  
 Cui suus abscessit, nec opina morte, magister.  
 O ego, si possem nostros auferre dolores  
 Carminibus, nunquam facerent hæc carmina finem,  
 Sufficeretque dolor lacrymas, lacrymæque dolorem.  
 Et quantum est vitæ, quantum est in corpore robur,  
 Efficerem, ut Mureti orbis me nosset amantem,  
 Atque animi audiret testantem vulnera fletu,  
 Sed dolor haud ponit vires, crescitque medendo,  
 Crudescitque magis; nec desit causa doloris.

Muretus periit, revocari funera longo  
 Haud possunt fletu, ac lacrymæ & testantur amorem  
 Et desiderium prærepti pignoris ingens.  
 Quod mihi si liceat superis extollere molem.  
 Atque tuis, Murete, æquam virtutibus, addam  
 Hæc etiam æternum ut scribantur verba sepulcro:  
 Muretus jaceo hîc: precibus me attolle, viator.  
 Gallia me genuit, Veneti florente juventa  
 Excepere, virum venerata est Roma, senemque.  
 Corpus humi, ingenium in scriptis, mens sedit in astris.  
 Hocque ipso claudam lugubres omine cantus.

## P H I L I P P I P Æ L A R I I

Brugensis Flandri J. C.

*In Obitum eruditissimi Ornatisimi Viri*

## M: A N T O N I I M U R E T I,

*Poeta atque Oratoris optimi, elegantissimi omnium Philosophi,  
 Juris interpretis prudentissimi, atque omnis antiquitatis be-  
 ne periti, Civis Romani, Præceptoris ac Patroni optimi.*

**R**oma diu felix, insuetos edere questus  
 Incipe; Roma novis mœrens ululatibus adde  
 Lamenta, adscriptum nam fata immitia Civem  
 Eripuere tibi, qualem vix prisca tulerunt  
 Sæcula, seu Decios numeros, clarosque Camillos,  
 Facundo doctos seu cum Cicerone Catones.  
 Roma, fleas, studiisque tuis qui favit, & auxit  
 Teque tuosque diu: ne possis barbara dici  
 Qui fecit vigili cura & conamine miro,  
 Deferuit terras; doctissimaque ora quierunt  
 Quæ Phœbi merito poterant oracula dici.  
 Heu quonam blando vultus condita decore  
 Majestas abiit? quonam facundia? quonam  
 Quæ ornatae magnis fuerant virtutibus illæ,  
 Illæ, inquam, ingenii dotes? Prudentia quonam?  
 Muretum cur non servastis, dicite, Musæ?  
 Arpinis cujus lavisse liquoribus ora

Phœ-



## MURETI EPICEDIA.

XXIII

Phœbum non puduit, sophiæ cui tradidit artes,  
 Quemque manu apprehensum bifidi per culmina montis  
 Musæ duxistis, monstrantes vertice ab uno  
 Immenso Latii campos, felicia rura,  
 In quibus indomiti luit præceptor amoris,  
 In quibus ipsa suum spatium Mantua gaudet  
 Doctiloquum civem, gaudet Verona Catullum,  
 Versibus ornarunt & quotquot Tyberis undas;  
 Monstrantes alio puero de vertice largos  
 Grajorum campos, quos aurea copia vestit  
 Frugibus & lætis, ubi vatum & fronde coronat  
 Tempora. Nam Andinum puer hic conspexit Homerum,  
 Ascræique senis decorataque frondibus ora,  
 Estque cothurnati hic miratus carmina vatis,  
 Thebanique lyram, lyricum non ultima Vatum  
 Pars fuit. Heu mœstæ lugubria dicite Musæ  
 Carmina; vosque novi lacrymis urgete sepulchrum  
 Mureti Vates. Cur illi illuxit Apollo  
 Nascenti? Argolici quem non sacunda Periclis  
 Fulmina terrebant? Immites dicite Parcas,  
 Turba Oratorum: cujus pendebat ab ore  
 Purpureo summo fasces moderante senatus  
 Gregorio, Orator superas concessit in auras.  
 Nondum prima genas flore exornabat opaco  
 Ætas, cum teneram majoribus applicat orsis  
 Mentem, sanctarum sinuosa volumina Legum  
 Aggreditur, discitque reos servantia Jura.  
 In quibus ipse brevi tantum profecit, ut illum  
 Admirarentur cani præcepta magistri  
 Tradentem cura vigili. Sed lubrica cuncta.  
 Cernit ut immani tua, clara Lutetia, tecta  
 Ardere heu belli studio, nec Palladis artes  
 Florere ut solitæ fuerant, Phœbique remissum  
 Ardorem, & sacras expulsa urbe sorores,  
 Mavortisque feri turbare Gallica sævis  
 Rura armis, fictum ramum prætere olive  
 Infestas futas, iterumque iterumque redire  
 Sacrilegi adversus Musas fera tempora belli,  
 Ornatura ducum Musis invisa triumphos,  
 Heu sedes animosa, tuas Patavus Apollo,  
 Gallia, cum castis tua tecta sororibus, una

Muretum abducens, liquit. Non ipsa relinqui  
 Digna erat, Anniis nam fecerat otia Musis,  
 Altrix præstantum semper facunda virorum  
 Gallia. Pegaseis possit locus esse puellis  
 Hic, ubi quæ ipse chori princeps dictavit Apollo,  
 Tisiphone ventis & nubibus irrita donat?  
 Ergo Muretus, fidi non infima nati  
 Absens absenti officia exhibiturus abivit.  
 Jam Rhodani celeres cursus superaverat, & te,  
 Magne Garumna; tuos fluctus post terga relinquens  
 Cum Phœbo, nec cum natalis linquere terræ  
 Dulce solum piguit. Venetum delatus in oras  
 Ad Phaëtoncei pervenit pingua lassus  
 Rura Padi, laceris quærens grata otia Musis.  
 Eloquii hic igitur clari dare signa coactus.  
 (Scire etenim nostrum nihil est, nisi nos sciat alter  
 Scire) haud exiguas vires in carmine monstrat,  
 Seu canat aurata heroos testudine versus,  
 Seu moveat lyrici modulancia crismata plectri.  
 Talem olim referunt miro modulamine dura  
 Saxa chely movisse & nigras carmine silvas  
 Ismarium Vatem & sævos traxisse leones.  
 Obstupuit præceps miratusque Adria pulchri  
 Oris & ipse decus, mixtum & gravitate pudorem.  
 Hunc etiam virides circum delphines in undis  
 Adnarunt, parva rate dum ferretur in Urbem,  
 Quæ caput antiquum mediis e fluctibus effert.  
 Hanc colere & vidit bene religionis honores  
 Florere, & divæ hic laqueataque surgere testæ  
 Astrææ, clari cui immensis sumptibus alta  
 Cives marmoreis statuerunt fulta columnis  
 Templâ, deam sacris mactantes rite verendis.  
 Cujus consilia antiqui moderantur habenas  
 Imperii paribus, quibus est respublica curæ,  
 Auspiciis, regere atque suos defendere cives.  
 Hic igitur placuit Mureto figere sedes;  
 Eloquium cujus Veneti mirantur & ora.  
 Non aliter Graii celebrant Demosthenis ora,  
 Cujus Palladiæ tonitru decorantur Athenæ.  
 Exemplo Ausonias velox it fama per urbes,  
 Gallum hominem, Latias doctum Grajasque Camœnas



Errantem Venetum vulgans in littore, castis  
 Nutritum a Musis, cui Pallas tradidit artes.  
 Nec mora, qua trisido dives Ferraria floret  
 Cincta Pado, pernix cunctis velocior Euris  
 Læta volat, pictis turrita palatia pennis  
 Intrat, Mureti cupido devincit amore  
 Estiadam mentes; inter quos maximus ille  
 Hippolytus, qui purpurei & fuit ipse senatus  
 Gloria, qui Phœbo claros extruxit & hortos  
 Musarumque choris, gelidi qua Tiburis unda  
 Labitur, exornant pomaria mille figuris.  
 Solus eo suetus miseris facere otia Musis  
 Tempore, Muretum accersit, quem munere largus  
 Donatum largo, grata requiescere in umbra,  
 Vatribus ut quondam Mæcenas fecit. At ille,  
 Hinc majora agitans, cœpit sub principe tanto  
 Divini ingenii maturos edere fœtus:  
 E quibus, ut duro fulvos ex ungue leones  
 Noscimus, est notus. Claram hinc accitus in Urbem  
 In septemgeminis confedit collibus. Uno,  
 Seu quæ in Cimmeriis tenebris natura latere  
 Abdita vult, tanto solers interprete gaudet.  
 Muretus celsi recolens spatia alta Lycei,  
 Seu docet instabilis vitæ præcepta regendæ,  
 Seu tradit claram clari Demosthenis artem,  
 Seu docet auxilium oppressis præbentia Jura;  
 Sic omnes alios liquit post terga magistros,  
 Unius ut docto solum penderet ab ore  
 Non modo quæ ingenio claret Romana Juventus,  
 Quæque suam quæritur sublatam Gallia prolem,  
 Purpureique Tagi & latices qui jactat Iberus,  
 Danubium & te, Rhene, bibens Germania dives.  
 A locuplete Tago Romam ut delatus Iberus,  
 Historici quo clara Titi olim cerneret ora:  
 Sic desiderio Mureti Gallus in Urbem  
 Venit, & ipsa suos natos Hispania misit,  
 Pannoniusque ferox, & flava Britannia prolem.  
 Venere audaces in mutua vulnera Belgæ,  
 Inter quos dulcis patriæ solabar in Urbe  
 Mureti auxilio castis gratissima Musis  
 Rura relicta. Nihil superest, nunc omnibus orbo

Ah sine te, Murete, mihi nil Urbis in Urbe est!  
 Ah silet ipsa chelys, quam tu laudare solebas,  
 Nunc mea! nam lachrymans querulis si forte quid audet  
 Versibus, ah solum tua tristitia fata recenset!  
 Non tantum patriæ me turgida prælia curis  
 Exagitant, quantum me me tua funera turbant.  
 Perdita nec tantum jam nunc mea commoda torquent  
 Me, quantum ipsa ferunt hei publica damna doloris!  
 Plurcula vixisses Antonii tempora, Summus  
 Ipse tuæ Sixtus claros tribuisset honores  
 Virtuti, Sanctus quem Petri in Sede locavit  
 Spiritus, extrema sacrum dum voce senatum  
 Exhortareris. Nimium sed acerba negarunt  
 Numina, quin renovas violentos, ira, dolores?  
 At nihil hic tristis luctus, nil proficit ira.  
 Nam nil perpetuum varia sub lampade lunæ:  
 Haud ulli retricæ didicerunt parcere Parcæ.  
 Quare age, Musa, modus, & tristitia carmina siste.  
 Ultima dic bona verba: nefas contundere planctu  
 Pectora; Roma, tibi non fas lugere Beatos.  
 Ille tuus Civis radiantibus additus Altris  
 Credita Muretus sperataque gaudia carpit.

## IN MURETI LAUDEM

## C A R M I N A

## JOANNIS MATTHÆI TOSCANI.

CERTAMEN, MURETE, novum. Te Gallia civem  
 Afferit hinc; illinc terra Latina suum.  
 Quem nunc implentem Romana palatina voce  
 Eloquenti priscum restituente decus  
 Artonitus stupuit, post ter sibi sacula quina,  
 Tybris, inauditos dum bibit aure sonos.  
 Te mea Roma suis dum nuper civibus ultro  
 Annumerat, gaudens talia verba dedit:  
 Terra mihi tales Lemevis dum mittat alumnos,  
 Nil te, Arpine, moror, municipesque tuos.



## E J U S D E M.

(id quod docuit Orationum quatuor Mureti editio  
Ingolstadiana A. 1585.)

**R**hetora te tantum si sacula prisca tulissent.  
Jamjam immortalis lingua diserta floret.  
Sacula si tantum novissent prisca Poetam,  
Jamjam immortalis Musa canora foret.  
Rhetora sed postquam simul hac genuere Poetam  
Sacula, noster eris Virgilius, Cicero.  
Te tua posteritas Ciceronem saepe vocabit,  
Teque ut Virgilium mente, manuque teret.

## PANTALEONIS THEVENINI

Commerciensis Lotharingi.

(quod eadem docuit editio.)

## I.

**D**elicia, Veneres, gravitas simul ac majestas  
Miscentur scriptis, docte Murete, tuis.

## II.

**T**antus es Orator, tantusque Poeta Murete,  
Ut possis dici Tullius atque Maro.

## III.

**I**nvidit rebus Gallorum Roma secundis,  
Fecit te civem, culte Murete, suum.

## GUGLIELMI BLANCI

*Albiensis Galli Jurisconsulti.*

(e Museo Histor. Joannis Imperiali p. 122.)

**G**Allia me genuit, genitum me Roma recepit;  
 Illa sinu juvenem fovit, & ista senem.  
 Illa dedit vitam, vitam mihi sustulit ista:  
 Illa dedit cunas, ista dedit tumulum.  
 Utraque me genitum gaudet, collit utraque vivum,  
 Utraque defunctum fletusque gemensque dolet.

## I N C E R T I.

(e Volum. II. Orationum Mureti, edit,  
Mogunt. A. 1615.)

**D**um ferit (heu) tragico Ciceronem Antonius ense,  
 Elinguata silent Curia, Rostro, Forum:  
 Te vero veniente redux Patriaque, Forique,  
 Rostorumque decus, delictumque redit.  
 Accisoque olim graditur jam Roma cothurno,  
 Sequē illam veterem Roma novella canit.  
 Sic, Marce, es Marcus, Ciceroque es magne Murete,  
 Seu linguam accipiat Curia, sive manum.  
 Quid rear? anne tuo est Ciceronis lingua palato?  
 An tua jam dextra est qua Ciceronis erat?

## T E S T E S

E L O Q U E N T I Æ M U R E T I.

J A C. A U G U S T U S T H U A N U S

*Historiarum sui temporis lib. LXXXII. ad anno MDLXXXV.  
 tom. 4. pag. 319. edit. Lond. 1733.*

**A**Nte Sirletum ibidem (Romæ) M. Antonius Muretus Ratiasti Lemovicum apud nos natus, natus  
 turæ



# MURETO TESTIMONIA. xxix

turæ debitum persolvit pridie Nonas Junias, cum annum LIX. egressus esset, ingenio præstanti & ad omnia nato præditus, quod in politiori literatura præcipue exercuit; utriusque linguæ peritia clarus, est Latine scribendi facultate insignis: ad quæ omnia acerrimum judicium attulit. Is primum litteras humaniores Luteriæ professus; dein Burdigalæ, & Augustæ Ausciorum, Pictaviæ etiam & Tolosæ, juri civili operam dedit: atque inde, relicto summo sui apud suos desiderio, in Italiam concessit anno hujus sæculi LIV. & Venetiis ac Patavii sexennium commoratus, postremo Romam amplissimis conditionibus ab Hippolyto Atestino Cardinali invitatus, in illius, & post ejus mortem in Aloysii Atestini Cardinalis familia consenuit, majore semper ad eruditionis ac facundiæ præstantiam facta cum ætate accessione. Mortuum laudavit Franciscus Bencius, tanto præceptore dignissimus discipulus, coram celebri cœtu ad Sanctæ Trinitatis in colle Hortulorum congregato; ubi & Muretus testamento condito sepeliri voluit.

## SCÆVOLA SAMMARTHANUS

*Lib. III. Elog. p. 148.*

**Q**uis non miretur, hominem Gallum, & quidem in Lemovicibus natum, (a) suo ipsius ingenio, & absque ulla præceptoris opera eruditum, tantos in litteris fecisse progressus, ut præter exactam Græcæ linguæ scientiam, ipsi etiam Italis peculiarem illam Latini sermonis laudem unus eriperet? Neque vero id Muretus in Oratione soluta solum, sed in Versibus etiam assecutus est, in quibustam erat Catullo similis quam ipse Catullus sibi.

JOAN-

(a) *Huc pertinet illud etiam ejusdem Sammarthani lib. I. Epigr. p. 248. ad Lemovices:*

*Qui rudis incultis Lemovix in montibus olim*

*Rapa modo ediderat, castaneasque nuces,*

*Hoc demum insolitos producens tempore sætus,*

*Æmula Romanis edidit ingenia.*

*Te quoque quid memorem, fruitur quo Romula tellus,*

*O decus, o secti Varro Murete tui?*

## JOANNES IMPERIALIS

*Mus. Hist. p. III.*

**M**A. Muretus Latinæ orationis facundia tantam sibi apud omnes gratia conciliarat, ut ejus ævi quasi alter Tullius concordibus Italiæ vocibus acclameretur. --- De ipso tandem hoc jure optimo proditum quod in pangendis carminibus Tibullo conferendus, in prosa oratione recentiorum cuilibet præferendus, --- Gallica præconia insigni, nec interiora, laude cumulavit.

JAN. NICIUS ERYTHRÆUS.

*Pinacoth. Part. I. p. 12.*

**S**I Rhetoris sunt partes, dicendi præcepta tenere, eis que alios imbuere, quis Mureto sit dignior hoc nomine? ---- Neque Poeticæ inanem operam dedit, sed utilem atque præstantem. Nam & elegos, & odas, & epigrammata, & hymnos, ad veterum Poetarum elegantiam scripsit. At mihi eloquentiæ in eo virtus, quæ merito omnium maxima habetur, cæteris ejus laudibus videtur antestare. Quid enim ejus Orationibus inveniri perfectius potest? qui flos, quod lumen, quis naturalis, non autem fucatus, in eis nitor desideratur? quis humilia subtilius, ampla sublimius, mediocria temperatius potuit dicere? quibus virtutibus perfecti Oratoris laus continetur. Quis nostra ætate sermonis genere usus est adeo gravitatis, doctrinæ, prudentiæque referto, & in quo præterea omnes verborum, omnes sententiarum illigentur lepores, præter hunc? quis magis Latine, pure, dilucide suaviterque locutus est unquam, &, quod refert, quis oris pressu, & suavitate appellandarum litterarum se magis hujus civem urbis, non peregrinum, significaret? ---- Quamobrem illud assecutus videtur, ut non hujus modo sæculi, sed multorum etiam superiorum, Oratorum princeps habeatur.



## JACOBUS ROSETTUS

*Epistola ad Antonium Romitum Vincentinum : ( qua legitur in fine Colonienſis Mureti Orationum editionis An. 1601. ante Sigonianas. )*

TRACTANT illæ ( *Mureti Orationes* ) res serias , tractant res graves , nec delectant modo , sed magis docent . Cum lepore elocutionis Romanæ , quo ipse nostro tempore præstitit , conjunxit pulchrarum rerum & honestarum explicationem , quæ non tantum cognitionem mentemque ornare , sed ad agendum etiam , & ad vitæ munera tam in privatis rebus quam in publicis conferre possunt .

## M. ANTONIUS BONCIARIUS

*Præf. in Epistolas suas p. 19.*

DE illis institui dicere qui non ita pridem exceſſerunt de vita . De quibus unus ( nisi me studium atque amor fallit ) impleſſe omnia , vel prope omnia , viſus eſt M. Ant. Muretus . Qui Latinis Græciſque litteris excultiffimus cum ſoluta & vinſta numeris oratione præſtaret tam inſigniter quam æqualiter ; in una Orationes & Epistolæ edidit , utraſque poſt Ciceronem elegantiffimas , & doctorum judicio probatiſſimas : in altera omne genus Poëſeos ita expreſſit , ut cum excelluerit in ſingulis , dubium tamen incertumque reliquerit , graviorne in heroicis , an feſtivor in lyricis , an acutior in ſatyricis videretur .

## FRANCISCUS BENCIUS

*Orat. XIII. p. 170.*

Muretus , cujus de incredibili ſcientia , commémorabili ingenii magnitudine laudeque dicendi tum communis omnium opinio , tum conſtans illa mea ac debita ejus celebrandi conſuetudo , tum denique ipſius celebritas nominis , atque ſcriptorum elegantia , quæ etſi carent ſpi-

XXXII DE MARCO ANTONIO  
spiritu illo & maiestate dicentis, omnem tamen præ se  
flore ferant, & splendorem eloquentiæ, ne plura re-  
petam, facit.

ANDREAS SCHOTTUS

*Lib. IV. Tull. Quæst. c. 1. p. 269.*

Sic factum, ut M. Ant. Muretus, duos ipsos & vi-  
ginti annos eloquentiam in Italia professus ad sum-  
mam bene dicendi laudem antiquorumque gloriam per-  
venerit.

HIEREMIAS DREXELIUS

*P. 1. Aurif. c. 6. ( Tom. II. Oper. p. 1059. )*

M. ANTONIUS MURETUS in Republica Christia-  
na Tullius.

IUSTUS LIPSIUS

*Cent. 1. Epist. 22. p. 25.*

Quis non a Turnebo aliquo doctior redeat? pruden-  
tior a Sigonio? disertior a Mureto? quorum ego  
non auditum solum magno emerim, sed visum.

IDEM LIPSIUS

*Ad 1. Annal. Taciti num. 28. p. 5.*

M. ANTONIUS MURETUS, cujus scripta Venus  
inhabitat pariter cum Musis.

IDEM

*Ad II. Annal. Taciti n. 170. p. 66.*

M. ANTONIUS MURETUS, cujus doctrina, judi-  
cium, facundia semper mihi magna.

LU.

MURETO TESTIMONIA. XXXIII  
LUDOVICUS GARRIO

*d. Lect. Antiq. 17. p. 43.*

M. ANTONIUS MURETUS, homo quot sunt hor-  
minum eloquentissimus & pollitissimus.

DANIEL HEINSIUS

*De Tragædia Constit. p. 156.*

MURETUS, quo post litteras renatas nemo sine  
affectatione elegantius scripsit,

CASPAR BARTHIUS

*Animadv. ad Papin. Ill. Theb. p. 857.*

DOCTISSIMO, elegantissimique eloquii superioris sæculi  
viro M. Antonio Mureto.

JOHANNES CASELIUS

*o. 8. de magistro dicendi p. 56.*

ROMÆ eodem tempore docuit M. Antonius Muretus,  
de cujus puro sermone, & priscæ notæ eloquentia  
multis verbis agere nec audeo, quod pro merito possum  
nec opus est quia per se nota res.

CHRISTOPHORUS COLERUS

*Epist. de stud. Polit. p. 210. ( edit. Buchn. cum  
Naudai Bibliogr. )*

MURETUS vel perorans, vel familiaris agens, co-  
ram Cicerone placeat.



D E D I C A T I O  
V O L U M I N I S I. O R A T I O N U M.  
S C I P I O N I G O N Z A G A E

*Marchioni, & S. R. I. Principi,*

M. A N T O N I U S M U R E T U S.

S. D.

**O**ffero tibi munus, Scipio Gonzaga, si aut ex sua, aut ex tua dignitate spectetur, perexiguum; si ex viribus meis mediocre; si ex animo, magnum. Orationes quædam sunt, variis a me temporibus habitæ: quas, cum partim dispersæ atque errantes vagarentur, partim apud me in adversariis neglectæ jacerent, nunc in unum corpus collectas ut edi ac divulgari paterer, amici quidam, multo mei, hac quidem in parte, quam par est, & quam ego ipse vellem, studiosiores impulerunt. Satis superque fuerat, earum partim in scholastico pulvere, atque in illis eruditorum hominum umbraculis, non tantum recto, ut dicitur, sterisæ talo, sed plausum etiam & *ἐπισημασίας* tulisse: partim in illo confessu, quo nullum habet terrarum orbis augustiorem, & silentio auditas, & principum virorum testimonio commendatas fuisse. Supererat fortuna spes meas: quam sæpius sine causa experiri, negant esse sapientis. Neque nescius eram, morosiora ac difficiliora esse legentium, quam audientium, judicia: sæpeque accidere, ut, quæ audientes mirabamur, eadem legentes rideamus. Sed quid facerem? Cupienti mihi jam latere, amici obstiterunt: quibus parendum fuit: ne si in negando pertinax essem, superbiæ denique id potius, quam modestiæ, adscriberetur. Cum igitur inibi esset, ut ederentur, libenter arripui occasionem diu optatam inscribendi tibi, ut nunc sit, aliquid depromptum ex studiis meis, eademque opera testimonificandi & iudicii de te, & mirifici cuiusdam amoris erga te mei. Vere enim hoc dicam. Scipio; cum omnes qui te norunt, ita te ament, ut eorum nemo sit, qui se studio atque observantia tui cedere cuiquam putet;

ego tamen mihi videor diuturna & ac urata notatione & observatione earum rerum, quæ te usque eo omnibus amabilem reddunt, singulare quiddam præter cæteros πεπονδῆναι. Quid est enim, quod ad conciliandas ac devinciendas hominum voluntates valeat, quin id in te omni ex parte perfectum reperiatur? Nihil hîc de summa atque antiquissima gentis vestræ aut nobilitate, aut potentia dicam: nihil de toto illo genere bonorum, quod ita tuum est, ut & aliorum sit. Alios & ista amatores habent. Ego in te nihil amo, nisi te ipsum. Itaque ut ille Rex potentissimus ex amicis suis alium dicebat esse φιλοβασιλέα, alium φιλαλέξανδρον: ita tu alios esse, qui & alia in te ament, me plane & ex animo φιλοσκηπτῶνα esse tibi persuadeas licet. Ac te ipsum cum dico ne illam quidem dico & oris & totius corporis dignitatem, quæ tibi omnium elegantiorum hominum animos primo statim adspectu conciliat, constituens, quoad ejus fieri potest, ante eorum oculos & ingenium, & mores tuos. Quamvis enim vere dixit nescio quis Poetarum, gratiorem in pulchro corpore esse virtutem: ea tamen est in te veriorum ac solidiorum bonorum copia, quæ te his secundæ, ut ita dixerim, notæ bonis censerî non sinant. Ingenium excellens, & in quo, tanquam in pingui ac feraci solo, omnes te digna artes ita facile comprehendant, ut eas non ab aliis accipere, sed ex te ipso parere ac proferre videaris. Quo tu usu ita ut decuit, a Græcæ Latinæque linguæ intelligentia, a Poetarum, Historicorum, Rhetorum cognitione ad Philosophiam, & ad eam, quam tibi ab ineunte ætate proposueras, quæque tibi nunc in amoribus ac deliciis est, Theologiam ea celeritate properasti, ut, quæ honoris ac dignitatis præmia confecto studiorum curriculo tribui ac decerni solent, ea tu nunc meritissimo consecutus sis, cum adhuc maturum videri poterat, de animo ad illas graviores disciplinas adjiciendo cogitare. Atque ut istius generis ingenium nunquam ita esse otiosum potest, ut omnino nihil agat: quod tibi dabatur a severioribus studiis excepti ac subsecivi temporis, eo tu, quasi ludibundus, eas artes, in quibus ingenui adolescentes exerceri olim Athenis solebant, ita omnes didicisti, itaque te in eis exercuisti, ut in earum qualibet cum summis artificibus comparari facile possis. Quid nunc ego mores illos tuos plane, ut Poetæ loquuntur, aureos laudem? Potuitne quisquam

unquam bonus tecum biduum vivere, tuæque suavitatis partem aliquam gustare, quin, ut sibi totam ætatem tecum exigere liceret, optaverit? Ita tu, quod rarissimi exempli est, summam integritatem vitæ cum summa comitate ac facilitate copulasti. Sed nolo nunc plura de te; ne ipsi tibi molestus sim. Ecquidem cum de scriptis meis non magnopere laborare soleam, tamen hunc libram præcipue cupio & celebrari nunc, & ad posteros pervenire; ut existeret aliquod testimonium iudicii de singularibus tuis virtutibus mei. In quo, ne forte quis eorum qui te non norunt, (nam de iis quibus tu notuses, nihil tale metuo) assentationi & consuetudini datum esse aliquid suspicetur; Deum immortalem testor, nihil unquam a me verius, magisque ex animi mei sententia scriptum esse, quam ea quæ de tuis laudibus scripsi. A te peto ut me ames; quo me ipsi mihi efficias cariorem. Vale. Romæ. Kal. Maji. 1574.

## DEDICATIO VOLUMINIS II. ORATIONUM,

FRANCISCUS BENCIVS

Societatis JESU

SCIPIONI GONZAGÆ

Cardinali S. P. D.

Quod facturus fuerat M. Antonius Muretus in edendo posteriore Volumine Orationum suarum, si adhuc viveret; quod post ejus obitum Fratr̃is filius summa spe & animi & ingenii adolescens, nisi immatura morte præceptus fuisset; id mihi viri optimi tibi que addictissimi M. Antonius Lanfrancus, & Ludovicus Rivaldus, ab hoc instituti hæredes ad pias causas, ut facerem, & valde quidem ex mea voluntate, persuaferunt. Tuæ enim Amplitudini destinatus liber exit in publicum, & velut posthuma proles te tutorem requirit: hoc perfecto justius, quo viginti abhinc annis germanum ejus fratrem in tuum patrocinium accepisti; hoc confidentius, quo a tuâ dignitate nunc ampliore majus sperare ornamentum & præsidium meritissimo potest.

Ne



# DEDICAT. VOLUM. ORATION. xxxvii

Neque verò tam diu distuliffemus expectatam a multis & expetitam editionem, nisi in conquirendis Orationibus, quæ partim in Mureti adversariis erant dispersæ, partim ab amicis fuerunt exprimendæ, (etsi non repertæ omnes, & harum aliquot imperfectæ) multum fuisset elaborandum. Hoc dum efficimus, quadriennium effluxit. Et sequentur deinceps alia divini illius ingenii monumenta. Utinam autem qualis tua erit tutela commendati operis, talis mea esset commendantis facultas! Ostenderem profecto, Mureti Orationes propter summam verborum elegantiam, & copiam rerum pulcher, rimarum tibi, viro eruditissimo politissimoque propriè commendatas, te & propter incredibilem magnitudinem animi, gravitatem, fidem sapienter delectum, qui earum commendationem susciperes, fuisse. Sed Mureti eloquentia laudationem meam non desiderat, & laus tua ita vere accurateque est a præstantissimo Oratore Viroque sapientissimo in Epistola ad prius Volumen expressa, ut ea adducti omnes, etiam qui non viderunt, singulares virtutes tuas admirari ac suscipere cogantur: quamquam mihi sunt & aliæ causæ, tum communes multæ cum meis sodalibus, quorum omnium eximia est erga te observantia, tum propriæ aliquot meæ. Tot enim exstiterunt tuæ erga me humanitatis argumenta, tamque illustria, ut magno opere lætatus sim, exstis-  
 se tempus, quo intelligerent omnes, & tu imprimis, Beneficium Mureti discipulum hoc etiam a Magistro didicisse, ut in Scipione Gonzaga Cardinale amando & colendo nemini concedat. Utriusque rei indicium erit novum hoc munus quod tibi, ut renovet memoriam mortui, & declaret voluntatem superstitis, ipsum vero sub umbra tui præsidii nunquam intereat, offertur. Vale, e Collegio Romano.

*Ex Epistola, ut videtur, Adami Sartorii, præposita Secundo Volumini Orationum Mureti, editarum Ingolstadt, anno 1600. ad Marcum Velsperum.*

**D**E scriptis vero illius (Mureti) quæ a multis abundante ingenio, & doctrina Viris mire sunt magnificeque laudata, illud affirmabo dumtaxat, non legenda esse modo, & iterum, iterumque summa diligentia volvenda, sed, quoad ejus fieri potest, etiam penitus ediscenda, iis præsertim, qui in mansuetiorum Musarum cultu; dicendique exercita-

tionē versantur. Quid enim hi quærant, quod in eis non invenient? eruditionem? reconditam habent, longeque supra vulgarem se efferentem opera Mureti: antiquitatis, priorisque ævi scientiam, atque notitiam? veterum memoriarum thesaurum illa, cornuque copię completuntur: orationis sive solutę, sive numeris illigatę, omnis generis lumina & ornamenta? abundant his Mureti, quę posteritati reliquit, volumina.

*Nonnulla ex eadem Epistola quę ostendunt, cuinam possimum hæc Mureti monumenta collecta debeantur: quę in suam etiam Prefationem Thomasius transtulit.*

**Q**UORUM editio, & qui inde in amœniorum studiosos litterarum manabit fructus, tibi, Marce Velsere, Duumvir amplissime, debet magnam partem in acceptis referri: quippe qui tanti Viri reliquias partim a testudiose collectas, partim ab amicis acceptas, magnęque cura conservatas, non tuas esse solius voluisti; sed, quę vis bonitatis est atque natura, communes omnium, quę earum desiderio tenerentur, & amore devincti.

*Tum de Mimis P. Syri.*

**E**T debentur tibi illę, quas ad eundem librum diximus factas accessiones: ut & Publi Syri Mimi emendenti, recogniti, aucti & locupletati, post omnium editiones, ut quam maxime & diligentissime, ope Codicis Frisingensis calamo exarati; qui beneficio tuo ad nos pervenit.

*Ex alia Epistola præmissa Commentariis Mureti ad Aristotelis Nicomachia, hæc item assert, in sua Prefatione, M. Jacobus Thomasius, eodem spectantia.*

**H**Æc ipsa elegantissima opuscula, quę hęc typis excussa damus, perierant, nisi illa Andreas Schottus Societatis Jesu, Mureti admirator, & sparsis Schediasmatis, quorum multis ipsius Mureti manu exarata erant, collegisset, thesaurique loco conservasset. ----- Quę bono publico litterario hic damus, si non emendatissime, ut voluimus, causa est, quod sparsa folia Sibyllę fuerint, male habitata,

bita, lacera, exosa, uno verbo, jam jam iteritura, nisi, de quo dixi, Schottus, & nobilis amplissimusque Dominus Marcus Vellerus, Duumvir Augustanus, illa ab inreritu vindicassent. Quibus tanto majores gratias habemus, quanto majore amore omnes docti omnia Mureti amplectantur, maxime ea, quæ lucem nunquam usquam viderunt: inter quæ propediem etiam quæ supersunt, ---- dabo: ut sunt Commentarii in primum & secundum Rhetoricorum Aristotelis, in Ciceronis libros quinque de Finibus, in primum Tusculanarum, in Orationem pro Dejotaro, in Officia Ciceronis.

*Atque in horum posteriorum Dedicatione vocantur ea.*

POSTHUMA Mureti, quæ suppeditaverit Bibliotheca Velferi. Quorum pars nunc primum (*tunc cum illa scribebantur*) lucem aspicit, a mortis limine revocata; pars In Germania, nisi fallor, in luminis oras exit.

*Loca quædam ex Præfatione*

M. JACOBI THOMASII

*ad res MURETI, & P. SYRI MIMOS pertinentia*

IN arte profecto dicendi MURETUM, cujus maxime gratia carus ipse nobis est, eximium confitemur; non quod hic plane nihil habuerit nævi, (non enim ubique abstinet ab ethnicis jurandi formulis, ac nescio an non in Orationibus quandoque periodos plus æquo prolixiores accusare liceat) sed quod non reperias, temere quem illi, si virtutes eloquentiæ congregatas spectes, quæ sane sunt multæ, anteponas. Perspicuus ipsi sermo fluit & purus, & concinnis verborum sua vibusque numeris aptatus. Porro quam elegans ubique dictio est! quæ venustas in tropis! quæ in figuris deliciae! quod robur in sententiis! Neque rerum ubertatem desideres, quoties ea, quod in Orationibus postulatur maxime, opus foret. Jam in Carmine pangendo quanta felicitas? Sive enim Elegiam scriberet, sive Epos, sive Oden, sive Epigramma, sive Scenæ aliquid accommodum, optimi cujusque



# EXCERPTA EX

que in quolibet genere magistri (d) nativam indolem agnoscas. Accuratioꝛ tamen exprimendo Comicoꝛum focco fuit habitus, quam Tragicoꝛum cothurno. Itaque cum *versiculos* aliquos ab se conscriptos, *Trabea affinxisset* Comico veteri, tam gemellus ille supposititiuꝛ partuꝛ apparuit vero, ut acerrimo etiam talium censoꝛi Iosepho Scaligero fraus illa fuerit persuasa (e). Sed vicissim evitare non potuit, quin ipsum, cum *Julium Casarem* efformaret *Tragædiam*, docti Viri (f) pedem in focco habuisse, & ad comicam dictionem subsedisse censerent: quamquam hoc ætati, qua *Tragædiam* illam juvenis admodum scripsit, (g) merito ignoscas. Sit hoc iterim positum, non ab uno eum scriptore, cuꝛus vestigia sequeretur, pependisse. Nempe ut multoꝛum in se virtutes ipse unus colligeret, quicunque prisca Latinæ facundiæ laude florerent, in his, quod haberet pretiosissimuꝛ quisque, id sibi putavit pro viribus imitandum. Nec enim uni Ciceroꝛi, (ut de Oratioꝛis soluto genere loqui pergam) mancipare se, (quamquam huic quidem præcipue similis esse laboravit) sed ex alioꝛum quoque lectione proficere voluit, qui post Ciceroꝛem ora in se atque studia hominuꝛum convertissent. Sane servile illoruꝛum, ridiculeque superstitiosuꝛum scribendi, genus, qui cane peꝛius & angue fugiunt non omne modo vocabuluꝛum; sed omnem quoque loquendi formulam, cuꝛus autorem laudare Tulliuꝛum, aut illi forte quemdam æqualem, non possint, Mureto cum sapere cœpisset, neutiquam se approbavit. -----

Et persuadere tamen Gaspar Scioppius (l) audent nobis, nihil minus de imitatione statuisse Muretuꝛum, quam quod verbis præ se ferre fuit solituꝛ, puta cum (m) *stultitia*,

(d) Multum opera se jam inde ab adolescentia posuisse in Tibulli ac Propertii virtutibus imitandis, fatetur ipse lib. III. epist. 12.

(e) Vide lib. I. Poem. n. 60.

(f) Heinſius de Const. Tragæd. p. 235. quem & vide p. 206. Voss. lib. II. Instit. Poet. c. 14.

(g) Vide locum Scaligeri infra lit. at.

(l) Judic. de stilo historico p. 64.

(m) Quod paulo ante præceñt apud Scioppiuꝛum, & vix aliunde depromptuꝛ videretur, quam ex illo Mureti, e quo hactenus descripsimus, capite Variarum, licet ipse Scioppius nulluꝛ certuꝛ designat Mureti locuꝛ.

virtute, temeritatis & arrogantia minime ferendâ eos condemnât quibus verba loquendique genera ab istius, (cujus Fabius fuit Quintilianus) ætatis Auctoribus usurpata, quoniam apud Ciceronem & æquales ejus non exstent, ei qui diligenter Latino loqui velit aut scribere, imitanda non videntur. Sed unde fidem, obsecro, Scioppius nobis facit, aliud ista scribendi Mureto in mente fuisse, quam quod profiteretur calamo? Manifestum enim est, inquit, omnibus qui libros ejus legunt, nihil eum magis cavisse, quam ne Ciceronis & æqualium ejus imitatione, non modo quod ad contextum verborum sive compositionem, sed etiam, quod ad ipsa verba loquendique genera attinet, vel tantillum discederet. Fatentur etiam omnes, tam feliciter & exsententia suam et studium illud processisse, ut non modo posteriorum, sed ne illorum quidem ullus, qui Ciceronis ætati supparet ac similitudinem fuerunt, puritate & elegantia eum vicerit. Sed verebatur scilicet, ne quid aliando sibi excideret, quod Tulliana puritate minus dignum foret, ipseque nonnullam ex eo existimationis apud Italos jacturam faceret. Cumque causam tale quid metuendi non unam fuisse Mureto, Transalpino videlicet homini, magna cum verborum profusione docere conatus fuisset Scioppius, sic denique sententiam suam concludit: (n) Cum igitur haud sugeret Muretum, si quid excidisse sibi, quod in Tullio ceterisque prima classis Auctoribus non exstaret, aut saltem limatissimo hominum Italorum judicio ab Auctorum illorum puritate desciscere videretur, magno se fore (in) periculo partem eloquentia laudem amittendi: hoc modo prudenter sibi cavere visus est, si quorum sententiam opera ipsa probabant, ab iis saltem verbo dissentiret: sic enim paratam sibi semper excusationem fore, se verbis, quæ minus locupletes Auctores habere videantur, non errore, sed judicio ac scientem uti. Grammaticus enim, ut ait Seneca, non erubescit, solacisimum si sciens faciat; erubescit si nesciens. Hoc vero non est, quam vocare velis in dubium, firmo aliquo argumento probare, sed somnium aliquod suum narrare. Cui facile sit nobis, si somniando confici res debeat, simile, sed quod a vero fortasse propius absit, somnium opponere. Dicemus enim, doluisse Scioppio, cum videret, illam Tullianam servitutem, quam ipse tantopere exoscularetur, omnibusque pro facundia Latinæ apice persuasam cuperet, adeo contemptim haberi a Mureto, maximæ viro in eloquentia celebritatis: ergo,

ut in suas ipsum partes vel invitum raperet, conatum esse, & simulatorem fecisse sententiæ non suæ: sive quod ipse Scioppius hoc ita esse, mutata priore sententiâ, crederet, (quæ enim grata sunt nobis, haud difficulter ea nobis perluademus) sive quod hoc saltem ab aliis credi, (ut fuit homo callidus) opinioni suæ conducere arbitrentur. Valeant somnia: rem ipsam videamus. Suspiciamus ergo, veritum esse Muretum, ne qua sibi vox imprudenti excideret non Ciceroniana? qui Ciceronem sic trivisset, ut in numero haberet non observata modo, sed & præterita Nizolio vocabula; qui non modo, quæ vox frustra in libris Tullii quæreretur exploratum haberet, sed, & cuius ego eadem foret, auctorem citare non unum posset: *Nam de illo Cœlitus, inquit, (o) me quod olim reprehensum memini a quodam, qui nisi quod Ciceronis esset, nihil Latine dici putabat. Itaque irridebat me non modo cum citarem Servium, qui persum illum & primo Georgicon:*

Si te digna manet divini gloria ruris  
ita exponit: Si tibi id concessum est cœlitus, ut gloriam ruris habeas: sed etiam cum multo meliorem istis omnibus Ciceronis imitatore *Lactantium*, cujus hæc sunt e libro V. *Institutiones*: Nemini dubium potest esse, quin is doctor qui cœlitus mittitur, tam scientia sit rerum omnium, quam virtute perfectus. Cui ergo tam exquisita constitit tallium quoque minutiarum ratio: cum nos ita meticolosum fuisse existimabimus? Age vero, demus Mureto (nihil enim humani ab se alienum putare debuit) metum illum, ne quid loquendo peccaret, quod auctoritate Tulliana defendere non posset: quænam sic peccanti crux fuit proposita? Si Scioppium audimus, illa, ne Ciceroniani hominis existimationem perderet apud Italos. Quasi vero aut unquam laboraverit Muretus numeri inter illa Ciceronis mancipia, aut horum, sive Itali essent, sive Hispani, de se iudicium fecerit magni: quos palam potius *inepro fastidiosos* appellantes, suaviter *deludentem*, *stultitiam* arguentem paulo ante audivimus. Verum & hoc largiamur Scioppio, voluisse omnino Muretum & illis accenseri simiolis Tullianis, & apud hos hanc ipsam sibi laudem conservare: quid hanc ad rem excogitari potest ineptius, quam



quam contraria omnia non voce tantum, sed exemplo profiteri, & factum hoc aduersus obloquentes defendere, idque non lusus gratia, (nullum enim in illa tota narratione joci vestigium est) sed ut rem maxime teriam. Solent tamen, inquit Scioppius, Grammatici a solœcismo, si scientes faciant, non metuere laudis, quam affectant, imminutio. nem: quare Muretum quoque credibile est, si qua sibi contaminata vox elapsa esset forte, id egisse, ut saltem, quod imprudens fecit, putaretur sciens fecisse, ne cogeretur erubescere. Inscita comparatio! Grammaticus, si hallucinatus est, ut existimationem suam tueatur, faretur solœcismum, non defendit serio; joco se ait fecisse, aut studio explorandi, num satis subactas aures attulerint Auditores. Nihil horum Muretus. Quoties ea lecutus esset, quibus, quod ex Tullio hausta non forent, alia tanquam lapidibus auriculas sibi contundi quærententur; non agnovit, se lapides pluisset, neque ludendi consilio tantandive animo factum excusavit, sed morum reprehendentium se arguit, quibus lapides censerentur, qui flosculi essent, quibus præ Ciceronis infano amore Tacitus, Curtius, Lactantius velut barbari sorderent. Necesse est ergo fateamur, aut vere sensitse Muretum, quo præ se tulit, aut Simæ Tullianæ gloriam absurdissima ratione custoditum ivisse. Quam riddendi stuporis notam si recuset Muretus, concludemus, eam Scioppio, cui tanta ista defensionis absurditas prudens cautio est, jure meritissimo deberi. Nos vero somnium hominis omittamus tandem, & ad vigilias nostras veniamus. -----

Id vero nequaquam reticendum hic nobis, non studio labefactandi aliena, sed amore verum eruendi compulsis, Benciana quædam refelli in Fabulæ Burdonianæ Confutatione a Josepho Scagliero (ao). Occasio hæc fuit: Caspar Scioppius, ut Josephum Scalgerum, Patri suo, cum Aginnum venissent, neminem fuisse, quo cum sermonem de literis fereret, perhibentem, falsi convincere, ad Bencium provocaverat, qui Muretum ibi habuisse, misisset in  
lit-

(ao) *Hic enim Confutationis illius, cui alias nominis alieni I. R. Batavi, Juris Studiosi, (videlicet ut Janus Rutgersius intelligitur) notas perfixerat, verus auctor est: quem se ipse Josephus confutetur rum alibi, rum, clarissime Epiſt. 433. qua Grutero inscripta est p. 793.*

litteras (ap). Hanc a se criminationem sic molitus Josephus (aq) (libet enim locum integrum describere: ) Quam vera autem de Mureto dixerit, idque Bencii testimonio confirmare conetur, cum tunc Aginni degisse, argumento fuerit annus is quo Oratio (Julii Cæsaris Scaligeri patris) in Erasmus, una cum ea Epistola, (qua quaeritur, in illa litterarum vastitate, neminem habere se qui cum caput conferat) edita fuit. Qui quum esset CHRISTI MDXXXI, Muretus tunc erat tantum annorum quinque, & in Lemovicibus agebat. Bencius autem Vir doctus, & amantissimus ingenii, qui si viveret, neque Amphitheatro (Sciopii) Tartareo, neque ejus structoribus sociis suis favisset, multa per conjecturam de Mureto dixit, tam incredibilia, quam a vero remota. Cujusmodi illud, Muretum adolescentulum Aginni docuisse (ar) Res ita habet: M. Antonius Muretus, annos natus XVIII, Aginnum venit Julii salutandi causa: unde digressus, ad Auscio Novempopulania sese contulit. Ubi in Collegio Archiepiscopali Ciceronem & Terentium docere cepit, quo tempore Eclogas in laudem Cardinalis Armeniaci (as), & Tragoediam suam Julium Cæsarem (ar) in illa urbe edidit. Hinc profectus in oppidum Niriobrigum, cui nomen Villanova, dirissimi Mercatoris de Brevant liberis profectus, in schola publica illius oppidi auctores Latinos interpretabatur. Anno autem aetatis suae XX, cum illis pueris, discipulis suis Aginnum secundo venit, Julium salutandi causa, semel antea visum, sed satis notum litterario commercio: eosque pueros cum Mureto Joseph. (au) memini domi vidisse se annos natum sex. Bis aut ter postea exceptus hospitio a Julio, idque diem unum aut biduum tantum, ingenii sui praestantiam, cujus specimen per litteras dumtaxat dederat, colloquio familiari comprobavit. Ex illo, quia eum nosse propius contigerat, Julius amare eum cepit, & ejus doctores animi Senatoribus Burdegabensis curia,

per

- (ap) Quare in Vita Mureti lit. d.  
 (aq) Confut. Fav. Burdon. p. 450. seqq. Ed Lugd. 4. 1617. cum aliis.  
 (ar) Iterum in Vita Mureti lit. c.  
 (as) De his lit. dr.  
 (at) De qua supra lit. g.  
 (au) Loquitur de se Josephus Scaliger in tertia persona, tanquam de alio, quia noluit haberi Author illius scripti. Recurre ad lit. ao.

per litteras commendare, ut non aliter eum, quam filii nomine appellaret quum Burdegalam, relicta schola Villanovana, profectus, ibi in una classum Gymnasii Aquitanici doceret circiter annum CHRISTI MDXLVII. Neque ex eo unquam aut Aginnum repetivit, aut Julium postea vidit. Quomodo igitur Aginni, aut quando docere potuit, qui in tribus perfectionibus vix sex septem dies ibi substitit? Burdegala Lutetiam, Lutetia Tolosam petiit, ubi Juris Institutiones quum exponeret exercendi causa, ut tiro-nibus Juris mos est, inde abire coactus (ax), Venetias se contulit. Quare quæ Benci-us de eo retulit, quia ex conjectura collegit, ea non solum falsa, sed etiam interdum ridicula sunt: ut, quo ait, Regem Henricum & Catharinam Muretum publice docentem audire voluisse (ay). Nunquam enim in Athenæo r. gio, seu in Gymnasiis docuit. Neque causa erat, cur diceret, eum Tolosæ Juris Civili docendi primum facultatem, deinde etiam potestatem accepisse (az). Quod quid sit non capio. Hoc scio, si ille, ut putat Benci-us, facultatem & potestatem Juris publice interpretandi Tolosa accepisset, non opus illi fuisse eam Asculo petere, ut Jus Roma publice proficeretur. Quo tempore enim Ludovicus Rupipozeus Roma sub Gregorio XIII. Christianissimi Regis Legatus agebat, Muretum Asculum elamperiisse, & lauream Juris consecutum fuisse, tam multis notum, quam mirum est, Benci-um ignorasse, qui eo tempore Roma erat. Reliqua, quæ finxit non pauca, libens mitto. Hæc Josephus Scaliger. ---

Nec plura eo ex libello (Editione Luteriana Mureti Poematum) transtuli, non quin possem, sed quia nolebam vitam prorogare & opodiosius illis, (dk) quæ & ipse postea damnasset Muretus (dl), & removenda fuisset Manutius (dm). Una cum illis deserui & elegiam ad Duarenum (dn) haud dubie juvenilem & ipsam, quæ & impotentiam suæ libidinis

pro-

(ax) Hac de re aliquid Jan. Nic. Erythraus I. Pinacotheca p. 13. non satis aperte tamen. Verum eadem & per nos lateat. Pertinent hæc & ea quæ ad lib. I. Poem. p. 50. notavimus.

(ay) Quare in Vita Mureti lit. e.

(az) Ibid. lit. f.

(dk) Quæ leguntur ibi p. 20. 23. 24.

(dl) Vitam ejus vide circa lit. h.

(dm) Epist. ad Murei. quam hic habes lib. IV. Epist. XL.

(dn) Quam illic dare poterat p. 21. Qui te Romani.



propudiose confitetur Muretus, & miscet quædam, unde superstitionem discas citius, quam pios & honestos mores. Quæ culpa & Galliambum illum quem, nescio an alibi quærendū, Commentarius ejus in Catullum (do) suggerebat, in visum reddidit mihi. Sapit ethnicismum; tinnit res amatorias: ut videri queat studio compositus, qui, si res ferret, Gentilium alicui Poetæ; quod non insolens Mureto; (dp) supponeretur. Fragmentum vero illud ex ode quadam ad Anastasium Jusbertum, quod olim in Variis Mureti (dq) notaveramus, tanti non erat, ut, qui tota caremus oda, non etiam tribus cur versibus carere videremur posse. Nam & Eclogis in laudem Cardinalis Armeniaci scriptis (dr) æquo animo carendum est nobis. ----

Sic ergo denique & ad *Mimos Publianos* processit oratio, ultimam totius operis nostri partem. Quos ab Ingolstadiensi editione, non quod ad Muretum proprie spectarent, sed quod eidem, cui bona pars secundi Voluminis deberentur, Marco Velfero (du), semel admissos, ita retinuerunt Lipsenses quoque nostræ. Quibus hanc renovatam pauperiorem esse nolimus, præsertim cum prodesse scholishi Mimi non minus queant, quam quæ scripsit Muretus. Omnino tamen existimo, pretium operæ facturum, si quis eos separatis emittat chartis, quæque in iis sic, ut hætenus factam est, recusa morari docendi pariter ac discendi celeritatem possunt, aut alias corrigi merebuntur, ea in feliciorum induat faciem. Nam nos quidem hic nihil præstitimus, nisi quod e diversorum codicum collatione mendas pro virium facultate sustulimus, & in notis, quod bis positum esset, semel tantum legi jussimus (dx); quod luxatum fuit sedi resti-

(do) P. 153. edit. Lugdun. A. 1559. Hedera cōnam revinctus. Carpunt alias in eo Galliambo viri docti, quod utramque priorem in tēnētum syllabas ab Horatio productas corripuerit (p. 154.) Taubmannum vide de dissert. de Lat. ling. p. 93. edit. Voiteb. A. 1602. & Lexic. Barthmeri voce Temetum.

(dp) Quare supra circa lir. e.

(dq) Lib. V. c. 16.

(dr) Recurre supra ad lir. as.

(du) Respice ad ea, quæ sup. paulo ante lir. r. e. Denicatoria ad Velferum descripsimus.

(dx) Ut locum Seneca, sic satis prolixum, qui legebatur ad verbum non modo 165. sed & 558.

restituimus (dy), nonnullibi & uno alterove verbulo sensui lucem intulimus. Quibus autem modis putemus, meliorem istum libellum de postero fieri posse, hæc sunt fere. Primum juvabit perficere, ut textui notæ, saltem in eadem pagina, per partes copulentur; deinde ut emendationes luculentæ recipiantur in textum; tum ut vitium numerorum, quod aversu 406. \* (qui perperam inde usque a prima Ingolstadtensi 405. numeratur) ad finem usque proserpit, tollatur; idque non in textu tantum, sed etiam in notis: quod jam nos fecissemus, nisi festinandum fuisset. Imo vero per totum libellum alia numerandi ratio ineunda fuerit, si velis eliminare sententias, quæ metro carent, jam diu nota † signatas, vixque dubium quin intrusas ab hominibus ineptis. Verum hic & illud cavendum, ne simul ejicias qui veri sunt versus, ut illum 224. cruce quidem hic signatum, sed nullo suo merito. Est enim trochaicus & rectissime, ut putamus, ita legetur:

*Ex sava anima adversione nulla Regi gloria est.*

Ac fortasse crux illa sequenti sententiæ pedibus solutæ destinata in hunc per errorem incurrit: quæ tamen ipsa in qualemcumque migrabit jambum, si ita constituas:

*Ex spe præmi laboris fit solarium.*

Vicissim providendo, ne versus idem sub diversis litteris; cum in alteram ex vitiata lectione hastenus irrepserit, bis legatur. Quales habeo duos illos sub litteris H. & I.

v. 308. *Honestæ turpido est pro bona causa mori, & v. 318. Istum tacentem crimen facias acrius.*

Jam enim ante hi legebantur, & quidem emendati sub E. & F.

v. 200. *Est honesta turpido pro bona causa mori, & v. 233. Factum tacendo crimen facias acrius.*

Neque deerit eruditis, quod hinc inde porro emendent, aut illustrent. Salmasius (d.) ceterum 265. ita rescribit:

*Frugalitas incerta est rumoris boni:*

ut

(dy) *Ut qua ad n. 616. cum alii conjungenda legebantur in calce totius libri.*

\* Immo tam in Versibus, quam in Notis manat hic error, a versu 401. cui appositus est numerus 400. usque ad versum 815. tantum. Verumtamen in hac editione Cominiana sui numeri suis locis redditi sunt.

(dz) F. 1132. ad Solin.

XLVIII EXCERPTA EX PRÆFATION.

ut sentus sit, laudari eam ab his, ab illis culpari, cum alias pro *incerta* legeretur *inserta*, aut *miseria*. Nos quoque versum 309. sic tentabamus:

*Honesta parcas improbo; ut parcas probo.*

Illud utique, non careas, pro, parcas, versum vitiat. Congruit autem sensus cum v. 437.

*Malo etiam parcas, si una est periturus bonus.*  
Habebam de hoc genere plura. Sed hoc jam non ago.

*Ex Dissertatione quam legero est in Operum Mureti  
Veronensis editionis tomo 1.*

Nobis indicio fuit clarissimus Vir Joannes Gulielmus de Berger Polonius quædam alia Mureti scripta terrarum alicubi degere; speramusque, ea, sive eorum aliquid perventurum ad nos, quod ita Deus taxit, ut in editione hac nostra publici juris faciamus.



omn  
Nam  
tate  
deric  
effi  
duct  
non  
quoa





MARCI ANTONII  
MURETI  
ORATIONUM  
VOLUMEN PRIMUM.

DE DIGNITATE AC PRÆSTANTIA  
STUDII THEOLOGICI,

ORATIO PRIMÆ.

*Habita Lutetia Parisior. Non. Febr. MDLII.*



Um omnes mihi singulari quadam, ac præcipua laude digni videntur, qui in assequenda honestarum artium scientia operam & industriam suam collocant; tum ii præcipue, qui veluti majore quodam numinis afflatu percussi, cæteris omnibus posthabitis, ad divinarum rerum intelligentiam omnes cogitationes suas, atque omnia studia contulerunt. Nam si eorum omnium, quæ in hac immensa rerum universitate cernuntur, unumquodque naturali perficiendi sui desiderio tenetur: & animus noster ad similitudinem divinitatis effusus tanto perfectior est, quanto propius ad illud, ex quo ductus & propagatus est, exemplar accedit: dubitari profecto non potest, quin ea sit omnium præstantissima facultas, quæ, quoad ejus fieri potest, cum humanis divina copulando, mortali-

## VOLUMINIS I.

talitatem nostram, quantum illius imbecillitas patitur, divi-  
 nę naturę arctissima colligatione devincit. De illius mihi  
 facultatis laudibus, hodierno die, demandatum est ab iis, quo-  
 rum & apud me plurimum valet, & apud omnes peręque va-  
 lere debet auctoritas, non ut eas quidem sigillatim percen-  
 sere omnes, ac flore orationis convestire conarer, (quod &  
 imperare iniquum esset, & suscipere temerarium) sed ut ex  
 earum innumerabili copia pauca quędam sceligerem, de qui-  
 bus ex hoc amplissimo loco, nobis audientibus, explicarem.  
 Qua de re cum mecum initio ageretur, refugiebant equidem  
 tanti oneris magnitudinem, veritus, ne idem mihi contin-  
 geret, quod nobili olim Sophistę apud Annibalem de rebus  
 bellicis longa accurataque oratione disputanti contigisse di-  
 citur: si homo adolescens, & cum cęteris rebus satis te-  
 quiter instructus, tum in hoc genere penitus rudis, inter-  
 tot eruditissimos viros, ad dicendum de rebus divinis aggre-  
 deret. Illud etiam me commovebat, quod pręclare a Pla-  
 tone scriptum noveram, orationi, & iis rebus, quę oratione  
 tractantur, quandam inter se cognitionem intercedere oport-  
 ere, ex quo facile intelligebam consequi, ut ad res divinas  
 pro dignitate tractandas divinum quoddam requireretur  
 orationis genus. At ista quidem, re adhuc integra, fortassis  
 majore quadam cautione providenda fuerint: nunc quidem  
 jam semel altum ingressis, quę nos cumque tempestas exce-  
 ptura est, vela nimirum facienda sunt. Illud modo ante,  
 quam ulterius provehar, a vobis summo opere contendo, ut  
 quando omne mihi perfugium in vestra bonitate ac clemen-  
 tia situm est, tenuitatem meam vestro favore, & silentio  
 subleveris, quo mea oratio his veluti secundis subvecta ven-  
 ris, quem sibi proposuit, portum facilius consequatur. At-  
 que ut hinc exordiamur, si nihil diceremus aliud, nisi eam,  
 quę antiquissimo vocabulo Theologia dicitur, scientiam esse  
 se quandam, quę divinę sapientię thesauros hominibus re-  
 cluderet, tamen illud, ut opinor, liquido constaret, quante  
 æterna nativis, immortalia caducis, divina humanis ante-  
 cellunt, tanto esse hanc facultatem cęteris omnibus ante po-  
 nendam. Sed quemadmodum qui pręclari alicujus ædificii  
 pulchritudinem pervidere, ac penitus cognoscere cupiunt,  
 non satis sibi esse ducunt illud uno totum aspectu contem-  
 plari, sed singulas etiam sibi partes accurate perlustran-  
 das, ac seorsum considerandas putant: ita nos, si hujus præ-

stan-

stantissimæ facultatis partes paulisper excutere voluerimus, tum demum, quanta illius pulchritudo sit, intelligemus. Theologia igitur, viri eruditissimi, ut a majoribus nostris accepimus, duabus præcipuis partibus continetur, quarum una in Lege posita est, altera in Evangelio. Est vera ea Lex, de qua loquimur, non ab humano profecta consilio, neque similis earum, quæ hominum libidine statuuntur, in quibus multa inepte ac ridicule, nonnulla etiam impie ac nefarie sancta reperias, sed primum quidem ab illo hujus universitatis parente, ac opifice Deo in omnium hominum impressa, atque insignita animis, post etiam ejusdem Dei digito in tabulis insculpta lapideis, ne improbis ulla prætendendæ facinoribus suis ignorantia occasio relinqueretur. Cumque eam in duo summa capita tribuere liceat, eorum prius, quæ ad cultum numinis, posterius, quæ ad tuendam hominum inter se societatem pertinent, omnia summa brevitate complectitur. Atque hinc vel imprimis naturæ nostræ imbecillitatem licet agnoscere, quod cum pauca admodum, eaque suapte natura facillima præcepta sint, semper tamen deficiamus alicubi, neque unquam stabilem, inoffensumque cursum perpetuo retineamus. Tremefactus itaque comparatione sui cum divinis præceptis animus, Christo se indigere cognoscit, in cujus sinum confugiat, cujus se viribus provehat, sub cuius bonitate, tanquam sub firmissimo aliquo clypeo, tutus ab iis, quæ Lege proposita sunt, suppliciiis delitescat; ut rectissime Paulus Legem pædagogum, qui nos veluti manu apprehensos ad Christum deduceret, nominasse videatur. Est nunc Lucianus aliquis: perfricet frontem, & dicat ullam esse legem, quæ cum hac Lege ulla ex parte comparari queat. Quid enim? Quæ, Deum immortalem, portenta in omnibus omnino iegibus, si ab hac discesseris, reperiuntur! Quarum aliæ furta, aliæ adulteria, aliæ etiam quædam multo turpiora permittunt, ut nihil pene tam turpe sit, quod non legislator aliquis licere voluerit. Hanc vero sapientissimus ille Moses, non a Jove quodam commentitio, ut Minos; non ab Apolline, ut Lycurgus; non ab Ægeria, ut Numa; sed ab eo, qui solus veri Dei nomine censendus est, sibi per manus traditam accepit, ita numeris omnibus absolutam, ut nihil neque immutari, neque adjici, neque detrahi possit. Sed ea tamen, uti antea dixi, morbum quidem nostrum commonstrare ac detegere nobis potest; depellere eundem, ac



# VOLUMINIS I.

4  
 sanare non potest. Morbi autem cognitio magnam ea quidem vim, maximumque momentum ad vires recuperandas habet, neque tamen tantum, ut in ea posita sint omnia. Quare Evangelio nobis Christus aperitur, qui, modo firma in ipsum fide nitamur, non vana illa quidem, & otiosa, quam multi stulte, & inaniter jactant, sed solida, & bonarum actionum perpetuo fecunda, nos, velut humeris suis impositos, tollit in cœlum. O rem omni prædicatione majorem! O nuntium vere jucundum & lætabilem! Cum humana natura primi parentis depressa lapsu pesselum tota ferretur, tantam fuisse in filio Dei clementiam, ut delapsus ex cœlo, humanam formam induere voluerit, ut corporatus, ac carne tectus infinitis sese laboribus, cruciatibus, ærumnis, morti denique deterrimæ, atque acerbissimæ exposuerit, quo sudore ac sanguine suo ab animis nostris durissimum jugum æternæ depelleret servitutis. Tene, Christe optime, ut nos liberali causa assereres manu, omnium dominus cum esses, servi formam assumpsisse? Tene nobis quietem tuis laboribus, libertatem tuæ servitute, vitam denique tuæ morte peperisse? Admirantur historiæ veteres Pythagoreum quemdam, qui se pro amico in causa capitis vadem dare veritus non est: at hoc quanto admirabilius est, Dei Filium, Deumque ipsum, ut nos merito nostro inimicos sibi, æternis eriperet suppliciis, tot, tam dira, ac vel dictu, vel cogitatu aspera, & horribilia sustinere voluisse! Et quisnam est, qui alias omnes, si in unum conferantur, scientias cum hac, qua ista tam pulchra, tam admirabilia, tam divina traduntur, ullo modo comparanda putet? Hæc vero una est omni cura, studio, contentione dignissima. Hæc una est non tam liberalis vocanda, quam liberatrix. Hæc aurea illa catena est, qua cum cœlestibus terrestria copulantur. Hæc scala illa est, quam olim, per quietem sanctissimus Patriarcha vidit, cujus gradibus in cœlum scandere liceat, atque illic Deum intueri, admirari, adorare, demittentem semetipsum ex augustissimo illo majestatis suæ fastigio, seseque accomodantem ad humanæ conditionis humilitatem: rursusque eundem defunctum nobili illa servandorum mortalium provincia, spoliatisque inferis (o rem omni humana cogitatione sublimiorem!) in cœlum sublimem raptum, vallatumque ac stipatum infinitarum geniorum concinentium, cum hominum de caliginosissimis illis Satanæ ergastulis erutorum multitudine, justo ac pleno

## O R A T I O . I .

pleno triumpho cœlum ingredientem, neque disiecta muri parte, sed valvis suo sanguine reclusis, iter eodem nobis omnibus aperientem. Atque hæc quidem quamvis ejusmodi sunt, ut ad excitandum, inflammandumque quemlibet torpentem animum sufficere posse videantur; tamen ex tam ubere campo alia quædam, nisi molestum est, proferamus. Vere enim illud asfirmare posse videor, eruditissimi viri, quemadmodum Platonici elementorum in corporibus cœlestibus quendam veluti florem, in hisce inferioribus quendam veluti sæcem esse dicebant: ita rerum omnium cognitione dignarum in Theologia florem, in aliis scientiis sæcem contineri. Namque ut hinc nostra se primum efferat oratio, quis nescit, quantopere se in perscrutandis rerum principiis veteres Philosophi torserint, quamque nihil, si res ad verum exigatur, effecerint? Dum alius mundum hunc, & quicquid in eo vel aspectabile, vel tractabile continetur, putat ex temeraria quadam minutissimorum corporum concursione coaluisse: qui si vel unam earum, quas somniabat, atomum cerebri habuisset, nunquam ista tam stulte, incogitanterque scripsisset: alius æternum esse eum, neque desitutum unquam neque exordium ducentem ab ullo temporis principatu, non animadvertens hac ratione illam, a qua ipse tantopere abhorrebat, infinitatem induci: qui vero optime sensisse creduntur, tamen Deo veluti comitem quendam materiam adjungunt, quasi ut artifex, ita Deus sine materia nihil possit efficere. Quid Theologi? hujus universitatis auctorem esse, ac effectorem Deum, qui cum innumerabilibus sæculis antecessisset, quo temporis puncto ipsi placuit, mundum hunc, & quæ illius ambitu continentur, sine ullis vestr bus, sine ullis fferamentis, sine ulla materia, verbo tantum, ac nutu suo ex nihilo architectatus est: eumdenque assidue sua bonitate, ac prudentia continet, moderatur, fovet, omnes in eo rerum ac temporum varietates, vicissitudines efficit. Quod statos orbium cœlestium cursus, quod certas siderum trajectoryes, quod constitutis vicibus insignes ac notabiles rerum commutationes intuemur, hæc & cætera omnia ad eum modum non fortunæ temeritate, aut vi ulla materiæ dirigi, sed divina providentia temperari. Contemplemur & alia. Quid de animo humano Philosophi? Alius eum cor ipsum esse dicit, alius cerebrum, alius cordi suffusum sanguinem, alius spiritum innatantem sanguini, alius harmoniam quam-

dam, alius eum ex numeris conficit, alius ex atomis, ut mihi quidem ista consideranti certamen aliquod infantiae suscepisse videantur. Ita ex hoc tam confuso, tam vario, tam multiplici reterrimarum opinionum veluti cinno, nihil ferre colligere possumus, nisi semper copiosissimam messem hominum varie infantientium fuisse. Nam nonnulli quidem edicunt, ut eos in re tam seria risum captare, atque aucupari putes, ut apud Dicæarchum Phercerates, qui animum nihil omnino esse contendit, veritus credo, ne quid posset tam absurde aut fatue dici, ut id nemo dixisset Philosophorum. Illa vero multo etiam apud eos perturbatior, atque implicatior quæstio est, permaneatne animus corporeis solutus vinculis, an qui corporum, idem sit interitus animorum. Epicurus interire eos putat, nefas ratus, cum tam multa sibi cum suis convenirent, se hoc uno ab eis interesse. Stoici longam eis vitam, ut cornicibus, sed non perpetuam tribuunt. Pythagoras vero jucundus est, qui remanere illos quidem docet, sed ex corporibus in alia corpora migrare, ut idem sit forte hodie gallus gallinaceus, qui tempore belli Trojani fuerat Agamenon. Quid Plato? Quid Aristoteles? de hoc quidem illud Homericum dici potest:

Τυδείδην δ' ἐν ἄν' γαίῃσι ποτέροισι μετῆν,  
 Ἢ μετὰ πρῶτῳσιν ὀμιλῶσι, ἢ μετ' Ἀχαιῶσι.

Obscuritate enim se involvens sua in neutram partem satis aperte propender, ut pæne in legem Solonis incurrere videatur: Ille autem proxime quidem omnium accedit ad veritatem, sed etiam multa mendacia admiscet, ut non absurde dicant, qui eum dicunt poetice philosophari. Quid porro de iisdem rebus Theologi? Animum hominis simplicem quamdam & individuum esse naturam, ad exemplar divinitatis expressam, licet ortus participem, tamen interitus expertem, quæ corpore soluta, si se pure ac pie gesserit, in cælum evolet, æternam illic Dei beneficio adeptura felicitatem; sin se malis, iisque inexpiabilibus cupiditatibus corrumpendam dederit, ad inferos nunquam delictis damnanda suppliciiis deprimatur. Quod si quæ de Deo a balbutientibus Philosophis dicta sunt, cum solida Theologorum doctrina comparare collibuerit, reperiemus hoc quidem certa omnia, & explorata, & salutaria tradere: Illos vero neque satis, quid dicant, intelligere, & credula ingenia perniciosissimam-



simarum opinionum laqueis implicare. Itaque quod Homerus de Thiresia, Cato de Scipione dixit, idem de Theologia dici potest, eam videlicet sapere solam, reliquas disciplinas, velut umbras per inane volitantes vagari. Quod si quis eam, quæ ex levioribus studiis percipitur, amœnitatem requirit, ne eam quidem in feracissimis Theologiæ campis frustra consideraverit. Nam siue poeticis modulationibus aures demulcere meditatur, quis unquam ita in hoc genere excelluit, ut cum Davide comparatus non sordeat? Nisi forte Orpheum, Homerum, Pindarum de levissimis plerumque nugis verba fundentes audire præstat, quam illum Deo acceptissimum regem, nunc Dei laudes plena hilaritatis oratione referentem, nunc ejusdem auxilium in summis suis difficultatibus implorantem, nunc insectantem improbos, nunc commendantem probos, nunc ea, quæ multis postea sæculis contigerunt, ita subjicientem oculis, ut nullus ea melius Apelles in tabula expingere potuisset. Sive historiæ cognitione ducimur, unde veriores, unde scitu digniores historias, quam ex sacris litteris repetere poterimus? An vero suavius est cognoscere quid Cræso in Medos, quid Pyrrho in Romanos expeditionem paranti oblique Apollo, quam quid Mossi ad Pharaonem, quid Samueli in Palestinos proficiscenti, aperte ac perspicue Deus ipse responderit? Quo modo Regulus a Carthaginensibus, quam quomodo Servator, & *Σωτήρ* humani generis Christus, a Judæis omni crudelissimorum suppliciorum genere divexatus fuerit? Jucundiusne, aut fructuosius arbitramur intelligere, quibus artibus Assyrii, Persæ, Romani cæteras nationes devicerint, quam quibus augustissimi illi religionis nostræ principes, alique deinceps innumerales, eorum vestigia secuti Christianæ ditionis terminos ampliaverint? O hebetes & stupidos, aut, ut verius dicam, miseros & perditos, si qui harum rerum suavitatem, fructumque non sentiunt: Contra vero o ter & quater beatos illos, quorum ita est affectus animus, ut nusquam suavius, quam in his studiis conquiescat: non eos aut inanum dignitatum, aut fluxarum opum adurit sitis: non eos voluptatum illecebræ molliunt: liberi, & pravis omnibus cupiditatibus soluti, ex illo perenni puteo aquam æternæ vitæ effectum hauriunt: ex illis perpetuo virentibus campis flores suavissimos colligunt, ex quibus, qui odores afflantur, *ἡρώδης* non est intermorigata suavis: Deo servant,

Deo adherent, ius tantum gloriæ velificantur, eo fruuntur, quæque olim plene percepturi sunt gaudia, ea iam nunc mente ac cogitatione percipiunt. Ergo siue domi, siue foris versentur, cum Deo assidue colloquuntur, siue prosperis rerum utantur successibus, eidem ut prosperitatis suæ auctori gratias agunt: siue quid eis adversi accidit (quamquam quid ejusmodi viris accidere adversi queat?) Sed tamen si quid eis accidit earum rerum, quas vulgus adversas vocat, neque indignantur, neque concidunt animis, sed verbo divino sese solantes, quidquid a Deo immittitur, summi beneficii loco habendum esse ducunt. Proh Deum immortalem! quid est, si hoc non est feliciter vivere; & in terris vitam cœlestium imitari? O vitæ Theologia dux, o virtutum omnium parens, vitorum expulseris, animorum liberatrix: Quid sine te non modo nos, sed omnino vita hominum esse potuisset? tu depravatas impurissimis opinionibus hominum mentes, velut de integro interpolasti: tu distractos, dissipatosque variis idolorum cultibus homines in unius veræ Religionis societatem convocasti: tu magistra morum ac disciplinæ fuisti: ac veluti solex oriens, nubium caliginem dissipat: veluti sidus, quod Castoris & Pollucis dicitur, exortu suo maris rabiem placat, tempestatesque dispellit: ita tu divinitus exorta & tenebras ignorantiae dissipasti, & illo tuo salutari fulgore procellas veterum superstitionum dispulisti. Tu nobis velut Helice aut Cynosura quæpiam es, ad quam universus navigationis, id est, vitæ nostræ cursus dirigatur. Tu ignis ille cœlestis es, quem verus ille Prometheus, id est Christus in terras attulit, sine quo vita constare non potest. Tu & vitæ tranquillitatem largita nobis es, & mortis terrorem sustulisti. Beatos igitur, qui ad te, tanquam ad portum, confugiunt: beatos, qui se tibi a teneris unguineulis penitus totosque tradunt: miseros contra, qui, ut proci Homerici, ancillarum amoribus irretiti, te, quæ omnium artium domina es, negligunt. Tu enim earum rerum scientiam proferis, quarum plena cognitio æternam beatitudinem, ignoratio æternum exitium hominibus pollicetur. At vos, viri optimi, quos partim hujus præstantissimæ disciplinæ verticem consecutos, partim illius sacris imbutos, atque iniciatos videmus, macti, inquam, macti animis, neque vos aut labor deterreat, aut voluptates avocent, quo minus in sacratissima illius adita penetretis. Vobis

enim

# O R A T I O I. 9

enim vigiliarum sudorumque vestrorum, & magna his inter homines præmia, & infinitis partibus majora sunt in cælo divinitus constituta. DIXI.

## D E L A U D I B U S L I T T E R A R U M.

# O R A T I O II.

*Habita Venetiis Mense Octobri Anno MDLIV.*

**Q**Uæ singula hominibus ad dicendum accedentibus timorem facere consueverunt, Patres amplissimi, vosque cæteri cives ornatissimi, ea mihi sese hodierno die obijciunt aniverfa. Sive enim loci amplitudo afferre perturbationis aliquid potest, Venetiis dicimus: sive audientium dignitas, magna lectissimorum hominum adstante frequentia dicimus: sive ipsa orationis materia, dicendique conditio, ita dicimus, ut sit nobis eodem tempore de ingenio, de doctrina, de gloria, ornamentisque omnibus in hoc litterarum certamine periclitandum. Venetiis dicere, si quisquam est, qui parum putet, eum necesse est in maximarum, earundemque toto orbe notissimarum rerum ignorance versari. Ecquis enim est hodie tam inaccessus, tam ab omni hominum consortio remotus in terris locus, quo non hujus præstantissimæ civitatis fama pervaserit? quis populus, quæ gens, quæ hominum natio vel tam immanis atque barbara, vel tam exulta disciplinis atque artibus, quam non jam pridem florentissima Venetorum Respublica non gloria modo & splendore nominis sui, verum etiam admiratione compleverit? Hæc vero firmamenta Reipublicæ, hæc ornamenta Italiæ, hæc virtutum omnium, laudandorumque artium præclarissima lumina intuentem, non commoveri, tantum id quidem est, ut, nondicam in meam hanc mediocritatem ingenii, sed vix in quemquam hominem, qui cæterorum de se judicia extimescat, cadere posse videatur. Etenim si eloquentissimos olim viros accepimus, cum ad dicendum venissent, unius principis aspectu ita conturbatos fuisse, ut obmutescerent: quid mihi tandem animi esse oportet, qui neque comparandus cum illis omnino sum, & apud vos dico, Senatores amplissimi, ad quos cum oculorum converto aciem,



aciem, totidem mihi confessum Principum videor intueri? Ac cæteri quidem sæpe ad eam excusationem confugiunt, ut se, cum tenuitatis suæ conscii essent, tamen vel necessitate, vel officio impulsos, vel amicorum sive precibus, sive tempore aliquo adductos, dicendi munus non tam appetivisse, quam detrectare non potuisse dicant; quam totam rationem nobis hodierno die ipsa rei natura, conditioque præcludit. Non enim detrectantes, sed ultro nobis deposcentes hanc dicendi provinciam, ad eam non alienis precibus impulsu, sed vestra incredibili benignitate admissi sumus; ut si minus ex aliqua parte nostra vobis approbata fuerit industria, causa nulla sit, quin omnes accusandam potius nostram temeritatem, quam imbecillitatem sublevandam putent. Equidem cum & ab ineunte ætate, tum domesticis excitatus exemplis, tum ipsa hortante natura, honestarum artium studia coluerim, & ubi primum per ætatem licuit, quæ mihi meo ipse labore pepereram, aliis tradere ingressus, novem prope jam annos in hac dicendi, ac docendi exercitatione consumpserim: tamen superiora illa considerans, ita commovebar animo, facile ut hoc potuerim abstinere consilio, nisi me huc summa de vestra singulari humanitate concepta spes & magna quædam approbandæ vobis, si minus eruditionis, at certe voluntatis meæ cupiditas impulisset. Ac mihi quidem, & ,cujus rei causa in hunc locum adscenderim, & ad quos verba facturus sim, cogitanti, prorsus ita videtur; nullo in argumento meam commodius orationem posse versari, quam si, litterarum disciplina quantum non ornamenti solum, verum etiam præsidii bene temperatis civitatibus afferat, tum adhibitis rationibus, tum etiam exemplis, atque ex veteribus seculis repetita memoria exponam: minime id quidem, quo vos, tales viros, commonefaciam, excellentibus a natura ingeniis præditos, a studiis liberalium doctrinarum eruditos, a diuturno assiduoque magnarum rerum usu peritos: sed quia libenter facio, ut, quarum artium percepta scientia unumquemque vestrum vehementer affici constat, earum animos vestros jucunda commemoratione delectem. Quæ cum ita se habeant, mihi que ipsa per se delectæ ad dicendum materiæ dignitas facis magnam audientiam factura videatur: tamen magis consuetudine, quam quod ita necessarium judicem, petam a vobis, ut mihi, res

pulcherrimas brevi oratione comprehendere meditati, ex-  
guit temporis attentionem ne denegetis. Magna omnino vis,  
magnumque momentum positum est in litteris, viri amplissi-  
mi, ad conservandas, bonisque cumulandas omnibus civita-  
tes. Nam cum felicitas publica, ad quam humana omnia re-  
ferenda sunt, e singulorum civium felicitate consistat: sin-  
gulorum autem felicitas in excolenda, exercendaque virtu-  
te præcipue sita sit: & ad perfectam virtutem consequen-  
dam, necessariam quamdam præcursionem adhibeant litte-  
ræ: illud profecto consequitur, ut, nisi in qua litterarum cul-  
tura vigeat, florere absolute civitas nulla possit. Ponite vo-  
bis ante oculos omnes ætatis humanæ partēs; omnem publi-  
corum temporum varietatem; omnes instituendæ vitæ ra-  
tiones & vias animo & cogitatione percurrite: nullam om-  
nino reperietis, quæ non ita litterarum auxilio indigeat,  
ut, eas si quis sustulerit, solem ipsum de mundo sustulisse  
videatur. Hæc nos, ubi primum firmitus incedere, atque  
articulatus loqui cœpimus, de ipso prope nutricum acce-  
ptos sinu, titillatione quadam honestissimæ voluptatis alli-  
ciunt, allestis præceptis saluberrimis complent: non tan-  
tum bene dicendi, verum etiam bene vivendi commonstrant  
vias: excitant in animis nostris igniculos gloriæ, quantus  
sit in virtute splendor, quanta in vitiis deformitas, edocent:  
quæ qui semel bene penitus imbiberint, ii nunquam non  
postea & vitii turpitudinem omni studio refugient, & offi-  
cii honestatisque rationem rebus aliis omnibus anteponent.  
Ut autem in semente posita ipse messis est, ita totius reli-  
quæ vitæ expectatio ab educatione pueritiæ pendet. Ut  
vero infirmam illam ineuntis ætatiæ teneritatem robor  
adolescentiæ exceperit, quæ tandem alia res aut animum  
præclararum rerum studio accendere, aut effertentibus se-  
se cupiditatibus, quibus ea pars insigniter agitari solet, fre-  
nos injicere, præter litterarum tractationem, potest?  
Themistoclem olim, cum somnum capere adolescens non  
posset, dicere solitum tradunt, se Miltiadis trophæo,  
quiescere volentem, excitari. Quanto eos acrius incendi,  
atque inflammari necesse est, qui quotidie non unius, sed  
innumerabilium hominum virtute præstantium trophæa  
non e marmore constituta ad exigui prædicationem tem-  
poris, sed ad omnem æternitatem commendata litteris  
intuentur? Neque vero pertimescendum est, ne aut la-  
lore

bore frangantur, aut voluptatis irretiantur illecebris  
 ii, qui ætatis suæ florem litterarum studiis dedican-  
 dum esse statuerunt. Tanta siquidem est oblectatio paula-  
 tim acquirenda cognitione rerum sese pascentis animi, ut,  
 ea qui fruuntur, ab iis neque laboris tædium, neque  
 avocantium voluptatum blanditiæ sentiantur. Itaque sa-  
 pienter poetæ, cum cæteros omnes deos Veneris imperio  
 subdidissent, in Minervam modo & in studiorum præsi-  
 des Musas, nihilei, nihil Cupidini juris esse voluerunt.  
 Quin etiam illud ab iisdem memoriæ proditum est, Jaso-  
 nem olim, cæterosque Argonautas, cum eam insulam, quæ  
 ab amœnitate, florumque copia, nomen invenerat, præ-  
 ter navigarent, periculumque esset, ne molli, ac delicato  
 Sirenium cantu, quæ eam insulam incolebant, ad exitium  
 perducerentur; unum in Orpheo perfugium habuisse: qui  
 cum assedisset in puppi, simulque fides blandis impellere  
 digitis, simul vocem illam, qua rupes nemoraque traxe-  
 rat, explicare cœpisset, tanta simul aures animosque au-  
 dientium voluptate complevit, ut iam Sirenium vocibus ne-  
 mo navigantium moveretur. Hoc figmento, quid tandem  
 aliud doctissimi homines, nisi id, quod nos volumus, indi-  
 carunt? Florida videlicet illa insula, juvenus est. Eam qui  
 quasi prætervehuntur, magno in periculo sunt, ne Sire-  
 num, id est voluptatum blanditiis decepti, & a recto iti-  
 nere abducti, in vada & scopulos deferantur. Quodnam igitur  
 huic tanto periculo comparatum remedium est? Quod?  
 nisi Orphei, optimi ac sapientissimi vatis, lyra? cujus sua-  
 vitatem qui percipiunt, ii, & Archeloidum cantus pro nihi-  
 lo putant, & tandem institutum illud iter emensi, vellus  
 aureum, id est virtutem cum immortali conjunctam glo-  
 ria consequuntur. Nimirum ut major lux minorem, ita mi-  
 noris voluptatis sensum perceptio majoris extinguit. Quan-  
 to autem voluptas ea, quæ discendo sentitur, cæteris om-  
 nibus major sinceriorque sit, vel illud indicio est, quod  
 aliarum etiam quis plurimum tribuunt, satietatem ramen  
 quamdam esse, ac tædium, consentunt; hujus ut quisque  
 percepit plurimum, ita eam acrius, atque avidius concupi-  
 scit. Quod si cui forte dubium est, prodeat in medium Chry-  
 sippus, qui sæpe studio intentus tanta voluptate perfrue-  
 batur, ut eum tanquam extra se positum cibi potionisque  
 caperet oblivio. Prodeat solertissimus ille cœlestium or-  
 bium



bium non perscrutator tantum, sed etiam imitator, Syracusanus Archimedes, qui non modo earum rerum, quas natura fert, præ ea, quam capiebat e studiis, oblectatione memor non erat; sed in illa ipsa Syracusanæ urbis direptione, ita defixus erat in studio, ut prius hostilis gladii cuspidem corpore exceperit, quam urbem in hostium potestatem venisse sentiret. O rem omnium sæculorum admiratione dignissimam! Diripiebatur urbs ea tempestate omnium opulentissima; effusi per vias milites, ut in quemque inciderant, sine ullo sexus, ætatis, ordinis discrimine obvios contrucidabant; undique gladiatorum fulgor præstringebat oculos; undique armorum sonitus, undique cadentium telorum fragor audiebatur; puerorum ejulatus, mulierum lamentis, morientium gemitibus, militum clamoribus, privata publica que omnia circumsonabant; ipsa urbs pæne dimota & convulsa sedibus suis, fuorum civium in cæde ac sanguine natabat: cum unius hominis mens in media civitate, civitatibus ipsius casum ac ruinam non sentiebat. Solonem vero accepimus, cum in lectulo, morti proximis, decumberet, inaudissetque assidentes amicos, de re quapiam, submisit, ne ipsi molestiam parerent, disputantes, erecto, ut posuit, jam semimortuo capite, rogasse eos, ut aliquanto loquerentur clarius; sibi, si etiam moriens aliquid discere potuisset, discessum e vita jucundiores fore. O discendi cupiditas, quid non efficis, ubi semel generosa ingenia occupasti. Tenebatur homo sapientissimus gravissima vi morbi defixus in lecto: vicinitate jam morbis ab omnibus pæne corporis partibus sensus abscefferat: ægregius ille animus, mox liber ac solutus futurus, e corporeis vinculis exsilire cupiebat: cum quidquid supererat virium, eo contulit, ut deficiente lingua, vocibusque interruptis, ac morientibus suum doctrinæ, cognitionisque desiderium indicaret. Quid hunc verisimile est firmum ac valentem fecisse, qui ne mori quidem, nisi discendo, voluerit? Merito igitur tam diu floruit Atheniensium Respublica, quam diu tam præclari viri tenuit disciplinam. Sed; ut eo redeamus, unde nos facta præclarissimorum hominum mentio paulisper abduxit; dici profecto non potest, adolescentes nobilissimi (vos enim, vos mea jam compellabit oratio) dici, inquam, non potest, ea studia, in quæ nunc toto pedore incumbitis, quanto olim vobis & ornamento, & auxilio

xilio futura sint, cum vos & generis vestri nobilitas, & vestra virtus ad reipublicæ gubernacula admoverit. Etenim quibus artibus civitates præcipue conservantur, pietate, iusticia, fortitudine, imprimisque prudentia, earum sunt omnium artium quasi semina litterarum prodita monumentis. Neque vero hæc a me ita disputantur, ut contendam, nisi litteris eruditum, civem patriæ utilem esse neminem posse: sed hoc dico; nisi litteris exculti sint ii, qui velut in Reipublicæ puppi sedentes, clavum tenent, multis eos muneris sui, iisque præcipuis partibus necessario defuturos. Nam, cum duo publicorum temporum genera sint, unum pacis, alterum belli, quorum alterum semper optabile est, alterum nunquam optabile, nonnumquam necessarium: quomodo (ut hanc partem priore loco attingamus) in pace, civibus jura describere, quantum cuique tribuendum sit, intelligere, civium inter se dissidia componere; verba publice facere, legationes cum laude gerere, præterita tenere, futura prospicere, quid in omnibus rebus factu optimum sit, videre; & ex aliis alia colligere poterit, nisi qui hæc sibi de litterarum fontibus haurienda omnia existimaverit? Nisi vero eorum recipienda sententia est, qui fieri putant posse, ut qui reipublicæ præest, quamvis litterarum sit expertus, tamen ad eas res, quas modo enumeravimus, aliena opera non incommode utatur. An vero, T. Manlium Torquatum, memoriæ proditum est, cum consul declaratus fuisset, excusasse valetudinem oculorum, & summum Imperium detrectasse, quod indignum duceret, ei capita ac fortunas cæterorum committi, qui alienis oculis omnia gerere cogeretur: qui alieno ingenio, alienaque lingua ad omnia uti necesse habebunt, si satis ad gubernandos cæteros idonei videbuntur? At oculorum quidem lumine carentes, nihil prohibet acie ingenii etiam futura cernere, optimeque consulere: quales in fabulis Thiresiam, in historiis Appium legimus: cujus vero doctrinarum luce careat animus, quid is tandem gerere, quid suscipere, quid cogitare præclarum potest? Sed sunt quidam homines, qui cum litterarum tractationem tranquillis pacatisque temporibus & honestam imprimis & utilem esse fateantur: iidem tamen cum occupata bello aliquo civitas est, latere eas, quasi perterritas metu, & inter tubarum lituorumque clangorem, nullum sui amplius præbere usum arbitrantur. Quorum nobis hac in par-

te coarguendus error est, & quantum vel in medio bellorum tumultu litteræ valeant, aperiendum. Etenim si corporis tantum, non etiam animi, viribus bella gererentur, tum isti fortasse aliquid dicerent: nunc quis est, qui cum mihi & maximum esse in bellis consilio ac prudentiæ locum, & eas virtutes bonæ ex parte litterarum studio comparari, certe quidem insigniter augeri, confirmarique concesserit, idem tamen earum scientiam in bello inutilem esse contendat? An ignoramus celebre illud regum regis Agamemnonis votum, qui ut Troja facilius potiretur, non Achillis, aut Ajacis, sed Nestoris decem similes optabat sibi? Neque temporis nobis ad vivendum a natura præscripti ea longitudo est, neque ita fert humanarum rerum ratio, ut multis admodum bellis interfuisse unus idemque possit: itaque qui unum alterumve spectarunt, multum sibi militaris prudentiæ collegisse existimantur. Quid eos judicabimus, qui hoc sibi diuturna librorum evolutione pepererunt, ut omnibus, quot post hominum memoriam gesta sunt bellis interfuisse videantur? Quod si quis ita bella aliquot spectare posset, ut utriusque partis consilia teneret, rerum administrandarum viam, rationemque cognosceret, eventus animo cerneret, qui non ei postea in rebus bellicis omnium consensu tribueretur: at hæc omnia, qui versantur in litteris, aliaque plurima, ac pulcherrima otiosi sedentes consequuntur. Taceo, quam multa expressa sint eruditissimorum hominum scriptis de virtute, de gloria, de charitate patriæ, de animorum æternitate, de præmiis, quæ post mortem manent eos, qui se pro patria animose, ac fortiter gesserint: quæ tantam vim habent, ut neque qui ea ignorent, veræ laudis habere gestum, neque qui tractant, veræ ac solidæ gloriæ ullam omnino rem anteferre possint. Quid illud, an non quantivis est, quod sæpe labantes jam ac deficientes exercitus eloquentium hominum voce legimus fuisse revocatos? Citetur testis Lacedæmoniorum civitas, cujus exercitus Tyrtæi poetæ versibus inflammatus, pulcherrimam illam de Messeniiis victoriam reportavit. Dies medeficiet, si aut eruditos homines, qui bellicis laudibus præstiterunt, aut fortissimos Imperatores, qui eruditionis & doctrinæ gloria excelluerunt, enumerare instituam. Nam & Architam Tarentinum sexies exercitum duxisse comperimus, & Melissum navalibus aliquot victoriis insignem fuisse, & ter



stipendia fecisse Socratem, & Platonem, & Xenophontem egregiam in bello civibus suis operam præstitisse. Quid illa propugnacula Græciæ, Periclem, Themistoclem, Epaminondam loquar? Quod illa Romani Imperii columnina, Scipiones, Lucullos, Fabios, Marcellos, aliosque innumera- biles proferam? quos omnes cum bellicis laudibus claros, tum præstantes doctrinæ studiis fuisse, historiæ loquuntur. Nam Julium Cæsarem, quis nescit, utra laude præstaret, ambiguum posteris reliquisse? Brutus autem, quanto litterarum ardore flagraverit, vel ex eo colligi potest, quod ea ipsa nocte, quæ mortem ipsius antecessit, Platonis dia- logum de animorum immortalitate legisse aliquoties, dici- tur. Atque hoc præclare olim intellexisse videntur Mity- lenæi, præcipuam esse in Rep. vim litterarum, qui, quos populos bello devicerant, nullam eis aliam poenam irroga- bant, nisi ut ne liberos suos litteras edocerent. Sciebant videlicet eas tantum civitates florere posse, in quibus litte- rarum studia colerentur. Cujus rei cur tandem aliq̃de exem- pla repetamus? An vero, cives, quod viget hodie vestra Respublica, quod floret, quod beata est, quod cum cæteræ orbis universi partes gravissimis bellorum tempestatibus agi- tentur, una hæc (quod ei Deus Opt. Max. proprium, ac perpetuum faxit) in pace, atque in otio conquiescit, aliunde id fieri creditis, quam quod ei & præsent homines cum cæteris omnibus, tum hac eruditionis & scientiæ laude clarissimi, & semper eorum simillimi præfuerunt? Odine Plato, tua sunt omnia & dicta & cogitata præclare. Tu dicere solebas, tum demum Respublicas beatas fore, cum eas aut Philosophi cœpissent regere, aut qui regerent, philosophari. Tuum hoc sapientissimum oraculum perpe- tua jam mille amplius annorum felicitate Venetorum Res- publica comprobavit. Equidem quo longius in altum eve- hor, patres amplissimi, eo mihi amplior & patentior ora- tionis quasi cursus ostenditur. Sed & temporis me ratio, & vestra singularis sapientia, ut vela contraham, pos- tumque tandem aliquando respiciam, monet. Neque enim credibile est, posse aut me, aut quemquam de litterarum præstantia, fructibusque, qui ex earum tractatione capi- untur, vobiscum melius, aut copiosius, quam unum- quemque vestrum secum loqui: & mihi non tam orationis conquirenda copia est, quam vestra satietas refugienda.

Ita-

## O R A T I O II. 17

Itaque finem dicendi faciam, si vos prius etiam atque etiam rogavero, ut si forte minus a me ornate, ac copiose dictum est, quam & hujus loci amplitudo, & summa audientium dignitas postulabat, meum tamen idcirco placendi vobis studium ne improbetis. Ego quidem si non indignus a vobis qui sæpius audiar, judicer; erit, quod mihi magnopere gratuler; sin forte: sed reprimam me; neque committam, ut meis ipse votis videar male ominari: qui tamen a tot, tam præclaris viris, tanta benignitate auditus fuerim, magnum mihi non hujus modo laboris, sed totius antea vitæ fructum hodierno die vestro singulari beneficio videor consecutus. DIXI.

DE UTILITATE AC PRESTANTIA LITTERARUM HUMANIORUM ADVERSUS QUOSDAM EARUM VITUPERATORES.

## O R A T I O III.

*Habita Venetiis postridie Non. Octob. Anno MDLV.*

**P**ermultos esse intelligo, qui de his Litteris, quæ Humaniores vocantur, eam animo imbibere sententiam, ut earum tractationem leve quiddam esse, ac nugatorium existiment: neque aut magnos admodum labores ab iis suscipi, qui eas juventuti tradant, aut eorum magnopere fructuosam esse Reipublicæ industriam: in eis denique non exquisitam ullam, ac reconditam, sed circumforeneam quamdam, hauriamque de triviis ac circulis requiri doctrinam putent. A quibus ego quoniam ita dissentio, ut ex omnibus, qui se aliquid docere profitentur, horum vel gravissimum munus esse contendam; neque ullos esse, qui aut laborum plus perferant, aut majores in Republica pariant fructus; doctrinæ denique a nullo hominum genere majorem aut copiam requiri, aut varietatem arbitrem: constitui hodierno die, Patres amplissimi, vosque cæteri viri ornatissimi, eam mihi ad dicendum materiam sumere, & nobilissimam studiorum partem, quantum id quidem in me positum erit, a contemptu atque ab intolerabili ineruditorum hominum insolentia vindicare. Et vero quid aut huic tempori, aut omnino meo muneri facere convenientius possum, quam ut, quæ mihi studia celebra-

tis aliquid cum aliis in locis, tum hac ipsa in civitate pepere-  
 runt; a quorum ego veluti fontibus ad hanc quamtulamcum-  
 que profluxi hominum famam; iis quoque vicissim oratione  
 mea splendoris ac claritatis afferre aliquid coner? Præser-  
 tim cum qui hoc litterarum genus aspernantur, facere nullo  
 modo possint, quin de vestra, Patres amplissimi, singulari,  
 spectataque in omnibus rebus, ac pæne divina sapientia non  
 nihil eadem superbia detrahant. Etenim si hæc tota res tam  
 levis est, quam isti eam videri volunt: quæ vos tandem cau-  
 sa commovit, ut proximo superiore anno, propositis publice  
 libellis, studioforum hominum animos ad nobilem illam in-  
 genii doctrinæque contentionem excitaretis, utque iis, qui  
 vobis in eo certamine probati essent, honestissimum postea  
 præmium ex erario decerneretis? quæ certe una res ad coer-  
 cendam istorum temeritatem satis ponderis habere debebat:  
 ut si hebetiores eos natura, stolidioresque finxisset, quam  
 ut pervidere harum rerum præstantiam possent; quod ta-  
 men vestro, talium virorum, iudicio probatum foret, ma-  
 gnum esse aliquid, ac præclarum suspicarentur. Sed quo-  
 niam cum iis, qui auctoritate non moventur, rationibus  
 agendum est: adeste animis; mihi que breviter ostendenti,  
 quam varia, quamque multiplex eruditio requiratur in iis,  
 qui litteras humaniores docent, eademque opera, quantos ex  
 eorum nativitate atque industria Respubl. percipiat fructus,  
 non aures modo, sed mentes quoque attentas, quæso, paulisper  
 adhibere. Atque adeo, ut hæc tota controversia melius  
 dijudicetur, operæ pretium est, initio, quænam sit istorum  
 contemptorum humanitatis oratio, cognoscere. Qui quo-  
 niam eos, qui hasce litteras tractant, ad nullum fere majoris  
 momenti negotium adhiberi vident, non ad iudicandas lites,  
 non ad agendas causas, non ad dicendam de rebus graviori-  
 bus sententiam: facile in eam opinionem prolabantur, ut ab  
 eis, præter poeticas quasdam fabulas ad pueriles animos hi-  
 larandos compositas, & aliquot levia comendæ ac poliendæ  
 orationis præcepta, nihil omnino teneri putent. Quid au-  
 tem magni negotii est, inquirunt, in puerorum confesso de  
 ejusmodi figmentis commemorare, ac modo de Thebano,  
 modo de Trojano bello, modo de Ulixis, aut Æneæ errori-  
 bus molli, & ad inanem oblectationem composito sermonis  
 genere disserere; identidemque velut e quibusdam arculis  
 accommodata colorandæ orationis pigmenta depromere? Ec-  
 quæ



quæ autem magna eruditio est, scire, quot navibus Græci ad oppugnandum Ilium accesserint; quot filios habuerit Priamus; Helenam rapuerit Alexander, ut Homerus, an Helenæ simulacrum, ut Euripides prodidit? Quod emolumentum ex istorum omnium scientia; quod detrimentum ex ignorantia percipi potest? Nam cæterarum quidem artium professores quantum utilitatis afferant, per facile est ad intelligendum. Sive enim dialecticos spectes; ab iis certa quedam veri falsique in rebus omnibus cognoscendi ratio traditur: ii se, quid cuique constantium sit, quid repugnans, quid ex quoque efficiatur; quæ sit dividendi, quæ finiendi, quæ argumentandi ratio, & tenere, & alios docere præferunt. Quid Physici? qui rerum principia causasque tractant; qui, quomodo quidque gignatur, quoque modo intereat, edisserunt; qui nimborum, fulminum, tempestatumque causas; qui corporum coelestium magnitudines, intervalla, cursus, progressiones, institutiones: qui animi naturam, qui rationem sensuum, qui animantium omnium ortus, victus, figuras; qui stirpium, qui omnium ferme rerum, quæ gignuntur e terra, natures ita persequuntur, nulla ut pars ab eis Cælo, mari, terra, ut poetæ loquuntur, prætermissa sit; hæc cum tractant, mediocriterne Reipublicæ profunt? Nam si ad eos te convertas, qui eam susceperunt Philosophiæ partem, in qua de rebus expetendis fugiendisque disseritur; ii vero sunt, quorum industriæ nulla unquam poterunt præmia satis ampla reperiri. Quibus enim, quamque præclaris in rebus eorum disputationes consumi videmus! Qui hoc primum docent, qui sit finis, quid extremum, quid ultimum bonorum omnium, quod unum intueri, quo omnes actiones, omnes cogitationes, omnia consilia referri oporteat, quot sint virtutum, quotque vitiorum genera, quibusque modis illas assequi, ab his declinare possimus; quo modo exultanti, jactantique se, & detrectanti rationis imperium, frænos injicere oporteat cupiditati; tum quo modo quisque se in re familiari gubernanda gerere debeat, proletem quo nihil pulchrius, nihil præclarius, nihil denique divinius, ne votis quidem conceptis optari potest, quibus moribus, institutis, legibus temperandæ sint civitates; quibus illæ modis fundari atque institui, quibus augeri, atque amplificari, quibus denique copiosissimæ, locupletissimæ, uno verbo, beatissimæ effici possint. O res præclaras, & ardentissimo studio,

summaque corporis atque animi contentione dignissimas! Q  
 vita Philosophia gubernatrix! O virtutum omnium parens,  
 vitorum omnium expultrix! Tuum est falsarum opinionum  
 temeritatem diripere: tuum est omnem inanitatem & erro-  
 rem amputare, ac circumcidere: tuum est vitiorum fibras  
 evellere, stirpes elidere, semina extinguere. Merito divinus  
 Plato nihil te præstantius hominum generi a diis immorta-  
 libus dari potuisse dicebat. Eant tunc isti verborum magi-  
 stri, fabularum interpretes, nugarum architecti: perfricent  
 frontem, si quam habent, & se ulla ex parte cum Philosophia  
 doctoribus conferendos esse prædicent. Qui si aliquod forte  
 paulo abstrusius loquendi genus, aut aliquam voculam non  
 ita pervulgatam, aut quampiam paulo reconditiorem fabu-  
 lam reperire potuerunt, dignos se inaurata statua putant,  
 nonnunquam etiam de ejusmodi tricis ita inter se digla-  
 dantur, ut pro aris & focis certamen suscepisse videantur.  
 Hæc fere est, Patres amplissimi, eorum, qui studia labore-  
 que nostros deprimere conantur, oratio: qui quod Philoso-  
 phiam laudant, libentibus id nobis, atque approbantibus fa-  
 ciunt: nunquam enim cuiquam concedemus, ut eam plus  
 amet, plurifve faciat: quod autem nullum censent studiis  
 atque artibus nostris cum ea esse commercium; in eo quanto-  
 pere fallantur, facile ex iis, quæ dicturus sum, intelligetur.  
 Nam primum omnium, si hoc ipsis concederemus, nihil aliud  
 a nobis, quam poeticas fabulas, & exornandæ orationis  
 præcepta tradi: non ex eo tamen efficeretur, quod isti vo-  
 lunt, inanem quamdam, & ludicram nostram omnem esse do-  
 ctrinam, neque alio, quam ad puerorum animos vana qua-  
 dam oblectatione demulcendos, referri. Etenim poetarum  
 fabulæ, quas isti tantopere exagitant & insectantur, non  
 levia quædam, & frugis expertia otiosorum hominum com-  
 menta sunt: immo vero sub eis, velut involucris, atque in-  
 tegumentis, omnis doctrina elegans, omnis ingenuo homine  
 digna cognitio, omnis denique sapientia continetur. Era-  
 tosthenem quemdam fuisse ajunt, qui poeticen ita contemne-  
 ret, ut Homerum ineptæ loquacitatis magistrum nomina-  
 ret. At certe Plato, ac Aristoteles, quorum non paulo major  
 est, quam nescio cujus Eratosthenis autoritas, ita sæpe  
 reperitis ex eo testimoniis utuntur ad confirmanda ea, quæ  
 tradunt, ut eum non tantum studiosissime legisse, sed vix  
 nunquam de manibus deposuisse videantur. Itaque mirari  
 soleo,

soleo, cum quidam, qui se Philosophos videri cupiunt, & quidem ejusmodi Philosophos, ut, tanquam Atlante cœlum, in Philosophiam supercilio suo niti putent, ita despicatui ducunt poetas, ut eorum scripta aspicere se dignari negent. Qui quidem cujusmodi Philosophi sint, ipsi viderint: cum eos contemnant, quos Philosophorum coryphæus Plato, modo sapientiæ patres ac duces, modo deorum interpretes, modo deorum filios vocat. Aristoteles autem, cujus isti se germanos esse interpretes gloriantur, non tantum, ut ante dixi, in omnibus scriptis suis identidem poetarum testimoniis utitur, verum etiam libro primo de sapientia, Philosophum omnem, fabularum amatorem esse confirmat. Quod igitur Aristoteleos esse se ajunt, fortasse verius, sine dubio quidem verisimilius dicerent, si se ab Epicuro esse affirmarent: hunc enim ex omni memoria unum fuisse Philosophum accepimus, qui cum omnem elegantiam doctrinæ, tum poetarum præcipue scripta contemneret. Quod quidem se, negligendis poetis, ex Aristotelis disciplina ac familia censi volunt: in eo, meo quidem judicio, faciunt & impudenter, & imperite. At enim id mihi hoc tempore propositum non est, ut de poetarum laude dicam: quod si esset, facile ostenderem, omnia præcepta vitæ, omnia virtutum officia nihilo ab eis deterius, quam a Philosophis ipsis, doceri. Non igitur, cum poetarum libros interpretamur, inanibus fabellis, nutricum more animos ducimus; sed fementem quamdam virtutis acque doctrinæ facimus: non in levibus, minimeque frugiferis rebus operam fumimus; sed præcepta sapientiæ, quo facilius in animos influant, insatiabili quadam admirabilium rerum varietate condimus. Quid? cum ornate ac copiose loquendi præcepta tradimus, ludere videmur, an ea docere, quæ semper principem locum in omni bene instituta civitate tenuerunt? an nescimus, eloquentiam a gravissimis auctoribus rerum omnium reginam vocari? hæc enim est illa virtus, quæ quamlibet in partem arbitrato suo flectit audientium animos, eosque pulchritudinis suæ splendore obstupefactos, quibusdam velut habenis numerosæ orationis regit. Hæc illa est, quæ consolatur mærentes, afflicti excitat jacentes erigit; quæ sceleratis exitio est, innocentibus præsidio, improbis terrori, probis ornamento. Hac Cicero fretus Catilinæ furores, & nefarie in patriam ingita co-



sila dissipavit. Hac togatus superavit armatos: ut vel inimicorum confessione omnibus triumphis majorem adeptus lauream diceretur. Hac instructi qui sunt, majus omnibus Tyrannis imperium in homines obtinent. Siquidem Tyranni possunt illiquidem corpora constringere; animis nullam adhibere vim possunt: hi vero dominantur in animis, quæque ipsi honesta atque utilia videntur, ea non facere modo alios, sed etiam velle cogunt: illi invitis imperant, hi volentibus: illi & oderunt omnes, & odiosi sunt omnibus; hos in omne hominum genus beneficos, perpetua omnium benevolentia comitatur. Neque vero non qui eloquentiam contemnere se simulant, illius præstantiam intelligunt: sed quod assequi non queunt, invidiose vituperare malunt, quam ingenue de imbecillitate suarum virium confiteri, Orationis igitur meæ summa eo redit denique; etiam si nihil aliud a nobis requireretur, quam ut explicaremus poetarum fabulas, & juventuti quasi vias, quibus ad dicendi facultatem pervenire posset, indicaremus; tamen neque mediocriter Reipublicæ prodesse nos, neque parvis in rebus contemnendisque versari. Nunc tantum abest, ut ea solum requirantur a nobis, ut nulla sit ars digna hominis liberaliter educati studio, cujus non aliqua cognitione oporteat tinctum esse eum, qui munus hoc cum laude sustinere meditetur. Itaque hoc inter nos & alios interest, quod alii eos tractant scriptores, quorum uno aliquo de genere tota disputatio est. Non enim fere in libris Dialecticorum, Physicorumve, aut in iis, quibus medicinæ, jurisve civilis scientia continetur, quidquam reperias, cujus intelligentiam non ex illis ipsis, de quibus inscripti sunt artibus repetere possis: at nobis ii quotidie sunt explicandi libri, qui cum scripti sint a viris omni scientia exculitis: ipsi quoque innumerabiles locos ex omni disciplinarum genere depromptos habent. Itaque cæteri etiam si eam unam artem teneant, quam docent, aliarum omnium sint omnino rudes, tamen sufficere posse suo muneri existimantur, neque unquam aut medico turpe habitum est, nescire leges; aut jurisperito vel medicinam, vel astrorum scientiam non tenere. Nos uni sumus, quibus omnis illa liberalium artium varietas non pertractanda quidem, ac pernosceda penitus, sed degustanda tamen, & delibanda necessario est. Non longe abierimus. Superiore anno Ciceronis orationes in Verrem interpretati sumus. Quam multa ibi nos explicare me-

minérunt, qui tum aderant, in quibus alios propemodum omnes juris civilis ignoratio fefellerat! Libros ejusdem de finibus nunc (*ita*) ipsum interpretandos suscipimus. Quam multa nobis ex omnibus Philosophiæ partibus depromenda erunt, quibus ignorantis, hos quoque libros ignorari necesse est! Quid astrorum ratio? Quid terrarum situs? nisi qui hæc utraque utcumque teneat, satis ne se quisquam idoneum poetarum interpretem profiteri potest? & tamen usque eo alienis laboribus iniqui homines reperientur, qui ludere nos ac joculari, & nihil in docendo aliud, quam puerilem voluptatem aucupari putent? Nam illud quoque minime prætermittendum est, quod a graviorum artium doctoribus neque ornata, neque elegans, neque multis quidem in locis, latina oratio postulat. Itaque ruant licet in dicendo, & impure, improprie, barbare loquantur: suo id eis quodam jure licere creditur. At nobis dicentibus, sunt, qui quosdam quasi laqueos tendant, ut si quid exciderit parum expolitum, diem nobis continuo dicant violatæ latinitatis; quodque postremæ iniquitatis est, peccare nos putant, nisi in iis etiam, quæ subito fundimus, plurimi illigati sint & verborum & sententiarum lepores. Quæ cum ita sint, quis est, qui non intelligat, si hominum expectationi hujus professionis satisfacere cupiamus, infinitos esse nobis labores exhauriendos? Desinant igitur, desinant isti alienæ industriæ contemptores, gloriæ obtrectatores: comprimant vocem stultitiæ atque invidentiæ indicem. Vos vero, Patres amplissimi, pergite, ut facitis, benignitate vestra labores nostros fovere: ut hæc florentissima, & bonarum artium studiis deditissima juvenus, exercitationibus hujusce nostris ad virtutem præparata atque præculta, vestram olim in hac felicissima Reipublica gubernanda sapientiam facilius imitari queat. DIXI.

DE PHILOSOPHIÆ ET ELOQUENTIÆ  
CONJUNCTIONE.

## O R A T I O IV.

*Habita Venetiis Mense Octobri Anno MDLVII.*

SI quis forte vestrum est, Auditores, cui admirabile videatur, quod cum cæteri ordinis mei homines in oratione

fere alicujus, aut poematis explicatione versari soleant, eos sibi libros, quibus abditarum retrusarumque rerum ex uberimis illis hausta Philosophiæ fontibus tractatio continetur, interpretandi quidem causa, vix esse attingendos putent: ego contra & altero abhinc anno quinque Ciceronis libros, quibus de summo bono in contrarias partes copiosissime disputatur, explicaverim, & hoc tempore Tusculanas mihi potissimum disputationes, in quibus hujus anni curriculum conficerem, elegerim: is, si mei consilii atque instituti causam rationemque cognoverit, simul & id, quod facio, probabit, & me si aliter fecissem, justam doctorum & intelligentium reprehensionem nullo pacto effugere potuisse existimabit. Ego enim, Auditores, semper in ea fui sententia, præclaram illam minime communium contritarumque rerum scientiam, quam Philosophi & tenere se, & alii strudere profiterentur, ita esse cum facultate ornate copiosque; dicendi conjunctam atque copulatam; ut eas qui distrahere ac divellere conarentur, & vel rerum cognitionem sine ullo factæ ac politæ orationis instrumeto consecrari se dicerent, vel verborum flosculis contenti, ne aspirarent quidem ad reconditos sapientiæ fructus, pessime utrosque tum suis, tum alienis studiis consulere, & exitiale quasi corporis & animi dissidium inducere arbitrarer. Igitur & ab ipso ætatis meæ principio ita studiorum meorum rationem comparavi, ut exornandæ orationis curam cum rerum investigatione conjungerem: & postea omnibus, qui se in disciplinam mihi dederunt, auctor fui, ut eandem illam viam, quam præsertim præstantissimorum omnis memoriæ hominum signatam atque impressam vestigiis viderent, ipsi quoque toto pectore, omnique animi contentione sequerentur. Animadverteram enim, & eos, quorum omnis in concinnitate vocum, & in verbis tanquam ad normam dirigendis, quadrandis, componendis consumeretur industria, ab iis, quibus cor, ut ajunt, saperet, ut leves futilesque contemni: & eos, qui se ita penitus rerum indagationi tradidissent, ut de comparanda lautæ orationis supellectile non laborassent, quasi agrestes ac barbaros quosdam ab omnibus elegantiorum hominum cœribus repudiari. Ergo simul atque mihi publice munus illud adsignatum est, ut iter vobis ad ea studia præirem quibus exculsi Reipublicæ aliquando usum aliquem afferre possietis: statim id consilium cepi, ut alternis annis modo Cicer-



ceronis Orationes, modo eiusdem ad Philosophiam pertinentē  
 tēs libros interpretarer. Itaque primus, ut meministis, annus  
 in aliquot Verrinæ accusationis librorum explicatione con-  
 sumptus est. Secundo dissidentes veterum de summo bono sen-  
 tentias quinque libris expositas accurate persecuti sumus.  
 Tertium Catilinariæ sibi orationes vindicarunt. Hoc autem  
 quarto, quem nunc felicibus ingredimur auspiciis, quas vo-  
 bis, Auditores, quam exquisitas, quamque præclaras avi-  
 darum doctrinæ mentium epulas apparavi! Decrevi enim,  
 animos vestros ipsa sui cognitione pascere, eorumque vim ab  
 omnibus rebus externis avocata, totam in se ipsam collige-  
 re, & ad naturæ suæ contemplationem traducere, vos deni-  
 que ipsos vobis ostendere, & illam divinæ auræ particulam,  
 quæ in nobis omnibus latet, considerandam, cognoscen-  
 damque proponere. Excutiendæ nobis erunt omnes veterum  
 Philosophorum bibliothecæ, perlustranda omnis antiqui-  
 tas, replicanda omnium veterum historiarum, monumentor-  
 umque memoria, ut sciamus, quid homines sapientissimi de  
 humanis animis senserint, quibus rationibus & argumentis  
 adducti divinos esse eos, & interitus expectes cum sibi, tum  
 aliis persuaserint; exagitanda & coarguenda eorum cæci-  
 tas, amentia, immanitas, qui alia in opinione fuerint;  
 confirmandus ac muniendus animus adversus mortis me-  
 tum; proferenda exempla eorum, qui mortem partim adven-  
 tantem despiciatui habuerint, ac pro nihilo putaverint, par-  
 tim etiam cunctantem cupide accersierint. Stulte illi qui-  
 dem: sed tamen ut aperte ostenderent, se nullo modo de ani-  
 morum immortalitate dubitare: ut corporeis vinculis exu-  
 ti ac liberi, in illas sedes, in quibus puros a scelerum con-  
 tagione animos post obitum versari acceperant, evolarent.  
 O præclaram disputationem, & vestro omnium concursu,  
 studio, attentione dignissimam! Etenim si vere scripsit Ari-  
 stoteles, magis expetendam esse quantulamcumque præstan-  
 tium rerum, & remotarum a captu vulgi cognitionem & in-  
 telligentiam, quam communium & pervagatarum quam-  
 libet exquisitam tractationem: quis est, qui non videat, quan-  
 tulamcumque cognitionem animi, quo nihil est divinæ na-  
 turæ propius aut similis, quamlibet accuratæ aliarum re-  
 rum cognitioni multis esse partibus anteponendam? Et si  
 nemo est, quem non vel nitido concepta speculo, vel periti  
 artificis expressa manu corporis sui figura delectet: quanto  
 iucun-

jucundius, quantoque suavius esse debet, expressam doctrinam hominum ingeniis animi sui quasi quamdam imaginem contueri? Quid illud? quanti tandem faciendum putatis, quod cum vitam nihil magis conturbet, quam mortis metus, eas nos rationes, quibus ille pellatur, allaturos esse profitemur? Non sine magnis hæc meis laboribus, sudoribus, vigiliis fient; sed mihi cum rerum ipsarum pulchritudo, tum flagrantissima cupiditas studia vestra modis omnibus adjuvandi, omnem laborem non modo facilem ac tolerabilem, verum etiam dulcem jucundumque reddit. Alios vulgaris atque absoleta delectent: vos mecum, Auditores, ad hæc recondita & abstrusa contendite. Illos humilia, nos sublimia; illos proclivia, nos ardua; illos in promptu posita, vos a vulgariis oculis remota delectent; illos deterreat & exanimet difficultas, nos exacuat & extimulet; illos frangat ac debilitet, nos confirmet ac reficiat labor; illi nihil sibi proponant, quod non quilibet unus e multis consequi possit; nos quidquid ignavi vel sperare audeant, nostro indignum studio esse ducamus. Sed quoniam nonnulli repereuntur, qui quod vel erroris caligine obcoæcati, hæc Philosophiæ cum eloquentia conjunctio, quam sit fructuosa, non vident; vel invidiæ veneno suffusi, ad quæ adspirare ipsi non queunt, ea præstare alios indignantur; vel denique, quod, si omnia aliorum consilia atque instituta reprehendant, ita se demum sibi aliquam judicii famam confecturos esse confidunt: qua in re nobis laus ac commendatio debetur, ea in ipsa reprehendere nos atque accusare non verentur, clamantque regendos esse professionum fines, suisque quamque limitibus, ac terminis coercendam, neque patiendum, ut aut Philosophi, quæ sunt eloquentium usurpent, aut disertis philosophica attingant, ejusque rei rationes quasdam afferunt, non admodum validas illas quidem, sed quæ tamen aliquem minus periculum in fraudem inducere posse videantur: statui hodie, Auditores, vobis disceptatoribus atque arbitris adversus eos disserere, & quidem ea lege disserere, ut nisi eos non dicam ego, sed ipsa Philosophia eloquentiæ armis instructa fregerit atque abjecerit, causam nullam dicam, quin illi præclare sentire, nos desipere; illi considerare ac sapienter loqui, nos vaticinari atque insanire; illi studiis adolescentum optime consulere, nos iisdem vehementissime officere judicemur. Intelligitis autem; esse mihi cum duplici hominum genere

nere

nere negotium: quorum alii levem & ineruditam loquacitatem, alii inornatam & indifertam Philosophiam colunt. Adversus quos utrosque dum differo, peto a vobis per eas ipsas artes, de quibus dicere institui, quarum utramque vobis maximopere cordi esse novi, ut studium meum attentione vestra excitetis, attentionem silentio indicetis. Primum autem congregiamur cum delicatis istis & mollibus, quos perinde ac parvos puerulos, severa & torva quodammodo Philosophiæ facies ita detteret, ut ad eam proprius accedere non audeat. Efficemus enim de duobus alterum; ut aut fusi ac fugati, molesti nobis esse desinant, aut, quod malim, confirmati, ac bene sperare jussi, socios se nobis honestissimi laboris adjungant. Vos igitur alloquor, quicumque vocum illecebris tanquam aliqua dulcedine cantuum capti, ad eas, tanquam ad Sirenios scopulos; adhærescendum putatis. Ecquid intelligitis omnem orationem ex rebus consistere, & ex verbis rerum autem copiam, & ubertatem non aliunde, quam a Philosophis peti posse; idcircoque esse Philosophiæ cognitionem eloquenti futuro necessariam? Non enim ut lusciniis canendi, sic hominibus loquendi facultatem oblectationis causa natura concessit: nec tantum munus suum, tamque præclarum ad aures modo demulcendas voluit adhiberi: sed cum eos ita fabricata esset, ut eis rationis societatem cum diis immortalibus intercedere voluisset, aptosque eos fecisset ad rerum præstantissimarum cognitionem adhibito studio consequendam: instrumentum etiam largita est, quo de illis rebus inter se differere, easque aliis cum aliis communicare possent. Placet autem hoc loco hujus disputationis principia paulo altius repetere, & ex ipsis Philosophorum libris causæ nostræ firmamenta desumere, atque istis Philosophiæ contemptoribus, earum rerum, quas contemnunt, specimen aliquod exhibere. Interjectum quodammodo & intermedium est hominum genus inter animantes consilii expertes, & inter purissimas illas mentes ab omni corporis societate secretas: ita ut illis quidem superius perfectiusque sit, his autem inferius minusque perfectum. Nam illæ quidem sensibus tantum degentes, nulla prorsus ratione ad intelligentiam, & cognitionem progredi queunt; hæ vero sine ullo sensuum adminiculo ac ministerio, simplicissimis notionibus, quæcumque ipsis ad intelligendum objecta sunt, apprehendunt. Homines autem possunt illi quidem ad rerum intelligentiam provehi, eo-

que



que sunt mutis animantibus superioris: sed, quoniam immortalis ipsorum, & simplex, & cœlestis animus, mortalis, & conereti, & terrestri domicilio corporis hebetatur, eo fit, ut ad cognitionem & scientiam sine sensuum ministerio pervenire non possit. Itaque recte Plato mentis internuntios, quasque satellites sensus nominavit, eosdemque duces ad veritatem esse dixit. Ejus autem auditor Aristoteles pronuntiavit nihil intelligi, nisi prius aliquid sensu perceptum fuisset, quod quasi viam stravisset ad illud intelligendum. Idemque alio loco statuit, si cui sensum aliquem a primo ortu natura denegaverit, eidem necessario aliquam esse scientiam defuturam. Cum autem duobus tanquam itineribus ad scientiam pervenire licet: quod alia reperimus ipsi per nos, quasque parimus, alia vero ab aliis accipimus; quorum illam inventionem, hanc disciplinam vocant: necesse erat, ad earum utramque sensum aliquem accommodari. Sed cum ceteri ad eam rem minus apti forent, oculorum quidem sensus ad rerum præstantissimarum indagationem, aurium vero ad earumdem, cum ab alio traderentur, perceptionem ab ipsa natura constitutus est. Instrumentum autem communicandarum participandarumque animi notionum eadem natura orationem esse voluit: cumque cæteris animantibus sonos modo quosdam dedisset, quibus voluptatem, dolorem, desideria naturæ, affectus denique indicarent: distinctam hominibus, articulatamque tribuit vocem, (unde eos Homerus *μῆτορας* nominavit) quam cum ipsi arbitrato suo flexissent, atque variassent, quasque compacto statuissent, quam cuique vocivim esse vellent, tum eo instrumento ad ea, quæ animo concepissent, patefacienda uterentur. Sic fit, ut res quidem ipsæ singulares percipiantur sensibus: quæ ex perceptione existunt in animis rerum universalium notiones: ad eas vero evolendas & in medium proferendas adhiberi debeat oratio: cuius usus cum ad eos tantum, qui eodem tempore, iisdemque locis viverent, pertineret, hoc amplius machinata est hominum solertia, litteras, quæ, ut voces notionum, sic hæ vocum ipsarum essent notæ, efficerentque, ut & absentes cum absentibus, & ii, qui multis ante sæculis floruissent, cum omni posteritate quasi colloqui possent. Ex hisce liquido constare arbitror id, quod in hujus sermonis ingressione posueram: orationem non oblectandarum aurium causa nobis esse a natura tributam, sed ut animus, cum se rerum cognitione saturasset,

xasset, haberet, quo modo alios ad earum communicationem  
 vocare posset. Quomodo autem poterunt aut quidquam com-  
 municare cum aliis, qui nihil ipsi, nisi loqui didicerint:  
 aut quidquam egregium discere, nisi qui Philosophorum  
 monumenta contriverint? Etenim qui sunt tandem scri-  
 ptores illi, qui distincte ordinateque dicendi præcepta  
 tradunt? Philosophi. Qui rerum admirabilium, quæ in  
 terris, mundoque fiunt, causas aperiunt? Philosophi.  
 Qui herbarum, qui stirpium, qui animantium ortus,  
 progressus, naturas, vires, utilitate prosequuntur? Phi-  
 losophi. Qui de officio, qui de virtute, qui de ratione in-  
 stituendæ vitæ, qui de moderandis affectibus disputant?  
 Philosophi. A Philosophis omnis doctrina liberalis, a Phi-  
 losophis omnis historia, a Philosophis omnis artium varie-  
 tas sumi potest: ab his Oratores, ab his Imperatores, ab his  
 rerum publicarum rectores exstiterunt: neque quisquam  
 unquam aut in dicendo, aut in rebus gerendis excelluit,  
 qui non prius in Philosophorum officina politus ac limatus  
 fuisset. Ac mihi quidem sæpenumero permirum videri so-  
 let, reperiri nonnullos ulque eo excordes, ut Oratoris munus  
 ab homine Philosophiæ ignaro sustineri posse credant.  
 Nam cum illi ipsi fateantur, tria esse, quæ Orator dicendo  
 efficere debeat: ut fidem faciat iis, qui audiunt; ut eos suavi-  
 tate perfundat, & ut eorum animos aptis & accommodatis  
 ad obtinendum id, quod vult, affectibus concitet: nullum est  
 horum, quod mihi sine Philosophiæ auxilio perfici posse vi-  
 deatur. An vero faciendæ fidei erit idoneus, qui non illos a  
 Philosophis propositos fontes animo & memoria contineat,  
 ex quibus ad omnem disputationem incredibilis argumen-  
 torum copia emanat? Ratiocinationes autem contexere, & id,  
 quod probandum suscepseris, acute circumscripta conclusio-  
 ne conficere, tum ea, quæ ab adversariis allata sint, subtiliter  
 dissolvere, quorum tandem est, nisi Philosophorum? Ne-  
 que vero video, quo modo delectare, nisi forte pueros, aut  
 homines puerorum simillimos, queat inanis & nullo librata  
 sententiarum pondere oratio. Quid ita? nempe quod, ut  
 præclare docet Aristoteles, is demum motus efficit volupta-  
 tem, qui perducit id, quod movetur, ad statum naturæ  
 ipsius accommodatum & congruentem. Itaque corpora cum  
 aut exinanita sunt, aut redundant, tum perceptione cibi ac  
 potationis, tum depulsione & ejectione superfluentium rerum

lætan-

lætantur, & in animis idem usu venire credendum est. Quid est autem, quod natura duce concupiscat animus, ad quod feratur, cujus perpetua quasi fame sitique teneatur? Doctrina nimirum atque cognitio: hic illi cibus, hic pastus proprius ac naturalis est: eo alitur ac reficitur, eo saturatur ac gliscit. Ergo illi tantum concionis animos infatiabili oblatione devinciunt, quorum omnis sermo cum urbanitatis sale perspersus est, tum distinctus & illuminatus doctrinæ notis, quorum ex ore, tanquam ex perenni quodam fonte, nunquam intermittente, nusquam insistente fluxu, novarum usque & admirabilium rerum copia incredibilis profluit: ille demum modo clamores faciunt, modo auditores admiratione percussos silere, & uno in obtutu defixos hærare cogunt. Illud vero, quod in Oratoris officio tertium ponitur, concutere audientes omni genere affectuum, eorumque pertractare intimos sensus, & quocumque collibuit flectere, quis unquam nisi Philosophia munus consequetur? An vero vel accendere, vel restinguere iracundiam, vel incutere, vel excutere timorem, vel constare invidiam, vel levare, vel ad misericordiam adducere, vel a misericordia abducere audientes, & eos quasi gubernaculo quodam linguæ impellere arbitrata suo poterit is, qui non horum omnium affectuum causas rationesque pernoverit? Sed increbuit sermo quidam hominum imperitorum, qui ita dictitant, ut ne inspiciantur quidem Philosophorum libri, satis magna tamen earum omnium rerum ubereinque notitiam ex ipsis Rhetorum scriptis posse defumi. Quod si ita est, quid, quæso, commovit veteres illos, qui dicendi laude cæteris antecelluisse perhibentur, ut tantam curam, tantumque studium in audiendis Philosophis, & in perferutandis, penitusque cognoscendis eorum præceptis consumerent? Quid Periclem illum, cujus in labris persuadendi deam sessita visse dictum est, quem fulgurare, quem tonare, quem permiscere Græciam Comici veteres tradiderunt? quid igitur illum impulit, ut Anaxagoræ se Physico erudiendum daret, eumque assideretur, si ad illam, ad quam adspirabat, eloquentiæ laudem, nihil in illius doctrina intellexerat esse momenti? Quid Demosthenem, quid M. Tullium commemorem? tantam in utroque dicendi copiam fuisse censeremus, nisi ille Platonem, hic Philonem, Diodorum, Posidonium, aliosque permultos nobiles



nobiles Philosophos studiose ac diligenter audisset? qui si ea, quæ ab illis accipiebant, a dicendi magistris accipere potuissent, non ab alienis illa mutuari & corrogare potius, quam domo & a suis petere maluissent. At queruntur asperam quodammodo & salebrosam esse Philosophiam, inamœnumque illius studium, quodque nulla dulcedine aut allicere, aut allectos detinere animos possit. O molles ac voluptarios homines! Vos igitur in tanta rerum præstantia ac dignitate etiam delicias quæritis? & quo vobis itinere ad sapientiam aditus patet, suscipere illud abnuitis, nisi viam videatis tum mollissimam, & planissimam, tum rosis & violis constratam, quamque viridantes omni ex parte opacent patularum arborum comæ? At etiam si perpetuo per Athonis & Caucasii nives, si per ferventes Libyæ arenas gradiendum foret, tamen, si viri essetis, omnem laborem, omnemque difficultatem contemneretis. Sed non patiar vos diutius in errore versari. Scitote enim, hoc studium, quod vos asperum & inamœnum putatis, ita esse dulce, itaque jucundum, ut nihil suavius, aut jucundius, ne votis quidem conceptis, expectari possit. Cui rei vel illud argumento sit, quod, qui se illi semel penitus tradiderunt, ii, postea neque rei familiaris cura, neque honorum cupiditate, neque corporearum voluptatum blandimentis ab eo evocari queunt. Possem hoc loco evagari latius, & id, quod dixi, tum repetitis e veteri memoria, tum vivis ac spirantibus exemplis confirmare, nisi me temporis ratio brevem esse admoneret. Nunc igitur, quam poterimus brevissime, eorum refutemur errorem, qui se ita Philosophiæ studio contentos esse ajunt, ut omnem orationis cultum penitus negligant. Quorum non unum genus est. Quidam enim nihil aliud dicunt, nisi verborum elegantiam Philosopho minime necessariam esse. Quidam etiam indecoram esse contendunt. Sunt, qui, cum eam non indecoram esse fateantur, fieri tamen negant posse, ut unus idemque in utroque excellat, & tum rerum scientia polleat, tum dicendi facultate præstet; idcircoque nolle se in sequendo eo, quod assequi nunquam possint, operam perdere. Cum primis illis non multum nobis negotii est. Nam ne nos quidem dicimus ita necessariam esse Philosopho eloquentiam, ut, ea si careat, nomen suum tueri ac retinere non possit. Sed profecto sordida hominum, planeque misera vita sit, si studia nostra necessitate tantum, non etiam commoditate

tate & ornatu dirigantur. Casis contectis stramine, & angustis tuguriis, ac gurgulthis, opertis etiam plaustris, ut Scythæ, aut, ut Cynici, doliis, cœli defendere injurias possumus, idque ad necessitatem satis est. Num idcirco ædificandi artem repudiemus? In vestitu cultuque corporis, si nihil spectemus aliud, nisi ut imbres, ut nives, ut ventos, ut solem, ut frigus arceamus, satis fuerit, vel pellibus animalium corpus amicare: an quisquam propterea honestior civilem ea in re consuetudinem negligit? sic & in hoc genere studiorum non in iis modo, quibus nullo modo carere, verum etiam in iis, quibus satis commodè carere non possumus, elaborandum: neque tantum necessitas, verum etiam dignitas, & pulchritudo spectanda est: præcipue cum omnibus propemodum in rebus decorem & elegantiam cum summa utilitate natura ipsa copularit. Hos igitur sine ulla contumelia dimittamus: tantum moneamus, ut, si in omnibus vitæ partibus ornatus rationem habendam esse ducunt, in studiis quoque eam omittendam non esse, factò refellendi fateantur. Isti nobis acrius insectandi sunt, vehementiusque repellendi, qui dedita opera barbariem in loquendo diligunt, & non aliter Philosophos visum iri putant, quam si dictione inquinatissimum utantur, & ut sues in luto ac cœno, sic ipsi in orationis sordibus voluentur. Antiquis temporibus quoddam stultorum genus fuisse proditum est, qui pudore ac squalore horridi, panis oblit, semper illoti, semper intonsi, semper impexi, illo ipso incultu ac neglectu corporis, Philosophorum nomen in vulgus assequebantur. Non valde dissimilis est eorum amentia, qui orationem nullo studio excultam, nulla diligentia expolitam, nullo artificio elaboratam, Philosophorum professoribus convenire ajunt. Atque illi tamen eo tolerabiliore, quod corporis colendi curam multi, ornandæ orationis studium nemo olim, qui aliquo inter Philosophos loco haberetur, neglexit. Nisi forte quis Epicurum & eos, qui ab eo sunt, objiciat: quos ego vix in hominum, in Philosophorum quidem numero nullo modo, habendos esse censeo. Est autem operæ pretium audire, quo modo hanc suam tam præposteram, tamque absurdam opinionem confirmant. Gravis alicujus & severæ matronæ Philosophiam similem esse ajunt, quam omnis fucus dedecet; quæ nativa pulchritudine contenta, augere eam pigmentis & lenociniis non laboret. Ut incultos & horrentes solitariosque lucos plus ha-

bere majestatis ac venerationis, quam nitidas & viriditatas,  
 & digestis in quincuncem arboribus confitas silvas, sic squa-  
 lentem, & ut ita dixerim impexam, nescio quo modo angu-  
 stiolem & majestatis pleniorlem videri, quam comptam, &  
 quasi unguentis delibutam orationem. Quibus nos ita respon-  
 sum volumus: non si calamistro intortus capillus, & buc-  
 cæ minio ac cerussa fluentes, & valsa supercilia, & quæsi-  
 tus arte dentium candor matronam dedecent: continuo il-  
 luviem & sicutum, ac sordes decere. Est & suus non modo ma-  
 trisfamilias, verum etiam viro cultus. Et, ut reprehenden-  
 dus sit, si quis quotidie radatur ad speculum, quod tamen  
 Africanum fecisse accepimus, & facie, feminibusque levatis  
 in publicum prodeat: sic si qui Patrocleum illum imitari ve-  
 lit, quem cavillans Aristophanes, nunquam in vita lavisse  
 dicit, ita ut nunquam es, nunquam manusabluit, nun-  
 quam sudorem derergat, nemo sit, qui non sordum illius  
 ad spectum, & retrum ac virulentum, qui ex eo afflabitur,  
 odorem abominetur. Neque vero nos a Philosopho exigi-  
 mus, ut verborum paritatem ac similitudinem aucupetur,  
 neque ut in rotundandis periodis occupetur, neque, si agre-  
 stem esse illius & inconcinnam locutionem nolumus, effe-  
 minatam & canticorum similem volumus: neque tam ut re-  
 rum præstantiam verborum splendore illuminet, quam ut  
 ne illam orationis impuritate contamine, postulamus. Tu  
 mihi cum de rebus cognitis dignissimis dicere ingressus sis,  
 ea verborum portenta evomas, ut, qui aderunt, non homi-  
 nem loqui, sed asinum rudere existiment: & tamen ea fatui-  
 tate atque impudentia sis, ut homines polite dicendi cupidos  
 despicias, & istud, quod tu facis, voces Philosophice loqui?  
 Nam illud, quod in eo majestatem quamdam, & quasi religio-  
 nem inesse vis; vide ne potius impium sit, ut vasa Deo dica-  
 ta impuris manibus, ita Philosophiam impuro sermone tra-  
 ctare. Enimvero, si ea demum sacra ac religiosa sunt, quæ  
 ornatu carent: removeatur aurum a templis: gemmæ, si-  
 gna, tabulæ, donaria denique omnis generis removean-  
 tur. Sin hoc vel cogitare nefarium est: fateamur id, quod  
 ratio quodam modo ipsa præscribit, neque opes usquam  
 melius, quam in Dei cultu, neque dicendi copiam præ-  
 clarius, quam in excolenda exornandaque Philosophia col-  
 locari. Superest, ut iis satisfaciamus, qui negant, Philo-  
 sophiam cum eloquentia posse conjungi; necessarioque qui



alteram ex animo colat, ei esse alteram deferendam: qui ad utramque animum adjecerit, ne utraque excidat periculum esse. Qui cum hæc dicunt, si de sui tantum ingenii imbecillitate loquerentur, ferendi essent: nunc, cum ex se ipsi alios metiantur, &, quod se præstare posse dissidunt, id universe ac generatim fieri non posse pronuntient, in eo quam vehementer errent, admonendi videntur. Usque eo ne rerum veterum, & ejus ipsius, quam profitemini, Philosophiæ imperiti estis, ut summam in Philosophis veteribus existisse dicendi vim ac copiam nesciatis? Equis unquam Platonem, aut philosophiæ scientia, aut dicendi facultate superavit? de quo Cicero bonus imprimis æstimator eloquentiæ ita magnifice sentiebat, Jovem ut ipsum, si Græcæ loqui vellet, non alio, quam Platonis sermone usurum esse diceret. Quid Aristoteles? non & ipse dicendi præcepta unus omnium optime tradidit, & ea dicendi copia fuit, ut eum idem Cicero auro fluentem fluvium nominarit? non Xenophontis summi Philosophi ore Musas quasi locuras ferunt? non Theophrastus a loquendi divinitate nomen invenit? non posterioribus sæculis eam in Carneade vim fuisse proditum est, nullam ut unquam rem confirmandam susceperit, quam non probaverit; nullam impugnandam, quam non everterit? Sed quid vetera, & externa exempla conquiramus, cum recentium & domesticorum copia suppetat? hæc civitas quam multos & olim protulit, & quotidie profert, qui ut nemini, quin utraque laude præstiterint, ita omnibus, utra potius præstiterint, ambiguum relinquunt. Quorum vos, adolescentes, per Deum immortalem, exemplum imitamini, neque committite, ut Veneta civitas, quæ semper toto orbe terrarum habita est fecundissima virorum omni virtutis & doctrinæ laude præstantium parens, per vestram ignaviam, atque desidiam ista tam præclara laude spoliatur. An vero vos, illis orti majoribus, qui nihil unquam sibi dulce præter virtutem & eruditionem putarunt, quidquam virtuti, quidquam eruditioni anteponendum esse ducetis? at externæ nationes, non alio potius, quam Venerorum hominum exemplo, ad eas colendas excitari, atque inflammari solent. Hic sedem virtutis, hic domicilium litterarum, hic seminarium quoddam præstantium virorum esse omnes uno consensu gentes exterræ consentunt. Hanc vos tam præclaram, tamque magni-

gnit  
vit.  
tiam  
nate  
ris  
præ  
lam  
cum  
tati  
min  
vest  
civi  
vob  
in so  
ipsa  
de p  
quo  
bori  
atque  
omn  
dem

p

O  
bus  
fuso  
lum  
bus  
legio  
quer  
colle  
man  
nan  
runt

gnificam laudem, quæ ad hunc usque diem, semper & crevit, & floruit, vestra culpa decrescere, ac deflorescere patiemini? non per illos Contarenos, Barbaros, Bembos, Donatos, cæterosque heroes, consecrata ad omnem posteritatis memoriam nomina, quin nunquam in cælum hominum prædicatione conscendissent, nisi, quamdiu vixere, illam, ad quam mea vos cohortatur oratio, Philosophiæ cum eloquentia conjunctionem, posthabita omni alia cogitatione, coluissent. Hos spectate adolescentes, hos intuemini, horum de gloria dies noctesque cogitate, & ad eam vestra industria exæquandam contendite. Habetis in hac civitate publice constitutos homines eruditissimos, qui vobis in illo itinere duces optimi esse possint. Quorum me in societatem, licet valde ipsis omnibus imparem, quando ipsa Respublica vocavit, & eo me collocavit in gradu, unde possem in ipsius civitatis oculis voluntatis erga vos meæ quotidianas significationes dare equidem non par cum labori: abjectisque aliis omnibus curis, quantum conniti atque efficere potero, tantum conferam ad ingenia vestra omni in genere disciplinarum liberalium, quantum quidem in me fuerit, excolenda. DIXI.

PRO FRANCISCO II. GALLIARUM REGE  
AD PIUM IV. PONT. MAX.

## O R A T I O V.

*Habita Roma Postridie Kal. Maij Anno MDLX.*

O Mnes quidem Christianos Principes, Pie Pontifex Maxime, credibile est accepto delati tuis maximis virtutibus honoris amplissimi nuntio, admirabili quadam læticia perfusus esse: nec eorum fuisse quemquam, quin, sublati in cælum manibus, omnium rerum moderatori Deo singularibus verbis gratias egerit, quod sacrosancto Cardinalium Collegio eam mentem dedisset, ut te potissimum deligerent, quem in ista dignitatis Sede celsissima concordibus suffragiis collocarent. Sed quanto nostri Reges observantia erga Romanam Ecclesiam, & insigni atque assiduo defendendæ, ornandæque illius studio cæteros ex omni antiquitate superarunt: tanto Francisci II. Regis, te Pontifice declarato, ma-

jusquam pro virili parte gaudium fuit. Qua re, etsi non dubitabant, quin tu de clarissimo viro, Episcopo Engolismensi Oratore apud te suo, cujus fidem & integritatem tibi plane perspectam esse novit, animum suum erga te, & erga hanc orbis terrarum principem Ecclesiam, & optime, & libentissime cogniturus esses: tamen ut illustriorem etiam, & expressiorem significationem voluntatis suæ omnibus hominibus daret, judicavit, sibi faciendum esse, ut ad te ex suis eo proprio nomine ejusmodi quempiam mitteret, in quo & dignitas, inesset ea, quæ ad tantum munus obeundum requiritur, & aliæ præterea causæ, propter quas eum tibi unum ex omnibus gratissimum atque acceptissimum fore consideret. Misit igitur clarissimum, & nobilissimum equitem, Joannem Babonem à Burdesia, ejusquem modo nominavi Episcopi fratrem, arcuatorum regni, & regionum omnium consiliorum participem, cujus in maximis rebus gerendis virtutem, & fidem exploratam habet, quique præterea pietate, & observantiâ erga hanc Sedem neque fratri, neque cuiquam mortalium cedit. Quorum ego amborum permixta, regis voluntatis hodierno die apud te constitutus interpret, gratulor non tam equidem tibi, Beatissime Pater, quam universæ Christianæ Reipublicæ, quæ pristinum illum splendorem suum, qui magno bonorum omnium mœnore apud plerasque gentes pravis opinionibus corruptas, magis ac magis in singulos dies obsolecebat, brevi se, tuo ductu atque auspiciis recuperaturam, non dubitanter sibi de tua præstanti bonitate ac sapientia pollicetur. Summa plane omnia, ac prope divina in eo requiruntur, qui clavum in Ecclesiæ navi teneat; cuius a nutu pendeant leges; cuius ad pedes Reges ipsi se abjiciant; cuius arbitrio pandatur cælum; qui denique supra omne humanæ dignitatis fastigium evehatur, Dei personam inter homines sustineat. Nam si divinæ litteræ a quolibet Episcopo tantam integritatem ac virtutis perfectionem exigi volunt, nullus ut in omni ejus vita reprehensioni pateat locus; neque gravitatem ejus muneris dignæ quoquam sustineri posse tradunt, nisi quem pietas, prudentia, iustitia, uno verbo, virtus suis omnibus numeris absoluta commendat: quid in eo, qui omni tempore cum summo imperio tractare gubernacula Ecclesiæ debeat, cujus vita cæteris omnibus pro exemplo, voluntas pro lege, vox pro oraculo futura sit, quanto hæc omnia re-

quiri



quiri majora, & divinitati propiora censemus? Itaque, tralia, sic hoc quoque sancte ac sapienter institutum est a majoribus, ut quoties de summo Pontifice in demortui locum eligendo ageretur, interea dum ea de re amplissimus Cardinalium ordo deliberaret, nullus intermitteretur dies, quo non omnes, & privatim & publice precarentur a Deo, ut eum ipse gregi suo præficeret, quem dignissimum, quem ad publicam concordiam, & tranquillitatem aut constituendam, aut conservandam aptissimum, quem denique, quantum humana conditio fert, sui simillimum judicaret. Quod si ejusmodi Pontificem ulla unquam tempora desiderarunt, nostrorum certe is status est, ut nunquam magis ex istius Sedis auctoritate universiorbis salus pendisse videatur. Non enim Petri navis, ut solebat, placido mari, secundis conspirantium ventorum flatibus impulsam fertur. Horribiles eam procellæ, & turbinum vis vel exercitissimis metuenda rectoribus, agitat: ut quamquam a naufragio quidem nullum periculum est, non mediocriter tamen animos teneat metus, ne tam sæva tempestas multos mortales, novarum opinionum fluctibus involutos, in ea breviter præcipites abripiat, unde postea nec enatare ipsi, nec evadere atque emergere alieno auxilio possint. Quo nos omnes divinæ bonitati majores agere gratias convenit, quæ, deploratis prope jam rebus, certe quidem in summum discrimen adductis, & extrema spe pendentibus, eum gubernatorem dedit, quo meliorem, & ad hæc omnia in melius convertendam accommodatiorem, non dicam reperire, sed ne optare quidem, aut etiam cogitando informare poteramus. Jam nunc igitur præcipimus mentibus ejus diei lætitiæ, quo gentes illæ, quæ cum fallacibus improborum hominum sermonibus in laqueos erroris inductæ, tum fortassis etiam quorundam nostris licentiori, & dissolutiori vivendi genere offensæ, absciderunt se ipsas a corpore Ecclesiæ, & adversus eam impium ac nefarium bellum susceperunt, murato consilio, ad sanitatem redeant, & erroris sui veniam petentes, depolita omni contumacia, sanctissimis pedibus tuis osculum figant. O præclarum illum triumphum, & cum omnibus, tum iis præcipue, de quibus agitur, optabilem! Non enim ta illos opprimere, sed oppressos erigere; non in servitutem abducere, sed a teterrima servitute in veram libertatem asserere; non perdere, sed servare

vis: non eorum sanguinem fundere, sed, ne sanguis IESU CHRISTI frustra pro eis effusus sit, efficere; non rectoris post tergum manibus, collo catenis gravato, ante currum ducere, sed iis ipsis vinculis, quibus impediti tenentur, exsolvere meditaris. Quibus igitur ipsis, nisi in eo ut vincantur, nulla spes salutis est; credimus usque eo præfactos, ac pervicaces fore, ut ad extremum perire per obstinationem animi malint, quam cedendo, & obsequendo servari? Immo vero certa spes est, cessuram tandem aliquando rationi temeritatem, luci tenebras, mendacium veritati. Quantam ille dies non terris modo, sed cælo ipsi hilaritatem allaturus est! Nam si, cum unus aliquis, qui a recto vivendi tramite deflexerit, in viam redit, innumerabiles illas legiones angelorum exultare, ac gestire gaudio credimus: quid tandem, facturæ esse auguramur, cum tot hominum miserabiliter nunc in suam perniciem tuentium millia respuerint, & unde satanæ intigatione discesserant, eos se Sancti Spiritus afflatu instincta receperint? Age igitur, optime maxime Pontifex, præripe posteris tuis hanc gloriam, &, quod aliquando fieri necesse est, ut id te potissimum Pontifice fiat, eniterè. Addatur decus hoc annalibus nostris, ut in eis olim legatur, pestilentissimas opiniones, quæ, quasi contagione quadam paulatim serpentes, per omnes propemodum Christiani nominis provincias pervaserant, auctoritate tua disiectas, dissipatas, extinctas, exterminatas fuisse, Damnentur votorum suorum per te omnes vere pietatis studiosi, qui multos jam annos nihil ardentius a Deo, quam concordiam, & harum dissensionum finem efflagitant. Signetur hoc præcipue titulo Pontificatus tuus, ut, si quis quondam non expresso nomine Pium quartum intelligi velit, eum Pontificem dicat, qui affectis, & ægrotis Ecclesiæ membris tam salubrem medicinam adhibuerit, ut etiam ea, quæ desperata videbantur, integra & incolumia conservarit. O non beatos, cum illa, ut speramus, evenerint! O te Pontificem modis omnibus maximum, ac beatissimum! Quæ futura est tam barbara, aut tam longinqua natio, quo non tam divini beneficii, a te in totum hominum genus collati fama perveniat? Quæ tam ingrata litteræ, quæ de tuis laudibus conticescant? Quæ tam furda posteritas, quæ clamores nostros admiratione virtutis, ac felicitatis tuæ excitatos non exaudiat? Magnam vero tam præclaræ rei, & suscipien-

da occasionem, & ex animi sententia conficiendæ spem  
 tibi offerre tempus ipsum videtur. Nam superioribus ani-  
 nis, cum duo Christianorum maximi, potentissimique Re-  
 ges gravi, & diuturno bello inter se contenderent; ceterorum  
 autem Principum non fere quisquam esset, qui non ad alte-  
 rutram partem aut suapte voluntate inclinaret, aut aliqua  
 officii ratione adduceretur, aut etiam necessitate traheretur;  
 cum undique armorum fulgor, strepitus, terror, omnium  
 oculos, aures, animos perstringeret, obrunderet, conste-  
 neret; cum quibusdam locis, pauciores jam reperirentur,  
 qui fructus ex agris perciperent, quam qui agros ipsos, aut  
 sua, aut aliena cæde quotidie cruentando pinguiore effice-  
 rent: eveniebat, ut in illa rerum omnium perturbatione &  
 improbi, & conscelerati homines opinionum suarum vene-  
 na per omnes populos fidentius atque impunius spargerent,  
 & Principes, aliis cogitationibus occupati, ad coercendam  
 illorum audaciam animum convertere non satis commode  
 possent. Habet in se bellum cum alia mala plurima, tum il-  
 lud in primis, quod & male animatis hominibus affert pec-  
 candi facultatem, & plerumque Principibus connivendi ne-  
 cessitatem. At nunc, cum, divino numine, atroces illi bello-  
 rum impetus resederint; cum illa tam diu exoptata pax, cœ-  
 lo demissa, eorum animos, qui odiis, ut videbantur, impla-  
 cabilibus dissidebant, æterno, ut speramus fœdere con-  
 junxerit: quis non intelligit fore, ut Principes aliis curis solu-  
 ti ad purgandas provincias suas, & ad omnem impiorum  
 dogmatum fibras elidendas, omnes radices evellendas, atque  
 excidendas toto pectore incumbant? Quod quidem Franci-  
 scus, Rex Christianissimus, & jam nunc diligentissime facit,  
 & diligentius atque animosius in dies facturum se esse pro-  
 fectetur. Meminit enim, eis se majoribus editum, qui, ut sectas  
 Religionis nostræ inimicas extirparent, ut Christiani nominis  
 fines quam longissime propagarent, ut Apostolicæ Sedis au-  
 thoritatem sanctam atque inviolatam præstarent, nullam si-  
 bi unquam difficultatem pertimescendam, nullum pericu-  
 lum detrahendum, nullam dimicationem refugiendam puta-  
 runt. An ille cum vetera illa Christianæ pietatis columina,  
 Childebertos, Marcellos, Pipinos, Carlomannos, aliosque  
 innumerabiles heroes, hæresum extinctores, verè fidei as-  
 sertores, Pontificiæ dignitatis vindices ac propugnatores  
 memoria repetat; eorumque se sanguinem ac progeniem ef-



se cogitet, quorum pro Christi doctrina expeditionibus bellis, victoriis totus terrarum orbis nobilitatus est, & ut vetera taceantur, cum se Francisco primo prognatum, Errico secundo natum recordetur, duobus post hominum memoriam præstantissimis Regibus, quorum utriusque tanta, tamque insignia exstiterunt in Ecclesia promerita: maximo animo majorum suorum vestigia non persequatur? Ille vero faciet; nec adæquare modo eorum gloriam, verum etiam, si fieri possit, superare conabitur; quique se principem inter Ecclesie filios locum obtinere intelligat, ut illo se honore dignissimum præstet, omni studio elaboravit. Tu modo, Pater Beatissime, pro tua singulari, & eximia sapientia, quid ad compescendos tumultus, & ad statum Ecclesie componendum utilissimum sit, statuito. Notum est, maximas sæpe, & perniciosissimas in Ecclesia dissensiones rite convocato ex omnibus Christianæ ditionis partibus Episcoporum Concilio sedatas fuisse. Eodem remedio si tibi nunc quoque ægrotis exulceratisque rebus subveniendum esse videatur; nihil est, quod Regi gratius, aut optatius possit accidere: neque tibi dubium esse debet, quin ipse omnes vires suas eo collaturus sit, ut quæcumque ab ejusmodi Concilio decreta fuerint, pie inviolateque servantur. Omnino autem, Beatissime Pater, quæcumque obedientia ab optimo, & obsequentissimo filio præstari potest, eam tibi Rex summa fide summaque constantia præstiturus est, idque se semper facturum esse, per hos clarissimos, & ornatissimos viros, oratores suos, sanctissime pollicetur. Tu vicissim perge, ut facis, & Regem ipsum, & universum Gallie regnum paterna charitate complecti. Multæ sunt causæ, quæ te, ut id facias, excitare debent. Primum ipsa muneris amplissimi, quod te Deus in terris sustinere voluit, ratio. Deinde ardentissimum illud studium, quod semper usque a Clodovæo vixit in Regibus nostris, adjuvandi Romanam Ecclesiam: ut, quoties ita tempora tulerunt, se, regnumque suum in apertum discrimen obicere maluerint, quam Ecclesie laboranti deesse. Quæ ex re illud assecuti sunt, ut & ipsis, & eorum posteris primus inter Ecclesie filios locus, nemine dissentiente, tribuatur. Valere e iam apud te debet illa nominis sanguinisque conjunctio, quæ inter te, & lectissimam, omnique laude, ac prædicatione dignissimam sceminam Catharinam, Regis matrem, intercedit. Nam cum ei, neque quidquam unquam

quam optatius fuerit , ut tu ipse omnium optime nosti , quam ut te tertium e gente sua Summum Pontificem videret : neque majorem lætitiā attulerit , quam cum intellexit , se id , quod tantopere optaverat , consecutam : æquum est , tanto illius erga te studio parem a te voluntatem referri . Possemus & alia eodem pertinentia proferre , nisi ea jam mutue inter te , & Regem voluntatis testimonia utrinque data essent , quæ neminem dubitare patiuntur , quin & ipse tibi dicto audiens futurus sit , & tu cum paterna benevolentia prosequatur .

Hæc habuimus , Beatissime Pater , quæ tibi Francisci II. Christianissimi Regis nomine exponeremus . Nunc , cum idem Scotiæ Regnum obtineat , una ipse cum Maria uxore , a qua illud dotis nomine accepit , omnes tibi ejus & opes , & copias deferunt , seque omnibus in rebus auctoritati tuæ libentissime obtemperaturos , omnemque tibi , quæ a filiis debetur , obedientiam præstituros pollicentur . Nos ; ne rursus orationem a capite accersere necesse sit , quæcumque de Galliæ Regno diximus , eadem , ut de Scotiæ quoque regno dicta esse existimes , obsecramus . DIXI .

PRO ANTONIO REGÈ NAVARRÆ  
AD PIUM IV. PONT. MAX.

## O R A T I O . VI.

Habita Romæ Postridie Id. Decemb. Anno M D L X.

*Quo tempore Joanna Regis uxor missa ad summum Pontificem litteris sua manu subscriptis se , & Catholicam esse profitebatur , & se nunquam a S. R. E. obedientia descituram pollicebatur .*

SI quantum lætitiæ Pontificatus tuus Antonio Regni Navarræ , & Joannæ ipsius uxori attulit , Beatissime Pater , tantum eis commoditatis ad eam lætitiā nulla interjecta mora tibi significandam , tempora tribuissent nihil omnino habuissent antiquius , quam ut ad te statim mitterent , qui tibi summum honorem , huic amplissimo Cardinalium Collegio summam prudentiæ , ac judicii laudem , universæ Christianæ Reipublicæ magnam & prope exploratam antiquæ dignitatis recuperandæ spem suo nomine gratulareretur . Sed quoniam , quantum ex optimi , & ad sedandas horum tem-

temporum discordias aptissimi Pontificis creatione gaudium caperent, in ipsorum probitate, ac fide positum fuit; quam vacuum tempus, & ad legationem ejus rei causa subito discernendam idoneum haberent, non fuit: judicarunt, si temporibus suis parerent, & quod, recenti refacere, cum magnopere cuperent, non satis commode poterant, id in diem differrent, nihilominus ea causa testificationem voluntatis suæ aut sibi honorificam, aut tibi jucundam, atque acceptam fore. Et vero, Beatissime Pater, si apud te, & apud hoc sanctissimum, augustissimumque concilium non ex vulgi opinionibus, sed ex veritate unaquæque res penditur: gratulatio paulo serius facta non tam propter traditatem aliquid de illa novitatis suavitatem, ac dulcedine deperdere, quam propter maturitatem aliquid auctoritatis, ac fidei acquirere videtur. Etenim qui tibi, cum primum ad istum cœlo proximum in terris locum divino consilio sublatus es, gratulabantur, eam tantum gaudii sui causam asferre poterant, quod certo sperarent fore, ut qui te per totam vitam omnibus maximis honoribus dignissimum præbuissem, eum consecutus, quo nullus amplior exoptari potest, tantam dignitatis amplificationem pari virtutis accessione cumulares. Magna prorsus illis, & illustria suppeditabant argumenta, cur ita crederent: neque non firmissimis fundamentis nitebatur incredibilis illa spes, quam de futura Pontificatus tui felicitate conceperant. Sed quantum interest inter ea, quæ futura creduntur, & ea quæ, jam sunt; quanto experta jam & explorata, quam sperata & expectata, majorem lætitiæ in animis hominum commovent; quanto certius & verius homines præterita, & præsentia commendare, quam de futuris affirmitate pronuntiare possunt: tanto plus ponderis, ac fidei habere debet ea gratulatio, quæ tibi fit, annum prope jam integrum ex ista sanctissima Sede universum orbem sapientissime gubernanti, quam illæ, quæ tum fiebant, cum homines, qualem esse te plus, plusque in dies experiuntur, talem futurum esse prospicerent, quasque augurarentur. Neque vero hæc in eam sententiam idcirco a me disputantur, quod non libentissime facturi fuerint Antonius Rex, & Joanna Regina Navarræ, ut quemadmodum nulli Christianorum Principum concedebant, qui majus ex tua dignitate gaudium percepisset: ita nemini, quantum per locorum intervalla licuisset, concederent, qui tibi citius de illius



adeptione gratularetur: si quam solutæ ipsis & liberæ voluntates, tam soluta etiam, & nullis impedita difficultatibus tempora fuissent. Sed ita cogitarunt: si rerum suarum incommodo maturarent id facere: ipsi tibi, cui maxime probare studium suum cuperent, pro tua in se paterna charitate, ubi rem cognosces, in suavem fore celeritatem sine ulla necessitate cum ipsorum incommodatione susceptam. Nunc autem miserunt ad te clarissimum, & spectatissimum virum, Petrum Albertium, propinquum suum, qui genibus tuis suppliciter advolucus, tibi, vero JESU CHRISTI in terris Vicario, certissimo Petri Apostolorum Principis successor, communi totius Ecclesiæ Christianæ Pastori, ac Gubernatori, debitam obedientiam suo amborum nomine præstaret, atque exhiberet: tibi que, atque huic Sacrosancto Collegio confirmaret, Antonium Regem, & Joanham Reginam Navarræ, uti veros Ecclesiæ filios decet, tibi semper dicto audientes futuros: neque ullam evenire posse rem tantam, quæ ipsos ab hujus sanctæ, & Apostolicæ Sedis observantia, & ab ea, quam sibi per manus a majoribus traditam, summa firmitate ac constantia perpetuo retinuerunt, persuasione divellat. Hic ego, Beatissime Pater, si orationis vela pandere, & quasi aperto in vectus mari, per eorum Principum laudes, quorum nomine apud te verba facio, decurrere instituiam, vereor, ne, cum dicendi principium vel facillime repererem, exitum reperire non possim. Nam quæ tandem nominari potest ullo in genere virtus, quæ non in eorum utroque ita emineat, ut ad quamcumque se quis animo & cogitatione converterit, ea demum excellere ac præstare videantur? Sed quoniam & ipsi nos hoc tempore suæ modo voluntatis interpretes, non etiam suarum laudum explicatores esse voluerunt, & eorum virtus excelso atque illustrato loco, satis ipsa per se nullo adhibito alienæ prædicationis lumine in oculis omnium incurrit: laudandis ipsis, quod verissime, ac copiosissime facere possem, super sedebat: tantum ex veteribus historiis nonnulla proferam; ex quibus intelligatur, & ab iis illos ortos esse majoribus, & in eorum opes, atque imperia successisse, qui sibi posterisque suis amplissimam gloriam nulla re magis quam frangendis, ac domandis nostræ religionis hostibus, defendendaque Apostolicæ Sedis dignitate pepererunt. Quis est enim ita veteris memoriæ ignarus, ita in superiorum temporum historiis pere-

reginus atque hospes, qui non Divi Ludovici Gallorum Regis optimi, ac sanctissimi res pro Ecclesia fortiter gessas, si minus e scriptorum monumentis cognoverit, at auditione certe aliqua acceperit? Cujus viri per omnem vitam domi forisque spectata virtus & vivum maxima laude cumlavit, & confecto hujus vitæ curriculo in cœlestium concilio collocatum ad Divorum religionem & sanctimoniam consecravit. Ab eo igitur, & Antonius Rex, & Joanna Regina Navarræ, duobus quasi rivis ex eodem capite manantibus originem ducunt: ut non sine divino consilio sancti Regis soboles in plures familias sparsa atque deducta; post trecentos propemodum annos, matrimonii fœdere copulata, in unam eandemque domum denuo coaluisse videatur. Etenim & tanti herois progeniem quam latissime fundi ac propagari oportebat, ut a stirpe generis, ac seminis quamplurimis populorum rectoribus integra illa, & incorrupta religio, quæ in eo fuerat, ingeneraretur, & æquum erat, ex ea profectos tandem aliquandò rursus inter se conjungi, ut exstarent, qui utraque stirpe possent Divo Ludovico generis sui auctore, ac Principe gloriari. Quod si mihi fas est, Beatissime Pater, audiente te, in hoc augustissimo religionis antistitum confessu res divinas attingere, & de Divorum sensibus, ac cogitationibus aliquid dicere: credo equidem Div. Ludovicum, pro charitate illa, quæ beatos ne tum quidem deserit, cum spes, & fides finem suum consecutæ deficiunt, credò, inquam, eum cœlo in suos intuentem, horum de quibus loquimur, Principum, conjunctione lætari, & assiduis hoc a Deo precibus exorare, ut a se orti per sua vestigia gradientur, utque in vero Dèi cultu non tantum ipsi se, populosque suos contineant, verum etiam illius propagationem primam sibi omnium rerum putent. Inde fit igitur, ut & Galliarum Reges ejus gloriæ, quæ conservanda, & propaganda religione paritur, principatum sibi præter cæteros appetant; & qui eis genere proximi sunt (archiori autem eos, quam Navarræ Rex, & Regina, necessitudine attingit nemo) nulla in re magis elaborent, quam ut se perpetuo ejusdem laudis societate dignissimos præstent. Nam quid ego nunc Ludovicum, Philippi & re & cognomine Animosi Galliarum Regis filium, Divi Ludovici nepotem Eburovicum Comitem, Regem Navarræ, a quo per multos gradus nunquam interrupto successione ordine hæredi.

hereditas regni ad Joannam Reginam pervenit; eum igitur cur mihi pluribus verbis commendandum putem? Quid ejus Philippum filium? qui non tantum regni, verum etiam patriæ atque avitæ virtutis hæres, pro Christianæ pietatis defensione cum Granatæ Rege, acerrimo per id tempus Christianorum hoste, magnum & diuturnum bellum, summa & fortitudine & prudentia administravit. Theobaldi vero Campaniæ Comitis, qui & ipse Navarris regio Imperio præfuit, virtutem quis se unquam satis pro dignitate laudare posse confidat? qui cum totam prope ætatem in oppugnandis Christi adversariis consumpseret, ejusque rei causa usque in Africam invictum exercitum duxisset, multa prælia commississet, multas victorias reportasset, tandem et sacro bello, ad quod Divum Ludovicum comitatus fuerat, rediens, paucis post eum diebus ad superiores evolavit. Fuit, fuit illa semper, & adhuc est, in Navarrorum Regibus virtus, ut religionis defensioni alia omnia possiderent, pro ea, quoties ita resceret, non fortunas modo suas, verum etiam sua capita sine ulla cunctatione in quolibet periculum offerrent. Neque vero ita eos animatos esse mirabitur quisquam, qui cognoverit nunquam eos ipsa regni sui insignia adspicere posse, quin recordentur antiquæ majorum suorum virtutis, & laborum, quos illi pro religione nostra maximos, maximeque memorabiles pertulerunt. Ita enim memoriæ proditum est, Castellæ Regnum in Hispania quondam a triginta barbarorum Regibus, Duce atque Imperatore Smaragdo, occupatum fuisse. Unde cum illi magnum omnibus Christianis terrorem injicerent, brevique se tota reliqua Hispania, quæ Christianorum erat, potituros esse considerent Sancti, Navarrorum Regem, collecto forti magis quam numerofo exercitu, adversus eos profectum esse, cum prius pulcherrimum, clarissimumque jusjurandum jurasset, nunquam se ex bello, nisi parva victoria, reversurum. Excogitaverunt barbari cum alia multa ad prohibendas nostrorum incursiones aptissima, tum catenas quasdam ferreas, quibus ita vias omnes occluserant, ut equitatu, quo plurimum valebant nostri, omnis adempta spes faciendæ in hostem irruptionis videretur. Sed nihil virium habent adversus imprudentiam subdola & astuta consilia; debiles sunt omnes adversus constantiam machinæ; imbecilla & inutilis adversus fortitudinem multitudo. Deo duce per me-



dios hostes sibi & suis viam ferro faciens Sanctius, non prius  
 defecit, quam barbaros fufos, fugatos, castris exutos docuit,  
 victoriam non in munitionibus, operibusque bellicis, sed in  
 causæ bonitate positam esse; qui pro CHRISTI nomine di-  
 micarent, eorum impetum non posse ne collatis quidem in  
 unum aliorum omnium viribus sustineri. Superatis igitur, &  
 in potestatem reductis hostibus, omnium nostrorum & impe-  
 ratorum & militum incredibilis concursus ad Sanctium fa-  
 ctus est: alius amplexari eum, alius ad genua accedere, alius  
 fortem illam dexteram barbarorum domitricem, Hispania-  
 rum liberatricem, victoriæ confectricem, exosculari; qui  
 propter multitudinem propius accedere non poterant, vultu,  
 oculis, manibus, corpore, quascumque poterant, animi sui  
 significationes dabant; una omnes voce, & bellatorem for-  
 tissimum, & Imperatorem invictissimum confabulabant. In-  
 de cum de dividenda præda agi cœptum esset: quæ tanta  
 erat, quantam triginta potentissimorum Regum collatæ  
 unum in locum opes coacervare potuerant; nemo erat in  
 universo exercitu, qui non ita sentiret, itaque prædica-  
 ret, quantamcumque sibi partem ex ea vel deposceret, vel  
 etiam suo jure sumeret Sanctius, nunquam tantum ad eum  
 perventurum esse, ut non multo plus ipsius virtuti, præcla-  
 risque factis deberetur. Erat in castris barbarorum auri,  
 argenti facti, insectique permagna vis; gemmarum maximæ  
 pretii admirabilis multitudo; multum tapetium, multum  
 conchyliatæ vestis, multum peristromatum; ut est illa etiam  
 in bellis luxuriosa gens; armorum omnis generis optimorum  
 & exquisitissimo artificio fabricatorum infinitus prope nu-  
 merus; equi præstantes permulti; phalarum, ephippiorum,  
 cæterorumque ornamentorum equestrium incredibilis copia;  
 captivi longe plurimi; ex quibus ingens pecunia confici pos-  
 set: quibus omnibus ex rebus, Sanctium, ut quantum vellet si-  
 bi ipse sumeret, summo omnes consensu obsecrabant. Ille, ala-  
 cri vultu, cum gratam sibi esse illam exercitus voluntatem si-  
 gnificasset: non me, inquit, barbaricarum opum cupiditas,  
 ut in hoc bellum ingrederer, aut in prima acie stans corpus  
 meum telis hostium objicerem, induxit. Cristianæ mihi  
 pietatis ardor, & hujus pulcherrimæ regionis ab injusto im-  
 manium belluarum dominatu vindicandæ studium, facies ad  
 eam rem; & stimulos subdiderunt. Nunc, cum id, quod vo-  
 lai, divino beneficio, & vestra, milites, virtute consecutus  
 sum:

sum: non committam, ut majori animo videar armatorum,  
& stantium copias, quam inermium & jacentium spolia contem-  
plasse. Ornamento sint ista primum immortalis Dei no-  
stri, Divorumque templis, ac delubris: ut partim in sacrariis  
reposita, partim ex tholis pendentia, propagent in omne tem-  
pus memoriam nostri: posterisque nostros ad suscipiendam  
semper magno animo religionis nostræ defensionem exsusci-  
rent. Ditent cætera egenos & exhaustos, pro suis quemque  
meritis, milites: ut, cum juventutis suæ firmitatem in pe-  
riculis & laboribus consumpserint, habeant olim, quo sene-  
ctutis infirmitatem in tranquillitate atque in otio sustentare  
possint. Ego quidem, quod ad me attinet, præter has cate-  
nas, quas spectantibus adjuvantibusque vobis perfregi atque  
perrupi; & præter illam gemmam, illam, quam meis mani-  
bus dejectam, illic jacentem videris (hæc autem dicens, osten-  
debat illis prostratum, & in sanguine suo involutum exani-  
mem Smaragdum,) nullam omnino mihi mercedem, nullum  
præmium, aut postulo, aut appeto. Ergo ad conservandam  
tam nobilis victoriæ memoriam, simulque ad incitandos  
successorum suorum animos, & ipse postea catenas pro insi-  
gnibus gestavit; & instituit, ut iisdem insignibus cæteri post  
se Reges uterentur. Ac quoniam eo in prælio præcipuum,  
quem dixi, barbarorum ductorem Smaragdum sua ipse manu  
obtruncaverat: ejusdem nominis gemmam medio illarum ca-  
tenarum complexu voluit contineri. Quin etiam propter  
hanc, aliasque similes victorias, Regibus Navarræ honoris  
ergo tributum est, ut inungantur, coronentur, consecrentur.  
Obeatum illud sæculum, cum Christiani & Principes, & po-  
puli sine ullis discordiis, sine ulla opinionum varietate, ac di-  
screpantia, summo consensu, omnes vires suas ad proferendos  
Christianæ dictionis terminos conferebant. Nostra ætas &  
Christianos Principes alios aliorum viribus collisos attritos-  
que vidit, & in populis, ne quid abesset miseriis nostris, gra-  
vissimas pestilentissimasque seditiones ab improbris homini-  
bus, qui cupiditatibus suis falso religionis nomine prætexe-  
rent, concitatas. Quibus malis finem per te impositum iri,  
Pie Pontifex optime & sanctissime, omnes ita confidunt, ut,  
si hæc spes sefellerit, omnia quæ possunt evenire miserrima,  
maximeque detestanda vereantur. Erexisti animos omnium  
indicto; quod tanto opere optabatur, universali Concilio.  
Injecisti spem, fore, ut, hæresium peste sublata, sacrosanctum

JESU CHRISTI nomen animo, eadem voce, iisdem ritibus ab omnibus invocetur. Age dum, Beatissime Pater, ita te Deus ille, cujus ut personam in terris sustines, quam diutissime, & quem felicissime Ecclesiæ suæ præesse velit, urge constanter, ut facias illud propositum: omnemque diligentiam adhibe, ad prohibendum, ne tam teeter mali contagii latius ferpat. Memento, te nostrum omnium communem patrem, & pastorem esse: nostram omnium salutem ab eo tibi commissam, ac creditam, qui cum Deus esset, humana natura assumpta, quin sanguine suo viam nobis in cælum panderet, non recusavit. Omnia speramus a te excitatum iri, quæ jacere sentis, tantis tamque diuturnis dissensionibus perculsa atque prostrata. Videre jam videmur illud tempus, cum per te constituatur Ecclesiastici ordinis auctoritas, confirmetur veteres ritus, prævæ opiniones aboleantur, concordia, ne unquam postea dissolvi possit, severis legibus vinciatur. Multa perdidit Ecclesiasticus ordo & ornamenta dignitatis, & præsidia stabilitatis suæ: quæ nisi per te recipiat, a nemine sibi restitui posse censet. Ad ea autem recuperanda cum cæteros Principes Christianos tibi affuturos esse credimus; tum Antonius Rex, & Joanna Regina Navarra, se, Regnumque suum, & Bearniam, & quascumque denique summo cum imperio obtinent Provincias in tua potestate semper fore, seque, ut par est obsequentissimos Ecclesiæ filios, auctoritati tuæ nunquam non libentissime obtemperaturos esse, sanctissime pollicentur. DIXI.

DE MORALIS PHILOSOPHIÆ LAUDIBUS:  
CUM EAM DOCERE INCIPERET.

## O R A T I O VII.

*Habita Roma xvi. Kalendas Decemb. Anno MDLXII.*

Veteri consuetudine receptum est, ut omnes, qui artem aliquam publice ducendam suscipiunt, eam primam habeant concionem, qua rationem instituti sui cum ejus, quam se tradituros esse profitentur, artis laude conjungant, eoque quidquid habent in dicendo virium conferant, ut in ea cum utilitatis & emolumenti, tum dignitatis & amplitudinis longe plurimum inesse confirment. Quæ consuetudo

etli



et si minime reprehendenda mihi quidem videretur, quod omnia laudanda sunt, quæ ad amplificandam honestarum artium dignitatem, & ad excitandum in hominum animis earum studium pertinent: tamen illud habet incommodi, quod, dum omnes promiscue iisdem fere afficiuntur laudibus, ejusdemque rei gloriam diversarum artium homines ad suam quisque traducere, ac transferre conantur: fit, ut in vulgus elevetur omnium auctoritas; & ut, quoties aliquis de quacumque arte quippiam honorifice ac splendide dicere ingessus est, circumfusa multitudo ita eum loqui opinetur, non quod ita sit, sed quod eam tunc artem ornandam celebrandamque susceperit, idem de alia dicturus, si alia sibi extolenda, & exaggeranda esset. Ergo, ut qui comædias aut tragædias spectant, cum histrionem aliquem in proscenio aut ac purpura fulgentem viderint, facile intelligunt, illa ornamenta ipsius propria non esse, sed futurum, ut æque illis indueretur quilibet alius e grege, qui ad tempus eam personam sustineret: ita, qui ejusmodi orationes audiunt, cum hanc aut illam artem magnificis & exquisitis exornatam laudibus vident, statim iudicant nihilo magis esse in hanc, quam in illam convenire; futurumque, ut eadem de qualibet alia dicerentur, cui orator, tanquam choragus, eas quasi partes mandare atque imponere voluisset. Quæ cum mihi de principio in mentem venirent, propemodum in eam me sententiam adduxerant, ut eam Philosophiæ partem, quæ ad conformandos mores, instituendæque vitæ rationem pertinet, quotidianis disputationibus, quantum meæ vires ferrent, illustraturus, nihil initio, quod dignitatem ipsius vobis commendarem, dicendum arbitrarer; verèptem, ne cum suis eam modo ac propriis laudibus extulissem, communes tamen illæ nonnullis ac tralatitiæ viderentur. Simul autem illud cogitabam, si qui nondum pervidissent, assidua, & diligens harum præceptionum tractatio quantum momenti habeat ad bene beateque vivendum, fore, ut brevi eis promeretur ipsa loqueretur: ex qua multo id eos melius, multoque perfectius, quam aut ex mea, aut ex cujusquam oratione cognituros. Sed ab ea me sententia abduxit amicorum aliter sentientiū auctoritas, qui cum alia multa, tum hoc argumentum attulerunt: cum hæc ipsa Philosophia præcipiat, non esse cuiquam temere a publica consuetudine discedendum, minime convenire, qui eam se traditurum profiteretur; eum

In ipso quasi vestibulo illius præcepta migrare. Quocirca dicam hodierno die breviter & modice de moralis Philosophiæ laudibus, deque fructibus, quos illa suis cultoribus pollicetur; sed philosophico magis, quam oratorio more: non ut ei quidquam alieni affingam, aut quæ ipsius propria sunt, amplificandi causa in majus extollam: quorum alterutrum si coner, ipsa mihi Philosophia, ut est veritatis amans, tanquam Achilli Homericæ Pallas, manum injiciat: sed ut nudo ac simplici orationis genere, quale veritatis proprium esse ait Euripides, ea, quæ ad rem facere videbuntur, exponam. Primum igitur non artium modo, sed omnium omnino humanarum rerum dignitatem atque præstantiam ex fine, ad quem earum quæque dirigitur, quemque sibi proponit, pendi, ac spectari arbitror oportere: ut, quanto cuiusque finis præstantior ac diviniore est, tanto ipsa cæteris excellere iudicetur. Quo posito, (est enim ita perspicuum, ut probationis non indigeat) quis unquam reperietur tanta vi præditus ingenii, tanta eloquentiæ copia instructus, qui sese Philosophia, pro ipsius dignitate, verba facere posse confidat? Non enim illa sibi opes ac copias, quæ & sæpe possessoribus suis exitiosunt, & tam multis calibus eripi possunt; non honores & imperia, quæ, quod concupiverint, multi, quod aspernatus sit, nemo unquam vituperatus est; non quidquam denique proponit ejusmodi, quo & carere sine probro, & abundare sine gloria liceat: sed eam, ad quam omnes aspirant, quam sibi votis omnibus expetunt, ad quam omnes suas actiones, omniaque consilia referunt, felicitatem. Quando igitur cæteris omnibus bonis antestat felicitas, tanto Philosophia cæteris artibus antecellit. Quod si tanto studio coluntur artes quædam, quæ nihil sibi aliud, quam lucrum, & rei familiaris amplificationem tum incertam, tum laboris ac periculi plenam proponunt: quanto hæc studio digna est, quam parantur veræ illæ opes animi, quæ non furto eripi, non incendio absumi, non naufragio absorberi possunt, quæque certam, rectamque viam commonstrant ad persequendum id bonum, quo cætera omnia continentur? Si tanto in honore medicina est, quod habere levationem morborum, quibus tentatur corpus, bonæque valetudinis ac firmitatis tum effectrix esse, tum conservatrix creditur: qui tandem honores excogitari poterunt ea arte digni, quæ se in animis idem effectuatam esse profitetur? Nam & præstantior corpore ani-

mus

## O R A T I O VI.

31

mus est; & hujus, quam illius, multo plures morbi, multoque periculosiores. Quod si cui forte dubium est, excutiat ille paulisper intelligentiam suam, secumque reputet, quam sepe unius hominis ambitio, avaritia, libido integras funditus everterit civitates. His autem & similibus morbis medetur Philosophia, eamque in suis efficit animi firmitudinem, quam non voluptatum illecebræ, non dolorum faces, non divitiarum splendor, non obscura, & contempta paupertas, non honorum sitis, non ignominiaæ metus, non vitæ cupiditas, non mortis terror convellere, ac labefactare possit. Ut enim Olympi cacumen poetæ semper quietum esse ajunt; propterea quod altius sit, quam ut eo vis ventorum, tempestatumque perveniat: sic Philosophorum animus sublimior, & excelsior est, quam ut istos flatus sentiat furentium & de rebus abjectissimis inter se humi digladiantium cupiditatum. Stat ille, ut medio mari edita & altissimis defixa radicibus rupes: cujus summa fluctus ne attingunt quidem; infima sic verberant, non ut eam commoveant. Sed ut ipsi frangantur. Novit Philosophus vulgarium voluptatum blanditias partim puerilium oblectamentorum similes esse, indigna non modo quas consecrentur, sed quas respiciant viri; partim cum dedecore ac turpitudine conjunctas, ut satius sit quovis dolore lacerari, quam venenata ac pestifera earum suavitate mulceri. Habet alias ex sese proprias ac perpetuas voluptates, eadem sincerissimas, nullaque ne minima quidem permixtione molestiaæ contaminatas, quas ex ipsa virtute, & ex honestis actionibus carpit: iis fruitur, iis mentem pascit, iis se oblectat, eas solas caras ac jucundas habet. Nam ut in beatorum insulis dicuntur esse arbores quædam adpectu jucundissimæ, quatum in ramis toto anni tempore cernere est alios fructus mites iam, & ad maturitatem perductos, alios maturefcentes, alios pubentes adhuc, & in primum se florem induentes: sic in eorum, qui vere ac serio Philosophantur, animis toto vitæ temporæ aliæ actiones honestæ ac laudabiles consecræ jam sunt, & absolutæ, aliæ in eo sunt, ut absolvantur, aliæ inchoantur adhuc & informantur, primisque, ut ita dixerim, lineis designantur. Itaque aliarum recordatione ac conscientia, aliarum tractatione ac præsentia, aliarum meditatione & prospicientia sic afficiuntur, nihil ut sibi præterea jucundum aut amabile existiment. Immensa etiam illa & inexplibilis accumulandarum opum aviditas, quam, in-



certum est, copia an inopia magis incendat, radices agere in animo Philosophiæ præceptis confito & exulto non potest. Quid ita? Nimirum quia hæc id vel præcipue in suorum animis inserit, naturales opes & terminatas esse, & facile parabiles; eas qui adeptus sit, nihil ei amplius appetendum; non qui plurimum habeat, sed qui nimirum desideret, ditissimum esse; nihil magni faciendum, quod æque pessimus atque optimus quisque consequi possit. Neque tamen eorum consilium probat, qui aut aurum in mare abjecisse, aut possessiones suas incultas ac desertas reliquisse memorantur: hæc enim aut ignavorum hominum videntur, aut pecunia uti nescientium: quorum utrumque in vitio, non in laude ponendum est. Ac fuere quidem ii, de quibus illa narrantur, Philosophi: sed rudior illa quædam, & simplicior Philosophia tum fuit; politior nostra hæc, & ad usum civilem accommodatior: quæ docet, opes, si quis aut a parentibus acceperit, aut industria sua quæsierit, aut alia quapiam honesta ratione ad eas pervenerit, non aspernandas aut rejiciendas esse, sed ita habendas, ut virtutis, non ut luxuriæ, administras. Nam illud mihi quidem permirum videri solet, quid ita veteres illi judicarent, non posse se simul & rem habere, & in sapientiæ studia incumbere: qui mihi etiam videntur, quo facto summam divitiarum contemptionem significare ac præ se ferre voluerunt, eo ipso indicasse nimiam quamdam erga eas naturæ suæ provisionem, si nummos in arcam condere non poterant, ut non omnes cogitationes suas in eandem arcam includerent: neque quamdiu patrimonium habebant, imperare sibi, ut aliis rebus contemplandis ac cognoscendis vacarent. Equidem nunquam eum militem laudaverim, neque fortem habendum duxerim, qui adversarium a se quam longissime amoveat, ne cum eo manus conferat: sed eum potius, qui & congregiatur, & vineat. Neque vero video, quin minus impedimento sit egestas studiis, quam divitiæ. Necesse est enim, qui unde vivat, non habet, eum sibi vitæ subsidia aliunde quærere: in quo quantum temporis ponit, tantum de sapientiæ studiis detrahit. Melius igitur Philosophia, cui qui se regendos permittunt, ii opes, si non habent, non requirunt; si habent, utuntur ut decet: neque unquam torquentur, aut augendi cupiditate, aut amittendi metu. Quid ego nunc de perturbatrice humanarum rerum, optimi cujusque ingenii corruptrice, concitatrice bellorum omnium, ambitione, quam semper vivere in

in eorum quos semel occupavit animis, neque unquam com-  
 fenescere, gravissimus auctor ait Thucydides, verba faciam?  
 Numquid illius unquam facibus accendi poterit pectus, quod  
 infusa prius Philosophiæ præcepta irrigaverint? Imo vero  
 etiam si antea subjecti ab ea ignis aliquid forte conceperit,  
 id totum instillata Philosophia restinguet. Ea enim magi-  
 stra ac perceptrice cognoscimus, verum decus, veramque  
 gloriam in sola virtute positam esse: eam, qui consecutus sit,  
 quid alii de se iudicent, non admodum labore oportere:  
 præcipue vero despiciendam levis & imperitæ multitudinis  
 temeritatem, quæ ad mandandos honores cæco sapius & in-  
 considerato impetu, quam certo & explorato iudicio fertur.  
 Præclare & sapienter Cato malle se dicebat, quærere homi-  
 nes, cur sibi posita non esset statua, quam si quærerent, cur po-  
 sita fuisset. Eodem animo sunt veri omnes Philosophi: esse se,  
 ut de Amphiarao ait Æschylus, quam videri optimos ma-  
 lunt; honores autem & magistratus aut non petunt, aut alie-  
 næ, non suæ utilitatis causa petunt; neque si adepti sint, ex-  
 sultant: neque, si repulsam tulerint, anguntur animo, sed pla-  
 cate & moderate ferunt; aut, si quando dolent, Reipublicæ  
 dolent vicem, non suam. Cæsarem ferunt, cum Pontificatum  
 petiturus ad comitia descenderet, matri dixisse, illam eo  
 die, aut Pontificem habituram filium, aut exulem. Jam tum  
 prælagire ac præcognoscere licebat, ambitionem illam in-  
 gens aliquod malum civitati daturam. Itaque quid postea  
 effecerit, videmus. At Cato, in petitione præturæ etiam Va-  
 tinio posthabitus, æquissimo ac moderatissimo animo tulit.  
 Ita sunt Philosophi. Maximam voluptatem in prætermitt-  
 endis voluptatibus, maximas opes in quieto, ac contento  
 suis animo, maximam gloriam in non ambienda gloria po-  
 nunt. Satis honoratum putant esse, qui honore dignus sit; satis  
 magnum Regem, qui seipsum regere; satis potentem Impe-  
 ratorem, qui cupiditatibus suis imperare possit: qui vero eis  
 plane domitis ac subactis jugum rationis, quod illæ ne conen-  
 tur quidem unquam excutere, imposuerit; ab eo omnes  
 aliorum victorias triumphosque superatos. Quod si libidi-  
 nem, avaritiam, ambitionem pestes quasdam ac furias esse no-  
 vimus, quæ funditus humanam vitam conturbent: quantus  
 honos habendus est Philosophiæ, quæ se omnes earum cona-  
 tus repulsuram, omnes igniculos repressuram, omnia semina  
 elisuram, non magnificentius, quam verius, pollicetur? Videre

vos opinor, quam se latus orationi meæ campus ostendat, si, quæcumque hoc loco se offerunt, persequi, & in singulis insistere, atque immorari velim. Nam cum virtus nulla sit, de qua non splendide, & ornate dicere; nullum vitium, in quod non graviter, & copiose invehi liceat: quidquid de eorum utrolibet dici potest, idem ad Philosophiam laudandam accommodari potest: quam virtutis indagatricem, vitiorum expultricem Latinorum omnium eloquentissimus vere ac merito nominavit. Sed non committam, ut cuiquam videar transilire eos terminos, quos initio pepigi: potiusque reprehendi me patiar, quod multa, quæ fufius explicare licuisset, compresserim, ac coarctaverim, quam quod in ulla re dilatanda evectus sim longius iusto, neque satis mihi temperare potuerim. Nunc illud mihi etiam atque etiam considerate: cæterarum omnium artium fines, neque eos modo, sed omnia prorsus, quæ bona putantur in vita, nisi quis Philosophiam vitæ ducem habeat, pestifera ac perniciofa esse. Da homini non Philosopho opes ac copias; da honores atque imperia; da firmam valetudinem; da gladiatorum totius corporis robur; da militum magnarumque rerum cognitionem ac scientiam; da flexanimam illam, ut portæ vocant, & omnium rerum reginam eloquentiâ, da quidquid in filiis parentum votis optari solet: quo ejusmodi plura in talem hominem congesferis, eo illum magis & in suam & in aliorum perniciem armaveris. Opibus aletetur ad suam libidinem explendam; impennis ad alienam libertatem opprimendam; firmitate & robore ad obeunda facinoræ; scientiam copiamque dicendi ad circumveniendos cives suos, ad perturbandam Rempublicam, ad omnia denique tum sacra, tum profana permiscenda, & evertenda convertet. Da hæc eadem vero, minimeque fucato Philosopho: Deum quemdam ad benefaciendum humano generi ex cælo demissum esse dices. Atque hoc illud est, quod in Alcibiade minore sive Plato, sive Xenophon disputat, ea quæ suapte natura bona sunt, sine scientia ejus, quod optimum est, quam eadem & Philosophiam esse statuo, ad perniciem, non ad salutem, valere. O præclarâ laudem Philosophiæ, cujus ope ne mala quidem nocere, qua detracta, ne bona quidem prodesse possint. Merito dixit Plato, nullum a diis datum esse hominibus ea majus aut præclarius donum. Merito Cicero unum diem ex ejus præceptis actum immortalitati anteponendum. Neque vero non illud ad ejus, de qua proprie sermo nobis institutus est,



est, Philosophiæ laudem ac commendationem facit, quid omnia propemodum, quæ a veteribus de Philosophia honorifice dicta sunt, ad hanc pertinent, quæ in vitæ, ac morum commendatione versatur. Non enim Plato, cum illam nobilissimam vocem, tanquam ex oraculo edidit, tum demum beatas civitates fore, cum aut regnarent Philosophi, aut Reges Philosopharentur, intellexit, tum id eventurum, cum Reges aut in differendi subtilitate, aut in pervestigandis rerum naturalium causis occupati essent: quæ quamquam præclaræ sunt, longissime tamen absunt ab eo, ut beatas Respublicas efficere possint: sed, cum virtutis pulchritudine incensi omnes vires suas ad eam non cognoscendam modo, sed exercendam, excolendam, propagandam contulissent. At contra quidquid inanibus imperitorum ac maledicorum sermunculis adversus Philosophiam jactatum est, quoscumque in eam aculeos scurrilis quorundam libido conjecit, quidquid ad minuendam ipsius dignitatem veteris comædiæ licentia effatit, id omne, si diligentius excutiat, ad Dialecticos potius, & ad Physicos, quam ad Politicos, pertinere videbitur. Quod si ullus in orbe terrarum locus est, ubi Politicen florere, tuamque dignitatem obtinere deceat, Romæ id, Romæ potissimum fieri debet: cui urbi a primo ipsius ortu divino permisso datum est, ut aliis imperaret, unde leges, unde jura, unde religionem cæteræ nationes & olim petierunt, & nunc petunt; unde quondam extiterunt tam multi clari viri, qui hæc præcepta, quæ nos tradituri sumus, exemplo suo comprobant. Nolite enim putare illa lumina, Camillos, Curius, Fabricios, Fabios, Scipiones, Lælios, cæterosque præstantes viros, quos olim hæc urbs innumerabiles tulit, quorum quotidie nomina auditis, facta legitis, monumenta cernitis, statuas tanta cum admiratione intuemini, quod de Philosophia neque disputarunt fere, neque scripserunt, eo minus Philosophos fuisse. Vita illi, non oratione; factis, non dictis; moribus, non sermonibus philosophabantur: quod pulcherrimum ac verissimum est philosophandi genus. Integritatem, justitiam, fidem, fortitudinem, omnem denique virtutem & colebant ipsi, & alios colere jubebant. Eo ad tantam majestatem atque amplitudinem pervenerunt, ut pleræque gentes, quod ipsæ olim a talibus viris subactæ, ac superatæ sint, quam quod ipsæ alias devicerint, præclarius sibi, ac gloriolius ducant. Quantam oportet gloriam fuisse.

fuisse vincendum, cum vidi tot post seculis glorientur? Eorum ego potissimum exemplis, adolefcentes, incitabo vos quotidie atque exacuum, neque ullum ex Aristotele præceptum proferam, cujus non ex hac urbe plurima maximeque illustria exempla repetantur. Constitui enim, quando Pius optimus ac sanctissimus Pontifex, qui ipse omnis virtutis perfectissimum exemplar est, eum mihi honorem detulit, ut a me virtutis & officii præcepta vobis proponi, atque explicari voluerit, modis omnibus eniti, ut ea non arido, & inculto, & molestis implicato quæstionibus orationis genere prosequar: sed, quantum id quidem in me erit, florido, & ubere, &, quasi stellis quibusdam, ita petitis ex veteri historia exemplis illuminato atque distincto. Peto autem a vobis, ut, si & in iis rebus, qua tractare institui, summam dignitatem inesse cernitis, & me nullis vigiliis, nullis laboribus, nulli denique rei parcentem, ut vestris commodis consulam, videbitis, industriam meam diligentia ac benevolentia vestra adjuvetis. DIXI.

DE MORALIS PHILOSOPHIÆ NECESSITATE:  
DUM IN EA DOCENDA PROGREDERETUR.

### O R A T I O VIII.

*Habita Roma VII. Id. Novemb. Anno MDLIV.*

Superiori anno, cum injunctum mihi Pontificis auctoritate munus obire inciperem, multa dixi de laudibus Philosophiæ, cohortatusque vos sum, quam potui diligentissime, si tranquillitatem vitæ, si libertatem, si dignitatem atque honestatem, si salutem denique & vestram & publicam curæ haberetis: ut, quæ ars tranquillaret animos, quæ eos a teterrima vitiorum servitute in justam plenamque libertatem assertos, ad verum decus, quod in virtute positum est, traduceret, quæ denique & singulos privatim & publice totas civitates conservaret, ejus in studium toto pectore alia omni cogitatione posthabita, incumberetis. Quam cohortationem meam etsi non prætervectam esse aures vestras, sed in animis plurimorum penitus infedisse vel ex eo probabiliter intelligi potuit, quod mihi postea ex hoc ipso loco Philosophiæ præcepta tradenti satisfrequentes assiduam operam dedi-

dedistis: facere tamen pro meo erga vos amore non possum, quin vos hoc quoque tempore non adhorter tantum, sed obsecrem etiam & obtester, qui jam iter illud ingressi estis, ut constanter persequamini, qui novum, ut id vobis, primo quoque tempore ingrediendum esse statuatis. Nulla enim vitæ pars, nulla vivendi ratio, carere fructu, qui ex eorum, quæ nos quotidie tractamus, cognitione percipitur, sine maximo incommodo potest. Magnum est, fateor, rerum naturalium principia causasque nosse; syderum cæterorumque corporum cælestium situs, magnitudines, intervalla scientia comprehensa tenere, præclarum; illa vero etiam, quam in hæc inferiora vim habeant, quidque ad quamlibet multos annos effectura sint, sine ullo errore posse prædicere, prope divinum. Sed certe, quod ne illi quidem ipsi, qui ea se docere profitentur, negaverint, eorum in quibus nostra exercetur industria, & fructuosior cognitio est, & perniciosior ignoratio. Itaque ut nos iis, qui abdita illa & retrusa tractant, & ingenii acumine & doctrinæ magnitudine, & rerum admirabilitate non inviti credimus: ita ipsi nobis, nisi valde iniqui sint, ea, quæ disputabuntur a nobis, & magis necessaria esse, & uberiores hominum generi fructus afferre fateantur necesse est. Nullus enim unquam, quod illa aut non teneret, aut etiam negligeret, minus propterea vir bonus, aut minus utilis patriæ civis existimatus est: hæc autem ignorata, aut neglecta non singulos modo perdiderunt homines, sed integras funditus affligerunt & everterunt civitates. Nos, quæ adolescentum, quæ constantis ætatis, quæ senum officia sint, quærimus; nos quid domi, quid militiæ, quid a privatis, quid ab iis, qui cum imperio sunt, præstari debeat, disputamus; ex nobis intelligit pauper, quomodo tollerare inopiam; dives, quomodo uti divitiis debeat; a nobis quid inter patrem & liberos, quid inter virum & uxorem, quid inter fratres, cognatos, amicos, civis, quid denique inter omnes homines observari par sit, explicatur; nos fortitudinis, nos temperantiæ, nos liberalitatis, nos justitiæ, cæterarumque virtutum vim atque naturam disputationibus nostris patefacere, atque illustrare conamur. Sine horum præceptorum cognitione mura conticescet eloquentia; manca & mutila erit juris legumque cognitio; illa ipsa domina & regina artium Theologia animos requirit diligenti harum rerum tractatione præparatos atque præcultos. Quæ cum



cum ita sint, quamcumque quis vitæ viam ingredi parat, ita statuere debet, cæterarum Philosophiæ partium cognitionem sibi & utilem & honorificam, hujus plane necessariam esse. Sed sunt quidam perverso homines ingenio, qui causas, propter quas, & ipsi a pulcherrimo studio abstineant. & ab eodem cæteros evocent, cominiscuntur. Partim enim communia, & contraria esse dicunt, quæ hîc docentur, ut ad ea percipienda doctore nihil opus sit; partim non habere eam vim, ut ad virtutis studium excitent: cujus rei argumentum capiunt, ut eo, quod innumerabiles & olim fuerunt, & hodie sunt, qui cum hæc omnia se scire profiteantur, nequissime tamen & flagitiosissime vivunt. Quibus utrisque breviter respondere institui: & efficere, si possum, ut ii, qui ista temere jactant, cognoscant errorem suum: cumque se nihil dicere videant, sententiam mutent; sin minus (nihil est enim difficilius, quam vincere pertinaces) certe quidem, ut ne alii stultitiæ & malevolentiae plena eorum oratione moveantur. Primum igitur agamus cum istis, qui, ut ad cibos nimium dulces, ita ad disputationes nimium apertas & faciles nauseare se dicunt. Ex quibus libenter quæsierim: qui tandem fiat, ut, quibus rebus omnes ad alia studia invitari, atque allici solent, iisdem se ipsi ab hoc studio averti absterrenique dicant. Certe enim, cum ea, quæ docentur utilia & præclara sunt, & eodem, accedit, ut clara, perspicua, aperta, cognitu facilia sint; eo majores concursus ad eos, qui illa docent, fieri constat. Quid igitur cum illis agas, qui, quæ res ad concilianda cæterorum studia plurimum valere consuevit, ea se ipsi tardari ac retrahi ajunt? Ego vero, etiam si præcepta virtutis quamlibet multis obstructa difficultatibus forent, laborandum tamen, & sudandum, & nunquam nisi eis cognitis ac comprehensis conquiescendum putarem: nedum ea, quia, ut isti volunt, a quolibet non tardissimo neque inertissimo percipi possunt, omittenda aut minoris facienda censeam. An de rebus ad vitam nihil pertinentibus inter homines eruditissimos summa contentione disputabitur: in eisque, quia involutæ, & prope inenodabiles sunt, opera præclare collocari videbitur: hæc quæ vitam omnem continent, ut nimis obvia & in medio posita, negligentur? Quamquam quid diutius ita disputamus, quasi eis concedamus, quod volunt nihil hic doceri, quod non aut etiam vulgo notum sit, aut quivis sine doctor is opera facile consequi possit? Ergo ille omnium, qui

qui tunc erant, mortalium, ut creditum est, sapientissimus Socrates, qui nulla unquam alia de re, quam de virtutibus & vitiis disputavit, vulgaribus & satis per se notis in rebus spatium ætatis omne contempsit? Quid Plato? quid Xenophon? quid Aristoteles? quid cæteri suæ quisque ætatis Principes viri? Quid erat causæ, cur tam multa in hoc genere scripta posterioritati relinquerent, si nihil egrum, nihil exquisitum, nihil excellens, sed ea tantum, quæ quilibet e populo satis per se intelligeret, litteris mandaturi erant? Videlicet, quia iustitiam, fidem, temperantiam, liberalitatem omnes assidue in ore habent; neque quisquam est, ne ex illa quidem sæpe vulgi, qui se de ejuimodi rebus optime judicare posse confidat, idcirco nullam magnam eruditionem in eis cognoscendis sitam esse arbitrantur. Quod tamen longe secus est, interestque nimium quantum inter eos, qui tantum tenent nomina, & eos qui ex eruditorum hominum scriptis, ac sermonibus de rebus ipsis vere judicare didicerunt. Plena est exemplorum vita communis, ex quibus facile intelligi licet, quam sæpe vulgus hominum in judicandis virtutibus vitiisque fallatur. Quod ni ita est, cedo causam, cur qui mimis, lenonibus, parasitis, adulatoribus plurima largiantur, & suo & multorum judicio sint liberales, cur multi restricti, tenaces, sordidi, qui facilius partiantur sibi dentem unum ex ore excuti, quam nummum, unum ex arca moveri, parcimoniz ac frugalitatis nomen ferant; cur tam multi ad audendum projecti & temerarii commendantur pro fortibus, tam multi timidi & ignavi pro cautis & consideratis prædicentur. Quid? jurisconsultorum vigilæ in quæ consumuntur, quid spectant eorum labores, quæ in re eorum acutissima exerceantur ingenia, nisi ut videre ac dijudicare possint, quid in quaque re justum injustumve sit? Non igitur, ut nimium facilis, despicienda est ars ea, quæ virtutum omnium vim naturamque pertractat, cum in una virtute cognoscenda videamus tam diu, tanta diligentia, ab hominibus summo ingenio præditis laborari. Informavit quidem natura & impressit in animis nostris adumbratas quasdam virtutum & vitiiorum omnium notiones: sed illæ tantam vim non habent, ut quisquam eis fretus confidere debeat, se sine disciplina vere de rebus expetendis, fugiendisque judicaturum. Quod si nos nihil aliud, nisi hæc tam utilia, tamque salutaria quamlibet nudo, & inornato dicendi genere traderemus,

remus; calumniari tamen nemo nos posset, nisi alienæ nimis iniquus æstimator industriæ, ut in rebus nimium pervulgatis & facilibus occupatos. Nunc cum & ad salubres animorum epulas condimentum sermonis, quantum in nobis est, adhibeamus: & res suapte sponte pulcherrimas, tum præstantissimorum omnis ævi scriptorum testimoniis fulcire, ac corroborare, tum insatiabili quadam veterum exemplorum copia exornare, atque illustrare soleamus; tamen ne inveniuntur, qui elevare labores nostros audeant; quæque præstantur a nobis iis sudoribus, ac vigiliis, quarum ipsi nobis conscii sumus, ea quemlibet unum e multis ludibundum perficere posse contendant? Qui si periculum facerent ipsi, quam non quarumlibet virum sit munus hoc ita, ut nos facimus, sustinere & exequi, fortassis, experientia edocti, minus de se elate ac magnifice sentirent, minus de aliis maledice contumelioseque loquerentur. Sed omittamus istos. Nescio enim, quo modo factum est, ut de re dicere ingressus, de me plura quam volueram dixerim: quod ipsum ut facerem, quorundam me hominum, quos nominare nihil necesse habeo, iniquitas coegit. Difficilior cum eis luctatio est, qui negant, sermonibus nostris quemquam ad virtutem incitari: idque ex eo colligunt, quod sæpissime contingit, ut qui optime loquuntur, pessime vivant. Nos vero si diceremus eam in disputationibus Philosophicis inesse vim, ut ex audientium animis vitia radicitus evellere, virtutesque eisdem ingenerare possent, merito ut vani atque inepte gloriosi reprehenderemur. Multas magnasque mercedes, ut ait Theognis, ferrent Philosophi, si, quemadmodum Circe herbis & cantibus suis homines statim convertebat in feras, ita ipsi suis sermonibus ex feris homines facerent, id est, homines ferarum simillimos ad virtutem a vicio, ad rationem a furore, ad humanitatem ab immanitate revocarent. Et tamen aliquid te aliquando ejusmodi effecisse Philosophiæ gloriari licet. Producet enim Polemonem ab infami vita moribusque perditissimis ad bonam frugem & ad severitatem, unica Xenocratis disputatione revocatum. Sed ut non peræque in omnibus campis agricultura: ita non in omnibus animis Philosophia idem efficit. Illud quidem cerre negari non potest, aut nullam omnino esse artem, quæ medeatur animis, quæ quanta sit in vitiis deformitas, quanta in virtute dignitas, doceat, quæ ab illis avertat, ad hanc incitet; aut eum honorem Phi-



losophiæ potissimum esse tribuendum. Quod autem ob-  
 ciunt, plerosque Philosophorum factis dogmata sua evertere,  
 neque ignem aquæ magis contrarium esse, quam eorum mo-  
 res orationi: ita enim loqui, ut vitio; ita vivere, ut virtuti  
 bellum indixisse videantur: utinam tale euet, ut id nobis in-  
 ficiari liceret. Est enim acerbissimum negare non posse, quod  
 sit turpissimum confiteri. Sed quoniam iis, quæ omnibus no-  
 ta sunt, fidem abrogare velle dementiæ est: non negabimus  
 verum esse, quod obicitur; tantum deprecabimur, ne pro-  
 pter hominum vicia res ipsa invidia vocetur, neve, quo-  
 rum facta merito averſamur, eorumdem sermonem immerito  
 repudiemus. Ut enim quorundam ex Epicureis dogma repre-  
 henditur, vita laudatur: sic horum vitam reprehendere, do-  
 ctinam amplectari debemus. Polycletum insignem statua-  
 rum opificem tradunt librum de artificio suo edidisse, quem  
 Canona, id est, Regulam inscripsit: quo libro omnia, quæ in  
 statua hominis fingenda observari conveniret, quæ singula-  
 rum partium minimarum, maximarum figura esset, qui situs,  
 quæ inter se proportio, subtilissime & accuratissime perfec-  
 tus est. Eodem autem tempore statuam a se factam publice  
 proposuit, in qua ea omnia diligentissime observata erant, ne  
 quid præcipere aliis videretur, quod non ipse præstaret:  
 quam statuam ipsam quoque Canona nominavit. Vellem  
 eandem rationem Philosophi teneremus: neque tantum tra-  
 deremus aliis præcepta, ad quæ vitam suam dirigerent, ve-  
 rum etiam vitam nostram ad ea conformatam ostenderemus.  
 Magna sine ulla dubitatione præceptis nostris ex eo accede-  
 ret auctoritas. Sed quando id optandum potius, quam speran-  
 dum videtur, quod in frugibus, in sætibus arborum, in corpo-  
 ribus animantium, quibus vescimur, facimus, ut, reſectis &  
 amputatis iis, quæ inutilia sunt, iis, quæ prodesse possunt,  
 utamur; idem in hoc genere Philosophorum faciendum est,  
 ut, reſecta eorum turpi flagitiosaque vita, gravem severam-  
 que doctrinam non auribus tantum, sed multo magis animis  
 combibamus. Non enim, si qui ex medicis cibo se & potu ali-  
 quando ingurgitant, eo illis continentiam præcipientibus, qui  
 sapiunt, minus parent: sed illi quidem quid agant, non labo-  
 rant, artis autem ipsius placitis & decretis obtemperant. Nā  
 cum alicujus mores & præcepta congruunt ac concinunt,  
 tunc aut utraque laudanda sunt, aut utraque vituperanda:  
 cum discrepant & dissident: causa nulla dici potest, quin alte-  
 rum

rum retinendum sit, alterum rejiciendū. Horum a dictis facta ita distare constat, ut non cælum a terra longius distet: sunt autem facta turpissima: igitur sermones, quibus ea ipsa facta damnantur, ac reprehenduntur, dignissimi qui audiantur. Atque ut medici, quo majorem auctoritatem arti suæ conciliunt, solent interdum enumerare quosdam præcipuis auctoribus disciplinæ suæ, qui, quod ita se compararunt, ut præcepta sua non ostentationem scientiæ, sed legem vitæ putarent, diutissime, saluberrimeque vixerunt: ita nos nihil, si volumus, impedit quamlibet multos Philosophos nominare, qui, quod decretis suis paruerint, quasque leges aliis proponebant, ipsi servaverint, merito sunt apud omnes populos nunquam inter morituram gloriam consecuti. Illi fortassis nominabunt Hippocratem, Asclepiadem, Galenum: quorum primus usque ad annum centesimum quartum ætate provectus est; alter eo processit, artis suæ fiducia, ut ausus sit cum fortuna sponsonem facere, ne medicus haberetur, si ullo unquam morbo tentatus esset, & victor cum ad extremam senectutem sine ullo morbo pervenisset, scalarum lapsu exanimatus est; tertius cum imbecilliori valetudine usus esset adolescens, ita eam arte correxit, ut ad septuagesimum annum pervenerit. Nos e Philosophiæ castris ad repellendos ipsius vituperatores primum quidem in aciem educemus illud honestatis, illud modestiæ, frugalitatis, innocentæ, fortitudinis, omnis denique virtutis specimen & exemplar Socratem: qui ita locutus est, ut ex ejus sermonibus omnes, quæ postea consecutæ sunt Philosophorum disciplinæ fluxerint; ita vixit, ut hodie quoque nomen illius non hominis, sed integritatis & innocentæ nomen putetur. Cui succedet par illud nobile in eodem institutum ludo Xenopho & Plato: quorum uterque summam in dissimili genere eloquentiæ laudem pari vitæ gravitate cumulavit. Proxime his Xenocrates: de cuius eloquentia dixit Polemon; de continentia Phryne; de frugalitate, & contentione pecuniæ Alexander; de fide & justitia universus populus Atheniensis, qui eum, dicto publice testimonio, ad aras jurandi causa accedentem, una voce revocavit, ac jurare veruit: parum sibi decorum ratus, tam spectatæ fidei viro, nisi jurato, non credidisse. Inde æternum Alexandri crimen Calisthenes, unoque verbo tota vetus Academia, & Lyceum, & illa non tam Myconis, & Polygnotti picturis, quam Zenonis,

& Chry-

& Chrysippi disputationibus nobilitata porticus, quibus ex omnibus quasi virtutis & doctrinæ officinis innumerabiles viri, incertum doctiores, an meliores prodierunt. Agmen claudent Epictetus, Plutarchus, Mulonius, cæterique illi ætati suppres, quos ita philosophatos accepimus, ut iis, quibus cum vivebant, ad omnia recta & laudabilia non voce magis, quam exemplo præirent. His copiis facile speramus fore, ut eorum, qui Philosophiam maledictis incessere audent, retundatur audacia. Qui si ita victi erunt, ut deinceps in nostrum se numerum aggregari velint, & in ejus ipsius, quam oppugnabant, castris stipendia facere incipiant, victoriam adepti erimus longe ei dissimilem, quam veteres Cadmeam nominabant. Illa enim & victori luctuosa erat, & victo: hæc & victoribus erit lætitiæ, & victis salutis: Sin, cum se fractos ac perculsos videant, permanebunt tamen in eadem pravitae atque obstinatione animi, & ut ignavi canes, Philosophiam, ad quam proprius accedere non audent, eminus allatrabunt: vos tamen, optimi adolescentes, quorum causa hic a me institutus est sermo, quibus mei labores serviunt, quorum ad utilitatem omnes mei conatus, omnes vigilæ, omnia studia referuntur, urgete constanter propositum: neque patimini, vos cujusquam sermonibus a suscepto studio abduci. In ea ætatis parte constituti estis, in qua & ingenium ad omnia percipienda docilius, & corpus ad tolerandos studiorum labores firmitus esse consuevit. Videte, ut eam iis in studiis collocetis, quæ vobis olim maximo & usui & ornamento futura esse cognoscitis. Atque ut obrectationibus nostris eripiat omni animum maledicentiæ, coniti-mini, quantum potestis, ut virtutis & officii præcepta, quæ ex me quotidie audietis, non tantum excipiat animo, verum etiam vita & moribus exprimatis. DIXI.

## DE JUSTITIÆ LAUDIBUS.

## O R A T I O IX.

Habita Romæ Postridie Non. Mart. Anno MDLXV.

*Cum quintum librum Ethicorum Aristotelis inchoaret.*

Quod principio me, cum hos libros explicare ingrederer, dicere meminissis, accuratam eorum tractationem, & intel-



intelligentiam cum ad omnes vitæ partes utilissimas, tum iis, qui in iure civili excellere, locumque aliquem, non inter circumforaneos istos clamatores, sed inter veros & graves, & veterum illorum simillimos jurisconsultos obtinere mediantur, necessariam esse: id & aliqua jam ex parte, quam verum sit, judicare potuistis, & ex iis præcipue, de quibus in hoc libro disputabimus, intelligetis. Ingridendum enim nobis ex duce & quasi myſtagogo Aristotele in augustissimum & religiosissimum justitiæ templum; lustranda oculis omnia illius adita; contemplanda inprimis ipsius ideæ forma; & tum quæ quantaque vis illius potestasque sit, tum quibus ipsa se rebus, quibus ritibus celi gaudeat, cognoscendum est. Hæc illa est, Auditores, omnium domina & regina virtutum: a qua in omne hominum genus leges & jura manarunt; quæ benefactis honores & præmia, malefactis ignominias & supplicia proponens, studia bonorum excitat, malorum improbitatem coercet; qua sublata, non domus ulla, non civitas, non hominum inter se societas, non ipsa denique universitas rerum stare ac tueri se punctum temporis posset. Etenim, quoniam hodiernus dies cæteræ dispensationis proluſionem modo quamdam habiturus est: dabitis mihi hanc veniam, ut, paulo altius hujus sermonis principia repetens, percurram ea, quæ, priscis temporibus, summa sapientia præditi homines de justitia tradiderunt. Justitiæ originem a cælo esse dicebant; illic eam & vigere, & ex omni æternitate vigiſſe; certo illic ordinem, atque immutabili quadam lege gubernari omnia; ideoque æterna atque immortalia esse. In iis autem, quæ sub orbem lunæ subjecta sunt, absolutam quidem illam & omni ex parte perfectam justitiam materiæ vitio cerni non posse: esse tamen aliquam cælestis illius imaginem, alibi expressiorem, alibi minus expressam: futurum enim alioqui, ut permiscerentur ac corruerent omnia. Atque ut quæ res plura & certiora illius vestigia retineret, ita esse eam perfectiorem, stabiliorem, immortalitati viciniorem: ut pauciora minusque certa, ita minus perfectam, minusque constantem, pluribusque casibus atque interitui denique obnoxiam. In elementis hoc primum notari volebant, eaque dupliciter considerabant: quatenus unumquodque eorum totum quiddam atque integrum est; & quatenus ad compositionem, quæque coagmentationem cæterorum corporum particulæ quædam

dam illorum assidue permiscuntur ac temperantur. Tota igitur elementa nisi sedes ac regiones sibi a natura datas atque attributas obtineant; si irruere in alienas & migrare conentur; si ignis proxime sibi suppositam animalem spirabilemque naturam depascat, & absumat; si aqua non contenta iis terminis, quos pepigit Deus, terram operiat & obruat: quis non intelligit, peritura funditus omnia, & talem quandam confusionem, qualem poetæ ante orbem conditum fuisse fingunt, consecuturam? Quid cum partes eorum copulari ac coalescere ad alia corpora progignenda & constituenda oportet, non ne iustitia quædam temperationis illius moderatrice opus est: ut tantum cuiusque pro rata portione, quantum satis est, adiniscatur? In illa etiam quadripartita tempestatum varietate, qua distinctus est annus, idem observari posse dicebat. Quæ cum ita eunt, ut quædam ipsius naturæ quasi leges sanctum est: hoc est, cum & cellus conceptis seminibus hiberno frigore adstringitur, & vernis modicis imbribus ac tepore laxatur; cum & fruges fructusque arborum æstivo calore probe percoquantur, & eodem sub autumnum remittente se paulatim ac frangente mitescunt: tum & saluberrimus annus est, & maxima rerum ad victum necessariorum ubertate ac copia insignis. Cum contra sit, tum & caritas exiit annonæ, & variis morborum generibus omne genus animalium tentari solet. Cumque unusquisque nostrum duabus ex partibus conjunctus concretusque sit, corpore & anima searum partium ex utraque, quæ iustitiæ, injustitiæque vis esset, liquido perspicui posse adleverabant. Omnia enim mala, omnia damna, omnem perniciem & corporibus & animis ex injustitia evenire: iustitia salutem, incolumitatem, bona denique omnia effici ac contineri. Nam cum in corporibus quatuor sint, quæ quatuor elementis proportionem respondeant, igni flava bilis, animæ sanguis, aquæ pituita, bilis atra terræ: quamdiu hæc cum æquabilitate quadam inter se permixta sunt, valemus, ac vigemus; cum eorum aliquod aut potentius, aut infirmius, aut plus, aut minus iusto est, aut se a communione cæterorum segregavit; conflictamur variis morbis, tandemque interimus. Qua de re principis medicorum Hippocratis in libello de natura hominis hæc verba sunt: *Corpus hominis habet in se sanguinem & pituitam & bilem duorum generum, flavam & nigram: ex his omnibus ipsius corporis natura*

cura est: eis sit, ut & doleat, & bene valeat. Bene igitur valet, cum ea moderate inter se affecta sunt & temperatione & potestate & copia: maximeque si permixta sint; dolet autem, cum eorum aliquod aut plus aut minus est, aut in corpore secretum, neque cum ceteris omnibus temperatum. Hæc Hippocratis verba ipsa expressi: ex quibus intelligimus, in æquabilitate, cujus effectrix iustitia est, sitam esse bonam corporis constitutionem. Sed ne ali quidem corpus utiliter ac salutariter sine aliqua imagine iustitiæ potest. Nisi enim vis aliqua sit, quæ & siccum & humidum alimentum, ubi jam coctum atque confectum, & in succum ac sanguinem conversum est, æquabiliter distribuat, ac dispertiat, atque id quod cuique parti aptum & accomodatum est, & quantum opus est, tribuat, neque alias partes tumidas & redundantes, alias exhaustas & enectas esse pariat: facile intelligimus, hæc tam admirabilis fabrica corporis nostri quantam deformitatem habitura, & quam cito ruitura sit. Atque hæc in corporibus. Quid in animis? quantum bonorum a iustitia, quantum malorum ab iniustitia effici creditis? In quibus cum pars una sit, qua intelligimus, qua ratiocinamur, qua proxime ad divinam naturam accedimus; altera, quæ rationis ipsa quidem pars se particeps non est, sed obtemperare tamen rationi potest: cum quod fieri jus est, id sit, hoc est, cum pars illa superior imperat, & tanquam non habens tenens, currum regit; pariet altera, & quo illa cumque ducit sequitur: tum omnis honestas, omnis dignitas, omnis officii ac virtutis splendor elucet. At cum, excussio ac depulsio rationis iugo, cupiditas, quasi seditiosus aliquis ac turbulentus civis, fasces arripit, in arcem invadit, mentem de sua sede contra jus fasque deturbat: tum, ut navis discordibus acta ventis; sic hominis vita contrariis & inter se pugnantibus foedissimarum libidinum flutibus agitata, in omnem scelerum ac flagitiorum turpitudinem præceps ruit. Ipsi igitur & animorum & corporum nostrorum inter se partibus, ut utriusque bene ac beate sit, iustitiam quamdam intercedere necesse est. Sed idem in societatibus convictaque hominum multo evidentius multoque illustrius cernitur. Quomodo enim patrifamilias cum uxore, cum liberis, cum servis quæ primæ conjunctiones sunt, convenire poterit: quæ in omnibus vita erit, nisi & ille iuste imperet, & hi iuste pareant? Si vir in uxorem injurius, ac contumeliosus esse velit, neque eam pro comite indivi-



doa vitæ, pro divinorum humanorumque omnium sociis;  
 sed pro scorto, aut pro ancilla habere; si uxor sua domesticæ  
 curatione non contenta, implicare se aliis rebus, & viri  
 partes præripere conetur; neque se ei morigeram præbeat;  
 si uterque liberos in fervorem, servos in pecudum loco ac  
 numero habeat, duntiorque eos, quam jus est, imperio  
 premat; si liberi parentum, servi dominorum imperium de-  
 trecent, eisque obtemperare, ac dicto audientes esse ab-  
 nuant: quis non videt, nullam in domo ita instituta con-  
 cordiam, nullam benevolentiam, nullam animorum vo-  
 luntatemque confociationem, plena perpetuo omnia rixa-  
 rum, discordiarum, querelarum, contentionum fore? Ut in  
 qualibet solitudine, in quamlibet vastis ac desertis, & ab  
 omni hominum cultu ac consortio remotis locis suavior vitæ,  
 quam in ea domo, unde injustitia exulet, esse videantur. Ita  
 omnem fructum, omnem dulcedinem, omnem amabilitatem  
 vitæ, vitam denique ipsam tollit e vita, qui justitiam tollit.  
 Egrediamur, si videtur, domo, & in forum ac publicum pro-  
 deamus. Quis est omnium, qui eum, quem injustum esse  
 opinetur, aditum, congressione, sermone dignum iudicet?  
 quin eum, quasi maleficum aliquod & noxium animal, refu-  
 giat, aversetur, odio habeat? quin ejus concursum dirum si-  
 bi ac tetrum atque ominosum putet? Quamvis enim omnia  
 vitia bonis viris odiosa atque invisæ sunt: tamen injustitia  
 præcipue alienat ab iis, in quibus est, aliorum animos,  
 omniumque sibi odia conflât, conciliat, colligit. Cæteris  
 vitiis affectos aliquo modo ferimus; quibusdam ignoscimus;  
 quibusdam non nimis offendimur; quibusdam in hac vitæ  
 ac morum corruptione etiam oblectamur: prodigos multi  
 amant; avaros tolerant; multos aliena intemperantia non  
 offendit; qui voluptates nimis refugiunt, etiam severita-  
 tis ac castimonie laudem ferunt: audacium in bello inter-  
 dum aliquis usus est; timidus & nimis cupidus vitæ ignosci-  
 tur: injustus communi omnium mortalium odio flagrat;  
 suis, alienis, civibus, peregrinis, notis, ignotis juxta o-  
 mnibus, exulus, intolerandus est. Itaque etsi illud omnibus  
 hominibus a natura tributum est, ut raro sua vitia agno-  
 scant, eaque modis omnibus tegere & occultare conentur,  
 aut etiam eis virtutum nomina imponere: ut se prodigi  
 pro liberalibus, avari pro parcis ac frugis, timidi pro cau-  
 tis ac consideratis, audaces pro fortibus haberi & præ-

dicari velint : facilius tamen reperias , qui se avarum , timidum , audacem , libidinosum , quam qui injustum esse fateatur . Quin etiam cæteris vitiis suis hanc aut defensionem aut excusationem prætere ac , prætexere consueverunt , se in neminem injurios esse . *Avarus sum fateor : sed ita , ut mea conservem , suo neminem fraudem . Prodigus : sed cui , ut largiar , eripio ? in quem contumeliosus sum ? Indulgeo voluprati , hilare vivo , quidquid animo meo collubitum est , facio ; sed quid tum postea ? mea libidines nemini nocent . Et ita ille apud Terentium homo impurissimus :*

*Leno , inquit ; sum , fateor : perniciēs communis adolescentium :*

*Perjurus , peffis : tamen tibi a me nulla est orta injuria .* Videte , quam odiosa , quamque abhorrens a natura sit injustitia : quam turpe atque invidiosum injuriam facere : cum qui negare non possunt aliis se vitiis implicatos atque illaqueatos teneri , dum hoc careant , ferri se non posse tantum , sed propemodum etiam debere arbitrentur . Civitates vero & Regna & imperia , quæ res alia nisi justitia aut initio fundare ac constituere , aut postea tam multa sæcula conservare ac propagare potuisset ? Nam & convenerunt homines , & vitam una colere decreverunt , cum se æquo jure utrosque , & quod tum sibi labore peperissent , eo sine metu fruturos esse , neque mentibus magis , quam legibus a vi atque ab injuria tutos fore confiderent : & quamdiu id observatur , tamdiu amice inter se , ac concorditer vivunt ; simul atque ab æquitate discenditur , partes , factiones , secessiones , seditiones , & bella civilia existunt . Præclare , ut omnia , Euripides :

*Custodia legum civitates continent .*

Idemque alio loco ait , justitiæ neglectum plerisque civitatibus exitiosum esse . Justitia civitates a parvis & humilibus profectæ principiis brevi tempore ad magnam potentiam pervenerunt ; injustitia florentissimæ & opulentissimæ breviori tempore funditus conciderunt . Neque enim adamantinis illis vinculis , quæ Dionysius senior crebro in ore habebat , vi atque metu , sed justitia & æquitate magna imperia retinentur . Quare sapienter Persæ ei ex regis liberis , qui natus maximus erat , quique in spem regni educabatur , cum alios ad virtutem magistros dabant , tum unum imprimis , a quo justitiam doceretur . Pædalios etiam Indicam gentem litteris proditum est in sacris publicis nihil aliud a diis , quam

quam iustitiam petere solitos esse: quod eam si consequeretur, affatim sibi bonorum omnium putarent fore. Iustitiam enim & perpetuas illius, ut poetæ loquuntur, sive comites, sive sorores, veritatem, & fidem, pax & amicitia, & bonarum artium cultus, & omnium rerum expetendarum abundantia consequitur. Nam si colerent omnes, nunquam turbæ, nunquam lites audirentur; arma aut exederentur rubigine, aut in ligones ac vomeres conflarentur; belli, dissensionis, inimicitiarum ne nomina quidem hominibus cognita essent. Quod scite sane, & ex patriæ suæ consuetudine Agesilaus expressit: ex quo cum quæsitum esset, utra esset virtus præstantior, iustitia ne, an fortitudo? Hæc, inquit, sine illa tantum ad perniciem valet: at, illi si parerant omnes, huius usus nullus futurus est.

*Tutus hōs etenim rura perambulat;  
Nutrit rura Ceres, almaque Fauſtitas;*

*Pacatum volitant per mare navita;*

*Culpari metuit fides.*

*Nullis pollitur caſta domus ſupris;*

*Mos & lex maculoſum edomuit nefas;*

*Laudantur ſimili prole puerpera;*

*Culpam poena premittit comes:*

Quemadmodum suavissime cecinit Horatius. Ubicunque iustitia dominatur, illinc fraudes, illinc doli, illinc perjuria exulant: non adulteri, non raptores, non fures, non sicarii, non venefici, non latrones, non testamentorum subiectores, non obseſſores itinerum reperiuntur: ea denique propemodum eveniunt, quæ aureæ ætatis hominibus evenisse memorantur. Nam ne tum quidem aliam ob causam

*Ver erat æternum placidique repentibus auris*

*Malcebant zephyri natos sine semine flores,*

*Nec renovatus ager gravidis canebar aristis:*

quam quoniam homines

*Sponte sua sine lege fidem rectumque colebant.*

Neque enim debemus illa poetarum figmenta tanquam inania modo quædam aurium oblectamenta accipere: sed ex eis discere, Deum ipsum favere hominibus iustis, eorum labores fortunare; eorum conatus ac consilia ad bonos exitus ducere. Nam neque dictu, neque cogitatu fas est, eum, qui summe iustus est, aut ipsa potius iustitia, non esse amicum, benevolum, propitium iis, qui ad iustitiam omnem suum studium con-



ferunt, eamque toto pectore sequuntur. Itaque Hesiodus  
 quoque, non tantum aureus & ad verbum ediscendus poeta,  
 verum etiam Philosophus in primis bonus, multis versibus  
 persequitur ac percentet ea bona, quæ a Deo tribuuntur cul-  
 toribus iustitiæ, contraque eas, quæ ab iniustitia civitati-  
 bus inferuntur, calamitates. Illorum enim urbes lætas flo-  
 rere populis, nunquam bello, nunquam fame, nunquam  
 aliis ejusmodi pestibus conficiari: hos & fame, & peste, &  
 bello, & aliis innumerabilibus malis iniustitiæ suæ pœnas  
 dare. Recitarem versus ipsos; nisi Græca quidem huic ser-  
 moni admiscere nollem. Latine autem me in affectatam quan-  
 dam illorum jucunditatem pari gravitate conjunctam assequi  
 posse diffiderem. Quod si hæc non essent, sique iniusti quidem  
 abundanter omnibus copiis, in summa opum atque honorum  
 affluentia viverent, fortunam sibi arbitrio suo fingerent ac  
 temperarent; justos autem odium, contemptus, egestas, exi-  
 lia, orbitates, damna omnia sequerentur: tenere tamen mor-  
 dicus deberemus id, quod a Platone divinitus & religioni  
 nostræ convenienter traditum ac disputatum est, justos, e-  
 tiam si omnes fortunæ acerbitates excipiant, semper bea-  
 tos; injustos etiam in maximis prosperitatibus secundissi-  
 misque rebus infelicitissimos esse. Dixi de iustitia, non quæ-  
 cumque poteram, (neque enim id tempus tulisset, neque  
 omnia in unum locum congerenda ac semel effundenda  
 erant) sed ex infinita copia eorum, quæ dici possunt, quantum  
 satis esse hodiernæ disputationi judicavi; quotidie autem,  
 ut spero, plura & meliora dicentur. Nunc, quod inter-  
 dum disertos homines facere animadverti, ut cum ad clau-  
 sulam orationis ventum est, illa, de quibus egerunt, brevi-  
 ter ac summatim colligant, quæ ea in uno conspectu posita  
 altius in audientium animis ac memoria insingat: id ego  
 quoque facere cupio: sed quia ejus artis magistri singula-  
 ris cujusdam artificii eam rem indigere ajunt, quod mihi  
 deest, ab alio mutabor, recitaboque vobis verba quædam  
 Poli Lucani nobilis Philosophi, unius ex illis veteribus  
 Pythagoreis, qui tenuerunt eam partem Italiæ, quæ ma-  
 gna Græcia vocabatur: quibus verbis summa eorum om-  
 nium, quæ a me hodie dicta sunt, continetur. *Iustitia*, inquit,  
*cæterarum omnium virtutum parens & alitrix vocanda mihi*  
*videtur: neque sine ea fieri posse, ut quisquam aut temperans*  
*sit, aut fortis, aut prudens. Est enim armonia quadam &*

pax totius animi cum apto & composito motu. Illius autem quanta sit vis, magis e caterorum habituum inspectione cognosci potest. Nam caterorum utilitates ad unum modo pertinent: hujus ad omnia, quæ composita sunt & ad multitudinem. Ea igitur in mundo quidem providentia vocatur, & harmonia, & judicium, & mens deorum, qui ita statuerunt. In civitate autem pax & bona legum constitutio merito dicitur. In privata domo, viri quidem & uxoris mutua concordia, servorum autem in dominos bonus animus, & vicissim in dominis amica & benevola servorum procuratio. In corpore autem & animo, primum quidem ea, quæ omnibus carissimæ sunt, visa, & bona valetudo, & integritas virium: tum autem sapientia omnisque scientia. Quæ igitur una & totum & partes ita regit & servat, efficiens omnia inter se concordia & amica, quidni communis omnium parens & alitrix, omnium suffragiis prædicetur? Hæc ille. Ego autem ad hujus virtutis traditionem & cognitionem, & ad has pulcherrimas animorum epulas nobis omnibus ab Aristotele paratas vos, auditores, voco. Cogitate, quid agatis. Virtus, de qua agitur, præstantissima est. Qui de ea scripsit, Philosophus præstantissimus. Utinam ex me quoque tertium argumentum sumi posset ad animos vestros excitandos. Sed quo minus doctrina & ingenio valeo, eo plus laboris ac diligentiae afferam. Nullus autem est, quin adhibito labore efficere aliquid & navare possit. Multum a me operæ jampridem in hoc libro positum est; multæ noctes vigilatæ, ut ad illius intelligentiam pervenirem, præcipue olim, cum in juris civilis studia incumberem, ad quæ hunc librum mirifice utilem esse intelligebam. Non puto, me usque adhuc valde fefellisse vestram de me opinionem: neque sæpe id, quod pollicitus sum, non præstitisse. Mihi credite: si quantum ego ad docendum, tantum vos ad discendum diligentiae afferetis, efficiam, ut multos magnosque fructus ex hujus libri cognitione capiat. DIXI.

DE SUI COGNITIONE, DEQUE OMNIBUS  
HUMANI ANIMI FACULTATIBUS.

O R A T I O X.

Habita Romæ IV. Id. Novemb. Anno MDLXV.

*Cum sextum librum Ethicorum Aristotelis inchoaret.*

**C**Ræsum olim Lydorum Regem opulentissimum, petendi oraculi causa, Delphos misisse accepimus, qui sciscitarentur ex eo, non leve quiddam & nugatorium, ut antea, cum clam in eodem aheno testudinem simul & agnum coquens, experiri voluerat, numquid eorum quæ agerent homines, deum lateret; neque quid se facere oporteret, ut ex se procrearet liberos; neque denique quidquam simile eorum, quæ prius quæsierat: sed rem omnium multo maximam, multoque dignissimam, in qua cognoscenda plurimum ab omnibus operæ ac studii collocetur: quomodo felicitatem consequi, & quid agens, id quod supererat ætatis beatissime transigere posset. Sapienter hoc quidem, & non pro ea, quam plerisque in aliis rebus usus est, inconsiderantia & temeritate: quod de via, quæ ad summum bonum ferret, neque statuentum sibi ipse, neque cuiusquam hominis fidentum consilio, sed deum consulendum iudicavit. Responsum autem ei redditum est plane præclarum, & illa, quæ tum de Apollinis sapientia erat, opinione dignissimum: Non si maximas auri argentique acervos exstrueret, non si multos exercitus aleret, non si terminos imperii sui longe lateque proferret, sed si se ipse cognosceret, ita demum beatum fore. Jam enim apud nos, qui vera religione imbuti sumus, nihil Apollinis valere debet auctoritas: tamen ejusmodi oracula, quæ præceptum aliquod utile ad instituendam vitam continent, amare & magnificere debemus. Constat enim, ea nihil esse aliud, quam insignes quasdam & eximias sapientissimorum hominum sententias, quæ quoniam divinitus immissæ in eorum animos videbantur, ad deum referebantur auctorem. Quoties igitur audimus, Apollinem respondisse Cræso, 'Beatum eum fore, si se cognosceret; quoties præceptum eadem de re in templo Delphico inscriptum fuisse legimus: toties il-

lud



lud cogitare debemus, magnum quoddam bonum esse cognitionem sui: cum inter omnes omnium ætatum sapientes viros convegerit, in eo positum esse fundamentum felicitatis: neque ulla re unumquemque nostrum in plura aut graviora mala, quam sui ipsius ignoratione, prolabi. Quod cum ita se habeat, omnibus viribus elaborandum est nobis, ut cognitionem nostri, quando tantum in ea momenti ac ponderis ad beatam vitam situm est, consequamur. Sed in hac re illud primum videndum est, quid sit nosse se: ne, eo secus, quam oportet accepto, errore aliquo implicemur. Fieri enim prorsus non potest, ut recte id faciamus, quod iubemur, nisi prius, quid jubeatur, intelligamus. Hoc autem non alius melius nos, quam Plato, docuerit: apud quem Socrates in Alcibiade primo multa disputat, quibus hominem animum esse, non corpus ostendat; semper enim id, quod aliqua re utitur, ab eo, quo utitur, aliud esse; uti autem homines & partibus corporis sui, ut manibus pedibusque, & toto corpore; ex quo effici, ut, quantum inter artificem & instrumentum interest, tantum inter hominem & corpus intersit. Quam sententiam & Aristoteles libro decimo Ethicorum comprobavit, & apud Ciceronem libro sexto de Republica his verbis Africanus expressit: *Mens cuiusque is est quisque, non ea figura, qua digito demonstrari posset.* Quod si homo non corpus est, sed animus: qui iubet, ut nos ipsos noscamus, illud videlicet jubet, ut noscamus animum nostrum. Atque hoc a Platone acceptum ita extulit idem Cicero, libro primo Tusculanarum disputationum: *Est illud quidem vel maximum, animo ipso animum videre: & nimiram hanc habet vim præceptum Apollinis: quo monet, ut se quisque noscat. Non enim, credo, id præcipit, ut membra nostra, aut staturam, figuram: ve noscamus: neque nos corpora sumus: neque ego, tibi hac dicens, corporis tuo dico. Cum igitur, Nosce te, dicit: hoc dicit: Nosce animum tuum: nam corpus quidem quasi vas est aliquod animi, aut receptaculum. Duo sunt, quæ hæcenus probare studuimus: eximium quoddam bonum esse cognitionem sui, & nosse se nihil esse aliud, quam nosse animum suum. Nunc antequam progrediamur ulterius, illud admonendi estis, unam eandemque rem non uno eodemque modo a diversis artificibus considerari. Angulum rectum, agebat Aristoteles primo horum librorum, alia ratione considerat Geometres, alia faber, Sic & hominem aliter Medicus,*

dicus, aliter pictor; & animus hominis aliter Physicus considerat, aliter Politicus. Physici, quæ sit animorum natura, quærunt: simplex, an composita atque concreta; corpora, an expers corporis mortalis & caduca; an immortalis & æterna; sitne totus animus in qualibet parte corporis, an unaquæque illius facultas suam in corpore sedem, qualique domicilium habeat a cæteris secretum ac separatum. Nos quæcumque de iis & talibus ab eis, dumtaxat religioni nostræ consentanea, traduntur, tanquam vera & indubitata ponentes, animum ea tantum ratione consideramus, qua vel depravari & corrumpi vitiis, vel virtutibus perfici, & ad Dei similitudinem, quantum natura patitur, perducipotest, Quare cum hodi nobis illud propositum sit, ut ex Aristotelis, in iis libris, qui ad moralem Philosophiam pertinent, sententia, de animi humani partibus, deque uniuscuiusque illarum perfectione verba faciamus, (hoc enim potissimum modo præparandos esse vos duxi ad cognitionem & intelligentiam eorum, quæ in huius sexti libri explicatione traduntur) certos quasi cancellos circumdabimus orationi nostræ, eamque suis regionibus ac terminis circumscribemus: ut ab iis, quæ Physicorum sunt, abstinentes, ea tantum, quæ ad munus nostrum proprie pertinent, explicemus. Hoc loco prope supervacaneum esse iudico, petere a vobis, ut me atente audiat. Certe enim ea vobis causa huc veniendi fuit. Et ut ridiculus fuerit balnear, si quos lavandi causa in balneas ingressos videt, ab eis multis precibus perat, ut lavent; ita ego mihi videor ridiculus fore, quod facturi huc convenistis, id si, ut faciatis, vos rogem. Oratorum iste mos est, qui, etiam cum exploratum habent, se attentissime auditum iri, tamen attentionem petunt: non quod opus esse ea putent, sed quoniam, si aliter fecerint, adversus artis suæ præcepta recessisse se putant. Meum est conari, ut auditu digna adferam; vestrum, ne ea prætervolare patiamini, sed singula diligenter expendentes, penitus demittatis in animos vestros. Mihi, ut ne ad id, quod mearum partium est, præstandum imparatus venirem, provisum est: vos quoque ad me, qua soletis benignitate & attentione, audiendum satis vestrapte sponte paratos esse confido.

Animi nostri sive partium, sive facultatum bipartita divisio est. Partim enim ipsarum ratione præditæ sunt, partim rationis expertes. Ac ratione quidem præditas eas vocamus, quæ

ex

ex omni animantium genere in solis hominibus; rationis autem expertes, quæ etiam in bestiis, atque ex aliqua parte in stirpibus reperiuntur. Rationis expertes (ab eis enim exordiri & ab infimis quasi per gradus ad summa contendere decrevimus) duplicem ipsæ quoque habent varietatem. Aliæ enim sunt, quæ vitam continent; aliæ, quæ animal constituunt. Quæ vitam continent, tres sunt; quas illa & in rebus inveniendis acutissima, & in eisdem appellandis discretissima Græcorum natio vocat τὸ δρεπτικόν, τὸ αὐξητικόν, τὸ γεννητικόν. Nos quia vetera quidem Romana vocabula, quibus hæc exprimamus, non habemus, iis autem, quæ postea cussa sunt, uti propter quamdam, ut verum fatear, stultam & inaptam religionem non audemus, unum in plura spargere ac deducere cogimur, dicimusque vim nutriendi, vim augendi, & vim procreandi. Hæ omnes non in animalibus modo sunt, verum etiam in stirpibus. Quæ autem constituunt animal, duorum ipsæ quoque generum sunt. Partim enim cognitione quadam & apprehensione, partim appetitione & declinatione cernuntur. Illas γνωστικὰς Græci, has δρεπτικὰς vocant. γνωστικὰ in animalibus sunt duæ, sensus & phantasia: utendum enim est hoc, quando Latino caremus. Sensibus apprehenduntur singula tantum, non etiam universa, nisi quatenus sunt in singulis. Non enim lapidem aut lignum proprie ac perse videmus, sed hunc lapidem & hoc lignum: aut potius neque hunc lapidem neque hoc lignum, sed hujus lapidis aut ligni colorem. Sensus enim non percipit essentiam, ut Ciceronem locutum esse ajant, sive, ut posteriores locuti sunt, substantiam: sed ea tantum, quæ ei adjuncta sunt: neque rosam aut videmus, aut olfacimus, sed rosæ odorem olfacimus, colorem videmus. Sensus autem sunt, ut notum est, numero quinque: quorum tactus in omnibus est animalibus, ceterum alii in aliis desiderantur. Phantasia rerum sensu perceptarum formas quasdam, & ut Græci loquuntur, typos recondit ac continet: ac præterea judicat de quibusdam, de quibus sensus exteriores judicare non possunt: ut hoc flavum esse dulce: & hunc, qui accedit, esse Socratem. Sensus in eo, ad quod proprie percipiendum aptus est, nunquam fallitur: dum & intervallum moderatum sit, & instrumentum, & id, quod interjicitur, probe affectum. At phantasia sæpe fallitur: ut cum in picturis eminere videntur, quæ plana sunt; ut cum remus in aqua inflexus videtur: ut

cum



cum cani *Æsopæo* imago carnis in aqua caro videbatur. Hanc inesse in bestiis vel ex eo cognoscimus, quod earum pleræque & meminerunt & somniant, ut equi, ut canes: quorum neutrum sine ea, de qua loquimur, facultate facere possent. Ex eis nascuntur illæ, quas in persequendo fugiendoque cerni, & Græce *ὀρεκτινὰς* vocari diximus. Nam cum omnem sensum voluptas aut molestia comitetur: quarum altera naturæ consentanea & amica est, altera adversa & inimica: fit, ut nullum animal sit, in quo non insit naturalis & appetitio eorum, quæ jucunda, & fuga eorum, quæ molesta esse videantur, *ὀρεκτινὰς* *δυναμεις* Aristotelis interpretes Hammonius, Eustratius, & alii vulgo, duas tantum faciunt, *ἐπιθυμίαν*, & *δυσὸν*. Sed intelligendum est, in omnibus animalibus existere & ex bono præsentis lætitiā, & ex eo, quod nondum adeptæ sunt, cupiditatem, & ægritudinem ex præsentī malo, & metum ac declinationem, si malū quid imminere videatur. Hæc Stoici, ut me tertio ab hinc anno ex hoc ipso loco dicere memini, propria hominis, non ei cum cæteris animalibus communia esse voluerunt. Neque enim metuere bestias, sed quasi metuere: nec cupere, sed quasi cupere: eodemque modo neque vera ipsas lætitiā, neque vera molestia affici: sed utriusque imaginem modo quandam ac similitudinem habere. Quam opinionem ut stultam & deliram exagitant Plutarchus, Galenus, Porphyrius, & alii. Sed Stoici, si dogmatum suorum constantiam ac convenientiam retinere ac conservare vellent, ita dicere necesse habebant. Hæc enim omnia ita definiebant, ut ex opinione nasci dicerent: ex opinione boni præsentis, lætitiā, ex opinione mali præsentis, molestiam: ex opinione boni imminentis, cupiditatem: ex opinione mali imminentis, metum. Cum igitur opinio in solis sit hominibus, sequebatur, ut ea quoque hominum propria essent. Sed verius est hæc omnia convenire etiam in bestiis: neque ex opinione tantum consistere, sed etiam ex sensu aut phantasia boni malive aut præsentis aut imminentis. Omnes igitur illæ facultates, de quibus hætenus diximus, in mutis quidem animalibus ita sunt rationis expertes, nullam ut prorsus cum ratione habeant aut communionem aut societatem. In hominibus quæ Græcorum lingua *ὀρεκτινὰς* nominantur, etsi ratione præditæ non sunt, rationem tamen audire, & ejus obtemperare imperio possunt. Quorum utrumque nobis pau-

foenucleatus explicandum videtur. In eis igitur non inesse rationem; ex eo quis facile intelliget, quod ratio ipsa secum pugnare non potest: at sæpenumero læticiam, molestiam, cupiditatem, metum rationi averlari videmus. Rursus, esse iis omnibus aliquam cum ratione communionem, id indicio est, quod suscepti præter rationem animi motus, ratione adhibita, aut deponuntur aut mitigantur. Itaque recte ex Aristotelis sententia dicitur, τὸ πῆς ἡμετέρας ψυχῆς ἄλογον διττὸς εἶναι, τὸ μὲν γὰρ αὐτῆς ἀπλῶς ἄλογον εἶναι καὶ κατ' ἐδένα τρόπον λόγῳ κοινωνεῖν, τὸ δὲ ἄλογον μὲν εἶναι φύσει, μετεξὲν δὲ τινι λογικόν. Hæc Latine ita expedite, & ut ita dixerim, rotunde explicari non possunt. Sed nihil difficile amanti.

*Libenter hoc & omne militabitur*

bellum in vestræ spem gratiæ. Conabor, si qua ratione possim hæc Latine eloqui, ut intelligantur. Earum animi nostri facultatum, quæ ratione carere dicuntur, duplex ratio est. Quadam ita sunt rationis expertes, ut nulla prorsus eis intercedat cum ratione communio. Tales autem sunt quinque, vis alendi, vis augendi, vis generandi, sensus, & phantasia. Nam hæc omnes & communes nobis sunt cum multis animantibus, & ratione nullo modo dirigi possunt. At ea duæ, quarum in altera vis est concupiscendi bonum propositum, ejusque adeptione gaudendi, in altera declinandi malum imminens, & eo, cum jam urgeat, dolendi suapte quidem natura rationis participes dici queunt. Quibus eas argumentis rationis expertes esse cognoscimus? Primum, quod his omnibus modis afficiuntur etiam bestię. Nam & concupiscunt, & lætantur, & metuunt, & dolent. Deinde quod sæpenumero cum ratione pugnant: ut cum incontinentem alio ratio, alio cupiditas trahit. Qualis est Ovidii Medea, quæ se ait videre quidem & probare meliora, deteriora autem sequi. Nullo autem modo fieri potest, ut eadem animi pars eodem tempore in contrarias partes trahat. Quare cum alio ratio, alio cupiditas trahit; facile intelligitur, aliam a ratione esse cupiditatem. Unde igitur colligimus eas esse tamen in homine rationis quodammodo participes? quoniam eas rationis audire imperium, eique parere interdum videmus. Agamemnoni apud Homerum irascitur Achilles: multa iratus dicit, quæ neque eum, cui dicuntur, neque eum,

eum, a quo dicatur, docent. Hinc cognoscas licet, iram a ratione aliam esse. Cum jam eo processisset, ut stricto gladio impetum in Agamemnonem facere pararet, prohibet ratio: quam enim aliam accipiamus Pallada? Atque ibi Achilles divinam illam & nunquam delendam ex animis hominum sententiam profert:

*Χρὴ μὲν σφωίτερόν γε δὲ εἶπος εἰρῆσθαι,*

*Καὶ μάλα περ θυμῷ κεχολαμένον, ὥς γὰρ ἄμενον.*

Homini quantumlibet irato, rationem tamen audiendam, ejusque obsequendum imperio dicit: id enim satius esse. Potest igitur iræ furentis impetus ratione cohiberi: vereque dictum est ab antiquo poeta, morbis hominum rationem mederi. Sic qui gaudent dolentve, quibus non oportet, aut plus minusve quam oportet, eodemque modo qui aut cupidi sunt, aut timidi, aut contrariis viriis laborant, rationis imperium, accipere & conformare se ad illius præcepta possunt. Atque hoc est, quod Aristoteles primo horum librorum dicebat, illam animi partem ratione quidem carere; sed tamen quodammodo participem esse rationis. In ea igitur sunt omnes eæ virtutes, de quibus in superioribus libris disputatum est: quæ nūc jam & recepto vocabulo morales nominantur. Sequitur nunc, ut eam animi partem consideremus, quæ suapte natura ratione prædita & hominum propria est: cuius etiam ipsius vires ac potestates antiqui duorum generum esse dixerunt: Appetitionis duas, voluntatem & προαίρεσιν, quam vulgo electionem vocant: quarum voluntas semper tendit ad bonum; προαίρεσις variat, & modo bona malis, interdum etiam mala bonis anteponit. Sed hac de re & diximus multa, cum librum tertium explicarem, & in librum septimum, ubi de continentia, incontinentiaque disputabatur, plura dicenda erunt. Tres cognitiones, δόξαν, id est opinionem: διανοίαν, quam mentis agitationem, Cicero, nisi fallor, auctore vocare institui: & νῦν, quam aut mentem aut intelligentiam vocemus, licet mentis cum sensu, ac præcipue cum sensu oculorum magna quædam similitudo est: unde & sæpe Aristoteles oculum mentis vocat: & dictum est id esse mentem in animo, quod oculum in corpore: & ut suo loco ostendimus, sensum ac mentem interdum confundit. Ut enim sensus, ita mens quoque extremorum est: sed sensus eorum, quæ sunt inferiora demonstratione; mens eorum, quæ supra omnem demonstrationem. Mente appre-

hendit



henditur Deus; apprehenduntur mentes illæ ab omni contagione materiæ separatæ; apprehenduntur mundi, & eorum quæ illius ambitu continentur, primordia, cæteraque ejusmodi, quæ multis magnisque obscuritatibus involuta & in intimis rerum omnium parentis naturæ recessibus abdita & reclusa, iis demum perfecte patent, qui puro & ab omnibus libero cupiditatis animo, cœlestem quamdam in terris vitam agunt. Ad illud mentis lumen cum se applicuit & admovit *διὰ νοῦν*, in qua inest vis ratiocinandi, & ex aliis alia colligendi, ex eorum complexu, ac conjunctione existit, & exoritur illa omnium virtutum suprema, quam magnificentissimo vocabulo *Sophian* Græci, Latini Sapientiam nominant. Ea perfecte cadere in hominem non potest: recteque judicavit sive Thales Milesius, sive quis alius (non enim inter omnes convenit) solum Deum esse sapientem. Sed tamen p̄ficus temporibus, qui de Deo rebusque divinis, qui de mundi origine, qui de abditis rerum causis diserebant, earumque rerum cognitione cæteris excellere videbantur, eos Sapientes vocabant. Sapientiam autem esse dicebant cognitionem divinarum humanarumque rerum, & causarum, quibus eæ continentur. Primus Pythagoras arrogantiam verbi fugiens, non sophon se, id est, sapientem, sed Philosopherum, id est, sapientiæ amantem esse professus est; ab eoque deinceps qui se iisdem quibus ille, studiis dederunt, Philosophorum appellationem retinuerunt. At mente in rebus tam sublimibus, tamque arduis uti paucissimis hominibus datum est. Pleraque pars in scēdissimo eodemque tenacissimo corporearum cupiditatum ceno hærentes, & quasi clavis quibusdam, ut Plato loquitur, terræ affixi: ad divina & cœlestia ne adspirare quidem possumus. Quod cum ita sit, in omnibus tamen hominibus lucent quasi scintillæ quædam illius luminis; quibus fit, ut principia disciplinarum, & communes illas sententiās, quas *ἀρχαὶ μαθημάτων* aut *κοινὰς ἐννοίας* vocant, ita videamus, quasi ea quæ cernuntur oculis, eisque sine causā firmius etiam, ac certius, quam iis, quorum causam tenemus, assentiamur. Ad quas cum se admovit *ἡ διάνοια*. & ex illis alia quædam necessario collegit, efficitur *ἐπιστήμη*, id est scientia, quam esse ajunt cognitionem rei per primam, propriam, & necessariam causam. Quid mens proprie, quidque *διάνοια* sit, diximus, simulque paucis tum sapientiæ tum scientiæ originem ostendimus. Quarum utraque ad eam

vim

vim mentis pertinet, quam Græci ducto a contemplatione vocabulo  $\psi\psi$  θεωρητικόν vocant. Est enim & altera, quæ ab eis dicitur  $\phi$  πρακτικὸς  $\psi\psi$ , aut latiori nomine & aptiori ad omnia comprehendenda,  $\phi$   $\psi\psi$  ἐν γένει, quasi tu dicas mentem quæ non simplicem, ut illa, veritatem ubi propositam habeat, in eaque acquiescat, sed referatur præterea alio, ut ad actionem, aut ad operis alicujus molitionem & effectionem. Hac aut videmus duce natura, aut certe facile percipimus communes quasdam sententias de rebus bonis & malis, expetendis & fugiendis: cuiusmodi sunt, tuendam esse hominam inter ipsos societatem; colendam esse iustitiam; ab iniuria abstinendum; vim vi repellere ius fasque esse: itemque alias, quæ quasi principia sunt ac semina artium ad vitam necessariarum. Ad hæc principia cum accessit primum  $\delta$   $\psi\psi$  νόσις, quæ, ut dixi alia cum aliis comparans, alia ex aliis necitens, progreditur ac provehitur paulatim longius: deinde diuturnus usus & experientia cum accurata, & diligenti animadversione ac notatione eorum, quæ eveniunt in vita, existit illa magistra vitæ, omnium bonorum consiliorum præceptra, omnium honestarum actionum moderatrix, omnium moralium virtutum dux gubernatrixque prudentia; eademque illa vi excogitata, audax, & ad summum perductæ sunt artes illæ, quibus aut nullo modo, aut certe non satis commode carere poteramus. Reliqua est opinio, varium & multiforme monstrum: quoque non Proteus aut Vertumnus plures induerit species. Quamquam enim in rebus incertis & fortuitis proprium illius munus est, non tamen eis se finibus continet: sed indomita quadam & effrenata licentia per omne genus rerum temere ruens, omnia permiscet atque perturbat. Interdum etiam sese pro sapientia, pro scientia, pro prudentia venditas, homines nimium fidentes sibi ingravissimos ac perniciosissimos inducit errores. Huic igitur, quoniam fallax, incerta, & instabilis est, nullius virtutis origo tribuitur: nisi quod bona opinio de iis, quæ sciri possunt, præparatio quædam est ad scientiam: bona opinio de rebus agendis, utiliter ad comparandam prudentiam antecedit. Immo vero, ut in disciplinis quædam ponuntur, quibus sine ulla dubitatione credendum est: ita ait Aristoteles opinionibus ac sententiis senum, & eorum, quos longa & multiplex rerum experientia cautos ac providos effecit, in consilio capiendi & in instituenda vita maximam fidem habendam.

bendam esse: eas enim eandem vim ad prudentiam, quam illa principia ad scientiam, obtinere. Dixi breviter, ut proposueram, de omnibus humani animi facultatibus; & quamquam hanc totam disputationem quotidianis verbis & inornato dicendi genere contexui: tamen confido ea non vobis minus gratam fuisse, quam si omnes undique flosculos colligens, omnes dicendi lepores ac festivitates aucupans, concinno quodam ac modulato verborum sono aures vestras demulcere studuissem. Potestis autem facile perspicere ex iis, quæ dicta sunt, quibus de rebus in hoc sexto libro explicando disputaturi simus. Nam cum in superioribus libris earum virtutum, quæ sunt in illa parte animi, quam per se ratione carere, sed rationi tamen parere posse diximus, natura pertractata sit: in hoc de virtutibus illius superioris ac diviniore partis, hoc est, de intelligentia, sapientia, scientia, arte, prudentia, sed potissimum de prudentia disseremus. Quid igitur? finem ne statim faciam, (id enim a me jam expectari video) an priusquam desino, ad hæc toto pectore amplectenda paucis vos cohortabor? Ego vero ita faciam, neque committam, ut aut ad ineundam, aut ad persequendam pulcherrimam & fructuosissimam studiorum viam, ullo aut loco aut tempore, mea vobis cohortatio defuisse videatur. Dubitatis igitur, adolescentes, quin ad harum rerum cognitionem adipiscendam omnis vobis diligentia suscipienda, omnis labor perferendus, omnis corporis voluptas negligenda, omnis aliarum rerum cura ex animo ejicienda sit? Ubi, quæso, istam egregiam indolem, quam in plerisque vestrum videmus, ubi istud ingenium ad omnia summa natum, ubi istam partem ætatis ad concipienda doctrinæ virtutisque semina omnium aptissimam, aut honestius, aut suavius, aut fructuosius collocare poteritis? Quid enim est, quo quisquam oblectari, quo ad discendum invitari atque allici possit, cujus non in hisce quotidianis disputationibus nostris copiam reperire aliquam liceat? Est, quem arduarum rerum & remotarum a cognitione vulgi accurata tractatio capiat? Talia nobis plurima in animi partibus excutiendis, in principiis humanarum actionum evolvendis, in patefacienda sapientiæ scientiæque natura, necessario tractanda erunt. Est quem non tam ardua & sublimia, quam in quotidiano usu posita, & ad instituendam vitam accommodata, delectent? Utilissimis ad vitam præceptis aures eorum, qui me audient,



quotidie personabunt. Est cui antiquitatis cognitio & veteris historiae commemoratio iucunda sit? At nos quidem scitis vix ullum præceptum tradere solitos esse, quin ei illustrando repetitam ex Græca Romanaque historia, exemplorum lucem adhibeamus. Poetarum alius amœnitate ducitur? Nos vero ex optimis utriusque linguæ poetis pulcherrima quæque libantes, perpetuo disputationes nostras ejus quasi talis adspersiones condimus. Græcam linguam amat aliquis? Aristotelem hic quotidie Græce loquentem audire: quia ea lingua dictus est aureum orationis flumen fundere. Latinam anteponit alius? Dabimus nos quidem operam, ut ex optimis Græcis non pessima Latina faciamus: ne quis a nobis audiendis, tanquam in Latine loquendo non satis diligenter, absterreatur. Omninoque quicumque tantam huc animorum alacritatem tantamque discendi cupiditatem adferent, quantam ego rerum optimarum varietatem, & quantum perspicue docendi studium adferam, saxo, nunquam eis veniat in mentem, quod ducenti mihi aliquid operam dederint, poenitere. DIXI.

PRO ALFONSO II. DUCE FERRARIÆ, &  
AD PIUM IV. PONT. MAX.

## O R A T I O. XI.

*Non est habita.*

SI quis est, qui scire cupiat, Beatissime Pater, quantogratissimo perfusus sit Alfonso II. Ferrariæ Dux, posteaquantum te in summum istum & Cælo proximum dignitatis, atque amplitudinis gradum communi Patrum omnium voluntate ac iudicio sublatum esse cognovit: is, si orationem meam cogitatione sua subsequi, quasque ille gaudendi causas habuit, earum unaquæque quantum ponderis ac momenti habeat, diligenter expendere voluerit, simul & id, quod cupit, intelliget; & mihi, si forte illius gaudii magnitudinem verbis exæquare non potuero, ignoscendum potius, quam succensendum putabit. Nam cum dicendo tractanda sunt, quæ nullo verborum genere satis exprimi possunt, acris & intelligentis æstimatoris est, non dicentis imbecillitatem accusare, sed eo ipso potius argumento uti, ut id, quod agitur, singulare quiddam & eximium esse judicet, quod ad id exprimen-

mendum nulla potuerit satis vehemens atque illustris oratio  
 reperiri. Alfonso autem secundus, ut insignem quamdam læ-  
 titiam perciperet ex eo, quod sapientiæ tuæ summa totius  
 Ecclesiæ gubernatio delata esset, cum iisdem illis causis ad-  
 ductus est, quæ cæteros quoque Principes Christianos mira-  
 bili ob eam rem voluptate cumularunt, tum aliis etiam qui-  
 busdam ad se proprie pertinentibus, quæ in communi omniū  
 gaudio gaudium ipsius majus; & insignius reddunt. Ac pri-  
 mum quidem gratissimum ei, atque optatissimum accidit,  
 illi potissimum summam rerum concreditam esse, qui per  
 omne antea vitæ spatium talem se præstitisset, ut tan-  
 quam perfectum & absolutum antiquæ illius innocentiae, &  
 integritatis exemplum omnium prædicatione commendaretur.  
 Quis enim per illum, cujus locum in terris obtines, re-  
 rum omnium præpotentem Deum, multos jam annos ad  
 istam sanctissimam Sedem provectus est, te uno iis omnibus  
 virtutibus, quas bonum, & omni ex parte absolutum Princi-  
 pem habere decet, ornatior? Qui cum intelligeres, animum  
 humanum duabus præcipue rebus perfici, & ad illud, ex quo  
 ductus est, divinitatis exemplar proxime accedere, cognitio-  
 ne primum & intelligentia earum rerum, quæ dignæ sunt,  
 in quibus studium collocetur; deinde procurandis hominum  
 commodis, iisque actionibus suscipiendis, ex quibus quam  
 maximus fructus ad quamplurimos perveniret: jam inde a  
 principio ita vitam instituisti tuam, ut perpetuo ad eos, quos  
 dixi, fines omnia retulisse, neque unquam ullum temporis  
 punctum, mentis aciem ab eis deflexisse videaris. Itaque to-  
 tum illud adolescentiæ tempus, cui & communi hominum  
 consuetudine, & quadam prope ipsius naturæ tacita lege ma-  
 jor quædam licentia tribui ac permitti solet, a te, non in re-  
 missionibus animi, neque in eis voluptatibus, quibus ætas il-  
 la plerumque etiam sine reprehensione capitur, positum, sed  
 in assidua præstantium doctrina virorum consuetudine, dili-  
 gentissimæque cum omnium honestarum artium, tum earum  
 præcipue, quæ populorum rectoribus necessariae sunt, per-  
 vestigatione consumptum est. Neque vero te ab eo, quod tibi  
 proposueras, curriculo, aut detertere postea laboris asperi-  
 tas, aut avocare voluptatum blandimenta potuerunt. Qui  
 semel ad solidam & immortalem gloriam recto itinere con-  
 tendere penitus imbibisses, omnia tibi, dum eo, quo institue-  
 ris, pervenire, contemnenda, & pro nihilo putanda esse du-  
 xisti.

xilli. Nimirum illam ut virtutis pulchritudinem, quam Plato, si cerneretur, mirabiles sui amores excitaturam esse dicebat, non corporeis, sub quos illa non cadit, sed iis, qui, si nulla cupiditatum nubes opposita est, multo perspicacius & acutius cernunt, animi oculis videras: ejusque desiderio intensus, nisi, adepta ea, vitam ipsam tibi acerbam, atque insuavem fore statuebas. Igitur cum Patavii primum, deinde Bononiæ, defixus in præstantissimarum artium studio, primam ætatis partem exegisses, iisque adolescens egregie navatæ in studiis operæ insignibus atque ornamentis affectus esses, quæ amplissima in eis civitatibus tribui solent: judiciali tibi jam esse ex domestico illo, & umbratili vitæ genere, quoad illud usque tempus, flagrantissimam illam cognitionis & doctrinæ litem explere cupiens, necessario colueras, in solem, quod dicitur, & in pulverem prodeundum, tempus esse, ut præclara illa femina, quæ diligenter subacto ac præparato animo colueras, omni ratione foveras, alueras, auxeraras, efferrent tandem ipsa se, & fructus expectatione dignos hominum generi afferrent. Nec enim te fugiebat, omnem cognitionem, quam nulla consequeretur actio, mancam quoddammodo & inchoatam esse: qui se ita studiis abdidissent, ut nihil ex eis ad utilitatem publicam protulissent, eos nunquam magnopere commendatos, sæpe etiam reprehensos, ac vituperatos fuisse. Quapropter in patriam reversus, ut, quæ te prima urbs nascentem gremio, & sinu suo exceperat, eadem quoque primos perciperet industriæ tuæ fructus, non tantum magnas controversias, inter principes civitatis ortas, cum illi te communi consensu judicem sumpsisent, sapientissime diremisti, verum etiam sedatis gravibus illis inter Franciscum Sfortiam Mediolani Ducem, & Joannem Jacobum Medicem fratrem tuum discordiis, pacem, pacem inquam, qua nihil optabilius est, nihil salutarius, civibus tuis insperantibus reddidisti. O felix, & auspdatum principium! O præclare positum rudimentum! Quid non bonorum ab eo sperare poterant cives, qui primum virtutis suæ specimen pace & privatim & publice componenda dedisset? Sed videlicet illa tanta virtus majorem aliquem campum, in quo excurreret, majus theatrum, in quo spectaretur, requirebat. Roma te, Roma urbium princeps jam tunc ad se vocabat, & sub cujus olim imperio beata futura erat, ejus præsentis virtutem tanto ante gustare, ac cognoscere cupiebat. Romanus

igitur



igitur venisti, ubi virtutis tuæ tam multa, tamque luculenta testimonia, & pace, & bello dedisti, ut Paulus III. P. M. quem & omnes confitentur, & res ipsa loquitur, cum in cæteris rebus rara quadam & exquisita prudentia, tum miro in pernoscentis hominum ingeniis acumine, & acerrimo in ponderandis cuiusque meritis iudicio prædium fuisse, cum in plurimis maximi momenti negotiis prudentiam, fidem, magnitudinem animi tuam expertus esset, primum quidem te Epidaurio Archiepiscopatu cohonestaverit: deinde vero absentem Reipublicæ causa in augustissimum & sanctissimum Cardinalium Collegium adscriberit. Hic ego, si, quod poetæ solent, idem nobis quoque facere liceret, Nestorem mihi aliquod, aut Ulixem eloquentiæ flumen optarem: ut quemadmodum una cum honoris amplificatione, tua semper virtus accrevit, ita mea quoque in explicatione laudum tuarum, quasi per gradus attolleretur, & seipsa grandior, ac sublimior fieret oratio. Vix enim fas videtur de raris inusitatissimis rebus dicentem, usitato & quotidiano genere sermonis uti. Sed in hac conscientia tenuitatis meæ una me cogitatio sublevar, quod apud eos me dicere intelligo, qui rerum a te divinitus gestarum non testes modo ac spectatores; sed exstimatores etiam & exornatores fuerunt. Nam quo die tot amplissimi & Illustrissimi Cardinales, non inconsulto aliquo, & subito animorum impetu, sed post accuratam in Conclavi aliquot mensium deliberationem, ad deferendam tibi summam in Ecclesia potestatem consenserunt, eodem die apertissimum iudicium de perspecta sibi & explorata tua omnis generis præstanti & eximia virtute fecerunt. Quare non est mirandum, si, te tali Pontifice creato, Alfonso II. Ferrariæ Dux, qui studium quoddam incredibile erga hanc sacrosanctam Sedem a maioribus suis quasi hæreditarium accepit, tanto ea ex re gaudio affectus est, quantum neque mea, neque cuiusquam oratione exprimi potest. Nam ad eas lætitiæ causas, quæ communes ipsi sunt cum cæteris omnibus Christianis Principibus, non parvi quoque ponderis aliæ accedunt. Primum, quod, Ecclesiæ cliens cum sit, omnes opes, ac facultates suas hujus sacrosanctæ Sedis auctoritate nixas & fundatas esse non ignorat: ut etiam hoc nomine impendio magis omnibus, quæ ad ejus dignitatem pertinent, affici debere videatur. Deinde, qui & patrem habuerit, amplitudinis tuæ studiosissimum, & ipse non paterni magis imperii

quam illius in te obſervantiæ hæreditatē creverit, ſciatque præterea e ſuis omnibus neminem eſſe cujuſque ordinis, qui non eodem plane animo ſit ſemperque fuerit, quique honori tuo ex animo, atque ex illa ſumma voluntate non faverit: cui dubium eſt, quin is, facta ad gloriam tuam ea, quæ maxima fieri potuit, acceſſione, incredibilem quandam ex eo hauſerit voluptatem? Poſtremo, qui ſeſe haud ita pridem cum Illuſtriſſimo Principe Coſmo Florentinorum & Senenſium Duce, gentili tuo, ducta in matrimonium illius filia, affinitate devixerit; cur non immortaliter gaudeat, quæ ex gente ipſe uxorem acceperit, ex eadem qui univerſam Eccleſiam cum ſummo imperio regeret, exiſtiſſet? Ille vero ſtatim accepto nuntio ſeſe in viam dediſſet, neque ullam moram interponendam putaret; quin præſens tibi gratularetur, pedibuſque tuis ſuppliciter advocatus in tua poteſtate eſſe ſe, ac ſemper fore oſtenderet, niſi prius percuſſis & afflictiſ, nec opinata patris ſui, optimi ac præſtantiſſimi principis morte, ſuorum animis aliquid conſolationis adhibendum eſſe duxiſſet. Quam quidem excuſationem partim inevitabili neceſſitate, partim naturali pietate ſubnixam, a te, Beatiffime Pater, æquo animo acceptum iri confidit: quodque multo antea, ſi licuiſſet, facturus erat, ad pedes tuos proſtratus, te patrem ac dominum agnoſcit, tibi ſe ſuaque omnia in ſidem & clientelam tradit: & ut una cum ſententia, verborum quoque formulam apud majores hac in re uſatam retineamus: *Debita tibi obedientia præſtat; ſequæ ſemper non ad fortunas modo ſuas, verum ad ſanguinem quoque, & vitam pro huius ſanctiſſimæ Sedis dignitate profundendam paratiſſimum fore, omni aſſervatione confirmat.*

PRO ALFONSO II. DUCE FERRARIÆ, &c.  
AD PIUM V. PONT. MAX.

### ORATIO XII.

*Habita Roma V. Kalend. Quintil. Anno MDLXVI.*

**I**N communi omnium Chriſtianorum Principum gaudio, quo eos optatiſſima ſummi honoris ad te concordibus ho-

rum

rum amplissimorum Patrum suffragiis delati fama cumula-  
vit, Pie V. Pontifex Maxime, si præcipuam quamdam ac  
prope singularem Alfonso II. Ferrariæ Ducis lætitiā existi-  
tisse dixerō, vereor ne quis id magis ex veteri, & quotidiana  
omnium consuetudine, quam quod ipsi præter cæteros gra-  
tum id ac jucundum acciderit, a me dictum arbitretur. Ita  
enim jam usitatum est, ut omnibus Pontificibus, omnium  
Principum nomine eadem illa dicantur, ut & eos, qui au-  
diunt verisimile sit ea modo sibi videri audire, quæ cuilibet  
alii eundem adepto honorem dicerentur: & ii qui dicant,  
non tam ex suo sensu orationem depromere, quam ex vetere  
aliquo libro solemnem, & certis conceptam verbis gratu-  
landi summis Pontificibus formulam recitare videantur.  
Neque vero dubitari potest, quia æquissimum atque ho-  
nestissimum sit, quemcumque hic plenissimus ordo ad Ec-  
clesiæ gubernacula admoverit, quando totum illud neg-  
otium non humanis consiliis, sed Divini Spiritus instinctu at-  
que afflatu administrari certissimum est, ejus ut cæteri quo-  
que Principes libentissimis animis imperium accipiant, au-  
thoritate agnoscant, leges observent, se suæque omnia ejus  
potestati tradant ac permittant, eum denique qui Deo ma-  
xime placuit, sibi quoque gratissimum acceptissimumque es-  
se profiteantur. Sed tamen & longe alia illa est animorum  
alacritas, cum homines eum, quicumque sibi rector divinitus  
datus est, libenter accipiunt; alia eum, quem semper ipsi eo  
munere dignissimum judicarent, quemque semper toto pe-  
ctore optaverant, eum divino quoque judicio probatum vi-  
dent: & quamquam omnium publice interest, qualis sit Pon-  
tifex; non est tamen obscurum, esse quosdam populos, quos-  
damque Principes, quorum id privatim multis de causis ma-  
xime intersit. Ex quibus ut unum esse Alfonso secundum  
Ferrariæ Ducem omnes homines intelligant; neque vulga-  
rem illam, aut mediocrem lætitiā fuisse, qua ipse accepto  
Pontificatus tui nuntio perfusus est, idque eo dici, non quod  
ita dici soleat, sed quod verissimum sit: constitui, si per te li-  
ceat, Beatissime Pater, primum quidem breviter exponere,  
cur tibi potissimum boni omnes communibus votis illum  
honorem mandari & optaverint, & optare debuerint, dein-  
de vero quas privatim causas Alfonso habuerit, propter  
quas eximiam quamdam ex eo perciperit voluptatem. Sed  
quoniam prior orationis meæ pars explicari aliter non po-  
test,



test, quin de tuis laudibus nonnulla dicantur, idque cum aliqua tua molestia fieri necesse est, propterea quod, ut quique laude dignissimus est, ita minime libenter laudes suas audire consuevit: supplex a te etiam atque etiam peto hanc veniam, Pater optime ac sanctissime, ut quæ de virtutibus tuis toto orbe iam pridem sparsa ac disseminata sunt, ea me strictim ac modice attingere, ac delibare patiaris. Vos autem, Patres amplissimi, oro atque obtestor, ut si me sublimia humiliter, ampla tenuiter, illustra inornate tractantem, & ex innumerabilibus, quæ ad dicendum suppetunt, plurima prætermittentem, pauca proponentem, verius quam exponentem audietis: cogitatis cum animis vestris, neque posse quemquam in tam ubere materia omnia persequi, neque ea, quæ satis per se splendida & magnifica sunt, ornatu verborum indigere, & mihi eam in primis cautionem adhibendam fuisse, ne sanctissimi, ejusdemque modestissimi Principis, patrisque nostri aures quamquam verissimis, & omnium sermone celebratissimis, inusitatis tamen, & longe multumque supra exempla vulgaria positis laudibus suis offenderentur. Atque equidem, Beatissime Pater, ut mea tibi, quantum in me situm est, minime molesta sit oratio, adducam, & avocabo eam a personæ tuæ, & de te reticens rem tantum ipsam excutiendam considerandamque proponam. Si quis igitur reperiretur, qui ab ipso ineuntis ætatis principio illud arduum ac cum labore ad virtutem directum iter ingressus, hoc robore animi, atque hac indole continentis esset, ut omnia blandimenta voluptatum respuens, & aspernans, nihil in vita expetendum, aut magni faciendum putaret, nisi quod esset cum laude & cum dignitate conjunctum, seque jam tum a corpore quam maxime abstrahens ad divinarum rerum cognitionem cura omnino studioque raperetur: quis non facile auguraretur ex illa herbescentis adhuc, seque paulatim exferentis ingenii teneritate magnas aliquando virtutis ac sapientiæ fruges exsaturas? Quod si idem, cum se paulum jam corroborasset, ut planelliber ab omnibus impedimentis iter sibi destinatum expeditius conficeret, secederet, se regaretque se a commercio vulgi, & solitariam vitam amplexus, nomen daret in eam sodalitatem, quæ ex quo primum instituta est, perpetuum quoddam inexhaustæ fecunditatis seminarium hominum & doctrinæ, & virtute præstantium fuit, quis non in ea spe, quam jam antea concepisset, magis, ac magis confirmaretur? Jam vero si mul-

simultos annos in eodem ordine ita vixisset, ut non æqualibus modo suis, aut minoribus natu, sed ipsis senioribus exemplum innocentiae, & integritatis esset, nullam unquam ulius turpitudinis aut flagitii ne tenuissimam quidem suspicionem dedisset, neque in castigandis aliorum delictis remissus esset, & tamen aliis omnibus facilius ignosceret, quam sibi; pium ac iustum bellum indixisset cum omnibus vitiis, tum præcipue pravis, & veræ ac Catholicæ Religioni contrariis opinionibus, multos mortales, aut errore lapsos, aut ab aliis in fraudem inductos revocasset in viam; obstinatos, & pertinaces, ne eorum contagio bonis obesset, repressisset legum habenis, & omnes vires suas ad eos exterminandos contulisset; eiusque rei causa nullam offensionem, nullam similitatem, nullum odium, nullam denique capitis dimicationem sibi unquam defugiendam putasset: nemo, ut opinor, inveniretur, qui non tantum illud virtutis & constantiæ lumen in excelso aliquo, & illustri loco collocandum arbitraretur. Ad hæc omnia si iudicium & auctoritas acris alicujus, ac reveri Pontificis accederet, qui nulla prorsus alia re, quam illa præstanti virtute commotus, eum virum, de quo loquimur, nihil tale ambientem ac ne cogitantem quidem, in sacrosanctum Cardinalium Collegium adscisceret, isque se in illo dignitatis gradu constitutus, eundem toto decennio præstaret, quem in aliis vitæ partibus præstitisset: quis non ei bonus Pontificatus maximum spe & votis omnibus destinares? quis non omnes Christiani nominis & animi provincias gaudio triumphaturas, florentesque ac beatas futuras, tali sibi dato gubernatore consideret? Si hæc in extremis Galliæ aut Hispaniæ, aut etiam remotioris alicujus provinciæ finibus dicerem, pro certo tamen haberem, cognitum iri ab omnibus, te, Pie Quinte, eum esse, quem mea jam dudum notaret ac designaret oratio. Nam quæ tandem vitæ tuæ pars non ejusmodi fuit, ut in ea cum semper reperirent boni, quod imitarentur, nihil reperire possent improbi, quod calumniarentur? Majori tu & tranquilliori animo paupertatem tulisti, quam cæteri divitias ferunt. Nunquam tu honores secutus es: sed recto semper itinere gradientem, & de sola virtute sollicitum, de aliis rebus non laborantem, ipsi te ultro sunt honores consecuti. Nihil re Cardinalatus dignitas immutavit, nisi quod, ut tua virtus a pluribus cognosceretur, effecit: eandem quam privatus comitatem, atque affabilitatem, eundem

dem cultum, eandem vitæ ac disciplinæ severitatem retinisti. Una erat omnium vox, neminem esse, qui majori libertate sententiam diceret, qui minus ad gratiam loqueretur, qui quæ vera rectaque erant constantius aut animolius tueretur. Itaque non in sermone tantum, sed in vultu ipso ac nutu tuo magna inesse putabatur auctoritas. Tanto igitur, & tam repentino omnium consensu Pontifex renunciatus es, ut si cui forte adhuc dubium fuerat, hominumque iudicio, an divino numine summi Pontifices crearentur, quod tamen nemini unquam bono dubium fuit, ea tota dubitatio proximis comitiis sublata esse videatur. Non enim fumosæ majorum imagines; non invidiosa divitiarum magnitudo, non eblanditæ Principum commendationes vitam tibi ad Pontificatum munierunt. Eadem illa virtus, quæ te ab ipsis incunabulis susceptum perpetuo comitata erat, serius omnino & votis nostris, & meritis tuis, sed tamen in isto te tandem celsissimo dignitatis inter homines Deo proximæ solio, suis ipsamet manibus collocavit. At hæc quidem omnia omnibus Christianis & Principibus & populis ingentem lætitiā attulerunt. Quas autem causas habuerit Alfonso II. cur ex eo præcipuum quoddam gaudium caperet, sequitur ut exponam. Non est dubium, quin totius Christianæ Reipublicæ intersit, quam optimos Pontifices creari. Sed tamen id magis quodammodo pertinet ad eos populos, qui reguntur ab ipso Pontifice, quam ad illos, qui procul positi, etiam si illis, quæ ad religionem pertinent, Pontificis imperio parent, in cæteris tamen a Regibus aliisque Principibus gubernantur: itidemque inter Principes, magis ad eos, qui sunt in fide ac clientela Ecclesiæ, quam ad eos, quibus nulla talis intercedit cum hac sancta, & Apostolica Sede conjunctio. Cum igitur antiquissima, & nobilissima Principum Estensium familia & antiquitus a Pontificibus Romanis Ferrariam acceperit, & ab eisdem ducali nomine, atque auctoritate decorata fuerit, semperque ex eo in hujus sanctæ Sedis patrocinio permanserit: constat, cujusmodi Pontifices sint, quam amantes religionis ac justitiæ, eorum magis, quam multorum aliorum Principum, interesse. Deinde cum ex aliis multis & præcipue ex Illustrissimo Cardinali Ferrariensi patruo suo Alfonso II. de tua præstanti virtute cognosset; neque nescius esset quanto opere & is, & frater suus Illustrissimus Cardinalis Estensis dignitati tuæ vere atque ex animo faverent: fieri nullo



nullo modo poterat, ut non & ipse idem evenire cuperet, quod & patrem, quem semper meritissimo plurimi fecit, & fratrem, quem æque amat ac se ipsum, tanto studio procurare intelligebat. Postremo, cum ita natura comparatum sit, ut eos quisque ornatissimos ac florentissimos esse cupiat, quorum causa plurimum laboravit, in plurimaque se ac maxima pericula exposuit: necesse est insigniter caram esse Alfonso Ferrariæ Duci hujus sanctæ Sedis dignitatem, pro qua majores ipsius tot labores susceperunt, tot discrimina adierunt, toties de vita fortunisque omnibus dimicarunt. Nihil augendi aut amplificandi causa loquar, Pater Beatissime, sed id tantum optima fide testabor, quod, si opus sit, certissimis ac locupletissimis auctoribus probare nullo negotio possum: si ea minutatim persequi velim, quæ a Principibus Estensibus pro Apostolicæ Sedis auctoritate, ac totius Italiæ salute fortiter facta sunt, non dies modo me, sed vox ipsa viresque deficient. Sed, ut omittam ea, quæ nimis antiqua videri possunt, (si quidem mille jam anni, & eo amplius sunt, cum hæc nobilissima familia floret, aliosque assidue ex aliis Principes perpetua quadam serie propagat) illud certe prætermitti non potest, quod cum Fridericus Ahenobarus a Gregorio non damnatus atque hostis judicatus, ob idque implacabili adversus Ecclesiam Romanam odio flagrans, per Italiam immanissimi latronis more baccharetur, vastaret agros, oppida diriperet, depopularetur, incenderet, non sexui, non ordini, non ætati ulli parceret, cæde ac sanguine compleret omnia, administrumque ac satellitem crudelitatis suæ haberet Eccelinum, quem non tam inter sceleratos tyrannos, quam inter terras, & immanes belluas numerare merito possumus: utriusque copias non tam numeroso, quam valido exercitu tudit, ac fugavit Azononus Marchio Estensis. Quin etiam cum Salinguerra Taurellus, qui Eccelini sororem in matrimonio habebat, eique in omni scelere geminus era, Ferrariam vi & armis occupatam & oppressam teneret, miserorumque civium cervicibus prædo crudelissimus incubaret, ejusdem Azonis virtute, & armis Ferraria ab illius tyrannide vindicata est. Cujus rei causa primum quidem universus populus Ferrariensis Azonem ipsum dominum, ac Principem suum consalutavit; deinde vero Pontifices, habitatione & sumptuum, quos ipse in liberanda Ferraria fecerat, & beneficii, quod ab eo Apostolica Sedes acceperat, eamdem

dem illam urbem ei posterisque eius habendam ac regendam concesserunt. Neque unquam, quoties aliqua sese obtulit occasio, recularunt Principes Estenses, dum pro Ecclesia propugnarent, se suaque omnia prompto animo in discrimen opponere. Quæ omnia, aliaque ejusdem generis plurima non Petrariensium tantum annalibus, quorum hac in parte fides alicui fortassis suspecta esse possit, sed optimi cujusque illorum temporum aut etiam inferiorum scriptoris monumentis prodita, & testata sunt. His virtutibus domus Estensis ad tantam gloriam jam pridem pervenit, ut summi Pontifices, ut Imperatores, ut Hungariæ, ut Galliæ Reges, alique potentissimi Principes pulchram sibi, ac decoram illius affinitatem judicarent. Hæ causæ sunt, Beatissime Pater, cur Alfonso secundus, qui neque pietate in Deum, neque observantia erga Sedem Apostolicam, neque ulla denique virtute cuiquam ex majoribus suis cedere meditatur, te Pontifice declarato, incredibile quoddam ex ea re gaudium ceperit. Neque quidquam libentius fecisset, quam ut ad te primo quoque tempore veniret, & sanctissimis pedibus tuis ad volutus quantopere tibi, & huic sanctæ Sedi devotus, addictusque sit, modis omnibus declararet, ac patefaceret, nisi id temporum ratio prohibuisset. Sed cum ita evenisset, ut felicissimi Pontificatus tui principium in id tempus incidisset, quo ipse uxorem domum duxerat: judicavit, te pro tua singulari clementia non iniquo animo laturum, si prius cæpta nuptiarum solemnia celebraret, ac cum uxore unum, aut alterum mentem commoraretur: deinde ad debitum officium tibi præstandum veniret. Nunc autem aliud interea multo gravius obiectum est impedimentum. Nam, cum sceleratissimus ille religionis nostræ hostis Turcarum tyrannus numerosissimo exercitu Hungariæ immineat; generosissimus Princeps, qui admirabili studio ardet incedendi assidue per vestigia majorum suorum, Maximiliano Imperatori uxoris suæ fratri sponte se in belli, ac discriminis societatem obtulit, eique pollicitus est, simulatque accersitus esset, se ad eum nulla interjecta mora cum quantis posset copiis esse venturum. O vis virtutis, quid non in pectoribus vere generosis efficit? Non dilectione patriæ, quam abitu suo moestam & paventem reliquit, non nuper ductæ uxoris charitate, quæ sibi eo discendente a visceribus suis distrahi ac divelli videtur, non hostis feritate, non periculi magnitudine retineri fortissimus

Prin-

Princeps potest. Valeant, inquit, valeant alia omnia, ubi Christianæ Reipublicæ defensio agitur; indignus sum majoribus meis, si quidquam ei anteponendum putem. Verebatur autem, si huc iter cepisset, ne interea accideret aliquid, ut statim regredi, atque in Hungariam proficisci necesse haberet: neque dubitabat fore, ut hæc excusatio sua a te quoque, Beatissime Pater, non modo acciperetur, verum etiam commendaretur. Sed quod ipse, si licuisset, præsens facturus erat, idem nunc per hunc Illustrissimum Principem ac Marchionem Franciscum Estensem patrum suum facit: quo deligere neminem poterat, in quo plus inesset vel fidei vel auctoritatis. Per eum igitur, Beatissime Pater, Alfonso II. Ferrariæ Dux eam, quam debet tibi, & sanctæ Sedi Apostolicæ obedientiam præstat, se suaque omnia tibi tradit ac consecrat, semperque se in tua, atque hujus sanctæ Sedis potestate fore, sanctissime pollicetur. Tu eum vicissim, Beatissime Pater, ut ipse te sine ulla dubitatione facturum esse confidit, paterna benevolentia complectere: & quemadmodum ipse semper omnes vires suas ad defendendam tuam, & Apostolicæ Sedis dignitatem studiosissime conferet: ita tu eum, totamque una familiam Estensem, eximum nobilitatis Italicæ florem, non tuendam modo tibi, ac conservandam, sed amplificandam etiam in dies ac cohonestandam judicato. DIXI.

PRO CAROLO IX. REGE CHRISTIANISSIMO  
AD PIUM V. PONT. MAX.

## O R A T I O XIII.

Habita Romæ Anno MDLXVI.

De hac Oratione Muretus Lib. III. Epist. 15.

SI eorum, quæ oratione tractantur, magnitudo, & præstantia non aliunde, quam ex ejus, qui de eis dixerit, ingenio & dicendi copia penderetur: magnopere mihi verendum esset, Beatissime Pater, ne hodierno die, in hoc augustissimo & ad dicendum amplissimo orbis terrarum loco, splendor ac dignitas maximarum pulcherrimarumque rerum, quarum explicandarum munus mihi mandatum est, ingenii mei tenuitate & orationis inopia imminueretur. Dicturus enim, hujus clarissimi viri Oratoris ad te regii jussu, quantum gaudium Rex Carolus IX. te Pontifice declarato, perceperit, intelligo mihi faciendum esse, ut veteri atque usitato eorum



rum, qui ante me idem munus obierunt, instituto, de singula-  
 ri atque eximia pietate, qua Reges nostri, multis ab hinc se-  
 culis, præ cæteris omnibus perpetuo floruerunt, breviter dis-  
 feram: & non omnia quidem, quod infinitum esset, sed aliqua  
 tamen eorum, quæ illi tum pro religione, tum pro hujus san-  
 ctæ Sedis defensione pie fortiterque gesserunt, commemo-  
 rem; ostendam deinde, quanto studio atque ardore animi, Rex  
 noster jam nunc in hoc incuntis adolescentiæ flore, per illo-  
 rum vestigia gradiatur, quamque sibi hujus præcipue laudis  
 principatum appetat ac concupiscat. Quibus expositis, il-  
 lud quoque facile intelligetur, quantæ ipsi curæ esse debeat  
 Ecclesiæ status, cui cum, secundum Deum, ex Pontifice  
 potissimum pendeat, quantopere te tali viro his turbulen-  
 tissimis temporibus divinitus Pontifice creato, sibi præter cæ-  
 teros gaudendum arbitretur. Quæ omnia si quis ita se tra-  
 ctare posse confidat, ut rerum magnitudini orationis pulchri-  
 tudo respondeat: eum oportet aut ita exercitatum esse in  
 dicendo, ut facultate sua fretus, nihil sibi difficile atque  
 arduum putet; aut ita inexercitatum, ut errore ductus,  
 rerum pondera & momenta satis acute atque intelligenter  
 perspicere ac dijudicare non possit. Neque mihi nunc alia ul-  
 la res percussum ac debilitatum hac cogitatione animum eri-  
 git ac confirmat, quam quod apud te dicendum est, Bea-  
 tissime Pater, qui & ea sapientia es, ut, quanti quæque res  
 sit, ex natura ipsius, non ex iis, quæ de ea dicuntur, pon-  
 deres; & ea lenitate ac mansuetudine, ut eis, qui, potius  
 quam officium deserant, ejus onere opprimi malunt, faci-  
 le ac libenter ignoscas. Mihi vero memoria vetera repeten-  
 ti, & mentis oculos per antiqua Regum nostrorum decora  
 circumferenti, non unde incipere, sed ubi desinere debeam,  
 statuere difficile videtur. Tanta est enim rerum ab eis gesta-  
 rum magnitudo, tanta copia, ut neque possit quisquam,  
 ne si mentiri quidem velit, majora confingere; neque vera  
 consecrans, omnia tam brevi temporis spatio persequi: sed  
 aut ab ipso multa, aut ipsum a tempore deferi necesse  
 sit. Nam quæ tandem gens in toto orbe terrarum nomi-  
 nari potest, quæ semel susceptam JESU CHRISTI Salvato-  
 ris nostri religionem maiore constantia puram incorruptam-  
 que servaverit? quæ plures atrocioresve illius hostes aut  
 extinxerit, aut bellica virtute domitos errorem suum de-  
 ponere, seque ad Ecclesiæ societatem recipere coegerit?

quæ

quæ Apostolicæ Sedi laboranti tam sæpe subvenerit, eamque Tyrannorum iniquitate & injuria oppressam non in pristinam modo dignitatem restituerit, sed tam multis ornamentis effecerit, tam firmis præsiidiis muniverit? Omnia, quæ ab aliis Regibus, aut gentibus in hoc genere gesta sunt, si unum in locum collata cum iis, quæ nostri gesserunt, comparentur; & numero eorum & magnitudine obruentur. Militem jam anni sunt, & aliquanto amplius, cum Clodoveus, qui postea Ludovicus vocatus est, primus Regum nostrorum, salutari aqua ablatus, nomen in Christi militiam dedit. Neque diu cunctatus, suscepto bello in Visigothos, pertinacissimos hæreseos Arianæ defensores, eos commissio in Pictonibus prælio vicit, Regemque eorum Alaricum manu sua interfecit. Neque multo post haud procul Burgalæ reliquias eorum confecit in campo, qui ex eo etiam hodie Campus Arianus vocatur. Itaque ob id factum Anastasius Imperator, honoris causa, tunicam ei purpuream, sive, ut tum loquebantur, blatteam misit, simulque coronam auream magni ponderis, admirabili opere perfectam, multis ingentis pretii gemmis unionibusque colluentem: atque eum per legatos non consulem modo ac patricium, sed defensorem Christiani nominis, sed liberatorem imperii, sed generis humani patrem vocavit: felicem prædicans, cujus potissimum manu divina providentia illos urbis Romæ evertores, provinciarum vastatores, Dei hominumque hostes cadere voluisset. Ille, ut principem vere magnanimum decuit, munera quidem Imperatoris non repudiavit: sed illam, quam dixi, coronam augustius quiddam & magnificentius esse duxit, quam ut cuiquam mortalium conveniret: dignam rem sacrario, dignam quæ non humano sibi, sed divino cultui addiceretur: itaque eam summam veneratione, in templum Lateranense missam, divo Petro Apostolorum Principi consecravit. Nimirum ut belli principia ex solo divini cultus studio existerant; ita victoriæ insignia non alibi, quam in celeberrimo aliquo templo collocari par fuit; ut omnibus sæculis in illo nobili munere, non tam illa clarissimarum gemmarum multitudo, quam Clodovei regis pietas religioque fulgeret. Neque se tanto patre parum dignum præstitit Childeburtus: qui Alaricum Alarici filium, qui etiam, sancienti fœderis causa sororem Clotildem in matrimonium dederat, cum in paterna im-

pietate perstare, ideoque in uxorem, quam abducere a Catholica religione non poterat, injuriam ac contumeliosum esse cognosceret: bello eum persequi non prius destitit, quam & Tyrannum ipsum obruncavit, & populos, qui ei paruerant, ab Arianæ opinionis pravitate revocavit. O sancta bella, quæ non ad unius hominis ambitionem, aut avaritiam explendam, sed ad veram & Catholicam religionem latius spargendam suscipiebantur! O felices victorias, quæ & victoribus immortalem gloriam, & victis æternam salutem afferebant! Sed ita magna & memorabilia sunt, quæ mihi se ad dicendum offerunt, ut, cum singula intueor, nihil eorum sine flagitio prætermitti posse existimem: ita multa rursus, ut, cum universa contempler, plurima mihi necessario omittenda esse cognoscam. Dagoberti tamen primi singularem eximiamque pietatem tacitus præterire non possum: qui, & edicto proposito, omnes qui fidem Catholicam non amplecterentur, intra certam diem, aut Galliæ finibus excedere, aut capitis supplicio affici jussit: & in reliquis vitæ partibus ita se gessit, ut, qui honores more nostro relatis in divos haberi solent, eos illi post mortem Ecclesia decreverit. De Carolo autem Martello quid primum, quid postremum eloquar? Ille Saracenos, ferocissimam, & Christiano nomini inimicissimam gentem profligavit: quorum infinitam quandam multitudinem uno ad Ligerim prælio cecidisse, cum e nostris paucissimi desiderati sint, historicorum monumenta testantur. Ille Frisios, impio falforum deorum cultui deditos, & a Christiana religione abhorrentes, repudiata superstitione, Christo initiari coegit. Ille Visigothos & Saracenos, conjunctis opibus bellum renovare & Narbonensem provinciam occupare ausos, aggressus, agros eorum cadaveribus stravit, fluvios eorum sanguine infecit. Ille, cum Gregorius tertius Pontifex maximus, rebus suis diffidens, opem ejus implorasset, Lutitrandum, Longobardorum Regem, ab hac urbe obsidenda, sola nominis sui auctoritate deterruit. Sed non omnia persequenda sunt. Vocat enim nos ad se Pipinus, neque mediutius de rebus suis tacere patitur. Hic ille est Pipinus, Beatissime Pater, ille inquam Pipinus, Patres Amplissimi, a quo est Pontificum maximorum auctoritas a contemptu vindicata, opes auctæ, potentia stabilita. Etenim, ut ab optimis auctoribus memoriæ proditum est, cum Aistulphus Rex Longobardorum universam Italiam sub imperium suum subjunge-



remeditaretur, jamque Ravennam, & magnam præterea  
 Flaminia partem occupasset, Stephanus secundus Pontifex,  
 cum prius opem ab Imperatore Constantino petisset, atque  
 ab eo neglectus esset, consilium cepit eundi in Galliam ad Pi-  
 pinum: illum unum & ea pietate esse, ut auxilium sibi liben-  
 tissime laturus esset, & iis viribus uti facile posset. Neque enim  
 sua frustrata est opinio. Nam Pipinus & illum excepit iis  
 omnibus honoribus, qui maximi poterant excogitari, usque  
 eo ut ei obviam profectus, tria millia passuum pedibus con-  
 fecerit, manu sua frenum equi, quo ille vehebatur tenens; &  
 cum Alpes incredibili celeritate superasset, transportato in  
 Italiam exercitu, tantum terrorem intulit Aistulpho, ut, col-  
 latis signis depugnare non ausus, Ticini se mœnibus tueretur.  
 Ubi tamdiu obsessus est, dum se omnia, quæ abstulerat, resti-  
 tuturum, neque unquam Pontifici molestiam exhibiturum,  
 interposito etiam iurejurando, fidem daret. Quia postea ne-  
 glecta, cum longe lateque omnia populatus, postremo hanc  
 ipsam urbem obsidione cinxisset: Pipinus, qui, tanquam re-  
 confecta, in Galliam redierat, in Italia denuo reversus, vir-  
 tute & armis perfecit, ut Aistulphus supplex easdem condi-  
 tiones denuo acciperet; neque prius pedem ex Italia movit,  
 quam præfectura Ravennatum finibus longe maximis, ut-  
 pote quibus & Flaminia & Æmia tota contineretur, Pon-  
 tifici restituta est. Exstat adhuc tabula marmorea in ea tur-  
 ri, cui Borgiae nomen est, in qua hæc omnia olim honoris  
 ergo incisa & præscripta fuisse constat. Ita enim in ea adhuc  
 legitur: *Pipinus pius primus amplificanda Ecclesia viam ape-*  
*ravit, & Exarcatum Ravenna cum amplissimis...* Pars tab-  
 ulæ, in qua reliqua scripta erant, aut casu aliquo, aut  
 temporum, aut hominum injuria confracta est. At ænea  
 quidem & marmorea monumenta conficere ac consumi-  
 re longinquitas temporis potuit: Pipini certe gloriam nul-  
 la unquam delebit verustas, nulla inobtecurabit oblivio.  
 Sento, tantas res multo brevius multoque exilium a me  
 tractari, quam dignitati atque amplitudini ipsarum con-  
 veniret. Sed quis modus futurus erat, si quæ sic quo-  
 que vix a me percurta sunt, iis in singulis immorari,  
 atque insistere voluissim? Nunc quoque si de Caroli  
 Magni laudibus differrere vellem, quantus se mihi cam-  
 pus aperiret? Dicerem, Aquitaniam, in qua hæreses  
 denuo efferre se & subcrescere cœperant, ab adolescen-

tulo perpurgatam. Dicerem, immanissimam Saxonum gentem, semper victam, semper rebellantem, cum inter se constantia Caroli, & illorum pervicacia certarent, vix tandem continuo triginta trium annorum bello perdomitam, & abjecto idolorum cultu Christi leges accipere coactam. Dicerem, Italiam vincendo peragratam, dignitatem Hadriani Pontificis vindicatam, Desiderium Aistulphi successorem, cum eadem, quæ ille moliretur, oppressum; additam ditioni Pontificiæ Corsicam; additos ducatus Spoletanum & Beneventanum; additum quidquid Lucam & Parmam interjacet. Neque præterirem redditum in Italiam, & Leonem tertium Hadriani successorem in Sedem suam, fractis & obtritissimum Ecclesiæ viribus, restitutum. Illa vero quanto plenius ore laudarem: relicto amplissimo & florentissimo regno, susceptum iter impeditissimum, & difficultatis ac periculi plenum, & ducto per tam varias gentes validissimo exercitu terram illam, quæ vagitus Jesu CHRISTI nascentis excepit quæ eum concionantem audit, admirandis operibus certissima divinitatis suæ signa dantem obstupuit, spectavit sublatum in crucem, & suo sanguine peccata nostra expiantem, ex impiorum manibus ereptam & recuperatam. Talia quamlibet multa dicerem, multa tamen necessario præterirem, summa omnia, & illo nobili Magni cognomine majora. Quod si vellem ulterius progredi, & tum quæ priscis temporibus Ludovicus Pius, Philippus primus, Ludovicus Crastus, Philippus Augustus, Divus Ludovicus, alii Reges, tum recenti memoria Franciscus primus, Henricus secundus, Franciscus secundus religionis & Sedis Apostolicæ causa fecerunt exponere: commemorarem, quam multi ex eis ad eam defendendam in Italiam cum exercitu venerint; quam multi Pontifices laborantibus rebus suis in Galliam confugerint; quam multa Concilia, cum alibi nusquam possent, in Gallia tuto ac libere celebraverint: multorum dierum multorumque voluminum, non unius horæ & unius orationis negotium esset. Ob quæ omnia semper summi Pontifices & quoscumque potuerunt honores habuerunt Regibus nostris, & ex omni antiquitate in scriptis suis eos omnibus exquisitissimis laudibus extulerunt. Exstat epistola Gregorii ad Chilæbertum Regem, cujus hoc principium est: *Quanto ceteros homines regia dignitas antecellit, tanto ceterarum gentium regna regni vestri culmen excellit.*

Inno-  
bis R  
nat  
dem  
Chri  
quas  
ex qu  
gnas  
emit  
Et pr  
nissim  
licum  
Primo  
simu  
Et sol  
hono  
tot se  
ges p  
aut  
labor  
runt  
sibi A  
quam  
quam  
steris  
divin  
anim  
hodie  
vocib  
ribus  
ex pu  
suade  
obseq  
voces  
ra, c  
omni  
si non  
ri illi  
puer  
roli d  
ipsa le

Innocentius tertius, *Reges Gallorum, prae ceteris totius orbis Regibus*, ait, *semper Apostolica Sedi, ut ipsius verba ponam, obsequiosos, & devotos existisse. Honorius tertius eodem opposuisse se tanquam murum inexpugnabilem pro populo Christiano. Gregorius nonus, Regnum Gallie, ait, esse quasi pharetram, quam Christus sibi circa semur accinxit, ex qua sagittas electas extrahens, ipsas, ut sibi gentes, & regna subiciat, in arcu, ita enim loquitur, brachii potentis emittit. Regem Gallia Gregorius primus Regem Catholicum, & praecellentissimum filium suum; Gregorius nonus Christianissimum inter omnes Christianos; Innocentius quartus Catholicum Principem & Christianissimum Regem; Urbanus quartus Principem inclita devotione praeclarum, Principem Christianissimum praecellentium meritorum, Athletam Christi strenuum, & sollicitum fidei Christiana defensores vocat. Quae omnia honoris & dignitatis plenissima nomina, & illum, quem tot saeculis obtinuerunt; atque obtinent, inter omnes Reges principem locum, Reges nostri, non aut ambitione sua, aut aliena assentatione consecuti sunt; sed ipsi suis sibi laboribus, suis periculis, suo sudore ac sanguine comparaverunt. Ab iis igitur maioribus ortus Carolus nonus nihil aliud sibi studio habet, nihil aliud dies noctesque curat ac cogitat, quam quomodo possit eorum quam similis evadere, & quam nobilitatem a maioribus accepit, eandem tradere posteris suis insigni aliqua accessione cumulata. Quam ad rem divinus adolescens & ipse per se naturali quodam impetu animi fertur, & assiduis Catharinae matris, omnium quas hodie sol adspicit, sapientissimae ac praestantissimae mulieris vocibus incitatur. Itaque in iis acerbitatibus, quas superioribus annis pertulit Gallia, habuit tamen aliquod solatium ex pulcherrimo spectaculo, matris omnia recta & salutaria suadentis, & filii omnibus maternis consiliis libentissime obsequentis. Quam multae ex eo adhuc puerulo audita sunt voces, erumpente foras seque iam tum parefaciente natura, quae & excellens acumen ingenii, & indolem virtutis omnia mox egregia exempla editurae indicarent. Quorum ego si nonnullas proferre institui, facile convincam, neque Cyriillus veteris, neque Alexandri Magni dicta quaedam in puericia, quae in admiratione sunt, ullo modo esse cum Caroli dictis comparanda. Sed nihil dictis opus est, ubi facta ipsa loqui quodammodo videntur. Quis est enim hodie in*



terriss locus, qui non audierit, quibus haud ita pridem Gallia procellis ac tempestatibus agitata sit? Nam cum inaudita quadam ante hoc tempus calamitate, multorum ex nostris hominibus animos nefariæ quædam & execranda opiniones occupassent, atque ita eis infedissent, ut ipsi nihil sibi non tentandum putarent, quo nobilissimum regnum ab Ecclesiæ communione, & ab huius sanctæ Sedis obedientia abducerent: tanta ex eo consecuta est rerum omnium perturbatio, ut toti Galliæ ultimum, (quod impiorum potius capiti sit) venisse exitium videretur. Videre erat eadem indomitos filios a patribus, fratres a fratribus, viros ab uxoribus, propter hanc de religione dissensionem, capitali odio dissidentes. Neque se privatis parietibus continuit mali vis. Inita occulta primum, mox etiam aperta adversus Deum, adversus Regem, & Reginam, adversus omnes recte sentientes scelerata consilia. Perditi quidam ac nefarii homines, quos illa furens turba, quasi nuper cælo delapsos novi evangelii doctores, sequebatur, convocatos suos, nocturnis concionibus, ad contemnendos magistratus, ad regium imperium tollendum, ad occupanda oppida, ad eandem & sanguinem, ad rapinas & ad prædas incitabant. Horum vocibus, quibusdam furiarum facibus, cum accensa impiorum peccata essent, itum est ad arma; occupatæ improviso opulentissimæ, ac munitissimæ urbes; interceptæ regis pecuniæ; direptæ bonorum fortunæ; ipsi autem expulsi, aut occisi; antiquissima & religiosissima templa partim spoliata, partim inflammata, partim diruta & solo æquata; quæ dejecta non sunt, in iis ea patrata, quæ commemorari sine horrore non possunt. O illorum temporum vel memoriam ipsam acerbam ac luctuosam! cum de legum auctoritate sceleratorum audacia triumphabat; cum prostratæ religioni victrix insultabat impietas; cum tremefactis omnibus bonis, & optimo quoque pessima omnia metuente, volitantium huc illuc, & in publicis ruinis bacchantium improborum voces undique audiebantur. In his tantis malis, ac difficultatibus Carolus Rex, plura se & difficiliora, propugnandæ religionis causa, fecisse ac præstitisse, quam quemquam alium ex omni memoria principem, vere ac merito gloriari potest. Omnes enim alii in externos bella gesserunt: hic suis bellum inferre coactus est. Alii & a suis, & ab alienis adjuvabantur; hunc & sui, & alieni oppugnant. Aliis

vincerent, proposita erat, præter gloriam, imperii ac potentiae suae amplificatio; sin vincerentur, erat, quo se reciperent: huic, siue vinceret, spectanda magna strages suorum cum insigni virium suarum imminutione; siue casu aliquo vinceretur, regno fortassis carendum fuit. Et hæc tamen omnia eum non deterruerunt, quo minus urbes suas obsideret, earum mœnia tormentis bellicis quateret, agros popularetur, obfessos com meatibus intercluderet, prælia, in quibus multi fortissimi imperatores, militesque ceciderunt, committeret: omnia denique in solo suo faceret, quæ in hostili fieri solent. Neque, ut opinor, aliud bellum ætate nostra gestum est, in quo, quidquid ex utraque parte periret, uni periret. Quamquam autem messes se suas, ut dicitur, urere intelligebat: tamen, quoniam integritas religionis aliter conservari non poterat, omnia sibi perferenda esse statuebat. Regnæ autem in illis tumultibus quod studium, quæ sollicitudo, quæ concursationes fuerunt? quid non illa tentavit, quid non molita est, ut omnia quam minimo damno componerentur: ut & conservaretur Catholica religio, quod semper ei præcipuum fuit, & quam minimum sanguinis fundere-  
retur? in quo fecit rem gentis suæ nominis mirifice congruentem. Medicata enim est consilio ac prudentia sua communibus totius Galliae malis; & eam se difficillimis temporibus præstitit, ut non jam verius mater Regis, quam mater regni nominari meritissimo possit. Ejus enim præcipue, & aliorum regni sui procerum consiliis, & virtute fortissimorum imperatorum ac militum suorum, quorum alii occubuerunt, alii adhuc superstites sunt, Carolus Rex Galliam ex atrocissima tempestate servavit, & in eum, in quo nunc est, statum redegit. Quod si nondum omnia, quo vellemus plane perducta sunt, cogitare debemus, bene agi cum iis, qui tam graviter agrotant, cum etiam si nondum recuperarunt pristinam firmitatem, salus tamen eorum in tuto est. Etiam prudentes medici solent ex male affectis corporibus vitiosos humores paulatim educere: ne si semel universos exhaurire voluerint, quos sanare conantur, occidant. Non est verendum, ne faciliora non perficiat is, qui jam difficiliora perfecit. Idem tandem erit exitus horum tumultuum, qui fuit eorum, quos olim Albigeneses D. Ludovici temporibus concitarunt. Duodecim annos natus erat D. Ludovicus, cum ad regnum vocatus est: Carolum, aliquanto etiam minorem natu, fra-

tristis mors in regio solio collocavit. Tum Blanca Regis mater & filium sanctissime educabat, & propter teneram illius ætatem ipsa Galliam administrabat. Horum munerum utroque ita Catharina perfuncta est, ut omnes nihil perfectius fieri potuisse fateantur. Tum Albigeneses, pueritiam Regis, occasionem suam rati, omnia in Gallia permiscere tentarunt: Albigenibus multo tetriores nostrorum temporum hæretici, eadem spe delusi, Regem regno, regnum religionem spoliare studuerunt. Illi, cum sæpe victi, neque quietere, neque ad sanitatem redire vellent, extincti tandem, deletique sunt: Non alias hos quoque fortuna, nisi respiciant, consequetur. Ad errores Albigenensium confutandos, & ad multorum animos eis liberandos D. Dominici conciones & vitæ sanctitas incredibiliter profuerunt: Non minus te, Beatissime Pater, qui & in D. Dominici familia editus es, & illum moribus refers, & singulari in nos Dei beneficio summam in terris auctoritatem obtines, Carolus Rex ad hos exitiosos errores tollendos profuturum esse confidit. Novit enim eximiam integritatem vitæ tuæ; novit perpetuum purgandæ Ecclesiæ studium; novit labores in extirpandis hæresibus ab ineunte ætate susceptos; novit animum nihil nisi de Deo & de utilitate publica cogitantem. Neque nostris ignota sunt, quæ tu ad mores hominum corrigendos, & ad auferendam improbis omnem maledicendi occasionem, & jam fecisti, & quotidie facis. Refrenatas libidines, repressam & cohibitam luxuriam, expulsa nequitie instrumenta, sublatam penitus omnem Ecclesiasticarum rerum nundinationem, compositos & iussu, & exemplo tuo aliorum mores, mutatam in melius urbis faciem, nos vidimus, illi audierunt. His omnibus ex rebus Carolus Rex incredibile gaudium cepit: & ut quod facias quam diutissime facere possis, a Deo optimo maximo votis omnibus petit. Quem animum suum ut tibi patefaceret, legavit huc clarissimum & nobilissimum virum Justum Turnonium, Comitem Russilionis, magni illius Francisci Cardinalis Turnonii, cujus memoriam & tibi, Beatissime Pater, & vobis omnibus, Patres Amplissimi, gratam esse ac iucundam scio, fratris nepotem, hominem, ut omnia uno verbo complectar, suo genere dignissimum: cujus egregiam virtutem & sæpe alias, & proxime in illo memorabili adversus hæreticos prælio spectatam, Rex ipse amplius & honorificis præ-

præm  
& qui  
eum  
tuo P  
rium  
tibi,  
obedi  
omni  
que  
Sedis  
colla  
furus

Pro

Ha

Orat

Q  
sum  
vinit  
hoc  
cina  
solis  
ad re  
nis fi  
vero  
tur,  
tatic  
bus:  
sta,  
phor  
capi  
nom  
ceat  
& a  
omni  
præ-



## O R A T I O XIII.

103

præmiis profectus est, cooptato eo in equites ordinis sui, & quinquaginta cataphractis equitibus præesse iussit. Per eum Carolus Rex, Beatissime Pater, sibi, & toti Ecclesiæ de tuo Pontificatu gratulatur, te verum JESU CHRISTI vicarium, verum Petri successorem, non dubitanter agnoscit; tibi, & huic sanctæ Sedi vere, atque ex animo quam debet obedientiam præstat ac defert; & ut certosperat, se, in omnibus quæ a te præstari potuerunt, a te adjuvatumque ornatum iri: ita se omnes vires suas ad Ecclesiæ & Sedis Apostolicæ defensionem semper promptissimo animo collaturum; neque hac in re cuiquam mortalium concessurus pollicetur. DIXI.

PRO SIGISMUNDO AUGUSTO REGE POLONIÆ  
AD PIUM V. PONT. MAX.

## O R A T I O XIV.

Habita Romæ xviii. Kalend. Febr. Anno MDLXVII.

*Orationis hujus mentio lib. II. Epist. Pauli Sacratip. 84.*

Quanto opere gavisus sit universus orbis Christianus, postea quam auditum est, summum honorem, jam pridem sumis virtutibus tuis debitum, tandem aliquando tibi divinitus delatum esse, Pie Quinte Pontifex maxime, vel ex hoc intelligi potest, quod concepti ex ea re gaudii vis non vicinarum se regionum, ac provinciarum finibus continuit, sed solis instar, omnia, simul ut exortus est, sua luce complentis, ad remotissimas gentes, & posita in ipsis Christianæ ditioris finibus regna, admirabili celeritate penetravit. Neque vero ei contigit, quod ventis solet, qui cum, unde oriuntur, ibi vehementissimi sint, ad longinqua fracti fere, debilitatique perveniunt; sed quod ingentibus, vastisque fluminibus: quæ cum ab ortu ipso magna sint, perpetuo tamen aucta, & tumefacta progressu, eo majores undas volvunt, eo amplioribus, ac capacioribus feruntur alveis, quo a fontibus ac capitis suis longius recesserunt. Ut cum aliis permultis nominibus beatissimum te omnium mortalium prædicare liceat, tum hoc non minimum sit, quod ex honore tibi habito, & ad illos, qui eum tibi decreverunt, immortalis gloria, & ad omnes bonos, qui eum tibi delatum audierunt, incredibilis

lætitia redundarit. At cæteri quidem vincitores principes ac populi quanta omnes animorum alacritate recentem Pontificatus tui nuncium acceperint, ex legatis, quos ad te, gratulandi causa, suo quisque tempore, miserunt, cognoscere potuisti: hodierno autem die intelliges, etiam in illis regionibus, quibus Christianorum imperium terminatur, quanto gaudio pii omnes exultaverint, quas inter se gratulationes fecerint, quanto consensu meliora, & prosperiora omnia sperare cœperint, cum, quo iam pridem sanctitatis tuæ fama pervenerat, eodem te in istam celsissimam dignitatis, atque honoris sedem adscendisse, perlatum est. Potentissimus enim, idemque religiosissimus Princeps, Sigismundus Augustus Rex Poloniæ, quam jucundus, & exoptatus sibi, suisque populis ejus rei nuncius acciderit, testari cupiens, ea de causa legavit huc illustrem virum Petrum Barzium, Senatorem Regni, ex quo hæc omnia non minus certo cognoscere, quam si Regis ipsius non os modo intueri, & sermonem audire, verum etiam penitus perspicere intimos sensus animi posses. Is cum mihi mandaverit, ut hodie apud te, in hoc dignitatis maiestatisque plenissimo cœtu, & de regni antiquitate, atque amplitudine, & de rebus, quas, multis ab hinc sæculis, Polonorum Reges ad Christiani imperii fines tum tuendos, tum propagandos, sine ulla propemodum intermissione gesserunt, & de ipsis Sigismundi Augusti Regis pietate, animi magnitudine, fortitudine ac constantia, deque quotidianis pro Christiana Republica laboribus ac periculis dicerem: quæso obtestorque te, Beatissime Pater, tribue mihi hoc beneficium, ut; dum hæc summatim persequor, orationis meæ cursus aura lenitatis ac facilitatis tuæ adjuvetur. Maximas res, memoratæque ac cognitu dignissimas afferam, & quamquam notas atque illustres, tum suapte splendore ac magnitudine, tum propter regiæ fortunæ sublimitatem, quæ magnorum & potentium Regum actiones obscuras esse non patitur: tamen eo minus pervulgatas, quod Polonorum gens semper in præclaris rebus gerendis, quam in iis, quæ gessisset: memoriæ prodendis, occupatio fuit: semperque majorum suorum virtutem imitari, quam celebrare, gloriosius duxit. Atque ut, unde proposui, exordiar, & Poloniæ Rex quam longe lateque dominetur, expediam: tota illa Germaniæ pars orienti soli propior, quæ est inter fluvios Guttalum, quem hodie Oderam vocant, & Vistulam, qui antiquis temporibus

Ger-

Germania  
a Vistula  
Venedic  
terjes  
aqua  
rem &  
necess  
ea mu  
ster, c  
secum  
tura f  
mollia  
tam, i  
vis m  
non f  
rum  
te fer  
disloc  
stiani  
muni  
nend  
agen  
confi  
teri,  
Polon  
lusce  
quen  
scuss  
luce  
anim  
men  
rate  
mut  
bus:  
soler  
Deu  
gato  
& in  
dieta  
lus  
min

Germaniam a Sarmatia dividēbat, & Sarmatiæ quantum est a Viſtula ad Boryſthenem, & a ponto Euxino uſque ad ſinum Venedicum, inter quos plus mille Italica paſſuum millia interjeſta ſunt, illius imperio continetur. Regio propè tota æqua, & plana, multis magniſque fluminibus & ad fertilitatem & ad mercaturas commodiſſimis irrigua, rebus ad vitam neceſſariis uſque ad abundantiam dives. Habitatorum autem ea multitudo, ut, cum equitatus regiæ ex ſolis nobilibus conſtet, centum quadraginta equitum millia armare, & in aciem ſecum, ſi res ferat, educere Rex Poloniæ poſſit. Homines natura fortes & animoſi, quique non facile aut voluptatibus molliantur, aut periculis terreantur. Mortem per decus obitam, immortalitatis inſtar; vitam per dedecus retentam, quavis morte pejorem putant. Ignominiam ut fugiant, nihil non fecerint; ut mortem, nihil. Hæc hominum, hæc locorum ingenia. Cinguntur autem omni propemodum ex parte ferociſſimis gentibus, & partim ab Eccleſiæ communione diſſociatis ac diremptis, partim apertis & capitalibus Chriſtiani nominis hoſtibus, ut in illo conſinio, tanquam in communiquadam arce ac propugnaculo, fortiſſimi viri ad ſuſtinendam & propulſandam barbarorum immanitatem, & ad agendas perpetuas pro Chriſtianis omnibus excubias divino conſilio conſtituti ac collocati eſſe videantur: quo eſſent cæteri Polonorum virtute teſti, Polonorum laboribus quieti, Polonorum periculis tuti. Neque mihi videor quidquam a luſcepto munere facturus alienum, ſi breviter expoſuero, quemadmodum illos Deus, ante ſexcentos ab hinc annos, diſcuſſis errorum, quibus involuti erant, tenebris, ad Evangelii lucem perduxerit. Quod dum facere ingredior, a deſte quæſo animis, quicumque corporibus a deſtis, & in re maximi momenti diviniæ bonitatis ac ſapientiæ magnitudinem conſiderate. Omnes fere magnæ & memorabiles in rebus humanis mutationes aliquando antea aut uno, aut pluribus illuſtribus ac notabilibus ſignis divinitus portendi ac præſignificari ſolent. Cum igitur tempus illud appropinquaret, quo ſe Deus Polonis pateſaceret, eoſque impia ſuperſtitione purgatos cœleſti doctrina imbuere ſtatuerat: adventantis jam, & iſtantis ſalutaris illius mutationis hanc, quam mox audiētis, ſignificationem dedit. Imperabat Polonis Ziemomiſus Leſci filius, Princeps (quatenus hæc convenire in hominem non Chriſtianum queunt) & juſtiæ, & clemen-

tia,



tia, & beneficentia, & aliarum virtutum laude cumulat; & in quo nihil præter Christi cognitiones desiderares, Huic, cum multos annos sine liberis esset, graviterque ea re angeretur, tandem natus est filius, sed oculis captus: ita ut non facile dijudicari posset, majoremne dolorem percepisset ex orbitate, an perciperet ex unici filii cœcitate. Omnia remedia, omnes medicorum conatus mali pertinacia eludit. Jam ad septimum annum pervenerat puer, eique patrio quodam ritu primam comam tonderi, nomenque imponi oportebat: cum præter omnium spem subito oculis uti cœpit. Incredibili lætitia perfusus pater convocatos ad se hariosos consulit, quid ex tam admirabili successu filio suo, quid toti Poloniæ portenderetur. Respondent, eo imperante, Poloniam mirabiliter illustratam iri. Ex ea spe atque omine puero nomen inditum Miecislao, quod gentis lingua significabat eum, qui sibi gloriam gladio pariturus esset. Nullo enim alio modo illustrari posse Poloniam, quam bello, & armis cogitabant. Jam adoleverat Miecislau; jam ad virilem ætatem pervenerat; jam mortuo patre rerum potiebatur; & cæteri quidem virtutibus patri non absimilis, nihil cætero qui bello egregium aut memorabile gerebat, ita ut tota Polonia, & se credulitatis, & vanitatis vatium sororum responsa damnaret. Sed majus quiddam, quam quod illi suspicati erant, parabat Deus. Miecislau, ductis barbarico more septem uxoris, nullos tamen ex ulla earum liberos procreare poterat. Interea fundente se, ac spargente quotidie latius Christiana religione, pervenerant & in Poloniam sancti quidam vi: qui aut solitariae vitæ, ut quietioris, & ad res divinas sine ullo impedimento contemplandas aptioris, studio ducti, aut periculorum metu, in abditis, & remotis silvarum recessibus delitescerent, Christo, ut poterant, serviebant. Horum quibusdam in animum immittit Deus, ut ad Principem adeant, eique polliceantur & liberos, & alia multo majora, si, repudiato falforum numinum cultu, Christum verum Deum agnoscere, & traditam ab eo doctrinam suscipere vellent. Ipse quoque divini spiritus repentino tactus afflatu, promptum se, ac facilem salutaribus illorum monitis præbuit. Neque longius res ducta est, quam dum prima ac præcipua religionis nostræ capita edoceret. Quæ ut percepit, magna pompa ac celebritate publice baptizatus, brevi tempore totam Poloniam ad Christianam pietatem

tem &  
allexi  
perpu  
septen  
garna  
auxili  
spexi  
sanab  
prædi  
vini l  
ut eti  
vera  
enim  
la ex  
gladio  
autem  
magi  
eo for  
hauri  
eius n  
mun  
peter  
da, q  
Mist  
tion  
nupe  
sis sa  
Miec  
pi nu  
que  
que  
majo  
gioni  
& ea  
cum  
& C  
sub  
vict  
aut  
doct  
tribi

gem & exemplo suo incitavit, & cohortationibus, ac præmiis  
 allexit, & minis ac suppliciis adversus pertinaces propositis  
 perpulit. Tum demum cognitum est, quod Miecislaus totos  
 septem annos cæcus fuisset, significatam esse hoc modo diu-  
 tænam Polonæ gentis cæcitatem: quod, omnibus humanis  
 auxiliis frustra tentatis, tandem divino beneficio lucem as-  
 spexisset, fore ut populi quoque cæcitas nulla humana ope  
 sanabilis divinitus depelleretur. Neque vana fuit hæriolorum  
 prædictio. Eo enim rerum potiente, Polonia splendore di-  
 vini luminis illustrata est. Notum est autem interdum fieri,  
 ut etiam superstitioni & impii homines, Deo permittente,  
 vera vaticinentur. Neque temere inditum nomen. Gladio  
 enim sibi & suis gloriam peperit, non quidem ferreo, aut ul-  
 la ex alia materia confecto, sed gladio illo utrinque acuto,  
 gladio spiritus, quod, ut ait Paulus, est verbum Dei. Ut  
 autem ab ea Ecclesia, quæ cæterarum omnium mater ac  
 magistra est, Christiane vivendi leges acciperent, & ex  
 eo fonte haurirent, unde nihil non purum & incorruptum  
 hauriri potest, legatos miserunt ad Joannem Pontificem  
 ejus nominis tertium decimum, per quos & eum, ut com-  
 munem totius Ecclesiæ pastorem venerarentur, & ab eo sibi  
 peterent Episcopos mitti a quibus regi, & quæ sibi creden-  
 da, quæque facienda essent, cognoscere accuratius possent.  
 Misit ille Italorum hominum spectatæ probitatis & erudi-  
 tionis idoneum numerum: qui primi novellas illas ac teneras  
 nuper in horto Christi depactas ac consitas plantas, copio-  
 sis sanctorum præceptorum imbribus irrigarunt. Hujus  
 Miecislai soror Adleida, cum Geisæ Ungarorum Princi-  
 pi nupta esset, cohortationibus suis perfecit, ut ipse quo-  
 que cum tota Hungaria Christi Sacramento adigeretur. Ne-  
 que vero ejus filius Boleslaus primus Poloniæ Rex, aut  
 majoribus suis laude bellica, aut patri propagandæ reli-  
 gionis studio cessit. Qui suscepto adversus Saxonas bello,  
 & ea, quæ illi dudum Polonis ademerant, recuperavit, &  
 cum universam illam oram ad Albim & Salam fluvios,  
 & Chersonesum Cimbricam, quæ hodie Dania vocatur,  
 sub Imperium suum subjunxisset, ut ostenderet, eam se  
 victoriam Christo quæsisse, non sibi, nihil in victos acerbè,  
 aut crudeliter statuit: sed cum eos ad accipiendam Christi  
 doctrinam compulisset, fixis memoriæ causa in Sale ripa  
 tribus ferreis columnis, in Poloniam se recepit. Numquid  
 igit-

igitur ea laude contentus, otio se postea tradidit? Immo vero declaravit, nunquam desidem atque ignavam esse virtutem; nullas ei esse a praeclaris actionibus ferias, fortes & constantes viros honestorum laborum ac munerum perfusione, non ad quietem invitari, sed ad alia ex aliis assidue suscipienda incitari. Nam cum Prussi aliquot ante annis Divum Adalbertum interfecissent, ejusque corpus quidem ipse æquo auri pondere a barbaris redemisset (mirum hoc quoque pietatis argumentum: sed in tanta temporis angustia multa necessario prætermittenda sunt) cædis autem ultionem in aliud tempus distulisset; tunc demum ratus advenisse tempus illud, cum & puniendi eorum audacia, & armis frangenda pertinacia esset, bellum eis intulit, neque magno negotio victor non aliam eis penam imposuit, quam ut erroribus suis depositis, Christo initiarentur. Hic mihi, Beatissime Pater, venit in mentem, quod olim a quodam Græco Imperatore dictum est, qui a suis in exilium pulsus, cum apud hostes, ad quos confugerat, multo lautius ac magnificentius haberetur quam apud suos; Perieramus, inquit, nisi perissemus. Ita enim & qui ab illo Principe vincebantur dicere poterant, se, nisi ab eo victi essent, perituros fuisse. Quid ego jam, ut Pomerania Boleslao tertio, Prussi a Boleslao quarto ad Christum, a quo defecerant, revocati sint, persequar? Rerum me copia, Beatissime Pater, inopem consilii reddit. Quod si in me ulla dicendi vis ac facultas esset, optarem equidem aliquam mihi non tam uberem ac copiosam ad dicendum materiam dari: ut in singulis ejus partibus accurat percensendis, copiose exornandis, arrificiose exaggerandis, jactare, atque ostentare me possem. Nunc enim, ut pictor, cui in exigua tabella ingens aliqua multitudo hominum exprimenda est, nonnullorum vultus tantum atque ora, multorum summa modo capita ostendit, totum reliquum corpus abscondit: ita me, cui innumerabilia Polonorum Regum ac populorum æternis dignissima laudibus facta in angustum unius brevissimæ orationis curriculum concludenda sunt multa, quæ, si pandi explicarique possent quasque spectanda proponi, incredibilem admirationem excitarent sui, delibare modo, & attingere, multa etiam significare potius, quam ostendere, necessesse est. Ideoque ne de bello quidem, quod Boleslaus quintus

cogno-

cogno-  
lachi,  
quali p  
cissim  
poeta  
Christ  
rent,  
proavi  
virtut  
ita pro  
homin  
haben  
gnitat  
audire  
tuani  
feraci  
Christ  
leban  
aras,  
rimis  
quoqu  
lingua  
quas d  
ut de  
bant  
scelu  
talen  
rum  
gens  
nis in  
Ei ge  
Jagel  
sua p  
quan  
ut qu  
sus a  
Hun  
ejus  
colla  
tiar  
re,



cognomento Pudicus adversus Jazygas, qui hodie partim Valachi, partim Hungari sunt, gessit, copiosius dicam: tantum quasi præteriens admonebo, eum, cum gentem illam ferocissimam devicisset, illos omnes, quorum virtuti, ut ait vetus poeta, fortuna belli pepercerat, quasi opima quædam spolia Christo consecrasse, neque aliud eis, quam ut Christiani fierent, imperasse. Ad Jagellonem enim Sigismundi Augusti proavum festinat animus, cujus admirabili inusitataque virtuti utinam par a me adferri posset orationis genus! Sed ita prorsus existimo: omnes, qui ubique sunt, eloquentissimos homines, si communi studio ad eum celebrandum quidquid habent in dicendo virium conferant, omnia tamen illius dignitate inferiora dicturos. Id ita se habere, eos, qui me attente audire non gravabuntur, facile cognituros esse confido. Lithuania, Beatissime Pater, amplissima, & fortium virorum feracissima regio, cæteris finitimis populis ad religionem Christianam adductis in veteri superstitione perstabat. Colebant autem ejus provinciæ homines ignem prodeo, ei aras, ei templa ponebant, eum summa diligentia in celebrantibus quibusque oppidis perpetuum asservabant. Fulminis quoque divinitatem quamdam inesse credebant, idque sua lingua deum Percunum nominabant. Sed & lucos, & seledas quædam in sylvis eximie proceritatis arbores venerabantur ut deos. Viperis quoque & aliis serpentibus eundem tribuebant onorem. Qui quid horum violasset, inextinguibile ab eo scelus conceptum putabant. Cum hoc per se miserabile erat, talem tantamque provinciam tanto tempore in tanta errorum fœditate versari, cum illud accedebat incommodi, quod gens bellicosa, & ferox finitimos sibi Christianos quotidianis incursionibus laceffens, nunquam quiescere patiebatur. Ei genti annos ab hinc amplius ducentos viginti imperabat Jagello, idemque præterea & Samogitiam & magnam Russiæ partem obtinebat, fortis & strenuus Princeps, & quamquam religionis nostræ mysteriis nondum initiatus, tamen, ut qui Christiana matre genitus esset, animo ab ea non prorsus alieno. Cum igitur per id tempus mortuo Ludovico Hungariæ & Poloniæ Rege, regni proceres de Heduigi ejus filia, ad quam regnum delatum erat, in matrimonium collocanda deliberarent, ecce ab Jagellone legati, qui renuntiarent, eum cum omnibus suis velle Christianum fieri, petere, ut sibi Heduigis uxor daretur: hoc si fieret, paratum esse

omnes

omnes ditionis suæ provincias cum Poloniæ regno ea lege conjungere, ut nunquam divellerentur. Quam lubentibus animis Poloniæ procures eam legationem audierint, nihil opus est dicere. Sustulerunt manus ad cælum, & gratias egerunt omnium bonorum auctori Deo, qui tandem illorum populorum misertus, eam mentem immisisset Jagelloni. Ipsa tamen Heduigis, in qua eximiam formæ pulchritudinem singularis modestia æquabat, nihil de matrimonio suo sine matris auctoritate statuere voluit, totamque rem ad illius voluntatem rejecit. Missi ad eam oratores in Hungariam, quo se mortuo viro contulerat, quibus illa responsum dedit pietatis & prudentiæ plenum: Longe a se abesse eam mentem, ut quidquam impedire vellet; quod & ad amplificandum regnum Poloniæ, & ad religionem latius spargendam pertineret. Cogitarent Poloni, & in commune consulere, reque mature deliberata id facerent, quod & Deo acceptissimum, & regno utilissimum putarent fore. De procerum igitur sententia constituto ad nuptias celebrandas diē, Cracoviam magno septus comitatu venit Jagello: & quia fortassis a matre puer acceperat, sanctos illos Reges, quorum memoriam nuper Ecclesia recolebat, ad adorandum Christum recens natum non sine muneribus venisse, ne ipse quidem immunis ad Christum venire voluit, eique pro munere non thus, non aurum, non myrrham, sed fratres suos, quos secum baptizari voluit, sed Lituaniam, sed Samogitiam, sed Russiam, sed omnes, uno verbo, quos in potestate habebat, populos obtulit. Quam jucundum illud non hominibus modo, sed Angelis ipsis fuisse spectaculum credimus, cum vir fortissimus ad sacros fontes incredibili alacritate properaret; cum se in vias ad eam rem præparatum cupidissime immergeret; cum magna & clara voce Deum & homines testaretur, ut in se aqua illa spargeretur, ita se pro Christo sanguinem suum, ubi res ferret, sparsurum esse! Baptizatus igitur & novo nomine, Valadislau Jagello dictus, postridie Idus Februarias, eodem diē Reginam in matrimonium duxit, neque multo post consecratus & inunctus, ac coronatus Rex Poloniæ, totum enim annum in pacando regno consumpsit. Eo autem anno, qui proxime secutus est, cum ei nihil longius videretur, quam dum populos suos in Christianorum numerum aggregatos videret, comitatus uxore & multis principibus viri, multis item Episcopis ac Sacerdotibus in Lituaniam profectus, quam

quam  
tis suæ  
ab inv  
specta  
ribus  
bans, t  
dora te  
ac de  
alter a  
tis au  
similit  
& res  
omniu  
falso  
incida  
poter  
Deo h  
eorum  
quos f  
ullam  
ab Ap  
lam p  
scere  
fermo  
fugien  
dorem  
prædi  
ad da  
persic  
giore  
nobil  
cram  
extr  
vicia  
gnit  
stum  
in Li  
quod  
cand  
firm  
conf

quam multis, quam certis, quam inusitatis documentis pietatis suæ magnitudinem testatus est! Nam cum populum ægre ab inveterata superstitione avelli videret, ipse omnibus inspectantibus, manu sua illis, quas aliquando coluerat arboribus magna vi secures impingens, easque ab radicibus deturbans, tum ingentem vim aquæ profundens in illos tamdiu adoratos ignes; *Non est; clamabat, non est Deus, quod excindi ac deijci, non quod exstingui potest.* O mirificos deos, quorum alter alteri pro pabulo est, alter alterum absumit! In venenatis autem & mortiferis animalibus quæ potest esse divinitatis similitudo? *Agnoscite, agnoscite, miseri, errorem vestrum, & respicite, & tandem aliquando mentis oculos ad Deum omnium rerum effectorem convertite: ne, dum æternum (ut falso putatis) ignem colitis, in alium ignem vere æternum incidatis.* Simul hæc, simul eis religionis nostræ principia, ut poterat, edisserebat: ut eodem tempore & vetus ille ignis pro Deo habitus, exstingeretur, & novus ignis divini amoris in eorum pectoribus accenderetur. Cumque neque sacerdotes, quos secum adduxerat, Lituanicam linguam, neque Lituaniam ullam aliam intelligerent, ipsemet eos summam fidei nostræ ab Apostolis traditam, quam symbolum vocamus, ipse formulam precandi a Christo Jesu institutam, ipse cætera, quæ discere solent ii, quos Catechumenos vocamus, in Lituanicum sermonem convertens, neque ullum in ea re laborem subterfugiens, edocebat. O Regem rari, & singularis exempli! O ardorem animi memorabilem! O pietatem omnibus sæculis prædicandam! Ita igitur inflammavit Lituanorum animos, ut ad danda Christo nomina, & ad sacrosanctam illam aquæ asperisionem simul omnes facto agmine concurrerent, seque longiorem moram pati non posse clamarent. Ideoque solis nobilibus singulatim baptizatis, cætera multitudo idem sacramentum cætervatim distributa suscepit. Quid ego nunc exstruatarum ab eo sacrarum ædium multitudinem, quid divitiarum Ecclesiastici ordinis hominibus attributarum magnitudine exponam? Quid susceptos in Samogitia ad Christum traducenda labores, & obita eadem illa munera, quæ in Lituania obierat? Illud vero minime prætereundum est, quod ne regnandi quidem suavitatis, maxima illerebra peccandi, quæ sæpenumero multos adversus alia omnia satis firmos abstulit, ullam vim habuit ad Vladislai fidem ac constantiam labefactandam. Nam cum Bohemi, quorum ani-



mis paulo ante Joannes Hufi & Hieronymus Pragensis pestiferum opinionum suarum virus afflaverant, mortuo Vencislao Rege suo, legatos ad eum misissent, per quos ei regnum deferabant, multisque precibus obsecrabant, ut id aut ipse, aut Vitouðus frater ipsius patruelis susceperet: maximo uterque animo eorum preces repudiavit, addita illa nobili, & nunquam satis celebrata voce: Religionem sibi esse, hæreticis imperare. Non patitur temporis brevitās, ut aut plura de hoc dicam, aut de eius filio Vuladislao tertio Poloniæ & Hungariæ Rege, qui, ut Pontificis maximi auctoritati pareret, cum Turcis, quos diu vexaverat, multisque præliis fuderat, fregerat, affligerat, redintegrato adversus pactas cum eis inducias bello, tum quoque magna eorum edita strage, in ipsa tandem acie fortissime dimicans interfectus est. Eademque mea causa cogit, tum alios aliquot reges silentio involvere, tum in Sigismundo primo Sigismundi Augusti patre laudando esse breviorē. Cujus pietatem quidem ac religionem magnificentissima templa partim instaurata, & refecta, partim ditata, partim etiam a fundamentis excitata, & perpetuum prohibendarum a regno suo novarum opinionum studium, bellicam vero fortitudinem tam multæ, tamque memorabiles de Moschis, de Valachis, de Tartaris, de Turcis victoriæ, & ut cætera taceam, octoginta Tartarorum millia uno ad Borysthenem prælio profligata testantur. Qui cum octoginta duos vixisset annos, carus suis, metuendus hostibus, utrisque venerandus, satur vitæ, satur gloriæ, moriens, Sigismundum Augustum non regni magis, quam virtutum suarum hæredem reliquit. Hic si præsens adesset, Beatissime Pater, sanctissimos pedes tuos deosculatus, hac ad te oratione uteretur: Magnò gaudio affectus sum, Pater Sanctissime, cum te ad Ecclesiæ gubernacula admotum, & in isto celsissimo inter mortales folio collocatum esse cognovi. Qualem enim jamdudum certa & constanti fama esse te acceperam, tali gubernatore navim Ecclesiæ in his turbulentissimis tempestatibus egere intelligebam. Quem in locum Christiana Respublica deducta sit, etsi dubitandum non est, quin ex ista edita ac præcella specula optime videas: nos tamen qui ab hostibus undique circumfessi sumus, certe propius intuemur. Et ab hoste immanissimo ac potentissimo invadimur, & domesticis seditionibus laboramus. Neque ulla res majores ei animos facit, quam quod intelligit, graviore, & impla-

cabi-

cabilio  
a Turc  
rori el  
sumum  
nitenti  
tegras  
omniun  
prohibe  
mus, u  
ceatur  
diuturn  
tu, B  
pter sa  
ritatem  
num c  
Christi  
sum,  
succur  
tation  
tiam t  
errorib  
ciendo  
corum  
virum  
latur,  
per eu  
quamq  
excubi  
Christ  
pro su  
vatur  
rum e  
omnia  
quæ a  
eis om  
diu Pa  
se, o  
tur, E

r

tabiliori odio Christianos a Christianis, quam Christianos a Turcis diffidere. Ita qui conjuncti, ac conspirantes terro-  
 ri essemus, divisi ac dissentientes ludibrio & despectui  
 sumus. Jamque mali vis, invictissimis, & nequidquam re-  
 nitentibus nobis non obscure per partes usque adhuc in-  
 tegras serpit. Et alia hoc regna nuper magno bonorum  
 omnium mœrore senserunt; & nos, quamquam omnia  
 prohibendi causa facimus, pervincere tamen non possu-  
 mus, ut nihil populis nostris vicinitate ac contagione no-  
 ceatur. Hem, nunquamne his tot, tam gravibus, tam  
 diuturnis calamitatibus remedium aliquod reperietur? At  
 tu, Beatissime Pater, cujus & apud Deum preces pro-  
 pter sanctitatem, & apud homines iussa propter aucto-  
 ritatem plurimum valent, per illam, qua genus huma-  
 num complecteris, charitatem, per illam curam, quam  
 Christianis omnibus & debes, & præstas, per illum ip-  
 sum, cujus in terris vice fungeris, JESUM CHRISTUM,  
 succurre, ac subveni communibus malis, & omnes cogi-  
 tationes, omnia consilia, omnem auctoritatem ac poten-  
 tiam tuam confer ad Christianos populos & purgandos ab  
 erroribus, & firma ac stabili concordia inter se devin-  
 ciendos. Quod igitur Rex ipse per se facere propter lo-  
 corum distantiam non potest, id per hunc clarissimum  
 virum oratorem ad te suum facit: per eum tibi gratu-  
 latur, per eum ad te omnes vires ac copias suas defert,  
 per eum tibi & huic sanctæ Sedi obedientiam præliat;  
 quamque laudem a majoribus suis hæreditariam accepit  
 excubandi assidue pro Christianis, & quicumque hostes  
 Christi atque Ecclesiæ fuerint, eosdem semper habendi  
 pro suis, eam se diligentissime, ut semper fecit, conser-  
 vaturum, neque unquam ab eorum virtute degeneratu-  
 rum esse promittit. Tibi autem, Beatissime Pater, cum  
 omnia falsa & prospera precatur, tum quo facilius ea,  
 quæ a te expectantur, perficere possis, illud a Deo vo-  
 tis omnibus petit, ut publico Ecclesiæ bono non minus  
 diu Pontifex vivas, quam te Pontificatu dignum vixis-  
 se, omnes, qui vere & incorrupte judicant, confitean-  
 tur, DIXI.

DE TOTO STUDIORUM SUORUM CURSU, DEQUE ELO-  
QUENTIA, AC CETERIS DISCIPLINIS CUM JURIS-  
PRUDENTIA CONJUNGENDIS.

## O R A T I O XV.

*Habita Roma Anno MDLXVII.*

**N**on eram nescius, cum hanc Pandectarum interpre-  
tandarum provinciam susceperem, fore, ut multis ser-  
monem darem: quibus mirum, ac novum videretur, me, qui  
tot annos in hoc docendi munere ita consumpsissem, ut eos  
modo libros attingerem, qui aut ad Eloquentiam, aut ad Phi-  
losofiam pertinerent, mutata subito voluntate, ad tractatio-  
nem Juris Civilis tam longo intervallo redire: a quo me ple-  
rique jam pridem animum omnino avocasse, & ad mitiora  
studia, tanquam ad Sirenum scopulos, adhæsisse, aut quasi lo-  
ti cujusdam Homericæ, ita illorum dulcedine, ac suavitate  
captum, hujus jam ne per somnum quidem meminisse arbi-  
trarentur. Quibus ut satisfaciam, simulque vobis omnibus  
hujus consilii atque instituti mei rationem reddam: etsi non  
libenter facio, ut de me loquar, tamen antequam progrediar  
longius, pauca quædam de toto studiorum meorum cursu  
breviter commemorare constitui. Quæ si audire ac cogno-  
scere grave non erit, spero fore, ut gravissimi quidem & eru-  
ditissimi homines, quos hic adesse video, factum meum non  
improbent; vos autem, optimi & studiosissimi adolescentes,  
etiam fructum aliquem ex hac narratione capiat. Cum  
enim, quæ præcipue res progressus meos retardaverit, me-  
que decurso jam spatio a calce ad carceres, ut dicitur, revo-  
caverit, cognoscetis: forsitan, exemplo meo edocti, melius  
ipsi vestris rationibus consulitis. Ego igitur, ut primum  
puer Grammaticorum & Rhetorum præceptis visus sum uti-  
cumque imbutus esse, leviter gustatis Dialecticæ principijs,  
cæteris autem Philosophiæ partibus ne a limine quidem fa-  
lutatis: nulla Græcæ linguæ intelligentia, nullo rerum  
usu, nulla antiquitatis cognitione instructus, animam ad  
Jus Civile appuli, & iis Doctoribus, qui tum illis in locis opi-  
mi putabantur, annos aliquot operam dedi. Jamque eo pro-  
cesseram, ut, quæ tum præcipuæ laudes habebantur, & in  
argumentando satis acutus, & in respondendo non incantus,  
& qua-

& quac  
multis  
starum  
nomi  
colum  
colum  
sem. C  
chrum  
micus,  
tantula  
res ipsa  
compa  
liis dest  
aliquen  
tiosum  
voce me  
si non m  
erat, n  
verbis e  
rer, cu  
executi  
Alciati  
quam a  
rent. C  
reperir  
tas sent  
gravissi  
Græcis  
tita, q  
rere,  
lo deci  
neque  
nes int  
se divi  
purpur  
domi si  
rem?  
de repe  
sufus pu  
ita mag  
quibus



& quacumque de re ageretur, abunde loquax essem, & quod multis palmarium videbatur, multarum legum non intellectarum principis uno spiritu citare, multorum interpretum nomina recensere, multos versus, multas paginas, multas columnas, porticus etiam, ut opinor, peristilia, & intercolumnia, nullo negotio, numerare quamlibet multa possem. Cum ipse me eo nomine circumspiciebam, meque pulchrum, ac beatum putabam, cum uno ore omnes, ut ait Comicus, omnia bona dicere, & laudare fortunas meas, qui tantula ætate tantam mihi, ut ipsi putabant, sapientiæ, ut res ipsa docuit, stultitiæ & inanum opinionum supellectilem comparassem. Jam omnes me mei foro & cancellis & subelliis destinabant, magnamque in spem venerant, rabulam me aliquem non in postremis fore, confidentem, acrem, contentiosum, præsentim cum & natura essem firmis lateribus, & voce magna, &, quod caput est, illi me quos dixi magistri, si non multum sapere, at certe, quod apud eos pro eodem erat, multum audere multumque clamare docuissent. Quid verbis opus est? Inibi jam erat, ut illud vitæ genus ingrederer, cum Deus, (Deus enim fuit, neque hoc mihi ex animo excutiri potest) Deus igitur effecit, ut quædam Badæi & Alciati & aliorum ejusdem sortæ hominum scripta, quæ nunquam ante illud tempus adspexeram, in manus meas venirent. Quæ cum evolvere cœpissem, passimque in eis multa reperirem, quæ de magistris meis nunquam audissem, multas sententias, quas illi me ratas ac firmas esse docuissent, gravissimis argumentis convulsas ac labefactatas; multa ex Græcis scriptoribus deprompta, multa ex antiquitate repetita, quibus in omnibus mihi tenebræ essent: nolite quæ-  
rere, quid mihi animi fuerit. Visus mihi sum de cœlo decidisse, aut in alium quemdam orbem delatus esse: neque aliter affectus sum, quam egeni & inopes homines interdum solent, qui cum totam noctem somniant se divites repente factos esse, ubi diu gemmas, aurum, purpuram dormientes contrectarunt, experrecti, omnia domi suæ obtenta telis aranearum vident. Quid facerem? ego ille paulo ante tumidus & ferox, cum mihi de repente vultus, animus, verba cecidissent, jamque suffusus pudore, verecundarer inter eos versari, qui de me ita magnifice senserant: subdixi me clanculum ex illis, in quibus diu me rueram, castris, & in Græciam navigavi,

id est, ad Græcarum litterarum & disciplinarum magistros me contuli; eademque opera perlustravi etiam verus illud Latium, id est, omnes ad unum veteres linguæ Latinæ scriptores diligenter & accurate pervolutavi, sedulo undecumque omnia colligens, quibus mihi Jurisprudentia instructor, & ornatio fieri posse videretur. Atque in hac peregrinatione, tum in Lycei ambulationibus, tum in Academiæ spatiis, sæpe me exercui: neque aut illius e Gargetto delicati atque otiosi senis hortos invisos præterii, quamquam venenorum quam salubrium herbarum feraciores, neque disjectas veteris illius Pœciles, non tam Polygnoti manu, quam Zenonis ingenio nobilitatæ, reliquias neglexi. Et ut magnam voluptatem capiunt, qui ad magnorum ac nobilitum fluminum, Euphratis puta, aut Nili, fontes ac capita ipsa venerunt: ita juxta me incredibiliter, cum apud illos sapientissimos senes cernerem, quibus ex fontibus manassent amplissima illa juris civilis flumina, per quæ, toto orbe sparsa atque diffusa, tam multi assidue summo homines ingenio navigarent. Interea, ut paterfamilias, qui, mercaturæ causa in longinquas terrarum oras profectus, dulcem eximique animo caram domi uxorem reliquit, sæpe de ea cogitans, sicubi aut gemmam aliquam, aut scite tornatum anulum, aut monile baccatum, aut segmentatam vestem; aut talia mundi muliebris ornamenta conspexit, studiose omnia comparat ac seponit; quibus eam, domum reversus, munere: sic me per omne scriptorum genus vagantem nunquam ea cura ac cogitatio deserebat, ecquid decerpere ac delibare ex eorum unoquoque possem, quod, cum ad Jurisprudentiam reverterer, ad eam expoliendam & exornandam accommodatum esset. Sciebam enim quam turpe haberetur, & diu manere, & inanem redire. Quod autem Homerus ait, Ulixem in illo diuturno errore crebro spectare solitum Ithacæ versus; itidem ego ad Jurisprudentiam identidem reflectebam oculos, & ab ea tam diu abesse me vix satis æquo animo ferebam. Quin etiam, ne me amoeniores illæ disciplinæ usû quodammodo suum facerent, multa sæpenumero faciebam usucapionis interrompendæ gratia, quod & mea qualiacumque scripta declarant, crebris jurisconsultorum adpersa sententiis, & quotidianæ disputationes, quibus, quoties erat occasio, aliquid ex hac disciplina petitum intexebatur, non obscure indicant,

bant.  
animo  
gressus  
fonti  
vi, te  
hoc ge  
autem  
luerim  
la viro  
eogere  
aut cor  
ra senti  
ex eor  
denter  
sunt. N  
lo hab  
eique,  
sit inte  
num t  
explic  
quo te  
tingun  
quos o  
torum  
essent  
stant,  
se dixi  
accede  
tur. C  
modo n  
iutile  
ab ali  
tantum  
& ge  
aliqui  
præci  
in sen  
quam  
lucati  
ti vulg  
ra & f.

bant. Nunc, cum mihi videar non ea quidem omnia, quæ animo conceperam, perfecisse, sed usque eo tamen progressus esse, ut iis, qui Juris Civilis cognitionem ex ipsis fontibus haurire cupiunt, opis aliquid adferre possim: putavi, tempus jam ipsum postulare, ut prodirem, & navatæ in hoc genere studiorum operæ specimen aliquod darem. Cur autem Pandectas potissimum extra ordinem interpretari voluerim, causa hæc fuit. Videbam, eruditissimos in hac schola viros, quibus docendi juris munus mandatum est, ita se in egerere, ut, ipsa si loqui possit Jurisprudentia, non certius, aut copiosius, aut majori cum dignitate videatur explicaturæ sensus suos, quam ab illis quotidie explicantur. Omnia ex eorum ore profluunt, quæ in hac arte, aut cogitari prudenter, aut disputari acute, aut certo definiri, ac statui possunt. Itaque cum in omnibus habeam, quod admirer, in nullo habeo, quod desiderem. Sed illi tamen, quid dignitatis suæ, eique, quam meritisimo obtinent, auctoritati consentaneum sit intelligentes, perpetuo in gravium & arduarum quæstionum tractatione versantur, exquisitam singularum vocum explicationem, ut humile quiddam, neque satis dignum, in quo tempus conterant, aut prætermittunt, aut modice attingunt. Planeque si ad eos audiendos ii tantum accederent, quos oporteret, id est, qui prius in Grammaticorum, Rhetorum, Philosophorum scholis diu multumque exercitati essent: nihil amplius, quam quod ipsi cumulatissime præstant, requireretur. Nunc, quod ego me principio fecisse dixi, ut ad jus audiendum aliarum omnium artium rudis accederem, in eo vereor ne etiam hodie a plerisque peccetur. Cogitavi igitur, si pro mea virili parte huic incommodo mederi studerem, neque invidiosum id mihi, neque inutile aliis fore. Nam neque invidiam habet ullam, quod ab aliis neglectum jaceat, id sumere: & in exercitu non tantum imperatorum & tribunorum ac centurionum, sed & gregariorum militum, & colonum quoque ac lixarum aliquis usus est. Neque si gubernatorum in navi regenda præcipuum est munus, non ii quoque utiles sunt, quorum in sentina exhaurienda omnis consumitur labor. Quamquam, si id quod res est, fateri, si recta & vera speciosis ac fucatis antepone, si, quanti res quæque sit, non quanti vulgo fiat, spectare volumus: multo plus est in hac pura & simplici verborum explicatione momenti, quam ple-



rique fortasse suspicarentur. Nam cum verba, ut ait Aristoteles, sint eorum, quæ animo concepimus, notæ: fieri nullo modo potest, ut, qui vim verborum non percipit, eam sententiam, quæ illis verbis expressa est, assequatur. Itaque & idem Aristoteles alibi ait, eos, qui, quid quoquo verbo proprie indicetur, non satis intelligunt, in rebus iudicandis sæpenumero falli: & apud Platonem Cratylus ex verborum intelligentia cognitionem rerum pendere dicit. Et quis tandem est, qui nesciat, patrum avorumque nostrorum memoria, cum perversa quædam ac pestifera opinio invaluisset, nihil cultum orationis, nihil historiæ veteris notitiam, ad eos, qui graves ac serias disciplinas tractarent, pertinere; Græcas vero litteras etiam impedimento esse, quanta & quam densa caligo universum prope terrarum orbem obtexerit? quantaque verborum neglectum, rerum ignorantio consecuta sit? Sed, quid necesse est, huic rei aliunde argumenta petere? illi ipsi, quorum libros quotidie terimus, veteres jurisconsulti in explicandis legibus, senatus consultis, edictis prætorum aut ædilium, constitutionibus, decretis epistolis principum, quam, quæso, viam rationemque tenuerunt? Nempe in patefacienda singularum vocum vi ac proprietate tam multi, tamque assidui sunt, ut magnam industriæ suæ partem in eo consumere videantur. Quod prolatis ac productis ipsorum locis probarem, si, quam facile, tam necessarium esset. Antistium Labeonem jurisconsultum nobilissimum cum alicubi valde commendasset Gellius, ad postremum addit: *Latinarum vocum origines rationesque percalluerat; eaque præcipue scientia ad enodandos juris laqueos utebatur.* Hos me sequentem duces, nemo, ut opinor, merito culpaverit. Quam igitur interpretandi viam nobis Ulpianus, Paulus, Gajus, Marcellus, ceterique joris antistites præiverunt, eam sequemur, & eorum vestigiis, quantum vires nostræ ferrent, insistentes, summa ope conabimur efficere, ut neque prætermittamus necessaria, neque inutilia consectemur: & quotidie tamen aliquid minime vulgare minimeque contritum adferamus. Quod ut jam nunc perspicere possitis, dum ad titulum de iustitia & jure interpretandum accedo, quæso, diligenter attendite. DIXI.

CUR AD MÜNUS DOCENDI, QUO SE  
SPONTE ABDICAVÉRAT,  
REVOCATUS SIT.

## O R A T I O XVI.

*Habita Roma prid. Kalend. Mart. Anno MDLXIX.*

Q UOD antiquitus a sapientissimis viris dictum est, non li-  
cere cuiquam mortalium quid facturus, aut non factu-  
rus sit, certo pronunciare, quod in vita multa eveniunt;  
tum ut ea ne facias, quæ facere decreveris, tum ea ut facias  
quæ nunquam facere constitueris: id ergo & sæpe antehac  
in aliis, & in meipso nuper verissimum esse cognovi. Nam in  
hoc publice docendi munere quinquennium jam cum aliqua  
hominum approbatione versatus, eo me, ut scitis, superio-  
ribus mensibus sponte abdicaveram: idque eo animo, ut,  
quod ex me sæpe auditum est, nunquam me postea eandem  
provinciam suscepturum, nunquam eosdem labores denuo su-  
biturum putarem. Cogitabam, satius esse desinere, quam de-  
ficere: me, si ve placuisssem, satis jam spectatum esse; si ve displi-  
cuisssem, plus satis: satius esse cum desiderio, quam cum satie-  
tate discedere: utcumque esset, tradendam quasi cursu aliis  
lampada, qui & laboris patientiores, & doctrinæ copia in-  
structiores, institutam hinc & incohatam a nobis majore ani-  
mo, quam viribus jurisprudentiæ cum eloquentia & cum an-  
tiquitatis cognitione conjunctione exædificarent, ad sum-  
mumque perducerent. Mihi ad nominis mei commendatio-  
nem abunde videbatur, tanti ac tam præclari operis aliqua  
falcem fundamenta jecisse, & præstando, quod possem, alios  
qui plus possent, ut experiri vellent, exemplo meo excitasse.  
Jamque totus in eo eram, non ut me languori quidem ac de-  
sidio dederem, qui semper ignavorum vitam mortemque jux-  
ta aestimasssem: sed ad eas artes mecum recolendas ac cele-  
brandas referrem, quibus usque a puero deditus fui: & ad  
mandandas litteris cogitationes quasdam meas, quibus effice-  
rem, conarer quidem certe, ut quod mihi otium Hippolyti  
Cardinalis Ferrarensis, studiorum ac fortunarum mearum  
patroni, summa liberalitate conceditur, ejus aliquis fructus  
non ad præsentem modo & eos qui nunc sunt, sed & tunc ad

exteros, & olim ad posteros perveniret. In hac me cogitatione defixum, & tanquam in portu, complicatis velis, cæterisque armamentis omnibus compositis quiescentem, vestra, Cardinales Amplissimi, auctoritas expergisci denuo, & subductam jam navim mutato consilio, deducere, & vela ventis pandere coegit. Quæ mihi res eo mirabilior visa est, quod non deerant homines & ingeniosi, & eruditi, & exercitati, qui vobis ad hoc munus obeundum ultro studium atque operam profirerentur suam: quorum etiam unum a me ipso vere atque ex animo commendatum esse memini. Itaque, ut in historiis est eos, qui M. Catonem in præturæ petitione superarent, ipsomet mirari solitos, quod se tali viro Populus Romanus prætulisset: sic fateor, mihi mirum visum esse, quid ita vobis potius libuerit, me alia jam omnia cogitantem, etiam cum aliqua ad vetus honorarium accessione revocare, quam in locum meum aliquem ex iis sufficere ac substituire, qui id in beneficii loco petebant. Quod ego neque ita me ignoro, ut mihi tribuam, ac non vestræ potius humanitati, quam ulli merito meo acceptum feram: & tamen non debeo esse, aut adversus dignitatem meam, aut adversus vestra judicia improbe curiosus. Nam, sive aliquid esse in me, cur hic honos mihi habendus esset, judicatis, potius eniti ac contendere debeo, ut vestram de me opinionem rebus confirmem, quam ut verbis refellam: sive, quod magis credo vestra tantum in eo humanitas, & quedam erga me voluntatis propensio valuit, non minus optabile, aut honorificum duco, a vobis amari, quam magna aliqua sive eruditione, sive eloquentia præditum judicari. Illud quidem neque reticere, neque dissimulare possum, recentem istam vestræ erga me voluntatis significationem magnum mihi onus imposuisse, magnam curam & sollicitudinem, magnam vigilantiam, laborandi, contendendi omnes industriae meæ nervos necessitatem attulisse. Non enim mihi tantum elaborandum est, ut, siquam mihi existimationem superiorum annorum labores vigiliæque pepererunt, eam conservem ac tuear: sed multo magis, ut vestra de me judicia sustineam, & aliqua saltem ex parte respondeam illi expectationi, quam de me, ut verisimile est, in multorum animis pondus auctoritatis vestræ concitavit. Quod quidem me studiosissime constantissimeque facturum vobis omni adservatione confirmo, daturumque operam, ut

hæc,

hæc,  
adolesce  
dustria  
tione  
fateatur  
aliquos  
huc in  
ceps p  
bi, ob  
atque  
sa me  
nam d

D

Ha

M  
tius m  
rum c  
explic  
se vel  
animo  
perfici  
præcl  
hiforte  
camde  
cere d  
re jud  
quam  
cium,  
fuisse  
que a  
eas u  
libros  
hi stu  
quæ t



hæc, qua nunc cincti ac circumfusi estis, studioforum adolescentium multitudo, si nulla alia re, at certe industria & assiduitate vix alium quemquam a vobis ad rationes suas accommodatiorem huic muneri præfici potuisse fateatur. Sed jam tempus esse videtur, ut specimen vobis aliquod exhibeam ejus rationis ac viæ, quam & usque adhuc in docendo tenui, & nisi vos aliud jubeatis, deinceps perpetuo tenere decrevi. Quod dum facio, date mihi, obsecro hanc veniam, ut avertam a vobis orationem, atque ita differam, quasi ii tantum adessent quorum causa me rude jam, ut arbitrabar, donatum, in hanc arenam denno revocandum censuisti. DIXI.

DE DOCTORIS OFFICIO, DEQUE MODO  
JURISPRUDENTIAM DOCENDI.

## O R A T I O XVII.

*Habita Roma. Prid. Non. Novemb. Anno MDLXIX.*

**M**ajorem in dies fructum capio ex hoc consilio atque instituto meo, exornandi juris civilis, neque lautius modo ac nitidius, sed distinctius etiam & ad rudiorum captum accommodatius, quam plerique vulgo solent, explicandi. Nam etsi satis intelligo, non tantum mihi esse vel virium vel auctoritatis, quantum ad hoc, quod animo concepi, quodque omnibus votis expeto, plane perficiendum requireretur: juvat tamen, tanti ac tam præclari operis qualiacumque fundamenta jacere experiri, si forte aliis rebus omnibus instructiores commovere, & ad eandem cogitationem suscipiendam excitare possim; efficere denique ut quicumque olim de hoc meo conatu vere judicare & poterunt & volent, quidvis mihi potius, quam aut in diligenda recti docendi ratione ac via iudicium, aut in eadem aliis demonstranda voluntatem defuisse fateantur. Quibus enim rebus ejus, quiquamcumque artem docere instituit, officium contineri arbitror, eas ut præstarem, & alias semper, & præcipue ex quolibet Pandectarum explicare ingressus sum, magno mihi studio elaboratum est. Ac ne quis forte quærat, quæ tandem illa sint, in quibus & multum operis posuif-

fuisse me dico, & multum ponendum esse omnibus, qui docendi munus ita ut oportet obire ac sustinere meditantur: exponam ea, ut potero, breviter, vobisque potestatem faciam, ex iis, quæ hodierno die de doctoris officio dicam, existimandi quid a me impoſterum non expectare tantum, sed etiam exigere debeatis. Existimo igitur duobus verbis comprehendi posse munus ejus qui docet: videndum enim ei esse, quid doceat, & quo modo. Prius illud eam vim habet: curandum esse ei, primum ut vera doceat; tum ut proprias ejus artis, in qua versatur, aut certe cum eo quod agitur conjunctio & coherencia. Modus autem docendi is est, ut perspicue doceat: quod duabus rebus conficitur, ordine, & genere sermonis ad res enodandas & enucleandas accommodato. Hæc omnia qui præstet, ut in docendo & vera tradat, & pertinentia ad eam artem quam docet, & ea ita distinguat, ut suo quidque loco digerat ac collocet, & verbis propriis significantibus, ab eorum, qui pure ac nitide loquuntur consuetudine non abhorrentibus efferat atque eloquatur, ei ego nihil omnino ad summi ac perfecti doctoris laudem deesse statuo: qui autem, ea plene quidem & absolute præstare non posse se agnoscat, eo tamen quidquid habet virium confert, ut ad eas laudes quam potest proxime accedat, dignissimum esse, cujus honestissimos conatus & industriam ad præclara tendentem bonorum omnium perpetuus applausus approbatioque comitetur. In his omnibus varie peccatum esse video a multis eorum, qui quadringentos fere abhinc annos jus civile tractarunt: quorum etiam nonnulli tanto apud multos in pretio sunt, ut, quasi Atlantis humeris cælum, ita eorum auctoritate hujus artis dignitas sustineri putetur. Nam & multa sæpe pro veris falsa docuerunt; & refererunt libros suos alienissimis quæſtionibus; & sine ullo ordine omnia tradiderunt; & cum latine loqui nescirent, novum quoddam & monstruosum sibi confinxerunt loquendi genus, ut si veteres illi Pauli, & Ulpiani, & Papiniani & cæteri juris antistites reviviscant, multis inter pretibus eis opus futurum sit, ad eos, qui scripta sua interpretati sunt, intelligendos. Ac cur falsa quidem pro veris tradiderint, non negaverim alias quoque fuisse causas: duas tamen præcipuas fuisse arbitror: ignorationem antiquitatis, & perversum quoddam studium contradicendi. Etenim cum tota Reipublicæ atque Imperii Romani facies ita versa at-

que

que immutata esset, ut nullum retineret veteris formæ vestigium, aliæ consuetudines essent, aliæ leges, alia religio, alii magistratus, alia judicia; extincto autem lumine Latinarum & Græcarum litterarum, omnia densissimis ignorantiae tenebris sepulta atque obruta tenerentur: fieri nullo modo potuit, quin homines ejus Reipublicæ ignari, cujus leges & jura tractabant, tanquam in illuni nocte sine lumine errantes, sæpe offenderent, sæpe laberentur, sæpe quovis potius, quam quo instituerant, pervenirent. Ad quod incommodum cum aliud accessissent ex prava quadam ambitione, quæ multorum ex illis animos occuparat, ut indecorum putarent, cuiquam assentiri, ac tum demum sibi pulchri ac beati viderentur, si superiorum placita labefactare ac subvertere, ipsi autem aliquid, quod ante se nemo dixisset, adferre potuissent, quasi clavum clavo, sic opinionem opinionem trudentes: eo tandem rem perduxerunt, ut cum receptum sit, in rebus judicandis communem interpretum sententiam sequendam esse, sæpenumero, quæ in plures probata sit, in tanta discrepantia ac varietate dubitetur. Scitum autem est, quod ait Plato, semper inter se consentire eos, qui aliquid sciunt: nam neque sciri potest nisi quod verum est: neque in quaque re verum esse amplius uno potest. Jam, quod secundo loco posui, multas sæpe ab eis inculcatas quæstiones, neque juris civilis proprias, neque ad id, quod in manibus erat, ullo modo pertinentes, id quin verum sit, dubium nemini unquam futurum est, qui eorum scripta vel per transennam, ut dici solet, adspexerit. Nisi forte quærere, quæ sit potestas ablativi, ut loquuntur, absoluti, aut gerundii, aut relativi *Qui*, *Qua*, *Quod*, & similia, quæ vel referre piget, grammaticorum non est potius, quam jurisconsultorum; aut quæ sit ratio definiendi, quid intersit inter definitionem & notationem vocabuli, quando liceat argumentari ab enumeratione partium, non dialectici potius, quam juris civilis professores, docere debent; aut denique innumerabilia, quæ eorum commentarios legentibus passim occurrunt, non melius & verius ab iis artificibus, quorum propria sunt explicantur. Nam de ordine quid dicam? quem semper sapientissimus quisque plurimi fecit: cui tantum tribuerunt quidam ex veteribus Philosophis, ut tantum ac supremum huius universitatis parentem atque opificem Deum dicerent in orbe condendo nihil aliud præstitisse, quam



quam quod confusas & permixtas inter se rudis materię partes discrevisset, certoque ordine suis quamque in sedibus collocasset. Impia opinio, fateor. Omnia enim non tantum digressit ac disposuit, sed ex nihilo effecit ac procreavit Deus. Sed tamen ex eo intelligi potest, quæ illorum de ordine opinio fuerit, quantamque vim in eo inesse crediderint: cum a quo nihil amplius, quam confusas mundi partes in ordinem adductas esse dicebant, eum tamen ipsi quoque cum cæteris verissima nomine parentem ac conditorem omnium rerum vocarent. Exstat præclara sententia apud Xenophontem in OEconomico, nihil esse aut pulchrius, aut ad usum commodius quam ordinem: nihil contra aut ad spectu foedius ac deformius, aut quod plura omnibus rebus incommoda adferat, quam confusionem ac perturbationem. At nostri illi cum dialecticem aut non didicissent, aut ita didicissent, ut non didicisse præstaret: quibus, quæso, modis omnia miscuerunt! qualem nobis cujusque generis præceptorum faraginem reliquerunt! Ut si quis rusticus hordeum triticum, viciam, legumina in unum acervum conferat, non illius acervum horum commentariis exillimem perturbationem fore. Mihi quidem, cum in eos inspicio, sapissime Ovidiana illa de Chao in mentem veniunt:

*Quaque erat & tellus, illic & pontus & aer.*

Non aliter enim apud hos, ubi verbi causa, de auctoritate magistratum agitur, dicitur etiam aliquid de testamentis; ubi de emptione & venditione disseritur, aliquid de pœnis, aut de auctoritate tutorum inferetur: nihil est denique, quod certam sedem ac domicilium habeat; nihil quod non alienissimo æque facile ac suo loco pertractatum reperiatur. Inde illæ crebræ ex uno in alium locum rejectiones, cum te, quod hic agendum ac tractandum erat, id jubent ex alio petere, in quo tale quidquam agi, nunquam, nisi admonitus, divinare potuisses. Prorsus ut si quis paterfamilias vellem non in vestiario, sed in arca panaria conderet, panem ex puteo hauriret, pisces in nemore, lepores in piscina inclusos haberet. Apud Aristotelem primo Physicorum recensetur opinio veterum quorundam, in quibus fuit & Anaxagoras, qui quidlibet in quolibet inesse dicebant: idque exprimebant bemistichio quodam, ut opinor, Empedoclis, *πάν ἐν παντί ἵστανται*. Hoc an in Physicis veredicatur, viderint qui illa tractant: in talium certe interpretum commentariis verissimè

me dici potest. Atque hoc sunt etiam, qui eos industria fecisse dicant, ut artem juris obscuriorem, ac difficiliorem cognitu redderent, & ad ceteros labores illum quoque adderent quo excarnificarent discentium ingenia, pervolutandi sæpe illas ingentes librorum moles, & omnia alieno loco potius quaerendi, quam suo. Quod si verum est, (nam ego quidem aliam potius fuisse causam suspicor, neque ita de eis male sentio, cum melius possent, noluisse credam) sed tamen si ita est, non obscurum est, quam eis pro tam sancto atque honesto proposito gratiam debeamus. Ultimus locus erat de genere dicendi, quo dixi eos, quidquid docent, uti debere nitido, perspicuo, usitato, tali denique ut sine ullis salebris, sine ulla asperitate influat in aures animosque discentium, eisque se non adscita fucisque ac pigmentis quaesita, sed naturali pulchritudine ac suavitate commendet. A quo ii, quos dico quam longe omnes abfuerint, quis non videt? Et sunt tamen, qui eos defendant, (ut nulla est tam mala causa, quæ patronos non inveniat) dicantque, eloquentiam in eo, qui jus docet, non requiri; satis esse si artem suam teneat; ejus præcepta dum tradat, quibus ea verbis pronuntiet, nihil interesse. Citant etiam in eam rem verba quædam Ciceronis, quibus ait, se in Philosopho eloquentiam, si adferat, non aspernari; si careat, non admodum requirere. Nimum delicatos esse, qui in tanta præclarissimarum rerum copia etiam verborum concinnitatem requirant: & perinde facere ac si optimos & saluberrimos cibos fastidirent, nisi in auro aut in gemmis apponerentur. Tum præterea facilius intelligi ac percipi, quæ qualibuscumque verbis sine delectu afferuntur, quam si quis in eisdem pura ac Latina oratione exprimendis elaboraret. Postremo, usu hoc jam & experientia compertum esse, quibus verborum cura est, eos exsuccos fere, & aridos, & exsangues, & grammaticos potius aut ludimagistros, quam veros & solidos jurisconsultos evadere: cum contra, qui magno & forti animo contempserunt sermonis delicias, & illud horridum, incomptum, agreste, rusticum dicendi genus adamarunt, ii demum juris ac legum cognitione impleant pectus, in consultationibus, in foris, in subselliis regnent, in omnium majoris momenti controversiarum disceptatione ac adjudicatione dominantur. Quibus ut respondeam primum dico, non existimare me, eloquentiam neque ad jus neque ad ullam omnino artem tractandam, necessario requiri:

ri: ne ad illam quidem ipsam, quā fieri eloquentes putantur, Multos enim accepimus, cum ipsi eloquentes non essent, optimos tamen aliis ad eloquentiam duces ac magistros fuisse: qualem in Græcia Hermogenem, in hac urbe Quinctilianum fuisse ajunt. Et Aristoteles, si se ad dicendum contulisset, fortasse multos habuisset superiores, quo tamen eloquentiæ præcepta nemo unquam melius, aut perfectius tradidit. Munditia quidem sermonis non in artibus modo docendis, sed etiam in congressibus & in familiari colloquio ab omnibus ingenuis & paulo liberalius institutis hominibus requirendam puto. Non gemmas, non aurum, non emblemata requiro. Fictilibus æquo animo cœnare possum; præsertim si æpulae sint, ut ais, exquisitæ. Sed illa ipsa fictilia tersa sint, niteant, appetentiam potius quam vomitum concitent. An tu convivatorem feras; qui quamlibet lautos cibos in vasis coeno ac luto conspurcatis apponat? Nam quod ajunt, facilius intelligi; quæ ita dicuntur: credo equidem hoc inter ipsos verum esse. Balbi enim balbos, ut est in proverbio, melius intelligunt. Ingenui quidem adolescentes, in Ciceronis, Casaris, Plauti, Terentii, & similium libris exercitati, & Latinae linguæ intelligentes, novos sibi de verborum significatione commentarios conquirant oportet, cum accessuri sint ad illas mixobarbaras cantiones. Neque enim una saltem lingua est, qua loquuntur, sed deterrimus quidam cinnus ex foedissima barbararum, peregrinarum, inauditarum vocum colluvione, olens, ut servus ille Plautinus ait, allium, hircum, haram, suem, canem, capram commixtam: ut quemadmodum odor, qui ex Averno afflabatur, supervolantes aves necare solitus dicitur, ita illud pus, illa sanies, illud virus optima quæque ingenia exanimet. Ego quidem certe multos novi optimo adolescentes & acutissimo ingenio præditos, qui cum in aliis disciplinis exercitati, ad artem se juris accingerent, talium magistrorum incondita voce perterrefacti, refugerunt, retulerunt pedem,

*Improvisum aspris veluti qui sentibus anguem*

*Pressit humi nitens, trepidusque repente refugit.*

Quod autem quasi firmamentum defensionis suæ ponunt, non posse quemquam magnum jurisconsultum evadere, cui ulla facientiæ ac poliendæ orationis cura sit; proh Deum immortalem, etiamne hoc tam erudito sæculo, in hac tanta luce ac splendore disciplinarum omnium cuiquam se per-

persua-  
nate a-  
tium  
Conna-  
institui-  
præfati-  
ut ordi-  
non pr-  
ea præ-  
mibi,  
firmo,  
ficiend-  
car, 1  
pus est  
viam v-  
ligend-  
sit paci-  
sunt;  
tionis  
rum fi-  
tim in-

Co-  
anno c-  
hi con-  
rum &  
statut-  
in re n-  
sustine-  
bant c-  
ne stat-  
hoc a



persuasuros putant? Quemquamne ex illo suo grege iniquitate ac contaminate balbutientium potius, quam loquentium proferent, quem cum Alciato, cum Duareno, cum Connano comparare audeant? Sed hoc omitto: ad id, quod institueram, redeo. Dixi quatuor esse, quæ, qui jas docent, præstare debeant: ut vera doceant, ut ad rem pertinentia, ut ordine, ut genere dicendi apto ad docendum. Id, qui non præstarent, culpavi. Dicit aliquis: Quid? tu te igitur ea præstaturum esse profiteris? Non ausim tantum de me aut mihi, aut vobis polliceri. Illud quidem non dubitanter adfirmo, neque plane imparatum esse me ab iis, quæ ad id efficiendum necessaria sunt, & ut aliquid olim præstitisse dicar, summam diligentiam adhibiturum. Sed, ut dei tempus est, diutius detinendi non estis. Die crastino conabor viam vobis munire ad titulum de Pactis minore negotio intelligendum. Dicam cur de Pactis agatur hoc loco; tum quid sit pactum, quæ pactorum divisiones; qui quibus pacisci possint; quique sint pactorum effectus. Hæc crastinæ disputationis capita futura sunt. Inde ad ea jurisconsultorum veterum fragmenta, quæ in hunc titulum relata sunt, sigillatim interpretanda veniemus. DIXI.

DE AUCTORITATE, ET OFFICIO  
JUDICUM.

O R A T I O XVIII.

*Habita Roma Postridie Non. Novembr. Anno*

MDLXXI.

Constitueram hodie, nulla, ut Gajus noster loquitur, præfatione facta, ad tractationem earum rerum, quas hoc anno docere institui, accedere: idque & vobis utilius, & mihi convenientius fore arbitrabar: nisi me amici quidam, quorum & iudicio, & auctoritati plurimum tribuo, de fixa jam statutaque sententia deductum, sibi potius quam mihi, hac in re morem gerere cogissent. Neque tamen eis plane adensus sum: sed, ut Homericus Juppiter, partem eius quod petebant concessi, partem negavi. Nam quod a me contendeabant, ne statim in ea, quæ hujus artis propria sunt, ingrederer, sed hoc anniversarii laboris quasi vestibulum populari aliqua & ma-

magis ad omnium sensus accommodata disputatione exornarem, in eo non gravate ipsorum voluntati acquievi: quod factores erant, ut aliquod mihi undecumque argumentum sumerem, quamlibet remotum, & alienum ab eo quod ageretur, populare modo, & plausibile, & in quo ostentare vim accopiam dicendi liceret, id ut ipsos a me obtinere finerem ipse a me non potui obtinere. Vix ista faciebam adulescens, cum & omnes vias perveniendi ad aliquam eloquentiæ famam studiose conquirerem, & iis in artibus exerce- rer, quas qui tractant, in eis hæc non ferri modo, sed & requiri solent. Hac vero ætate, & hac qualicumque hominum opinione de me, & hoc suscepto munere, quod ab omni vanitate longissime abesse debet, si puerorum aut sophistarum in morem de comenda ac pingenda oratione sollicitus sim, & sine ulla necessitate eas mihi ad dicendum materias deligam, in quibus belle ac commode aliquid dicere posse videar: ineptis fortasse gratum faciam, quos semper fucata, & inania omnia, magis quam vera & solida delectant; gravium certe ac cordatorum hominum non effugiam justam ac meritam reprehensionem. Obsequamur igitur amicorum petitioni: sed ita, ut ne obliviscamur, quid deceat. Explicaturus sum eam partem Digestorum, in qua de Judicis dis- feritur. Sed prius dicam nonnulla de ipso munere iudicandi, quantum in eo sit auctoritatis, quantum ponderis & momenti ad totius Reipublicæ felicitatem; tum, qualem esse eum oporteat, qui ei muneri recte & pro dignitate præfutu- rus sit; quæ in iudicando servanda, quæque fugienda videan- tur: quæ omnia a nostris quidem partim modice attingun- tur, partim ut certa & indubitata ponuntur: a Philosophis autem, unde nostra fluxerunt, accurate ac copiose pertra- ctari solent. Dicam autem non oratorio more, sed hoc nostro scholastico, & umbratili, & sedato, non ad permovendos animos, sed ad docendos, non ad faciendos clamores, sed ad silentium potius & attentionem obtinendam idoneo. Ita me duas res consecuturum esse confido, ut & amicorum peti- tioni, si minus plene, ac certe aliqua ex parte satisfiat: & hoc quamvis ex alia arte accersitum disputationum mearum cap- put cum cætero corpore satis apte ac concinne cohærere vi- deatur. Tanta igitur est, ut hinc potissimum exordiar, in omni civitate eorum, qui iudiciis præfunt, auctoritas, ut ex eis potissimum Reipublicæ felicitas aut infelicitas pendeat.

Etc.

Etenim  
& per  
vitatem  
legis  
tatem  
nomin  
legum  
quantu  
firatus  
porro p  
opinor  
tatis st  
bus cau  
coerce  
suum o  
propon  
fuisse,  
dorus,  
antiqu  
cem eu  
Tenes  
lam ex  
tere; q  
lippus  
objurg  
verat:  
ad iju  
rum p  
iudices  
quam j  
ait Cio  
tes cor  
fortun  
iudicia  
Sapien  
cam co  
hoc  
utraqu  
Magna  
eorum  
bitas e  
peti, pe  
T

Enim *verè* dixerunt *vetères*, *legem* esse *animam civitatis*,  
 & *perinde* *felicem* aut *infelicem* *evadere* *unamquamque* *ci-*  
*vitatem*, ut *bonis* *malisve* *legibus* *temperata* est. Utor *hic*  
*legis* *nomine* *magis* *ad* *populi* *consuetudinem*, *quam* *ad* *veri-*  
*tatem*: scio enim, si *qua* *mala* *lex* sit, *eam* *ne* *legis* *quidem*  
*nomine* *dignam* esse. Sed *sic* *tantum* *positum* est in *legibus*;  
*legum* *autem* *ipsarum* *nullus* est *usus*, nisi *sint*, qui *eas* *exse-*  
*quantur* *ac* *custodiant*; & *legum* *ministri*, *ac* *custodes* *magi-*  
*stratus*, unde *eos* *nomophylacas* *Plato* *vocat*; *magistratum*  
*porro* *præcipua* *vis* in *exercendis* *judiciis* *cernitur*; *constare*  
*opinor*, *qualia* in *civitate* *judicia* *sint*, *talem* esse *totius* *civi-*  
*tatis* *statum*. Imo *vero* *ea* *prima* *fuit* *antiquissimis* *tempori-*  
*bus* *causa* *congregandarum* *civitatum*: ut *essent*, qui *vim*  
*coercerent*, *tenuiores* *a* *potentiorum* *injuriis* *defenderent*,  
*suum* *cuique* *tribuerent*, *juris* *æquabilitatem* *inter* *omnes*  
*proportionem* *tuerentur*. Hanc *originem* *creandorum* *regum*  
*fuisse*, *quod* *vetustissimum* in *terris* *imperii* *nomen* est, *Hero-*  
*dotus*, & *ab* *eo* *mutuatus* *Cicero*, *tradunt*. Itaque *reges* *ipsi*  
*antiquitus* *judicabant*, ut *Minos*, *cujus* *singularis* *justitia* *judi-*  
*cem* *eum*, *veterum* *opinionem*, *etiam* *apud* *inferos* *fecit*; ut  
*Tenescultus* *apud* *Tenedios* *pro* *deo*, *quem* *cum* *securi* *insu-*  
*lam* *ex* *se* *dictam* *obambulare* *solitum* *tradunt*, *eaque* *percu-*  
*tere*, *quos*, *causa* *discussa*, *injuriam* *fecisse* *cognosset*; ut *Phi-*  
*lippus* *Macedo*, *quem* *etiam* *patienter* *tulisse* *accepimus*,  
*objurgatum* *ab* *anica*, *cui* *audiendæ* *sibi* *esse* *otium* *nega-*  
*verat*: *cum* *illa* *retulisset*, *ne* *regnaret* *igitur*, *si* *audiendis*  
*ac* *judicandis* *causis* *vacare* *nollet*. Et *perdii*, *qui* *Hebræo-*  
*rum* *populo* *summo* *cum* *imperio* *præerant*, *non* *reges*, *sed*  
*judices* *vocabantur*: ut *intelligamus* *nihil* *esse* *tam* *regium*,  
*quam* *judicare*. Sive *enim* *privata* *judicia* *inspiciamus*, *verè*  
*ait* *Cicero*, *omnes* *omnium* *pecunias* *positas* *esse* *in* *potesta-*  
*tes* *eorum* *qui* *judicant*: sive *publica*, *omnium* *civium* *non*  
*fortunæ* *modo*, *sed* *dignitas*, *existimatio*, *salus* *eorum*, *qui*  
*judicia* *publica* *exercent*, *fidei*, *religionique* *commissa* est.  
*Sapientissimus* *homo* *Democritus* *duabus* *rebus* *Reipubli-*  
*cam* *contineri* *dicebat*, *pœna* & *præmio*: *earum* *autem* *rerum*  
*utraque* *in* *eorum* *manu* est, *qui* *munus* *sustinent* *judicandi*.  
*Magna* *igitur* *adhibenda* *cautio* est in *judiciis* *deligendis*:  
*eorumque* & *singularis* *quædam* *prudencia*, & *spectata* *pro-*  
*bitas* *esse* *debet*, *ne* *si*, *aut* *errore* *ducti*, *aut* *cupiditate* *abre-*  
*pti*, *permissa* *sibi* *potestate* *secus* *quam* *decet*, *utantur*, *ipsa* *ci-*



vitæ fundamenta subvertant. Ac veteres quidem illi paucissimis verbis iudicis officium concludebant, cum ita dicerent: legem esse mutum iudicem, iudicem autem legem loquentem. A bono enim iudice ita prorsus omnia iudicari oportet, ut lex ipsa, si loqui posset, iudicaret: atque ita legem & iudicem inter se conspirare, ut sit lex quasi anima iudicis; iudex, quasi vox legis. Et, quemadmodum Aristoteles ait, legem esse mentem cupiditatis expertem, ita optandum esset, ut ejusmodi iudices reperirentur, qui, omni cupiditate spoliati, mente tantum ac ratione in disceptandis controversiis uterentur. Sed talia optare licet; sperare non licet. Nimis enim verum est, quod in quodam cantico posuit Simodines, perdifficile reperiri hominem *τὸν ἀνθρώπου τὸν ἀνθρώπου*. Huic incommodo sapientissimi quique veterum, quæcumque potuerunt remedia compararunt. Inter quos Aristoteles censuit, in bene instituta civitate omnia, quoad ius fieri posset, legibus comprehendenda ac definienda: quam paucissima autem in potestate atque arbitrio iudicum relinquenda. Cujus rei tres ab eo sane graves causæ adferuntur: Una, quod multo major numerus necessarius est iudicum, quam eorum qui leges ferant: facilius autem est paucos bonos & prudentes viros reperire, quam multos. Altera, quod longius tempus datur legem aliquam laturis, quam de certo aliquo negotio ac controversia cognituris: in majori autem temporis diuturnitate major est penitus pervidendi veri facultas. Tertia, quæ omnium potentissima est, quod leges & in futurum prospiciunt, & universe ac generatim feruntur, ut neque gratiæ, neque odio locus esse possit: at iudicia & de præsentibus negotiis, & de certis personis exercentur, ut & gratia, & odio, & invidia, & miseratione, & ratione proprii alicujus commodi, aut incommodi, facillime abduci a vero iudicis animus queat. In iudiciis autem deligendis illud præcipue observandum est, ut boni viri eligantur: in quo veteres ita diligentes fuerunt, ut sæpe in libris nostris viri boni nomine non alius quam iudex intelligatur. Et Horatius narrat, patrem suum, cum sibi virtutis & officii præcepta traderet, laudandarum actionum exempla ex iudiciis potissimum sumere solitum esse. Sic me, inquit,

*Formabat puerum discis: & sive jubebat,  
Ut facerem quid: Habes auctorem, quo facias hoc.  
Unum ex iudiciis selectis objiciebat.*

Et

Et alibi cum viri boni quosdam quasi notas enumerando percerferet, hanc inter præcipuas ponit.

*Quo multa, magnæque secantur iudice lites.*

Ac videre, quantopere veteres illi Romani eos, qui res iudicabant ab omni improbitatis suspitione puros esse voluerint. Notationi atque animadversioni censoriæ non tribuebant auctoritatem rei iudicatæ: neque si quis a censoribus senatu morus esset, propterea ei aditum ad honores denegabant. Quinimo quosdam a censoribus senatu ejectos, ipsos postea censes fuisse legimus. Sed tamen, ut omnis etiam levissima suspicio abesset a iudicum moribus, lege Julia repetundarum, qui senatu moti essent, iudices non poterant dari. Ætas etiam in iudicibus considerata est: neque enim idonei sunt adolescentes ad tantum munus sustinendum. Cujus rei tres fere causæ adferri solent. Una, quod de moribus adolescentum nihil adhuc certo sciri potest. Mutantur enim, ut ait Horatius, in horas. Et improbum quidem esse aliquem ut cognoscas, vel unus dies sufficit, ut ait Theognis: at diu vixerit oportet, de cuius probitate certum iudicium fiat. Altera, quod in juvenibus magnæ & vehementes sunt animi commotiones, quas illi sæpius, quam rationem sequuntur. Postrema, quod longus rerum usus in iudice requiritur, qui cadere in adolescentem non potest. *ἔπειτα*, ait Plato libro tertio de Republica *ἀλλὰ γέροντα δὲ τὸν ἀγαθὸν κριτὴν εἶναι*. Ne ut vero quilibet sen x ad iudicandum aptus est. Non enim ut prudentia necessario ætatem requirit: ita ætas necessario prudentiam adfert. Sed isdemum, cui antea ætas vitæ cursus & integritatis & prudentiæ opinionem comparavit. Observabatur & illud antiquitus, ne egenti & exhausti hominis facile ad iudicandum admitterentur. Cum enim plerique a Theognidis sententia non abhorreant, & paupertatem omni ratione fugiendam putent: verendum videbatur, ne sæpe tales iudices non tam rationem muneris sui, quam magnitudinem munerum alienorum considerarent; neve libentius innumarum, quam in argumentorum, quæ utrimque adferrentur ponderibus expendendis occuparentur, & verius gavior esset manus, ejus causam quoque iudicem videri pronuntiarent. Atque ob eam causam iudices non tantum ex moribus & ex ætate, sed etiam ex censu legebantur; quod Romanis alicubi objicit Tertullianus.

lianus. Cumque jurisjurandi religio maximum & sanctissimum fidei vinculum merito apud omnes existimetur: iudicaturi prius jurabant, se ex legum præscripto iudicatu-  
 rorum, cuius rei frequens apud Demosthenem, & alios mentio est. Ne vero legum verbis callide, & subdole interpretandis ab earum sententia & voluntate discederent, addebant, *τῇ γνώμῃ τῇ δικαιοτάτῃ*, ut apud Demosthenem, aut, quod idem valet, *τῇ ἀρίστῃ*, ut apud Aristotelem in Rhetoricis, & apud Julium Pollucem libro octavo relatum est: quo significabant, se ita leges interpretaturos, ut rationi, & æquitati maxime consentaneum videretur. Quin etiam, ut majore divini numinis metu perfunderentur, iudicabant in loco sacro. Quamvis enim Deus omnibus locis præsens est; ejusque, ut ait Aratus, omnia plena sunt: in consecratis tamen locis magis omnes nescio, quomodo illius præsentia commovemur. Atque hanc consuetudinem antiquissimam fuisse, Homerus ostendit, qui iudices in Achillis clypeo sculptos & senes fuisse ait, & in sedilibus lapideis sacro in loco confedis-  
 se, *οἱ δὲ γέροντες*, inquit, *Εἰ αὖ ἐπὶ ἑσέοσι κλέους, ἱερῶ ἐνὶ κώλῳ*. Summa autem in eo adhibenda diligentia est, ut tollantur omnes occasiones, quæ possunt efficere aliquem animi motum, quo iudex abducatur a vero. Nam quod de amore ait Theocritus, pulchra ei videri, quæ pulchra non sunt, idem absolute de toto talium commotionum genere dici potest: prout quisque affectus est, ita res ei alias, atque alias videri. Arquatis, ait Varro, & veternotis omnia lutea videntur: febricitantibus amara, quæ dulcia: aliter omnibus de rebus ebrii, aliter sobrii iudicant. Idem putandum est evenire iis omnibus, quorum animus aut amore, aut odio, aut ira, aut invidentia, aut denique aliquo πᾶσι occupatus est. Docent philosophi, si sensus de rebus sibi objectis vere iudicaturus sit, oportere ipsum sentiendi instrumentum, quod illi αἰσθητικὸν vocant, ἀπορῶν, id est, omni qualitate, earum saltem, de quibus iudicandum est, vacuum esse. Sic & iudicis animus in sola veritate defixum ab omni perturbatione purum ac liberum esse oportet. Male verum examinat omnis corruptus iudex, ait Horatius. Quoniam ergo nemo, ut omnia molliatur, exluere, ac deponere insitum atque ingeneratum omnibus sui amorem potest: ideo veteres neminem rei suæ idoneum iudicem esse voluerunt; quod & apud iuris nostri

nostri a  
 in ethi  
 negotio  
 sui. E  
 severiss  
 Roman  
 tres in  
 plura d  
 causa fu  
 tæ func  
 cepisse  
 blico fu  
 dicio et  
 tem, qu  
 persona  
 trarent  
 Aquill  
 tissimu  
 sordita  
 set, &  
 publica  
 tem fo  
 beraru  
 Hyper  
 trix pu  
 retur,  
 ea dix  
 cum,  
 cum p  
 opinio  
 institu  
 præter  
 tegrior  
 quibus  
 derunt  
 rebus  
 pervers  
 veteres  
 causa i  
 non su  
 iudicib




nostri auctores sæpe legitur, & ante eos ab Aristotele & in ethicis, & politicis dictum erat: Ne de filii quidem negotio idoneus iudex est pater. Amat enim eum ut partem sui. Et quamvis reperiuntur patres quidam, qui de filiis ferocissime iudicant, ut in externa historia Zaleucus, in Romana Brutus, Manlius, alii: iustitius tamen est, patres in filiorum peccatis connivere. Sed hac de re alio loco plura dicentur. Corruptuntur iudices etiam donis: & ex causa fuit, cur iis legibus, quæ de pecuniis repetundis lata sunt, punirentur, qui ob rem iudicandam pecuniam accēpissent. Narrat Plutarchus, Thebis olim positas in publico fuisse iudicum statuas, easque sine manibus: quod indicio esset, nihil eos a quoquam accipere debere; ejus autem, qui iudicio præsideret, etiam sine oculis: quod ipso personarum adspectu iudices interdum a recto abduci arbitrantur. Antonius certe apud Ciceronem gloriatur, M. Aquilium, in manifesto repetundarum crimine, hoc potissimum a se artificio liberatum, cum eum mœstum ac sorditatum produxisset, tunicamque ejus a pectore discidisset, & cicatrices adverforum vulnorum, quæ ille pro Republica acceperat, ostendisset. Ita iudices, quem absentem forte damnassent, eum, adpectu ipsius commoti, liberarunt. Eodem artificio multis ante annis usus erat Hyperides, qui, ut narrat Athenæus, cum Phryne meretrix pulcherrima rei capitalis argueretur, atque ita teneretur, ut argumentis purgari non posset: cum multa pro ea dixisset, ad postremum statuit eam in conspectu iudicum, & pectus ejus papillasque nudavit: qui adpectus tantum potuit, ut, quam omnium sententiis damnatam iri opinio erat, omnium suffragiis absoluta discesserit. Ex quo institutum est, ut Ariopagitæ noctu iudicarent: cujus rei præter cæteros auctor est Lucianus. Sed & quo iudicia integriora & incorruptiora essent, nomina ipsa eorum, de quibus ageretur, in Areopago reticere solita, quidam tradiderunt, ut, nulla prorsus personarum ratione habita, de rebus tantum ipsis iudicaretur. Multum etiam in iudiciis pervertendis potest eloquentia: neque prorsus mentiebantur veteres illi magistri, qui se docere profitebantur, quo modo causa inferior, dicendo superior fieri posset. Cui enim nota non sunt verba Ciceronis in causa Cluentiana objectas a se iudicibus tenebras gloriantis? Ideoque rectum erat illud

eorundem Areopagitarum institutum, apud quos oratores  
 præconis voce nihil verborum extra rem facere, & neque  
 proœmiis uti, neque epilogis jubebantur. Sapienter quoque  
 Anastasius & alii posteriores Imperatores constituerunt,  
 ne cuiquam administratio patriæ suæ sine speciali iussu  
 Principis permitteretur. Arbitrati enim sunt id, quod est,  
 unumquemque necessario in patria sua multis cognationi-  
 bus, adfinitatibus, necessitudinibus implicatum teneri, in-  
 que omnibus rebus iudiciorum religionem ac severitatem  
 impediri. Eodem pertinebant permixtæ antiquo more al-  
 ternæ iudicum reiectiones: ut e iudiciis omnis omnino  
 suspicio inclinaretur, ac propendentis in alterutram partem  
 animi tolleretur. Neminem, ait Cicero pro Cluentio, volue-  
 runt maiores nostri non modo de exilimatione cuiusquam,  
 sed ne pecuniaria quidem de re minima, esse iudicem, nisi  
 qui inter adversarios convenisset. Expedire etiam in eos  
 iudices, qui se corrumperet gravissimas poenas con-  
 stitui; ut fecisse Cambysen ait Herodotus, qui (utinam  
 non singulari, sed in omnem posteritatem duraturo ex-  
 emplo!) supra iniusti iudicis corium in lora dissectum,  
 ejus filium ac successorem sedere iussit, ut eum a pater-  
 næ improbitatis imitatione paterni supplicii memoria re-  
 vocaret. Omnino autem iudicibus tria in animo perpetuo  
 habenda esse arbitror. Unum, ut cogitent, quemadmo-  
 dum ipsi de aliis judicant, ita de se non alios tantum ho-  
 mines, sed ipsum Deum judicaturum. Alterum, ne prius  
 sententiam ferant, quam diligentissime utriusque partis  
 iura cognoverint. Merito laudatur a Platone illud Hesio-  
 di, Μὴ δὲ δίκην δικάσῃς πρὶν ἀμφὶ μῦθον ἀνδρῶν. Et elegans  
 est illud Philippi, ut opinor, Macedonis, qui cum altera  
 aure occlusa accusatorem audiret: interrogatus, cur id  
 faceret, dixit, se eam servare integram reo. Postremum  
 illud est, debere quidem iudicem, plane medium esse,  
 (ideo enim μεσότης, ut ait Aristoteles, vocantur) sed ta-  
 men, si in alterutram partem inclinandum sit, ut Circe  
 dicebat minus periculi esse, si navis ad Scyllam potius  
 paululum inclinaret, quam si ad Charybdim: ita in homi-  
 nibus puniendis minus mali esse in clementia ac lenita-  
 te, quam in sævicia, & acerbitate. Nam etsi laudata  
 est apud veteres prætoris cuiusdam severitas, cujus tri-  
 bunal scopulum reorum vocabant: Multo tamen maiorem  
 lau-

laudem  
 esset,  
 subter  
 inquit  
 illud  
 nitas  
 sunt  
 prætor  
 Et:  
 exasp  
 quod  
 aju  
 Neau  
 de  
 stris  
 iudici  
 res p  
 dixi,  
 præst  
 conte  
 pria  
 get,  
 bus  
 tor,  
 ipsi  
 trada  
 iness

laudem haberet illa vox Neronis, si ex animo prolata  
 esset, aut si ipse in eadem mansuetudine perstitisset qui  
 subscripturus sententiæ capitis in quemdam: *Utinam*,  
 inquit, *nunquam didicissem litteras*. Et M. Antonini  
 illud præcipue commendatur, quod pœnas legibus defi-  
 nitas semper usque ad aliquem modum mitigabat. Pleni  
 sunt libri nostri talium sententiarum: *Benignius inter-*  
*pretanda sunt leges, quo voluntas earum conservetur.*  
*Et: Interpretatione mollienda sunt pœna potius, quam*  
*exasperanda.* Non possum hoc loco præterire dictum  
 quoddam vetustissimi oratoris Antiphontis: Ἵ δὲ θεοὶ πρὸς  
 ἀμαρτίαν, τὸ ἀδίκως ἀπολύσαι δσιώτερον, ἢ τὸ ἀδίκως ἀπο-  
 λύναι. τὸ μὲν γὰρ ἀμαρτυρεῖται, τὸ δὲ ἀδίκως ἀποκτείνει,  
 ἀείβηται. Cujus sententiæ similem quandam ex libris no-  
 stris suo loco proferemus. Dixi de auctoritate & officio  
 judicum non quæcumque poteram, (neque enim id aut  
 res postulabat, aut tempus patiebatur) sed ea tamen que  
 dixi, neque aliena, neque inutilia fuisse confido. Quid  
 præstiterim, vos ipsi judices eritis. Si quis erit, qui me  
 contendat debuisse statim ad ea, quæ juris civilis pro-  
 pria erant, accedere: ab eo peto, ne mihi veniam ne-  
 get, quod ego amicis rem non magni momenti petenti-  
 bus negare non potuerim; neve sit ita difficilis credi-  
 tor, ut in crastinum expectare nollit: cum præsertim  
 ipsi jurisconsulti sub eo, quem explicaturi sumus, titulo  
 tradant, in mora modici temporis non magnum damnum  
 inesse censei, DIXI.





VOLUMINIS II.  
ORATIO XIX.  
MANDATU S. P. Q. R.

*Habita in Aede Sacra B. MARIE VIRGINIS  
qua est in Capitolio.*

In reditu ad Urbem M. ANTONII COLUMNE,  
post Turcas Navali prælio victos.

Ibid. Decembr. Anno MDLXXI.

*De hac Oratione Thuanus lib. L. Histor. f. 1033. & Muretus ipse lib. 1. Epist. 22.*

SI ulla post hominum memoriam parta victoria est, in qua & admirabilis se divini numinis potentia ostendit; & quid fortium virorum virtus, quid singularis ductorum prudentia valeat, cognitum ac declaratum sit: in hac certe, quam superioribus diebus imperatores ac milites nostri ex immanissimo ac deterrimo Christiani nominis hoste retulerunt; ita hæc omnia patefacta sunt, ut nunquam maioribus aut illustrioribus argumentis, aut illustrata esse, aut in posterum illustrari posse videantur. Quare & immortalis ac præpotenti Deo, hujus tanti boni, ut aliorum omnium, auctori, gratiæ, quantas maximas animus noster capit, agendæ sunt; & fortissimis, ac clarissimis viris, qui periculum a nobis omnibus vitæ suæ periculo depulerunt, qui barbaris in nos irruentibus iter corporibus suis occulserunt, qui pestem ac perniciem, quam illis nobis machinabantur, in ipsorum capita converterunt, qui illorum temeritatem consilio, furorem fortitudine, audaciam virtute superarunt, novi atque inusitati honores pro nova ipsorum atque inusitata virtute tribuendi. Quod enim tantum ac tam singulare honoris genus reperiri, aut excogitari potest, quod non & in aliis, qui egregiam in hoc bello Reipublicæ Christianæ operam navarunt, & tuæ imprimis, M. Antonii Columne, virtuti rebusque gestis, & ab aliis Christianis populis, & præcipue a populo Romano debeatur? Cujus universi quod sit erga te studium, quæ voluntas, neque tibi unquam

unquam aut dubium, aut obscurum fuit; & tamen aper-  
 aptissime cognoscere potuisti, cum, tuo in u. bem ingres-  
 fu, tantus ad te omnium ætatum atque ordinum concursus  
 factus est, tanta effusa omnis generis multitudo, ut ipsi se-  
 ptem colles, ipsa urbis mœnia, si natura pereretur, sedibus  
 suis relictis, obviam tibi prodire cupere viderentur. Qua-  
 cumque incesseras, faustis acclamationibus omnia persona-  
 bant; omnes redundantem & foras erumpere gestiientem  
 lætitiâ ore, oculis, manibus indicabant; omnium in te  
 uno fugebatur obtutus; omnes te, non ut unum ex principi-  
 bus civitatis, sed ut firmissimam ac solidissimam Romani  
 nominis ac dignitatis columnam intuebantur. Cœlum  
 ipsum manifeste favit honori tuo; cum, quod aliquot dies  
 antea triste ac nubilum fuerat, ingressuro te, ita dere-  
 pente nitere cœpit, ut illa subita serenitas facile omnibus  
 indicaret, honores, qui tibi haberentur, etiam cœlestium  
 iudicio comprobari. Nunc quoque, quanta hoc augustis-  
 simum templum frequentiam hominum compleverit, vides:  
 qui omnes eo animo huc convenerunt, ut CHRISTO JESU  
 victori & victoriarum datori, ut *Beatissima Virgini, ut ca-*  
*teris celestibus, quorum auxilio hanc victoriam sine ulla*  
*dubitatione acceptam ferre debemus,* tum propter fufos ac  
 fugatos hostes, tum propter te saluum ac sospitem in pa-  
 triam reductum, rite, ac pie, ut debent, gratias agant.  
 Beatum te, M. Antoni, propter cujus & obeuntis pericu-  
 lum & redeuntis salutem templa complentur! Meminimus  
 omnes superioribus mensibus, te ad bellum profecto, quæ  
 tota urbe fuerit trepidatio, quæ sollicitudo, qui pavor.  
 Quamvis enim & duces delecti erant fortissimi ac sapien-  
 tissimi, & ex toto propemodum orbe Christiano flos ipse  
 nobilitatis convenerat, & præcipua Italiæ, atque hujus  
 urbis ornamenta ac volumina in exercitu versabantur:  
 tamen eo magis metuebantur varii bellorum & ancipites  
 casus; quod si quid aut propter vim tempestatum, aut pro-  
 pter hostilium copiarum magnitudinem, aut quo alio eventu  
 gravius accidisset: nulla reliqua spes erat, ullum amplius  
 ætate nostra talem exercitum posse denuo comparari. Va-  
 gabatur autem toto mari infinita quædam latronum mul-  
 tudo nostro sanguine cruenta; nostris spoliis onusta: qui  
 & semper alias suopte ingenio feroce, & tum maxime pro-  
 pter recentes victorias spe atque animis inflati, tanto sibi spi-

ritus, tantam arrogantiam sumperant, ut classem quidem nostram a se spiritu ipso difflatum iri, ea vero disjecta, quasi janua quadam effracta ac revulsa, omnes sibi Christianorum portus, omnes insulas, omnem oram maritimam apertam fore arbitrarentur. Augebat timorem nostrum, quod anno superiori eas Deus alienatae a nobis propter peccata nostra voluntatis suae significationes dederat, ut non injuria trepidaremus, ne ille merito nobis iratus, per hostes nominis sui a populo suo poenas repetere decrevisset. Sed o caeca hominum judicia! Obscure & recondita Dei consilia! O bonitatem, ac clementiam ipsius perpetuo praedicandam! (a) Vere Dominus est qui vulnerat & medetur: percutit & manus ejus sanabunt; qui mortificat & vivificat; qui deducit ad inferos & reducit. (b) Pro paterna sua misericordia, castigans castigavit nos: sed morti non tradidit nos. Respexit ad lacrymas, ad jejunia, de eleemosynas, ad preces Ecclesiae suae; ad quae omnia Pius V. & nomine & re Sanctiss. Pontifex, toto illo tempore, alios omnes & praecepto & exemplo suo incitabat. En, Senex Sanctissime & veterum illorum Pontificum simillime, scelorum ultor, justitiae cultor, veteris disciplinae restitutor, cui, bono publico, his miseris ac turbulentis temporibus, Ecclesiam suam gubernandam commisit Deus, hic est fructus lacrymarum atque obsecrationum tuarum! Tui fletus pepererunt nobis hoc gaudium, tua quotidiana sacrificia hanc nobis a Deo victoriam impetrarunt. Metis exultans, quod lacrymans seminasti. (c) Te novus Moyses manus in caelum tollente, novus hic Josue superabat Amalechitas. (d) Tu mentem in Deo, nostri milites in barbarorum corporibus tela figebant. Confirmabant illorum dexteris preces tuae, & hostilium gladiatorum cuspidem retundebant. Itaque quanto plus nobis dedit Deus quam petebamus! Nos timidi vota faciebamus, ut hostium classis, cum adventare nostram, auditum esset, quam celerrime se ad suos reciperet, quo post tot editas strages, timuisse tamen & expectare ausa non esse nostrorum impetum videretur. Nam illud prope immodicum videbatur optare, ut & congrederentur, & se barbari, nostrorum virtute cognita, in fugam darent. Quod si ad efficiendam aliquam imaginem spectemque victoriae, aliquot illorum naves depressae, aliquot

captae,

(a) Job. 5. 1. Reg. 2. (b) Ps. 117. (c) Ps. 125. (d) Exod. 17.



captæ, numerus aliquis captivorum liberatus esset: abunde omnes non expectationi modo, sed optatis quoque nostris satisfactum fore arbitrabamur. Ut autem sine magna nostro- rum clade amplius quadraginta hostium millia cæderentur; ut decem & eo amplius millia caperentur; ut centum nona- ginta quinque illorum triremes, aliaque complura navigio- rum genera in nostrorum potestatem venirent: ut plus quin- decim captivorum nostrorum millia liberarentur; ut ex tan- ta illorum multitudine vix unus perfidus pirata, & unus item sævissimi prædonis Ariadeni filius fuga elaberentur, qui ad superbas immanis illius tyranni aures acerbissimum minime- que ab ipso expectatum tante cladis nuntium adferrent, quis unquam nostrum, non dicam sperare, sed propemodum opta- re ausus est? Præcurrit fortitudo vestra spes nostra: quæ- que nos ne frustra optaremus verebatur, ut ea frustra hostis optaret, admirabili Dei beneficio & vestra singulari virtute perfectum est. Illud vero memorabile & animadvertendum; neque fortuito accidisse, sed iustissimo Dei judicio effectum esse credendum est: quod qui duo ex illa impura fœdissimo- rum mæcipiorum colluvie maximas minas jactare; qui uni ex omnibus Christianorum vires maxime despiciere soliti erant, ut etiam apud illum stolidum ac furentem Dominum suum ausi essent gloriari, se centum triremibus, quidquid us- quam Christianorum esset, undique exterminaturos; ii potissi- mum, cum ad manus ventum est, ita subito perterrefacti sunt, ut mare ipsum angustum eis esse ad fugam videretur: *O Nonæ Obobres*, quam faustam ac felicem nobis posterisque nostris vestri memoriam reliquistis! Quis non eorum, qui prælio non interfuerunt, ut sibi liceret spectasse quæ illo die gesta sunt, annum unum de consequentis vitæ suæ spatio, si fieri posset, adeptum velit? Solem ego ipsum, ita vivam, in tam pulchro spectaculo, ut Josue olim adversus Amorrhæos pugnante, sub- stitutum fuisse arbitror; nisi tanta fuisset vincendi celeritas, ut qui nihil metuebant, id unum metuere viderentur, ne prius ad vesperasceret, quam omnes hostes aut cæsi, ut capti, aut fugati essent. Quænam igitur statuæ, qui arcus, quæ columnæ, quæ trophæa vobis excitari poterunt, viri forti-issimi, quæ non dico paria esse meritis vestris, sed eorum partem adumbrare aliquam possint? Qui futuri sunt usque eo disertæ ac copiosi historiarum scriptores, qui, cum ad *Nau- pactam victoriam* ventum erit, non potius metuant, ne quid de il-

de illius magnitudine deterrant, quam eam se verbis ex-  
 quare posse confidunt? Semper enim iustum minuendi metum  
 faciunt ea, quæ amplificandi spem suam magnitudine sustu-  
 lerunt. Vos exultantem barbarorum audaciam compressistis;  
 vos maria illis clausistis, nostris aperuistis; vos flammam at-  
 que ferrum, vos cædem, incendia, rapinas, libidinem a Chri-  
 stianorum vita, tectis, fortunis, corporibus arcuistis; vos a  
 templis sacrilegia, ab oppidis direptionem, ab agris vastita-  
 tem depulistis: per vos cruentata ac tepescita maria illo-  
 rum sanguine redundarunt; per vos vicina littora illorum,  
 aut sauciorum, aut morientium inconditis ululatibus perso-  
 narunt: vobis magistris didicit noster miles vincere, barba-  
 rus vinci: vobis Christianorum alii vitam debent, alii liber-  
 tatem, omnes securitatem. Durum, fateor, fuerat audire;  
 tam multa oppida a nefariis latronibus capta, tam multa in-  
 censa, tam multas regiones vastatas, adducta in servitutem  
 tam multa hominum millia: sed, si Christi potentia, si Chri-  
 stianorum fortitudo aliter apud barbaras gentes illustrari,  
 quam post tot acceptas calamitates, non poterat: prope est,  
 ut exclamem, tanti fuisse. Certe quidem ut verni temporis  
 clementia & amoenitas minus hilararet animos nostros, ni-  
 si eam hiemis rigor & asperitas antecessisset: ita minus om-  
 nes huius victoriæ iucunditatem ac dulcedinem sentiremus,  
 nisi eam cum superiorum temporum tristitia, & acerbitate  
 compareremus. Neque vero eos tantum, qui ex illo nobis  
 omnibus salutari prælio, re bene gesta, incolumes rever-  
 terunt, omnibus maximis honoribus debemus afficere: sed  
 eorum quoque memoriam grato animo amplissimisque lau-  
 dibus prosequi, quos in illo conflictu fortiter dimicantes, non  
 tam vis hostium perculit, quam ille ipse, pro quo pugna-  
 bant, sibi pignoratus est Christus. Qui si, ut credibile est,  
 prius Christiano ritu expiati, ac culpis omnibus soluti, tunc  
 vero in Deum tantum intuentes, & in eo mente ac cogi-  
 tatione defixi, vitam pro illius gloria projecerunt, eodem  
 illo temporis puncto, Angelorum legionibus stipati, triam-  
 phantes in cælum evolarunt. O vos Beatissimos, qui san-  
 guinem vestrum pro eo sudistis, qui prior ipse pro vobis suum  
 sanguinem fuderat! qui mortem naturæ debitam, pro vi-  
 tæ auctore potissimum reddidistis. Illi impii, quos tum con-  
 cidebatis, cum concidistis, & mortem oppetierunt cum igno-  
 minia, & mortui pœnas nunc ad inferos luunt; vos vero &  
 extre-

extremi  
 condi  
 estis æ  
 tali  
 pium  
 oratio  
 la igno  
 riæ m  
 de a p  
 salube  
 menta  
 dam,  
 cum c  
 in Sici  
 mea t  
 scens,  
 storici  
 rios st  
 mum  
 quotie  
 quæ t  
 conju  
 venire  
 torum  
 accom  
 nasce  
 flamm  
 exem  
 Perve  
 digna  
 pro C  
 edem  
 ria &  
 atque  
 summ  
 ses,  
 audiv  
 pe ali  
 rum i  
 fuit,  
 nium

extremum spiritum victores cum gloria effuditis, & mortali conditione vitæ in immortalitatem commutata, piorum estis æternam sedem, & locum consecuti, Beata vita, quæ tali morte conclusa est! beata mors, quæ tali vitæ principium dedit. Sed ut ad te, Marce Antoni, mea jam reveratur oratio, neque Populus Romanus ignorat, neque unquam ulla ignoratura est aut gens, aut ætas, hujus immortalis gloriæ multo tibi plus, quam pro virili parte deberi. Tu jam inde a principio, cum a Sanctissimo Pontifice Pio Quinto hujus saluberrimæ Principum Christianorum conjunctionis fundamenta jacerentur, ad eam rem ex ipsius sententia conficiendam, plurimum laboris, operæ, auctoritatis contulisti. Tu cum classi Pontificiæ summo cum imperio præfectus esses, in Siciliam profectus, interea dum Joannes Austrius, non mea tantum, sed omni omnium prædicatione major adolescens, cujus in totam Christianorum classem summa erat auctoritas ac potestas, eodem perveniret, & milites & classarios studiosissime exercuisti, & ut omnium rerum ad maritimum bellum necessariarum copia suppeteret, perfecisti. Tu, quoties de summa re deliberatum est, eas sententias dixisti, quæ summam prudentiam cum summa animi excellentia conjunctam indicarent. Tu cum offensiones quædam intervenirebant, quæ rem in summum periculum adduxerant: iratorum animis, sapientissime capto consilio, & gravi atque accomodata ad tempus oratione mitigatis ac compositis, nascentis mali occasionem sustulisti. Tua cohortatione inflammati milites ad pugnam exarserunt: tuum in ipsa pugna exemplum secuti, omnia pro Christo pericula contempserunt. Pervenit, ac perlatus est usque huc tuarum immortalitate dignarum vocum sonus: *Optimis auspiciis geri quæcumque pro Christiana religione gererentur; barbaricam audaciam cedentibus instare, instantibus cedere; nostrorum & victoria & morti immortalem gloriam propositam esse; illo duce atque auspice, cujus brachia in cruce pendens effigies, c summo regia trivemis eminens, nostros animaret, terreret hostes, de secundo prælii exitu nemini esse dubitandum.* Audivi, audiivi ipse de fortissimo viro, cujus eximia virtus & sæpe alias, & in hoc bello vel maxime spectata est, quique tuorum in hac expeditione consiliorum ac laborum particeps fuit, quam præclarum tibi, quamque honorificum testimonium tribuerit divinus adolescens Joannes Austrius postredie



die ejus diei, quo debellatum est, cum aperte prædicaret, tuum in hac sanctæ belli societate conflanda præter cæteros laborem ac studium; in deliberando prudentiam & altitudinem animi; in te gerentia fortitudinem & alacritatem exstitisse; te & committendi prælii consuasorem, & comparandæ victoriæ adiutorem sibi præcipuum fuisse. Quæ cum omnia magna & præclara sint, multo tamen a te majora, & præclariora Populus Romanus expectat. Properant, M. Antoni, nostra omnium vota: quique animis præsentis gaudii magnitudinem capere vix possumus, rerum a te gestarum præstantia, quasi quibusdam alis sublata, cogitatione & spe multo jam ulterius provolamus. Non satis est impulsisse hostem: prosterendus & opprimendus est, antequam se novis opibus copiisque renovarit. Extorquenda sunt vobis ex illius belluæ faucibus impioque dominatu ampla illa & optima regna, in quæ, a Romano Imperio distracta atque divulsa, nullo jure, injustissimus possessor invasit. Tendit vobis Judæa supplices manus, & palmas, quarum feracissima est, vestris victoriis triumphisque desponder, obtestaturque vos per eum, quem ex purissimæ matris utero mirabiliter exentem excepit, cujus vestigiis impressa, cujus admirandis operibus nobilitata, cujus sparso pro nobis omnibus sanguine irrigata est, ne se diutius patiamini indigna Christi hostium servitute oppressam teneri. Duce olim Columna Judæi ex dura ac diuturna servitute extracti sunt. Utinam nostris quoque temporibus Judæa ipsa duce Columna ex multo duriori multoque diuturniori servitute extrahatur! Proditum est litterarum monumentis, imperante Constantino, Constantini magni filio, vitam esse in cælo sub specie crucis ingentem Columnam coronatam, quæ longe lateque colluceas, a monte olivarum usque ad eum montem, ubi Christus pronobis omnibus morte affectus est, pertingeret. Declarandum est tibi, M. Antoni, rebus ac factis, tam inigne prodigium ad te, & ad gentem tuam pertinere. An vero gentes quædam antiquis temporibus propter violata maiorum suorum sepulcra gravissima bella susceperunt: nos JESU CHRISTI Domini ac Dei nostri sepulcrum, monumentum salutis nostræ, pignus resurrectionis nostræ, ab immundis cantibus tam diu teneri, eisque ludibrio esse patiemur? Ite potius optimis omnibus, generosæ ac fortes animæ; ite accensa divinæ gloriæ studio pectora; continuatæ victorias; connectite triumphos

invi-

Invidet  
stra pr  
Ubi me  
ubi ven  
lo. In  
manu  
dorem  
immit  
in hanc  
quoque  
potes,  
egeas:  
tem al  
tus tu  
imper  
nis fir  
ci, d  
sumum  
tæ ta  
DIXI

D  
ficus  
lissim  
move  
rum  
hi ad  
in qu  
periri  
ei,  
mnes  
bus,

Invidete posteris vestris gloriam ejus terræ, ex qua salus nostra prodit, ab immanibus belluis receptæ ac recuperatæ. Ubi melius sanguis spargi potest? ubi melius vita deponi? ubi verior ac solidior gloria comparari? O Christe, te appello. In tua manu bellum & pax; in tua manu victoriæ; in tua manu regum ac populorum corda sunt. Inspira nostris ardorem pugnandi; da eisdem vim facultatemque vincendi; immitte eam mentem principibus ac populis, qui nondum in hanc sanctam societatem nomina dederunt; ut id primo quoque tempore facerem maturent; non quod tu qui omnia potes, aut eorum opera aut nostra ad hostes tuos obiter ogeas: sed ut omnes, qui tuo nomine gloriantur, in partem aliquam veniant ejus gloriæ, quæ ex nominis ac cultus tui propagatione capietur. Et quando urbem Romam imperii sedem ac domicilium, Ecclesiam Romanam religionis firmamentum esse voluisti: da Pio Quinto Pontifici, da Populo Romano hoc munus, ut in hanc potissimum urbem, & ad hunc potissimum Pontificem partem tam nobilis victoriæ aliquando nuntius adferatur. DIXI.

## O R A T I O XX.

Habita Romæ in æde D. Petri in Vaticano  
V. Id. Maj. Anno MDLXXII.

IN FUNERE PII V. PONT. MAX. QUI  
OBIIT KAL. MAJI EJUSDEM ANNI.

DISCURSUS ex veteri consuetudine de Pii Quinti sanctissimi & in omni virtutum genere Summi Pontificis laudibus, in hoc orbis terrarum augustissimo nobilissimoque consessu Patres amplissimi, maximopere commoverer, ac conturbarer animo, tum ob virium mearum imbecillitatem, tum ob brevitatem temporis mihi ad me comparandum dati: si existimarem aut ullam in quoquam vim dicendi meritis ipsius parem posse reperiri, aut ullam longitudinem temporis suffecturam ei, qui tam copiosi ac multiplicis argumenti partes omnes pertractare ac persequi vellet. Sed cum & omnibus, & vobis præcipue, qui propius illum cognovistis, notum

notum exploratumque sit, iis illi supra ceteros mortales virtutibus floruisse, quarum præstantiam, non dicam exaggerare dicendo, sed assequi cogitando difficile atque arduum sit: ipsa me animosiores, atque alacriorem facit suscepti muneris difficultas cogitantem, quod mihi necessario eveniet, ut & multa memoratu dignissima prætermittam, & ea ipsa, quæ attingam, jejuniis multo atque exiliis, quam pro ipsorum dignitate, percurram, idem cuilibet quamlibet exercitato & omnibus rebus ad dicendum instructo homini eventurum fuisse. Ac quoniam auguratur animas, cum jam in æternas illas beatorum sedes evectum, & cum Deo conjunctum, quæ hoc tempore a nobis dicuntur, quæque sunt, audire atque intueri: eundem in hoc munere obeundo modum tenebo, quem tenerem, si ipse, mortali adhuc corpore indutus, præsens adesset: ut & eo genere orationis utar, quo ipsum præcipue oblectari solitum novimus, non pigmentis ac fucis oblito, sed severo ac solido; & ea sola in ipso commendem, quæ ipse in rebus humanis sola commendanda ducebat. Qui ethnicorum more vixerunt, ethnicorum more laudentur: ego tam sancto, tamque Christiano Principi nullam laudem convenire arbitror, nisi vere ac proprie Christianam. Itaque in quibus exaggerandis, & amplificandis veteres plurimi erant, & a quibus fere hujus generis orationum principia ducebant, patriæ claritatem, quam etiam quidam ex illis primam partem felicitatis esse dixerunt, nobilitatem generis, opes, ac copias, ea nos, etiam vere ac copiose id facere possemus, in talis tamen viri laudibus numeranda non ducemus. (a) Quanti hæc sint, declaravit ipse Christus, qui totius orbis Dominus, obscurum, & ante id tempus ignobilem pagum, in quo nasceretur, elegit. (b) Deus & Dei filius, faber & fabri filius haberi voluit; (c) rex omnium, in paupere tugurio natus, non habuit, ubi reclinarer caput. (d) Immo vero ii demum gloriosi mihi præter ceteros, atque illustres videntur, etiam si hæc humanarum rationum momentis expendere libeat, qui Deo tantum freti, ea, quæ inter homines summa habentur, sine ulli ejusmodi præfidiis, sua sibi virtute pepererunt. Pulchrum est enim ita abundare, ut nemini quidquam debeas; ita illustrare alios, ut nihil ipse splendoris

(a) *Matth.* 13. (b) *Marc.* 16. (c) *Matth.* 8. (d) *Luc.*

ac clar  
quæ fe  
saurum  
rum  
cabo v  
bilem,  
derunt  
& divi  
institū  
cilem e  
figite  
illud a  
denti t  
ut Loc  
na ad a  
guam i  
vit, in  
nomen  
qua, u  
li agro  
viri &  
tes, u  
propag  
venis  
quam c  
dientia  
cepit  
sticit q  
sus qui  
tum vi  
mam v  
men q  
autem  
studiu  
versus  
impla  
tuum  
ab eis  
condon



ac claritatis ab aliis mutuatus esse dicaris, Sed, his omittis, quæ semper sapientissimus quisque contempsit, jam quasi thesaurum quendam rerum pulcherrimarum, ac pretiosissimarum aperiens, spectandumque proponens, evolvam & explicabo vera illa & divina bona, quæ semper illum bonis amabilem, improbis formidabilem, utrisque admirabilem reddiderunt. Qui statim ab ipso ineuntis ætatis principio, cum, & divino lumine collustratus, & domestica, ut credibile est, institutione commonefactus, iis, qui in sæculo viverent difficile esse in cælum viam judicasset, impulsu Spiritu Sancti, fugit patria inferiori ac terrestri, ut Abraham, (a) iterque illud arripuit, quod ad illam superiorem ac cœlestem tendenti tutius, atque expeditius esse intelligebat. (b) Fugit ut Loth, neque post tergum respexit, cum sciret, eos, qui manna ad aratrum apposita respiciunt retro, aptos non esse ad regnum Dei. (c) Fugit ut Jacob, & in ea demum terra conquievit, in qua vidit scalas, per quas itur in cælum. Dedit enim nomen in laudatissimam illam D. Dominici sodalitatem, in qua, ut primum instituta est, tanquam in opimo ac fertilis agro, eodemque bene ac diligenter subacto, & exculto, viri & doctrinæ magnitudine, & vitæ sanctitate præstantes, nunquam alii aliis sacrescere, alii ex aliis continenter propagari ac præseminari desierunt. In ea ita vixit, ut juvenis senibus, tyro veteranis, novitius exercitatis, tanquam exemplum continentis, tolerantis, frugalitatis, obedientis, omnis denique virtutis proponeretur. Neque vero cepit quidem ita vivere, sed in eo non perstitit; neque perstitit quidem, sed non longius progressus est; neque progressus quidem, sed in medio cursu defatigatus. Imo vero totum vitæ spatium ita transegit, ut, cum jam pridem ad summam virtutis perfectionem pervenisse judicaretur, ipse tamen quotidie seipso melior ac perfectior cerneretur. Cum autem alia in hoc viro admirabilia fuerunt, tum singulare studium conservandæ veræ, ac Catholicæ religionis, & adversus eos, qui illam ulla ex parte labefactare conarentur, implacabile odium semper eluxit. Quibuscum ille perpetuum bellum gerens, ne punctam quidem temporis in vitæ ab eis vexandis, & exagitandis conquievit. In aliis erratis condonandis, atque ignoscendis, quamquam & sui, & aliorum

Tm. I.

K

rum

(a) Gen. 12. (b) Gen. 19. (c) Luc. Gen. 20.

rum severissimus censor, non ita se durum atque inexorabilem præbebat: qui ab Ecclesia descivissent, nisi aut ipsos erroribus, aut ipsis orbem purgaret, vitam sibi acerbam atque insuavem esse ducebat. Excedebat animum ipsius zelus Ecclesiæ: neque quisquam unquam verius idem, quod olim David, dicere potuit: *Nonne qui oderunt te, Domine, oderam? & super inimicos tuos tabescebam? Perfecto caio oderam illos.* Ergo cum ei munus in eos inquirendi publice mandatum esset, quas ille potentum inimicitias, quas minas, quæ pericula, quas vitæ ac capitis dimicationes sibi, dum illos modis omnibus persequitur, defugiendas putavit? quas non potius ultro ac cupide appetiit? quam sæpe ab illis petitus, a Deo mirabiliter servatus est? ut de eo dici possit, quod alicubi ait Cyprianus: Non animum martyrio, sed martirium animo defuisse. Ob hæc tanta, ac tam præclara in Christianam Rempublicam merita, primum creatus Episcopus Neophycinus, deinde a Paulo IV. in vestrum, Patres amplissimi, Collegium adscitus, atque aggregatus, quanta cum dignitate dignitatem illam sustinuerit, quod opus est, præsertim apud vos agentem, pluribus verbis exponere? Quantum ei prudentiæ & acuminis ad videnda ea, quæ vera, & recta essent, quantum animi, & libertatis ad eadem proferenda, quantum auctoritatis ad obtinenda semper fuit! Nihil unquam ille in dicenda sententia aut metui, aut gratiæ dedit, nunquam ad cuiusquam voluntatem orationem suam accommodavit; nunquam quidquam veritate prius, aut antiquius habuit. Itaque vulgo etiam dicebant, nihil ab eo precibus peti oportere: preces enim apud eum neque ad iusta impetranda necessarias esse, neque ad iniusta extorquenda efficaces. Quod si quidam ex veteribus Romanis eo nomine felix habitus est, quod ab eo nemo ullam rem improbam petere auderet: quid hunc dicemus, quem omnes, qui quid petiti erant, in quo vel minimum turpitudinis inesset, tanquam scopulum quemdam refugiebant? Ut autem divino consilio, vestris suffragiis, in Pii quarti locum sussecltus est, tanta subito exstitit bonorum alacritas, & exultatio, tanta improborum fuga, & trepidatio, ut neque illi quidquam sibi optatus potuisse contingere, neque hi uspiam se jam tuto consistere arbitrarentur. Cernere erat bonos hilares & erectos, tristes improbos & abjectos; illos gaudio triumphantes, hos de consciscendo sibi voluntario exilio consilia inter

se com  
hi ad p  
coelum  
multis  
homin  
ut ven  
dissipa  
num co  
fuerit  
seculis  
strum,  
diratio  
si priva  
parcim  
monast  
preces  
ribus al  
quisqua  
poris c  
Imo ver  
clutem  
que pet  
affecta  
men ad  
terat,  
Nonqu  
ad Dei  
petitio  
tur in  
erat Sa  
ad ex  
cis fam  
& com  
quidqu  
stiuera  
cipua q  
Atque  
ficia &  
eam co  
nam: c  
veteru

se communicantes; illi gratulatum ad templâ convolabant, hi ad spectum hominum lucemque vitabant; illos sublatis in cœlum, hos amandatos infra terram putares. Neque vero multis edictis aut programmatibus opus fuit ad pedes quasdam hominum ex urbe pellendas. Ut sol exorians nebulas disjicit, ut ventus aream purgat: ita nomen ipsum novi Pontificis dissipavit improbos, & urbem terra illa impurorum hominum colluvione purgavit. Jam in ipso Pontificatu qualis fieret si quis subtilius requirere instituat, ita reperiet, multis sæculis nullum Pontificem fuisse, qui ad veteres illos Silvestrum, Gregorium, Leonem, ejusdemque generis alios, vivendiratione, & consuetudine propriis accesserit. Primum enim si privata & domestica spectemus, eandem in victu cultuque parcimoniam retinuit, quibus a principio se, cum adhuc in monasterio esset, assuefecerat. Eadem ieiunia erant, eadem preces, eadem statim anni temporibus a certis ciborum generibus abstinentia, eadem interioris vestitus asperitas: neque quicquam unquam intemperans tanto studio voluptates corporis confectatus est, quanto ille eas perpetuo repudiavit. Imo vero, quarum Ecclesiæ constitutionum propter senectutem, aut propter imbecillitatem corporis gratia plerumque petentibus fieri solet, iis ut ipse se solveret, quamquam & affectu ætate, & corpore admodum imbecillo, nunquam tamen adduci potuit. Quotidie fere sacrificabat; si id non poterat, omnino tamen sacrosancto Missæ sacrificio intererat. Nunquam ex ejus ore verbum unum prodiebat, quod non aut ad Dei laudem, aut ad eorum, qui aderant, emendationem pertineret. Sic, quamquam adhuc in terra positus, versabatur in cœlo: & cum hic nobiscum viveret, jam tamen civis erat Sanctorum & domesticus Dei. Totâ quoque ejus familia ad exemplum Domini composita erat: cumque in domibus in locis familiares principum sumptuoso velis genere, arrogantia & contemptu cæterorum, licentia & dicendi & faciendi quidquid collibuit, distingui ab aliis soleant, hic seorsim instituerat, ut nulla re magis quam modestia singulari, & præcipua quadam sanctimonia vitæ a vulgari bus discernere ntur. Atque hæc privatim. Publice autem quot quantaque beneficia & in hanc urbem, & in totam Christianam Rem publicam confluxit! Revocavit veterem Ecclesiasticam disciplinam: quæ ita jam obsoleverat, vix ut ejus imaginem in veterum scriptis agnosceremus. Judiciorum severita tem,



quam iam improbiſſimus quiſque, aut eludere, aut perrumpere ſolebat, renovavit: cumque acrioribus remediis egere hoc ſæculum judicaret, propoſitis etiam acerbioribus ſuppliciis, hominum libidinem, audaciamque frenavit. In quo, ſiqui ſunt, qui eum ut nimis ſeverum, ac rigidum culpæ audēant, &, ut molles ægroti de medicamentorum amaritudine conquerantur: facere id non poſſunt, quin eadem opera de ſua nequitia & levitate fateantur. Nam ſi adverſus extraneos tantam ſeveritatem adhibuit, in ſe autem, & in ſuos remiſſus, atque indulgens fuit, tum ſane hos reprehenſores audiamus: ſin & domi, & foris, & in ſuos, & in alienos, ſui ſe ſimilem præbuit, neque quemquam uſque eo carum habuit, ut ad ejus peccata connivendum duxerit; fateamur, id quod reſeſt, ſeveritatem illam ab eximio quodam juſtitiæ ſtudio proſectam, his temporibus neceſſariam ac ſalutarem fuiſſe. Jam cum & ab omni avaritia ac ſordibus longiſſime abſuiſſe, & liberalitate ac magnificentia excelluſſe, & reſ ipsa loquitur, & ii quoque, qui propter eas, quas dixi, cauſas parum ejus gloriæ favent, conſentunt. Cui rei argumento eſt & innumerabiliū privatorum inopia ſublevata, & inſinita illa viſ pecuniarum, qua omnibus prope orbis Chriſtiani partibus aliqua difficultate preſſis, ac laborantibus ſine ulla cunctatione ſubvenit. Illud vero immortale, & omnium gentium omniumque ſæculorum prædicatione celebrandum beneficium, quo univerſam Chriſtianam Rempublicam affecit, inſita & conſtituta cum Philippo Rege vere Catholico, & cum Venetis, belli adverſus Turcas gerendi ſocietates, quis unquam ſatis pro dignitate laudaverit? Quam in ſocietatem ut cæteros quoque principes Chriſtianos perduceret, cum alia multa molitus eſt: tum anno ſuperiori, periculoſiſſimo tempore, maximis caloribus, eum, quem ſemper meritiſſimo unice dilexit, ſororis ſuæ nepotem, Michaelē Cardinalem Alexandrinum, ſibi ſanguinis quidem conjunctione proximum, ſed virtutis imitatione propiorem, in cujus adſpectu, ac colloquio acquieſcebat, cum quo cogitationes ac conſilia ſua communicabat, in quo maximum poſteritati ſuæ præſidium collocarat; cum igitur legatum in Hiſpaniam, in Luſitaniam, in Galliam miſiſſe, neque ejus, quem tantopere amabat, vitam in apertum diſcrimen exponere veritus eſt, dum ne quid intentatum relin-

que-

queret, quod ad Christi gloriam & ad Christianorum utilitatem pertineret. Hæc ego cum laudo, Patres amplissimi, vos laudo. Magna enim vestra laus est, aliorum quidem, quod ex corpore vestro talem Principem elegistis; aliorum vero, quod vos talis Princeps in amplissimum ordinem adlegit. Singulares Principis nostri virtutes Deus Opt. Max. singulari felicitate cumulavit, datis ei de duplici genere hostium duabus maximis pulcherrimisque victoriis, altera terrestri de iis, qui in Gallia & a Christo, & a Rege defecerant; altera navali, cujus recens adhuc memoria est, defempiterno Christiani nominis hoste, Turcarum tyranno. Sed & hæc & alia plurima, quæ sciens prudensque, ne longior sim, prætereo, historiarum scriptores monumentis suis commendabunt æternitati: mihi autem breviter de ipsius exitu, ac migratione ex hac vita dicendum est, ut intelligant omnes, vitam ita laudabiliter actam non minus laudabili fine esse conclusam. Duo sunt, quæ, cum ad extremum vitæ ventum est, etiam spectatæ virtutis viros de gradu dejicere interdum solent, doloris acerbitas, & mortis metus. Et sunt tamen, qui quamdiu a se mortis periculum abesse confidunt, dolorem satis forti animo ferunt. Sunt etiam, qui, dum ne gravi, & diuturno dolore crucientur, imminenti mortis necessitatem satis æquo animo expectant. Qui autem utrumque præstet, ut neque doloris acerbitate, ac diuturnitate frangantur, neque adventantis, atque imminenti mortis metu terreatur, ei pectus incredibili quadam fortitudine armatum esse ac munitum necesse est. Quæ laus si cui unquam merito tributa est, huic certe omnium confessione tribuenda est. Qui cum quadraginta rotos dies tantam vim doloris perpeßus sit, quanta maxima cadere in hominem potest, nunquam tamen ullam vocem parum se dignam emisit, sed illud in ore frequenter habuit: *Domine, adde sunc ad dolorem, dum addas & ad patientiam*. Mortem autem, sibi ab ipso morbi principio certam atque exploratam, ita non exhorruit, ut de ea sine ulla prorsus aut vultus, ut animi perturbatione loqueretur, placeque ostenderet, eam a se, ut Divus Paulus ait, in lucro poni. Ac ne cui dubium sit, præcivisse eum, sibi ex illo morbo moriendum fore, duas apertas, atque illustres ejus rei significationes dedit. Unam, quod Cardinalem Alexandrinum pridie Parasceves, hoc est, vicesimo nono ante ipsius

obitum die, sacrosanctam Eucharistiam sibi porrigentem, & usitata verborum formula utentem, iussit insitire, & ita verba concipere, ut in iis tantum sit, qui sanctissimum illud Sacramentum pro viatico accipiunt, ut paulo post ad aliam vitam commigraturi. Alteram quod cum, ob quamdam morbi levationem, depulsam ab eo esse mortis periculum, constans opinio esset, septem illa præcipua urbis templa invisere voluit, ejusque itineris quamquam viribus morbi gravitate & longinquitate dejectis, magnam partem pedibus confecit, aperte profitens, velle se eorum reliquias postremum videre, quos se non multo post visurum esse speraret in cælo. Mortem autem illius & præcesserunt multa prodigia, terræ fremitus, terræ motus, fluminum inundationes, crebri fulminum iactus, & secuta est tanta populi consternatio, ut ejus desiderium vix longo tempore mitigari posse videatur. Sed nos quidem alienissimo Reipublicæ tempore, optimo & præstantissimo principe orbatifumus: ille autem, ut confidimus, e tenebris ac vinculis corporis in lucem libertatemque productus, promissam piis omnibus possidet hæc editatem; ita ut mors ipsius, si sortem nostram respicimus, luctu & lamentationibus; sin ipsum, cultu & gratulationibus prosequenda sit. Vos vero, Patres amplissimi, quos jam unos mœsta tanti gubernatoris obitu intuetur Ecclesia, quorum ex auctoritate ac suffragiis, secundum Deum, tranquillitas temporum & salus Reipublicæ penderet, consulite quam primum rebus afflictis, & ex vestro nobilissimo corpore ac Collegio, aliquem ejusmodi Ecclesiæ rectorem deligite, qui & sedare possit mœrorem ex hujus morte conceptum, & voluntate, prudentia, usu rerum, auctoritate, aptissimus sit ad perficienda pulcherrima ac præstantissima opera, quæ præpropera hujus morte imperfecta atque inchoata manserunt. DIXI.



DE VIA ET RATIONE AD ELOQUENTIÆ  
LAUDEM PERVENIENDI.

## O R A T I O XXI.

Habita Romæ Non. Novembr. Anno MDLXXII.

*Cum secundum Tusculanarum exponere inciperet.*

**J**US Civile me non vulgari via, sed nova quadam, & ante me in his quidem scholis inusitata ratione tradere ingressum, & in opere institutoque pulcherrimo quartum jam annum, magna auditorum frequentia, magna animi contentione versantem, vestra, Cardinales amplissimi in mediocursu insistere, aliudque munus suscipere coegit auctoritas. Nam, cum homo eruditissimus, qui tradendis eloquentiæ præceptis in hac urbe consenuerat, & adflata valetudine, & ipsa jam ætate otium ac quietem postulante, missionem a vobis honestissimam impetrasset, nec ei facile successor idoneus reperiri posse videretur, mihi potissimum mandandam esse ab eo derelictam provinciam censuisti. Parebo libens, ut debeo, auctoritati vestræ: neque mihi quidquam unquam a vobis imponetur aut laboris, aut oneris, quod non ego prompto atque alacri animo subeam: quæque mihi a vobis impetrata erunt, nunquam aut aspernabor ut nimis humilia, aut ut nimis ardua ex timefam. Vestrum est, decernere ac statuere, quam a quoque nostrum hujus quasi Reipublicæ litterariæ partem administrari ac procurari velitis; nostrum, parere, & mandata vestra subsequi, neque unquam ita nobis placere, aut tantum nobis tribuere, ut de vestro iudicio judicemus. Equidem quod ad me attinet, neque ullam artem, quæ quidem hominis ingenui studio digna sit, fordidam & abjectam esse duco: & hanc, ad quam tradendam nunc vocor, semper nobilissimam existimavi: & si aliter sentirem, fortassis tamen non vererer imitari Laconem illum, qui in convivio extremo loco iussus accumbere, qui convivoris ingenium, ac iudicium commendavit, qui rationem excogitasset, qua illi quoque loco dignitatem compararet. Non enim tantum, ut vulgo dicitur, magistratus virum ostendit, & in luce hominum collocat; sed etiam sæpe magistratum is, qui eum gerit, exornat. Epami-

nondam ferunt, cum a civibus suis Telearcus creatus esset, (erat is apud Thebanos non magni momenti magistratus) non detrectasse, sed dixisse, ita gestarum, ut deinceps Telearchia honoratior haberetur. Atque ita effectum est. Tantum enim Epaminondæ valuit auctoritas, ut post eum Telearchi perpetuo creati sint ex principibus civitatis. Hæc & alia dicerem, si in eloquentiæ professione parum inesse dignitatis existimarem. Sed & de re ipsa & de me longe mihi alia opinio est. Quamvis enim non inficior, magnum me semper amatorem atque admiratorem disertæ atque ornatæ orationis fuisse, studioseque in eam rem operam dedisse, etiam, si vultis, aliquando imposuisse populo, & apud eos, qui me cum deterioribus comparabant, in aliquam non infantis, neque indiseriti hominis opinionem venisse: vereor tamen, ne exemplo meo comprobrem id, quod tradunt rei militaris scriptores, etiam veteranos milites pro tironibus habendos, cum diu pugnando cessarunt. Sed quoniam id tantum a me expectari ac requiri puto, primum, ut vobis, adolescentes, indicem ac commonstrem eas vias, quibus ad eloquentiam posse arbitror perveniri: deinde ut ad superandam earum difficultatem, quantum in me erit, si quid modo erit, (neque autem multum, neque tamen nihil omnino fore confido) auxilio sim: suscipiam, ac subito paulo majore cum fiducia onus id, quod mihi, si meum perpetuum publicæ utilitatis studium divinæ benignitatis aura comitetur, utcumque posse videor sustinere. Utenim, si quis homo agens ac tenuis, alios se collocupletaturum esse profiteatur, ridiculus sit: sin id tantum polliceatur, ostensurum se, quam viam insistere debeant, qui rem facere cupiunt, nihil tamen alienum atque abhorrens a fortuna sua suscipere videatur: sic ego, si ea me traditurum dicere ausim, quibus eloquentes fieri possint, merito irridear, cum ipsi mihi eorum perexigua pars suppetat; sin id tantum dicam, posse me iis, qui eloquentiæ studio tenentur, vias, quæ ad illam ferant, ostendere, & ad id, quod adamarunt consequendum, aliquid opis adferre: causæ, ut opinor, nihil sit, cur me quisquam aut nimium mihi adsumere atque arrogare dicat; aut ea polliceri, quæ præstare non possim. Nolite autem, auditores, existimare, me vulgare aliquid vobis & in medio positum polliceri, cum polliceor, me vobis itineris ducem ad eloquentiam fore; neque

neque  
suevit  
cumq  
ræ, s  
lam se  
tura  
rum c  
quent  
cunct  
rit; c  
relict  
tum f  
quam  
ex eis  
unam  
quem  
si font  
a quo  
prodi  
curati  
quem  
non or  
aliquid  
ribus  
sthenes  
quod  
fangu  
ex isti  
menda  
quem  
tus, i  
in scri  
numm  
scunt  
non su  
sit, in  
sed cu  
toper  
legisse  
eleque  
Quæ

neque ita eloquentiæ nomen accipite, ut vulgo accipi confuevit. Hodie enim ut quis vulgaria Rhetorum præcepta utcumque didicit, & in Ciceronis scriptis tantum posuit operæ, ut adhibito Nizolii libro, possit orationem aut epistolam scribere, cujus tum singulæ voces, tum ipsa etiam structura & collocatio Ciceronem oleat, protinus magno eorum consensu, qui nihil altius, aut sublimius cogitant, eloquentis nomen assumit. Itaque, si de quopiam istorum percunctere, num Platonem, Aristotelem, Theophrastum legerit; denique num Philosophiam attigerit, negabit: se enim relicto aliis Philosophiæ studio eloquentiæ, gloria contentum fuisse. Quid, Herodotum, Thucididem, Xenophontem quam diligenter, studioseque versauerit? Aliquid se fortasse ex eis libasse licet, sed properantem & aliud agentem, & qui unam modo spectaret eloquentiam. Certe igitur Homerum, quem ut cæterarum ingenuarum artium, ita eloquentiæ quasi fontem quemdam esse dicunt, Sophoclem, Euripidem, a quo optime ali eloquentiam, ipsi eloquentiæ magistri prodiderunt, cæteros denique Græcos & Latinos Poetas accurate pervolutasti. Quem tu mihi, inquit, Homerum, quem Sophoclem, quas nugæ nominas? quasi ego poeta, non orator esse voluerim. Nimirum igitur, cum a te omne aliud scriptorum genus abdicasses, in illis eloquentiæ luminibus Lysia, Hyperide, Andocide, Isæo, Isocrate, Demosthene, quamplurimum olei consumpsisti, in eis egregium ali quod studium collocasti, eos sæpe relegens in succum ac sanguinem convertisti tuum. Imo, inquit, quorumdam ex istis vix ipsa nomina agnosco: alios a Cicerone meo commendari memini, qui mihi solus in amoribus ac deliciis fuit, quem ego, admirabili quodam eloquentiæ studio inflammatus, nunquam ex oculis, ex manibus, ex sinu deposui; cujus in scriptis ita diligens ac sollicitus fui, ut, quemadmodum nummi aurei aut argentei a plumbeis tinnitu ipso dignoscuntur, ita ego voces Ciceronianas ab iis, quæ Ciceronis non sunt, sono ipso discernere ac dijudicare possim. Bene sit, inquam, istis auribus tuis tam delicatis, tamque eruditis: sed cur, quæso, cum Ciceronem tanti facias, eos, quos tantopere ab eo laudari videbas, non attigisti? Istos, inquit, legissem, si Græce eloquens esse voluissem. Latiniæ quidem eloquentiæ laudem affectanti satis esse unus Cicero visus est. Quæ ista (malum) Latina eloquentia est? aut quando quisquam



quam veterum istud iter ad eloquentiam tenuit? mihi quicquam eloquentiam vocat, cum genera causarum, & nomina figurarum, & vulgaria quædam præcepta de conformandis orationis partibus, & huiusmodi nœnias didiceris, vœculas ex Cicerone collectas coniungere, & ex eis quasi tessellis jejunam ac famelicam orationem contexere, sedulo caventem, ne quid dicatur, quod non ante Cicero dixerit? Picarum & psittacorum ista eloquentia est, auditas voces iterare, ac reddere, neque quidquam unquam dicere quod sit vere ac propriè tuum. Aliud antiqui vocabant eloquentiam: qui nisi qui de civilibus negotiis ornate ac copiose loqui posset, qui dicendo animos audientium flecteret, qui admirationem concitaret, qui modo clamores faceret, modo circumfusam multitudinem stupore defigeret, neminem eloquentem vocabant. Itaque qui se dicendi magistros profitebantur, multa de ratione argumentandi, multa de virtutibus ac vitiis, multa de permotionibus animi, multa de veterum institutis, ac legibus, multa de ratione instituendarum ac gubernandarum civitatum disputabant: seque propterea non Rhetores, aut, quæ tum usitata erat ipsorum appellatio, Sophistas, sed gloriøsore ac magnificentiore nomine politicos nominabant. In quo etsi eos Aristoteles coarguit, ipse tamen docet Rhetoricen quiddam esse ex Dialectica, & ex politica conflatum atque commixtum: & opus Rhetorices esse ait is in rebus omnibus, quæ in consultationem cadunt, omnia videre, quæ ad fidem faciendam accommodata sunt. Tribus autem præcipuis capitibus hoc contineri ait: si ita dicamus, ut, qui audiunt, bonos viros esse nos opinentur; si eorum animi motus quoddam concipiant ad id quod volumus efficiendum atque obtinendum, accommodatos; si id quod probare volumus, aut demonstremus, aut demonstrare videamur. Ut autem Dialecticus, (non illo ex scholastico pulvere clamator odiosus, ne molestus, sed verus ac germanus Dialecticus) duobus ad probandum instrumentis utitur, syllogismo & inductione: nec sic ei compar ac geminus & in dissimili genere simillimus Orator duo alia habet, quæ duobus illis ex altera parte respondeant, Enthymema, quod Syllogismo, exemplum, quod inductioni. His duobus armatus est, his pugnat, his & aliorum dignitatem tuetur: neque sine magna copia enthymematum & exemplorum ad omnem

dicen-

dicen-  
quisq  
ploru  
quisq  
qui n  
forma  
omne  
Latin  
gnus  
quod  
Nil s  
cultu  
tum  
Vest  
vobis  
læti  
cient  
poter  
stra,  
anim  
capie  
tunt  
gorio  
quibu  
tanta  
gatu  
ro:  
nunq  
atqu  
Cont  
bitis  
vos  
diei  
brun  
Gras  
atte  
tio

dicendi materiam comparata, eloquentiæ nomen sustinere  
 quicumque potest. Enthymematum copia a Philosophis, exem-  
 plorum a poetis & Historiarum scriptoribus petitur: neque  
 quicumque Oratoris, aut eloquentis nomine dignus evaserit,  
 qui non prius omnia Philosophorum scripta, quæ quidem ad  
 formandos mores & ad tractandam Rempublicam pertinent,  
 omnem historiam veterem, omnes antiquos & Græcos &  
 Latinos poetas diligenter & accurate pervolutaverit. Ma-  
 gnus labor dixerit aliquis. Fateor: sed magnum est & id,  
 quod hoc labore petitur. Et verum est, quod ait Horatius:  
*Nil sine magno Vita labore dedit mortalibus.* Ad hanc fa-  
 cultatem consequendam ego me vobis auditores, quan-  
 tum vires meæ ferrent, ducem ac comitem profiteor.  
 Vestra res agitur: vobis, ut ille ait comicus senex, feritis,  
 vobis occatis, vobis eisdem meritis, vobis denique ille pariet  
 lætitiæ labos. Videbitis me quotidie causa vestra effi-  
 cientem, quæcumque potero, conantem etiam ea quæ non  
 potero. Alite vos quoque studium meum attentione ves-  
 tra, & dum ætas apta est ad labores perferendos, dum  
 animus nullis aliis curis occupatur, dum cætera, quæ ad  
 capiendum ingenii cultum requiruntur, assatim suppe-  
 tunt, nolite committere, ut utilitas vestra, quæ & Gre-  
 gorio Pontifici Maximo, & amplissimis Cardinalibus,  
 quibus ille manus hoc demandavit, & nobis omnibus  
 tantæ curæ est, a vobis, a quibus minime decet, negli-  
 gatur. Equidem pro mea virili parte nullo loco vobis deo-  
 ro: docebo, admonebo, instabo, urgebo, excitabo, non-  
 nunquam etiam, si res ita poscere videbitur, objurgabo  
 atque increpabo. Nolite expectare, dum vobis aduler.  
 Contemniam vos, si vos litteras contemnetis. Sin eas ama-  
 bitis: & amabo ipse commoda vestra ex animo, &, ut  
 vos me vicissim merito ametis, operam dabo. Sed, ut  
 diei tempus est, diutius detinendi non estis. Secundum li-  
 brum Tusculanarum disputationum explicare decrevi.  
 Græ id facere incipiam. Polliceor autem vobis, qui me  
 attente audient, curaturum me, ut eis operæ suæ ra-  
 tio constet. DIXI.

PRO CAROLO IX. GALLIARUM REGE CHRISTIANISSIMO  
AD GREGORIUM XIII. PONT. MAX.

## O R A T I O XXII.

Habita Romæ V. Kalend. Januar. Anno MDLXXII.

*Post Lanienam Parisiensem.*

**S**ipro cuius quisque propugnatione ac defensione plura pericula subiit, plus exceperit acerbis, pluribusque procellis ac tempestatibus agitur, eo plus gaudii exiis, quæ ad retinendam atque amplificandam illius dignitatem pertinent, ad eum pervenire credendum est: dubitare non potest, Beatissime Pater, quin Carolus Rex, te Pontifice creato, tanto cæteros Reges eximia quadam percepti ex ea re gaudii magnitudine superaverit, quanto non huius modo memoriarum, sed omnium ætatum ac sæculorum Reges gravi ac diuturna susceptorum pro Sedis Apostolicæ auctoritate laborum ac discriminum perpeffione superavit. Quo tibi gratior esse debet ac jucundior gratulatio, quæ tibi hodierno die fit ejus Regis nomine, qui cum, pro incredibili studio atque observantia erga te sua, primus omnium hoc officio fungi cuperet, iis tamen difficultatibus, quæ omnibus notæ sunt, impeditus, non prius tibi gratulari potuit, quam divino consilio contigit, ut possis tu quoque ei vicissim vere ac merito gratulari. Et si autem, quæ proxime in Gallia pro religione gesta sunt, propter summam illius regni nobilitatem atque amplitudinem toto jam orbe celebrantur, neque locus, neque regio in terris ulla est, quæ non plena sit & laborum ac miserationum, quas Galli superioribus annis pertulerunt, & virtutis ac felicitatis, qua nuper usus Carolus Rex, maxima ex parte eos in veterem statum vindicavit: quia tamen neque Regis nostri & nominis, & te Christianissimi pietas in Deum, quam ipse omnibus notam ac testatam esse vult, ulla ex re melius cognoscitur, neque ullum dicendi argumentum hoc quidem tempore reperiri potest, in quo plus aut dignitatis, aut delectationis inesse videatur: peto a te, Beatissime Pater, ut hoc temporis, quod mihi ad dicendum tua benignitate conceditur, in harum potissimum rerum tractatione consumi, collocarique pararis.

Quis



Quisigitur in Gallia rerum status fuerit, quo tempore Carolus nonus ad regni gubernacula morte fratris admotusest, omnes facile recordamur. Nam, quæ mali vis jam tum Henrico regnante, in venis ac visceribus Galliarum concepta ac conclusa latuerat, cuique optimus ille Rex, ob perpetuo deplorandum inopinatæ mortis eventum, remedium adhibere cum maxime cuperet, non potuerat: eadem cum se sub Francisco secundo commovere cœpisset, & ab eo quoque, intempestiva morte prærepto, compressa modo & cohibita, non etiam extincta & sublata esset, ad extremum universa se, ingresso regnare Carolo; effudit. Ut autem aque impetus saxorum lignorumve oppositu diu retentus ac retardatus, si forte tandem ea, quæ obstabant, aut sublata, aut perrupta & disiecta sunt, multo major ac vehementior esse consuevit: ita illi hominum omnia turbare cupientium cœtus, quos ad id tempus legum ac regum terror tanquam victos infrenatosque tenuerat, fractis postremo repagulis furere ac bacchari per nobilissimum Regnum, & in tumma impietate summam licentiam nacti, divina humanaque omnia cædibus & incendiis miscere cœperunt. Atque ut antiqui fictis fabulis memoriarum prodiderunt, Hercule recens nato, duos ad eum inuistatæ magnitudinis angues superne lapsos esse, qui jacentem adhuc in cunis opprimerent: ita hoc novo Hercule, (qui enim adhuc adolescens tot jam monstra perdomuerit, meritissimo hujus Nominis honore affici potest) regni habenas tracta e aggresso, infinita quædam non e superiore loco demissa, sed ex inferis emersa exstitit anguium vis, qui & persilenti afflatu suo omnia contaminare, & teterrimum virus suum longe lateque spargentes, non ipsi modo Regi adhuc puero, & regnum & vitam adimere, sed & ex toto regno verum Dei cultum; quo uno æternæ vitæ spes continetur, exterminare conarentur. Qui divini quidem numinis metu jam pridem projecto, legum autem & judiciorum auctoritate tum maxime propter infirmam regis ætatem contempta ac conculcata, quam stragem, quas calamitates, quam vastitatem, quot inaudita crudelissimorum facinorum exempla in Galliam intulerunt! Horret ac refugit animus ea memorare; quæ post illas pestes ac furias ab humani generis hoste immixtas contingerunt: profanata, eversa, incensa templa; aras sacerdotum cæde maculatæ: abstractas ex sedibus suis virgines Deo sacras; direptas urbes;

urbes; campos manantes sanguine; fluviorum cursus humanis corporibus impeditis; ludentem excarnificandis hominibus sævitiam; feritatem, ne conditis pudem mortuorum ossibus ac cineribus ablinearem. Quis atque eo Gallici, aut potius Christiani nominis hostis est, qui illa sine lacrymis aspicere potuisset? O Gallia, Gallia, tot virorum fortium, tot egregiorum principum, tot summorum Pontificum, qui tanta cum laude Ecclesiæ Dei præfuerunt, parens. Tu ne illa es, quæ susceptam a Christo & Apostolorum Discipulis fidem nunquam postea deserueras? quæ non a tuis tantum, sed ab aliorum quoque finibus hæreticos aliosque hostes nominis Christiani tam sæpe depuleras? quæ Europam, Africam, Asiam, gestis pro Christi fide bellis nobilitaveras? quæ violatam ab aliis Sedis Apostolicæ dignitatem tam sæpe restitueras? tam firmis præfidiis sepleras? tam multis ornamentis affeceras? quæ urbem Romam ab imminente direptionis, & excidii periculo tam sæpe liberaveras? Vere enim hoc, Beatissime Pater, vere & sine cuiusquam injuria gloriari possumus, duabas præcipue laudibus homines nostros, post Christum natum, supra cæteras gentes perpetuo floruisse: quod & Christianæ religionis non conservandæ tantum, sed etiam propagandæ studiosissimi, & ad accipienda omnia regum suorum imperia paratissimi semper fuerunt. Omnes autem illarum pestium conatus eo dirigebantur, ut & a Deo, & a Rege abductam Galliam, earum, quas dixi, laudem utroque spoliarent. Quod si utrumque consequi ac perficere non possent, certe quidem ut eam a summorum Pontificum cultu, & a Romanæ ac Catholicæ Ecclesiæ communionem divellerent. Hoc præcipue imbibebant, hoc spectabant, hæc eis a principio mens, hoc consilium ac propositum fuit. Neque vero dissimulanter ferebant, inquieturos se, & ut prius, regis imperio parituros, dum Romani Pontificatus auctoritas e Gallia tolleretur. Quin etiam si se Rex ab hac S. Sede dissociare vellent, promptam ei & facilem viam ad fines regni proferendos, & ad finitimas provincias sub imperium suum subiungendas ostentabant. Sed magnus & a natura ipsa ad honestatem conformatus animus nec asperitatibus terreri, nec ulla utilitatis specie a re suo avocari potest. Rex fortissimus & majoribus rebus dignissimus, qui *pietatis ac justitiæ* gloriam ita etiam puer adamasset, ut ipsis earum virtutum nominibus quasi pro

sym-

symbol  
quidqu  
ma ex  
impro  
cum de  
ac viti  
urunt  
cum ja  
descen  
tus est  
quæ e  
versus  
guend  
Comm  
sæpe  
& suc  
tatem  
dition  
judica  
que si  
rem su  
cum il  
Gallia  
sepeli  
fontib  
se ant  
las, q  
leris a  
ad su  
adver  
iis illi  
sunt a  
post to  
sed et  
idipso  
tum e  
in ill  
ipsi in  
mach  
eximi  
rum f

symbolo utatur, omnia sibi prius perferenda statuit, quam  
 quidquam committendum, quo earum alterutra vel mini-  
 ma ex parte violari videretur. Repudiatis igitur omnibus  
 improborum consiliis ac suasionibus, magno ille quidem  
 cum dolore ac cruciatu animi, sed tamen, ut qui corruptas  
 ac viciatas corporis sui partes, aliis omnibus frustra tentatis,  
 urunt postremo, aut secant, ne earum contagio cæteris oblit-  
 cum jam in lenioribus remediis nulla spes esset, ad acriora  
 descendere, & vim quodammodo visceribus suis inferre co-  
 actus est. Intestinum ac domesticum bellum, in quo omnia,  
 quæ cogitari possunt miserrima, insunt, necessario ei ad-  
 versus suos suscipiendum ac regendum fuit: & ruina restin-  
 gendum ignis, ne tota Gallia eodem incendio conflagraret.  
 Commissa multa prælia, multa cæsa hominum millia,  
 sæpe fusi ac profligati hostes: Rex tamen clementissimus,  
 & suos, si quâ ratione posset, prolatando potius ad sani-  
 tatem perducere, quam delere ac perdere cupiens, eis con-  
 ditionibus acquieverat, quas æquissimas etiam iniquissimi  
 judicabant. Pacata ac composita omnia videbantur, jam-  
 que spes erat, plerisque ex illis miseris agnituros erro-  
 rem suum, & ad Ecclesiæ gremium suapte sponte redituros:  
 cum illi patriæ prædones, ac parricidæ, qui totam prope  
 Galliam insepultis suorum corporibus obruerant, quasque  
 sepelierant, quorum ipsi gladii assuefacti trucidandis in-  
 sontibus, assidue cædem sanguinemque siciebant, parum  
 se anteactæ viræ responsuros judicant, nisi palmas il-  
 las, quarum adhuc cruda & recens memoria erat, novi sce-  
 leris accessione cumlarent. Agebant illos præcipientes &  
 ad supplicium rapiebant poenæ eorum, quæ tam multa  
 adversus Deum & homines impie nefarieque commiserant:  
 iis illi agitati, & a mente consilioque deducti, veriti non  
 sunt adversus illius regis caput ac salutem conjurare, a quo  
 post tot atrocita facinora non modo veniam consecuti erant,  
 sed etiam benigne & amanter excepti. Qua conjuratione sub-  
 idipsum tempus, quod patrando sceleri dictum ac constitu-  
 tum erat, divinitus detecta atque patefacta, conversum est  
 in illorum sceleratorum ac scædifragorum capitula, quod  
 ipsi in regem & in totam prope domum ac stirpem regiam  
 machinabantur. O noctem illam memorabilem & in fastis  
 eximie alicujus notæ adjectione signandam, quæ pauco-  
 rum seditionum interitu regem a præsentis cædis periculo,



regnum a perpetua civilium bellorum formidine liberavit! Quæ quidem nocte stellas equidem ipsas luxisse solito citius arbitror: & flumen Sequanam majores undas voluisse, quo citius illa impurorum hominum cadavera evolveret & exoneraret in mare. O felicissimam mulierem Catharinam Regis matrem, quæ cum tot annos admirabili prudentia patrique sollicitudine regnum filio, filium regno conservasset, tum demum secura regnantem filium aspexit! O Regis fratres ipsos quoque beatos! quorum alter, cum, quæ ætate cæteri vix adhuc arma tractare incipiunt, ea ipse quater commisso prælio fraterno hostes fregisset ac fugasset, hujus quoque pulcherrimi facti præcipuam gloriam ad se potissimum voluit pertinere; alter, quamquam ætate nondum ad rem militarem idonea erat, tanta tamen est ad virtutem indole, ut neminem nisi fratrem in his rebus gerendis æquo animo sibi passurum fuerit anteponi. O diem denique illum plenum letitiæ & hilaritatis, quo tu, Beatissime Pater, hoc ad te nuncio allato, Deo immortalis, & D. Hludovico regi, cujus hæc iosa pervigilio evenerant, gratias acturus, in distas a te supplicationes pedes obiisti! Quis autem optabilior ad te nuntius adferri poterat? aut nos ipsi quod felicius optare poteramus principium Pontificatus tui, quam ut primis illis mensibus tetram illam caliginem, quasi exorto sole discussam cerneremus? Hoc ille nobis portendebat ac præsignificabat dissectus draco, gentis tuæ, Beatissime Pater, nobilissimum ac pulcherrimum insigne: fore, ut immanis ille draco, aut illa potius multorum capitum hydra, quæ non paludem aliquam Lernæam, sed potentissimum & opulentissimum regnum tam diu obsederat, te Pontifice dissecaretur. Nunc igitur contemplare, quæso, animo novum illum Davidem, cæsi ac prostrati gygantis spoliis ac sanguine decorum, eumque hilari vultu ad genua tua provolutum, ita tecum loqui existimato: Ego, Pater Sanctissime atque Optime, cum majores meos, maximos & potentissimos reges, accepissem omnes usque a Clodoveo in sinceritate atque integritate religionis Christianæ, ne uno quidem excepto, plus mille annos firme ac constanter persistisse; eosdemque præcipuam quadam erga Sedem Apostolicam observantia, periculique ac laboribus pro illius defensione aditis, & illud, quo nullum pulchrius est, Christianissimorum nomen, & primum inter reges Ecclesiæ filios locum consecutus: statim a puero il-

lud m  
si fieri  
ut non  
ret  
distin  
cato,  
tanto  
maxi  
gener  
ampli  
quam  
consta  
inimi  
tem si  
ne sup  
dilige  
subica  
summa  
rata o  
viden  
fore,  
quæ v  
& quæ  
ad ren  
libent  
gestis  
proba  
dientia  
rum in  
ciliu  
tineba  
sed et  
bi Re  
quia id  
lecti D  
consili  
Cardi  
num,  
gebat  
prædi  
turum  
lud

lud mihi proposui, ut eos potius aut adæquare, aut etiam, si fieri posset, superare contenderem, quam committerem, ut non satis respondere traditæ mihi ab illis gloria judicaret. Itaque & P. um Quintum dum inter homines fuit sanctissime ac religiosissime colui, & eo ad meliorem vitam vocato, cum primum audiui, te in locum illius esse suffectum, tanto gaudio affectus sum, quantum perari, aut cogitari maximum potest. Multa enim jam pridem de tuis in omni genere præclaris virtutibus audiveram, quæ te isto honoris amplissimi fastigio dignissimum reddissent. Prudentiam, quam nihil fallere; integritatem, quam nihil inflectere; fidem & constantiam erga amicos, quam nulla temporum asperitas imminuere, aut labefactare potuisset. In colendo Deo pietatem sine simulatione; in regendis hominibus severitatem sine superbia, in administrandis negotiis & sine festinatione diligentiam, & sine tarditate gravitatem. Movit etiam me subita illa totius Cardinalium Collegii in decernenda tibi summa potestate consensus: quæ neque sine certa & explorata opinione virtutis tuæ, neque sine singulari divinæ providentiæ afflatu potuit contingisse. Magna me spes tenet fore, ut sub tali Pontifice in ovile Christi gentes, & quæ veram religionem nondum acceperunt, aggregentur, & quæ ab ea desciverunt, denuo congregentur. Quam ad rem perficiendam omnes meas & regni mei opes tibi libentissime defero, ea fide, quam rebus in regno meo gestis satis jam & tibi & universo orbi, ut arbitror, approbavit simulque tibi & Apostolica Sedi, quam debeo obedientiam præsto, atque exhibeo, & præstiturum atque exhibiturum in perpetuum spondeo. Neque dubito fore, ut a te vicilim quæcumque ad meam & regni mei dignitatem pertinebunt, non tantum intacta & inviolata conserventur, sed etiam, ubi occasio tulerit, augeantur. Hæc, quæ tibi Rex ipse, Beatissime Pater, præsens dicere cuperet, quia id non, per hunc illustrem virum Nicolaum Rambolletti Dominum, equitem ordinis regii, unum ex intimis consiliariis suis, custodiarum suarum perfectum, Caroli Cardinalis Rambolletti fratrem & natura & virtute germanum, significanda censuit. Quamquam enim facile intelligebat, hæc eadem te ex præstanti viro, parique dignitate prædito Francisco Barone Feralio oratore apud te suo cogniturum: non tamen sibi visus est suam in te colendo pietatem

tem satis declaraturus, nisi huius rei causa propriam ad te legationem destinasset. DIXI.

DE UTILITATE, JUCUNDITATE, AC  
PRÆSTANTIA LITTERARUM.

O R A T I O XXIII.

*Habita Roma xv. Kal. Novembr. Anno MDLXXIII.*

CUM mihi a summis viris, quorum auctoritate, atque imperio nostra omnium studia diriguntur, mandatum esset, ut hodierno die, quo, ut scitis, more majorum, noster hic quasi Musarum exercitus quotannis lustrari solet, de præstantia litterarum, & earum artium quæ litteris continentur, aliquid publice dicerem, quo juvenum animi ad earum amorem incitarentur: quod prius facere debueram, sed in consilio quodam obsequendi studio abreptus non feceram, cœpionis suscepti magnitudinem cum viribus meis sollicite comparare. Atque interdum quidem ita ratiocinabar, ut mihi nihil arduum, aut difficile impositum crederem. Nam, ut Cyrenæus poeta facile ait esse omnibus Apollinem laudare: in quo tot, tantaque laudum argumenta sint: ita facile videbatur homini quamlibet infanti atque indilerto laudare eas artes, quas vere ac merito bonorum fontes nominare possumus. Neque enim dubitabam, quin omnium consensu multo iustius artibus nostris, quam illis, de quibus id Xenophon dixit, honos huius nominis tribueretur. Cogitabam etiam tum demum in summa me difficultate versaturum fuisse, si eas aut, quod nefas est vituperare iussus essem, aut earum dignitatem abicere & extenuare, dicendo: nullum enim sane argumentum, quod quidem alicuius momenti esset, ad eam rem reperire potuissem. Quod si Socrates præsentem Phædro amorem vituperaturus, facere id non auderet, nisi sibi prius pallio caput obnupserit: multo me magis verecundari par fuisset, in tanto eruditissimorum hominum cœtu declamantem adversus eas artes, quarum omnes dignitate, ac pulchritudine ita incensis estis, ut sine earum tractatione non vitam quidem ipsam jucundam putetis. Nunc, ut idem ille sapientissimus senex factu facile est ait Athenienses Athenis laudare, quod quæ quisque amat, ea libentissime



sine laudari audit: sic & ipse mihi videbar facilem & ex-  
 peditam provinciam suscepisse commendandi ac celebrandi  
 apud vos ea, quæ vobis omnibus in aioribus ac deliciis esse  
 conlaret. Sed interdum occurrebant alia, quæ me com-  
 moverent, nec quierio esse ac securo animo sinerent. Nam  
 & in tam ubere ac copiosa materia necesse est, unicui-  
 que audientium multa in mentem venire, quæ comode  
 dici queant; neque fieri potest, ut, quidquid omnes cogi-  
 tant, dicat unus; & ea est hominum natura, ut, cum  
 quis, quod ipse dixisset, id ab eo, qui dicit, omissum vi-  
 det, non hoc quoque dici potuisse, sed hoc potissimum dici  
 debuisse contendat. Ita dum pro suo quisque captu quid  
 ipse dicturus fuerit cogitat, & alia prope omnia fastidiens,  
 dum id unum dicatur, avide expectat: quidquid dixeris,  
 semper videberis omisisse præcipua: & omnia communia ac  
 contrita dixisse, quod ea non dixeris, quæ si dixisses, ipsa  
 quoque aliis obsoleta & vulgaria viderentur. Ut melior  
 hac in parte sit eorum conditio qui aridis, ac sterilibus in  
 argumentis versantur: quorum, siue abundarunt, lauda-  
 tur ingenium; siue defecerunt, materiæ jejunitas accusa-  
 tur: cum contra, ubi ampla dicendi seges est, quidquid  
 allatum est, ubertati materiæ adscribatur; quidquid omis-  
 sum est, tibi. Ego vero quomodo aut quidquam allaturum  
 esse me sperem, quod novitate audientium animos teneat,  
 cum his in rebus mea versatura sit oratio, in quibus præstan-  
 tissima se omnium ætatum ingenia exercuerunt: aut ita di-  
 cturum, ut non innumerabiles alii iisdem de rebus ornatius  
 ac copiosius dixerint? Sed mihi neque valde laborandum est,  
 ut nova conquiram, (non enim cantilenæ sunt hæ, quibus  
 novitas, ut ait Telemachus, conciliat gratiam, sed præ-  
 cepta, quibus vetustas addit auctoritatem,) & si vera, uti-  
 lia, apta ad id, quod mihi propositum est, digna hujus loci  
 auctoritate, digna vestris auribus attulero, quibus ea cum quo  
 verbis extulero, hoc ipso me satis ornate dixisse arbitrabor.  
 Agite igitur, Viri præstantes, & cum aliis nominibus, tum  
 præcipue harum, de quibus dicere ingredior artium cultu &  
 tractatione clarissimi: agite, studiosi adolescentes, quorum  
 mollis adhuc, & tenera ætas in ejusdem gloriæ spem, eodem  
 quasi lacte Musarum educatur, cognoscite mecum felicitate  
 vestram, qui instinctu quodam afflatuque divino ad eas  
 potissimum artes animum appulitis, quibus, siue quis utili-

ritatem sequatur, nihil fructuosius, siue oblectationem, nihil  
 suavius ac iucundius; siue splendorem ac pulchritudinem,  
 nihil illustrius, aut ad fruendam nominis immortalitatem  
 firmitus ac stabilius reperiri potest. Nam si veteres illi, qui  
 errore ducti plures esse deos opinabantur, quem cuique eo-  
 rum diem consecrarant, eo laudes ipsius commemorare ac  
 concinere solebant: multo nobis iustior causa est, quicum-  
 que iisdem honestissimarum artium studiis, quasi quibusdam  
 sacris initiati sumus, cum hic nobis anniversarius dies, ma-  
 jorum sapientia & auctoritate, ad intermissam per aliquot  
 menses earum exercitationem de integro repetendam consti-  
 tutus sit, cum ab earum commendatione principium ducere  
 debeamus, easque celebrare, quas nobis vicissim aliquid cele-  
 britatis allaturas esse confidimus. Meminisse autem debe-  
 mus idcirco hunc sanctum, atque augustum locum ad hanc  
 rem delectum esse, ut & in laudandis artibus Deum ipsum  
 laudemus, qui, ut alia omnia bona, ita eas quoque hominum  
 generi dedit: & publice contestemur, ac profiteamur, studia  
 omnia laboresque nostros & Deo auctore, atque auspice su-  
 scipi, & ad ipsius gloriam, tanquam ad finem nobis omnibus  
 precipue propositum, referri. Unde igitur, in tanta co-  
 rum, quæ se ad dicendum offerunt, copia, potissimum exor-  
 diar: An ab eo, quod semper apud gravissimos quosque gra-  
 vissimum fuit, antiquitatis testimonio? Quæ cum artes om-  
 nes bonæ sint, (nam si quæ malæ artes dicuntur, immerito  
 eis artium nomen tribuitur) has tamen nostras proprio ac  
 peculiari nomine bonas artes vocavit: easdemque artes in-  
 genuas artes liberales, quod alias aut a servis, aut ab homini-  
 bus servili præditi ingenio exerceri, has unas ab ingenuis  
 ac liberis excoli consentaneum iudicaret. Quin etiam cum  
 Græci earum cognitionem, sua lingua, tali quodam vocabu-  
 lo affecissent, ex quo id modo intelligeretur, statim aperi-  
 tia dandam eis operam esse: maiores nostri hoc, ut plura  
 que melius, ac sapientius: qui totum hoc artium genus hu-  
 manitatem vocarunt: credo, indicantes, non multo minus  
 inter homines talibus disciplinis expolitos, & vulgus alio-  
 rum, quam inter cæteros & pecudes interesse. Homines  
 enim duabus precipue rebus a cæteris animantibus discerni-  
 mur, ratione, & rationis interprete oratione: quarum utra-  
 que in eis, qui harum artium expertes sunt, rudis quodam-  
 modo & inchoata; qui eas bene penitus combiberant, perfecta

ita in illis atque absoluta est. Aristippus quidem, cum quaesisset quidam ex eo, quid boni filio suo allatura eruditio esset? Si nihil aliud, hoc certe, inquit, quod in theatro lapis in lapide non sedebit. Idemque alteri, qui, cum sibi nimium magnam mercedem posci pro institutione filii videretur, dixerat: Ista pecunia servum mihi emere possum: Tu vero, inquit jocans, etiam hoc amplius: si unum emeris, duos habebis. Significavit videlicet, quorum collustratus doctrinarum luce non esset animus, eos lapidum, non hominum, aut, si forte inter homines, servorum, non ingenuorum, loco ac numero esse habendos. Ac mihi quidem hac tota de re cogitanti, quatuor omnino esse viæ videntur, quarum unam aliquam a principio ætatis capessere, ac postea persequi prope necesse sit: ex quibus ne dubium quidem esse potest, quin ea, quam ipsi ingressi estis, longe multumque aliis omnibus anteponenda videatur. Nam qui ista ætate sunt, partim otio se, atque ignaviæ dedunt, mollemque vitam ac voluptariam sequuntur, si præsertim, quibus amplum patrimonium est; partim si angustior sit res, quam ut nihil agentes ferat, dant se ad artem aliquam faciendam; alii, qui excelsiore sunt animo, armorum tractationem, & militaris rei gloriam sibi proponunt; alii denique animum ad litteras & ad hæc mitiora studia appellant. Quid igitur istis turpius aut abjectius, qui, torpore ac desidia amplexi vitam luxu atque inertia transigunt, nihil agentes, quo se homines esse testentur? Qui, ut Phæaces illi Homerici:

*Non pugnis, durave exercent membra palestra:*

*Sed mensam & cithara strepitum, dulcesque choreas,*  
*Stragulaque, & molles curant post balnea lectos.*

Margaritæ illius simillimi, de quo idem Homerus:

*Non fodere ille bobus, durisve lignibus arva*

*Ventere, nonnulli vivebat idoneus arti.*

Sic enim & hi neque domi, neque militiæ, neque privatis, neque publice, neque sibi, neque aliis utiles, ita vitæ curriculum consiciunt, ut veluti naves, nullum sui vestigium relinquant. Qui mihi, si diis placet, quod nihil agant, quasi non pudere parum sit, etiam gloriantur. Alii, quiunt, in opere occupati sint: nobis majorum nostrorum virtute est, unde otiosi laute splendideque vivamus. Quid majores vestros nominatis? qui si vestri similes fuissent, vos hodie in postremis jaceretis. Si quales vos estis, tales ipsi fuerunt,



indigni sunt qui nominentur, si alii, vos indigni qui eos nominetis, At, videte, quantopere a sapientissimi poetæ Hesiodi iudicio vestra ratio discrepet. Laborem ille & industriam nemini, languorem & ignaviam omnibus turpem esse confirmat. Præclare Cicero: *Mihi quidem*, inquit, *aut nihil agit, esse omnino non videtur*. Nam & Physici docent, quæ cuique rei causa est, ut si, eandem ei esse causam, ut aliquid agat. Sed omittamus hos molles & delicatos, neque eos ex somno, cui tam libenter indulgent, excitemus: te-  
neamusque id, quod a sapientissimis viris proditum est, nihil esse inertia foedius; otio ali vitia; otium, ut non gravissimus poeta gravissime tamen cecinit Catullus, non privatis modis hominibus, sed & regibus, & prius beatis urbibus exitii causam fuisse. Cum igitur otiosa & ignava vita ne vita quidem habenda sit: videamus, num ad aliquam potius aliarum artium, quam ad litteras, animum adicere præstet. Equidem cum mente ac cogitatione perlustrò eas artes, quibus cum hisce studiis nostris aut nulla, aut non magna communio est, ex iis quidem, quæ ita necessariae sunt, ut eis civitas nullo modo carere possit, duas præcipuas iudico, agriculturam, & mercaturam; ex iis autem, quæ ad ornamentum civitatis, & ad animos honesta voluptate perfundendos pertinent, duas minime sordidas, minimeque illiberales, picturam, statuariam. Nam quod boni unaquæque civitas percipere ex suo & patrio solo potest, id agricultura educit, atque elicit; quo eget, id aliunde mercatura comportat. Ita civitas sine alterius ope ne suis quidem opibus fruitur; alterius beneficio, fruitur etiam alienis. Pictorum autem & statuariorum opera, & voluptatis atque admirationis habent plurimum; & quæ liberalium artium nota est, ingenii, non corporis viribus constant; & ad conservandam clarorum virorum memoriam, cæterosque ad eorum imitationem incitandos non immerito magnam vim habere creduntur. Sed tamen quis ausit harum artium ullam cum litterarum studio comparare? Nisi forte majus est agrum, quam ingenium, colere, aut iacta in terram semina, depactive furculi, quam ingenia præcepis Philosophiæ confita, ampliores, aut uberiores fructus ferunt. Mercatura autem vel si tenuis est, sordida est; vel si ampla, tot exposita periculis, ut merito ille olim Laco negaverit, operabilem sibi videri fortunam, quæ rudentibus apta esset;

cui-

cuicuiusmodi autem sit, tota fere ad quæsitum, & ad lucrum  
 refertur. At litterarum tractatio & dignitatis p. enissima est,  
 & quietis, & eas opes confectatur, quæ nec furem, nec præ-  
 donem timent, nec incendiis, ruinis, naufragiis obnoxie  
 sunt, nec ullis denique calibus eripi possunt. Jam vero quæ  
 Apellis, aut Protogenis cabulæ cum Homeri pictura; quæ  
 Phidias aut Praxitelis statue, cum litterarum monumentis  
 conferri queant? Quos ipsi hodie ignorarem is, nisi solidio-  
 rem ac diuturniorem gloriam essent commendatione scri-  
 ptorum, quam artis suæ operibus, consecrati. Nam quæ  
 illi artificio suo elaborarant, & solius corporis effigiem ex-  
 primebant, & uno tantum spectabantur in loco, & eam ra-  
 turam habebant, ut ea, si nihil aliud, ipsa certe longin-  
 quas temporis confectura, ac consumptura esset. At erudito-  
 rum hominum lucubrationes & clarorum virorum non for-  
 mam modo corporis, sed ingenia, mores, consilia, res ges-  
 tas, subiiciunt oculis; & iidem, quibus orbis p. se terra-  
 rum, terminis ac regionibus continentur; & tantam vim  
 habent, ut illa ipsa aliorum omnium humanorum operam  
 confectrix vetustas his unis non modo nihil detrahat, sed  
 maiorem in dies comparet, ac conciliet dignitatem. Trecentas  
 sexaginta Demetrio Phalereo satuas æreas populus A-  
 theniensis, anno uno, eoque non toto, poluerat: quibus om-  
 nibus Demetrius ipse superstes fuit. At quæ ipse sibi monu-  
 menta ingenii ac doctrinæ magnitudine extrixerat, ea &  
 multis post in ipsum sæculis vigierant; & cum postea den-  
 sa quædam & opaca nox omnem prope disciplinarum lucem  
 extinxisset, ex oculis erepta incredibile desiderium sui in  
 omnium eruditorum animis relinquerunt. Elate & magni-  
 ifice de se, ut solet, Pindarus, sed tamen vere: Statuarium  
 esse se negat, qui mutas statuas edidit una defixas in basi:  
 sed quos ipse cantibus suis celebret, eorum famam, terra ma-  
 rique spargi ac disseminari. Sed erunt fortasse qui vitam mi-  
 litarem huic nostræ pacatæ, atque inmoratili anteponendam  
 putent. Mihi quidem fortum virorum virtutem detrectare,  
 aut conari, ut quidquam ex eorum gloria deteram, neque  
 proposui est, neque fas videtur. Potius omnibus, qui  
 dicendo aliquid possunt, omnem induitiam ad eos cele-  
 brandos conferendam consensio: & hoc ipsum numero in-  
 ter præcipua bona, quæ ab artibus nostris in vitam homi-  
 num manant, quod earum ope præclara illorum facinora

ad immortalē posteritatis memoriā consecrantur. Sed tamen si quis secum in animo reputet, quæ vita sit ejus hominis, qui, modicis opibus instructus, in litterarum studio molliter ac placide confenescat, & quæ ejus, qui, ab adolescentia armis tractandis assuetus, sub dio sapius, quam sub tecto, sub pellibus sapius, quam domi somnum capiat, vix dubium fore arbitror, utra melior & magis expetenda sit. Alterius aures turbarum & lituorum, & cornuum clangore; alterius, Musarum concentu & Apollinis fidibus assidue perfonant. Illius oculi cæde & sanguine, & incendiis; hujus admirabilem naturæ operum adspectu & contemplatione pascuntur. Ille aut in ipso ætatis flore hostili gladio transverberatur, aut mancos ac debiles artus & insignem cicatricibus vultum referens, domum redit; hic ut animo, ita & corpore integer, vultum, nisi quantum rugæ, canique venerationis addiderunt etiam nutrici agnoscendum, perfert ad ultimam senectutem. Neque vero minus gloriosa, aut minus hominum generi fructuosa hujus, quam illius opera. Occupatur ille in finibus imperii proferendis; hic in finibus cupiditatum regendis ac coercendis: Novit ille, quemadmodum urbes expugnentur; hic quemadmodum gubernentur: ille quemadmodum injuria aut repellatur, aut reponatur; hic quemadmodum & accipiat æquo animo, & negligatur. Dicat ille, quam multos homines manibus suis trucidaverit; hic quam multos a cæde faciendâ, oratione sua revocaverit: ille quam multos in servitutem abduxerit; hic quam multos a servitute vitiorum in veram libertatem perduxerit. Illius usus nisi in bello nullus est; huius opera & in bello, & in pace salutaris. Iaque si homines inter se amice ac concorditer viverent, si Dei ac naturæ jussa sequerentur, si denique ii essent, qui esse debent: iacerent omnes artes belli, ut quarum inter justos justus usus esse non possit; nostræ vero tum demum florerent, ac vigerent, tum demum eas optimus quisque summa corporis & animi contentione sequeretur. Neque vero quinquam ita esse arbitror sanguinarium, cui non præoptanda videatur nullius empta lacrimis gloria, neque ullo, nisi puro illo ac limpidio Aganippes rore irrigara, quam tabo & cruore oblita, & multâ strage ac cladibus comparata. Multa consulto prætereo: quod mihi, non tantum ut copiam & varietatem conferat, laborandum est; quam ut effugiam satietatem.

Quis



Quis enim unquam tanta ubertate ingenii, tanta dicendi copia præditus reperitur, qui litteras ita laudare possit, ut non semper, cum plurima dixerit, plura tamen omisisse videatur? Omnia, quæ homines invita expetunt, cujuscunque tandem generis illa sint, nulla recitius, aut facilius, quam eruditione ac litteris, acquiri, conservari, amplificari queunt. Est, qui rei familiaris angustia pressus, ex ea expedire se, & ad moderatas opes sine ulla turpitudine pervenire cupiat? Quæ ad id conficiendum via aut honestior, aut expeditior, aut facilior est? Quam multos ex tenui & exili patrimonio, aut juris scientia, aut medendi arte fretos, (ut eas potissimum nominemus,) paucis annis ad maximas divitias pervenire vidistis? Nam quod plerique vulgato jam proverbio distant, ex omni nostrarum artium numero duas modo illas frugiferas esse ac fructuosas, cæteras cultoribus suis decoquere, ac decollare: in eo vanitatis illos, ac mendacii facile res ipsa coarguit. Nota est historia de Thalete Milesio, qui cum a propinquis objurgaretur, quod omne tempus in sapientiæ studio poneret, quod ad faciendam pecuniam, in qua illi posita putabant omnia, nulli usui esset: Vultis, inquit, ostendam vobis, posse hominem huic studio deditum, si ei commodum sit, divitem fieri, & hanc esse, si quis velit ad quæstum ac compendium vel maxime compendiariam viam? Cum illi se velle dixissent, homo, qui ex astrorum scientia, magnam eo anno olearum ubertatem prævidere fore, multo ante exiguo pretio cum contra licitaretur nemo, omnia Chiorum, ac Milesiorum præla ac trapeta conduxit: quæ cum postea suo tempore, quanti voluit, elocasset, magnamque ex eo vim pecuniæ collegisset, ostendit, Philosophos non tam rem facere non posse, quam majoribus, ac præstantioribus cogitationibus occupatos, de ea facienda non laborare. Quid Leontinus Gorgias? nonne Rhetoricæ professione & maximas sibi divitias peperit, & tantam gloriam, ut ei vivo ac videnti honoris ergo aurea statua in Apollinis Pythii templo constituta sit? Quid ille, qui eloquentiæ quasi mercator, atque opifex quidam habitus est, Isocrates? non & summa gloria fuit, & iis opibus, ut ter ad trierarchiam vocatus, cum eam bis effugisset, ad postremum splendidissime ac magnificentissime obierit? ad eam autem non fere nisi opulentissimus quisque ac locupletissimus adigebatur. Neque medicus erat, optimus pessimi principis magister Seneca,

neque

neque de jure confulebatur: & tamen quantam sibi opum vim homo externus, & alienigena eloquentia & eruditione confecit! Scio, hoc, quod dicam, quibus istam incredibile visum iri: sed tamen, si vera sunt, quæ litteris prodita sunt, haud scio, an ullus hodie tota Italia Princeps tantas opes habeat, quantas in Senecam quadriennio N<sup>ro</sup> congestit. Nam cum ex veteribus illis Romanis M. Crassus opulentissimus fuisse dicatur: Senecæ opes Crassi opibus duplo majores fuerunt. Prope est ut pigeat, in hac parte tam diu immoratum esse: sed tamen dicendum fuit aliquid adversus stultitiam eorum, qui ajunt, si quis juris scientiam, & artem medendi excipiat, cæterarum artium nostrarum sterilem esse culturam. Qui error ex copiosissimo natus est, quod doctrinæ mediocritas magnos efferre fructus non potest. Itaque excellendum est iis, qui magna & præclara concupiverunt. At nos simul atque paulum ultra prima elementa progressi sumus falsa de nobis opinione tumefacti, quia non in nos continuo opes, & honores congeruntur, jacere litteras clamitamus. Non jacent litteræ, non jacent, neque jacuerunt unquam: & si antea jaciissent, Gregorio XIII. Pontifice non jacebunt. An ille, cum & omni doctrina instructissimus sit, & ad illos veteres atque usitatos nostros & litterarum patronos, Jo: Moronum, Sacrosancti Collegii Decanum, priscae majestatis absolutissimum exemplar, cujus in ipso nutu plurimum auctoritatis residet, cujus e vultu ipso, atque oculis elucet gravitas humanitate condita; Aloysium Cornelium Camerarium, hominem plenum officii, & ad omnium animos ac voluntates devinciendas ipsis Gratiarum manibus factum; & illa duo ornamenta sæculi, firmamenta litterarum, domicilia virtutis, & eruditionis, Guilielmum Sirlerum, & Franciscum Alciatum: ad eosigitur, quorum jam pridem in fide, ac clientela eramus, cum proxime eum, quem pleno gradu per sua vestigia incendentem vider, quemque optimo jure cordi suo carissimum habet, fratris filium Philippum S. Sixti Cardinalem addiderit, eumque florentis ætatis commendationem a litterarum patrocinio ducere voluerit: qui tali argumento declaravit voluntatem erga nos suam; is, metumimus, ne litteras aut egere, aut jacere patiat? Sed ut, unde digressus sum, redeam, atque id, quod institui, absolvam: & ad facultates ac copias sine dedecore parandas accommodatæ sunt

sunt litteræ, & multo magis colendæ iis, qui opibus abundant: ne, si id facere neglexerint, instrumentis sibi a Deo ad virtutem datis per inertiam abusi esse dicantur. Eademque ratio est & eorum, quibus clari, & eorum quibus obscuri parentes obtigerunt. Nam neque illi ullo majori, aut illustriori ornamento condecorare, & ut Homeri verbotur, coronare possunt nobilitatem a maioribus acceptam: neque hi ex tenebris ulla ratione facilius emergere, seque in luce atque in oculis omnium collocatos, a contemptu, atque ab oblivione in perpetuum vindicare. Rex erat ac regis filius Alexander Macedo, & viam sibi ad summam claritatem ac potentiam armis quotidie muniebat. At is & plus se debere Aristoteli, a quo eruditus, quam Philippo, a quo genitus fuerat, & cuius in regnum successerat, prædicabat: & cum ab illo divulgatos esse libros quoddam arduis de rebus scriptos accepisset, ægre tulit, ac generosa quadam indignatione motus, epistolam ad eum scripsit, in qua hæc verba sunt: *Nam quare post hæc ceteris præstabimus, si, quæ a te edocti sumus, ea omnium communia erunt? Ego autem malim optimarum rerum scientia, quam opibus & potentia ceteris antecire.* Hæc igitur ille regum stirpe ac sanguine editus. Obscurissimo autem genere ortos quam multos nominare possumus, quos supra omnes omnium sumosas imagines litteræ collocarunt! Obstetricis filius erat Socrates. Num igitur eo Alcibiades nobilior? Euripidis matrem vendendis oleribus vitam tolerasse accepimus. At ipse & regum familiaritate utus est, & ita clarus fuit, ut hodie magis Archelaus ex Euripidis, quam Euripides ex Archelai familiaritate noscatur. Tympanistria fuit Æschinis mater, etiam, si Demostheni credimus, vulgati corporis. At eum Rex Macedonum Philippus quantopere coluit! Quid Tibicinis filius Pindarus? quanta in gratia apud Syracularum Regem Hieronem fuit! Sed quid hujus rei plura exempla conquiram? Signantur eruditorum hominum nominibus tempora: ut minus sæpe, quibus illi regnantibus vixerint, quam qui eis florentibus regnaverint, quærere soleamus. Neque tamen hæc præcipua sunt eorum bonorum, quæ percipiuntur ex litteris: sunt alia longe majora longeque diviniora. Litteræ inditos nobis a natura honestatis igniculos excitant; luxuriantes quasque fruticantes cupiditates stringunt ac coercent, easque rationis finibus regunt; abducunt a vitiis, duces



duces & magistræ sunt ad virtutem; prosperis rebus ornamento sunt, solatio adversis; neque illis exultare atque effera suos, neque his frangi ac deprimi sinunt; eam denique tranquillitatem animi efficiunt, quam multi finem bonorum esse dixerunt. Grates quidem Thebanus interrogatus, quid sibi superesset ex Philosophiæ studio, notissimo verbum respondisse dicitur: *Chœnix lupinum; & mentis a curis quies*. O magnum & excelso animo præditum virum! Quod aliis reges & imperia non adferunt, ut soluto ac libero animo sint, id ipsi, propter litterarum, & Philosophiæ commercium, chœnix lupinorum adferebat. Quod si tam multa, tamque præclara bona litteris ac disciplinis continentur; si ipsis nominibus ac vocabulis testata est veritas, earum cognitionem & hominibus, & liberis atque ingenuis hominibus dignissimam esse: si & ignava vita homine indigua est, & nullo in studio melius, quam in litteris industria collocari potest; si ad opes ac potentiam, si ad honores ac dignitates via optime litteris sternitur; si eisdem & animi tranquillitas, & nominis æternitas comparatur: quid statim adolescentes, aut cur oblatam vobis tanti boni consequendi occasionem effugere atque evolare patimini? cur non aliis omnibus curis & cogitationibus ex animo abiectis atque abdicatis, in hanc unam toto pectore incumbitis? Non hoc sedendi, ut ait Bacchylides, ac cunctandi tempus est. Non enim ex plano ac facili gloria hæc petitur: neque lata, ut ait Propertius, via currere ad Musas datur. Non frustra eas antiqui in arduo atque edito monte habitare dixerunt. Laborem & sudorem & vigilias in earum atrio ac vestibulo excubare voluit Deus: qui ut dicebat Epicharmus, labore omnia prope bona hominibus venalia proposuit. Ego autem, ut libere vobiscum agam, valde vereor, ne, cum plerisque vestrum alia omnia abunde sint, mollitia multæ & laboris odiosa studiis avocentur. Itaque quibus verbis Homerica Pallas Nausicaam e somno excitat, quam segnem & ignavam vocat, quod vestes magni pretii, sibi eniptas a parentibus, neglectui habeat, easque illotas ac fordidas jacere patiatur; surgere igitur eam jubet, & ad casabluendas cum prima luce proficisci, præsertim cum in ser tempus nuptiarum: iisdem merito multis & vobis aliquis quotidie objurgaverit: Surge quamprimum, miser, & ex animo corporem atque ignaviam excute. Quid tu illud ingenium, quod

tibi

sibi a  
preti  
bigin  
fictio  
quib  
stus  
mar  
cum  
tas  
deur  
illa  
lati  
fui  
diffi  
Deu  
funt  
nim  
seque

H  
reco  
tuer  
pon  
tis  
re  
ces  
piti  
mni  
circ  
nes  
in  
sis  
non  
tine

tibi a communi omnium parente Deo multo qualibet veste pretiosius datum est, situ ac sordibus obsolescere, quæque rubigine obduci pateris? cur non potius diluculo ad illos proficisceris omnibus obvius & expositus doctrinarum fontes, quibus te mergans, ex quibus arbitrato tuo hauriens, peccatus & purgatum vitiorum maculis, & multa præclarissimarum rerum cognitione madidum referas? Præsertim cum puerulus amplius non sis, sed ea iam appropinquet ætas, qua tibi in lucem atque in conspectum hominum prodeundum est. Hinc enim demum multo magis, quam unde illa dicit, & tibi paries gloriam, & parentum pectus gaudio lætitiæque complebis. Sed jam longior, quam par erat, fui. Cogitate, obsecro vos, languid s, ac remissis omnia difficilia, navis & industriis omnia pervia, ac facilia esse. Deus optimus maximus, cui quæcumque hic acta distaque sunt, grata & accepta esse cupio, vobis omnibus eum animum inspiret, ut hæc, ad quæ vos hortatus sum, tam sequi velitis, quam consequi potestis. DIXI.

## O R A T I O XXIV.

*Habita Roma Anno MDLXXIV.*

IN FUNERE CAROLI IX. GALLORUM REGIS.

**H**Oc igitur unum restabat additis ac pœne prostratis infelicis Galliæ rebus, ut Carolus Rex, quo se illa recreabat ac solabatur uno, de quo cogitans, in quem intuens, omnium quas excepit acerbitatum memoriam deponebat, cum bonorum animos ad aliquam spem quietis erigere cœpisset, in ipso ineuntis adolescentiæ flore, acerba atque immatura morte raperetur? O fallaces hominum spes! O incerta vota! O lubrica & ancipitia humanæ vitæ curricula! Merito lacrimis oculi omnium madent; merito omnia planctibus gemitibusque circumsonant; merito undique querelæ & lamentationes exaudiuntur. Tu ipse, Beatissime Pater, cujus & in prosperis rebus spectata moderatio est, & in adversis animi magnitudo; in tanto casu cohibere dolorem non potes: quasque lacrymas gravitas & constantia retinere ac frænare consueverat, eas nobilissimi omnium regni

regni miseratio, & paterna charitas elicit. Planèque aliis in rebus quærenda est fortitudinis ac constantiæ laus: in tam gravi vulnere, tam dubiis ac formidolosis Christianæ Reipublicæ temporibus accepto, immanis quædam duritia esset, non flere, non ingemiscere, non commoveri. Qualem enim, quantumque Regem, & quanta, non dicam indole, (quod tamen in homine adolescente satis esse videretur,) sed quanta omnium regiarum virtutum copia præditum amissimus! Quænam cum divina providentia, annos natum non amplius decem, in illo celsissimo majorum suorum solio collocasset: quantas ille jam tum, quamque crebras, in illa ætate, quæ nihil cogitare, nihil loqui, nisi leve, ac ludicrum, solet, inusitatæ cujusdam & inauditæ prudentiæ significationes dedit! Incredibile dictu est, quam sæpe ille in deliberationibus publicis sapientissimorum senum sententiæ puerulus anteverterit, quæque illi dicere in animo habebant, ea prior ipse protulerit: nemo ut esset, cui non, in tanta annorum immaturitate, tanta mentis, & consilii maturitas divinum potius quiddam, quam humanum, videretur. Est certe, est aliqua vis originis ac sanguinis; quosque magnis ac nobilibus populis rectores destinavit præpotens ille rerum omnium moderator Deus, in eis plerumque virtus non exspectat annos; sapientiæque semina in eorum animis & comprehendunt facilius, & tempestivius adulescunt. Jam quæ laus in filiis præcipua est, reverentia adversus parentes, & eorum præceptis ac monitis obtemperatio, ea ille ita præstitit, ut nunquam omnino neque privatis, neque publicis in rebus voluntas ipsius a sapientissimæ matris consilio discreparet. Quid? in fratres quanta, quamque se omni ex parte prodens charitas! Quod & semper alias cognitum est, & proxime cum ab Henrici Regis in Poloniam proficiscentis amplexu avelli non poterat, seque a vita relinqui, quod ab eo relinqueretur, putabat. De pietate autem in Deum, & de ardentissimo studio, quod semper habuit conservandæ ac propagandæ Catholicæ Religionis, quid ego nunc plura prædicem, aut quid res in omne ævum omnium scriptorum ingenia fatigaturas exornare in hac mediocritate ingenii, & in his temporis angustiiis coner? Cui enim ignotum est, aut cui notius, quam tibi, Beatissime Pater, vobisque omnibus, Patres amplissimi, quos ille labores pertulerit, quibus difficultatibus conflictatus sit, quæ pericula subierit, quibus

damnis



damnis se, regnumque suum sponte multaverit, dum quidvis satius esse ducit, quam ut quidquam in Gallia, se vivo, de Christianæ Religionis integritate minueretur? Qui quot annos regnavit, totidem continenter pro fidei defensione pugnavit. Et enim tetra illa natio perditorum ac profligatorum hominum, qui fraudibus ac mendaciis suis nuper delapsæ de cælo & sibi solis patefactæ veritatis nomen obtinuerunt; qui, quod ad legem Dei cupiditates suas dirigere gravantur, legem Dei ad cupiditates suas detorquere conantur quorum conspirationes sub Henrico II. initæ, sub Francisco II. leviter patefactæ, susceptis Carolo regni habentis, aperte se ac propalam effundentes, florentissimum, dum per illos licuit, Galliæ regnum omni scelere ac crudelitate lacerarunt, non tam id agebat, (quamquam id quoque) ut Regiam auctoritatem convelleret, quam ut regnum ab Ecclesiæ communione divelleret. At ille generosi seminis adolescens, qui amorem Dei & Ecclesiæ cum ipso nutricis lacte fuxisset, totaque mente penitus combibisset, articularim se prius concidi ac comminui passus esset, quam a recta illa regula patriæ & avitæ religionis abducis. Itaque dum purgare regnum suum illis pestibus nititur, dum illius hydræ & in suam & aliorum perniciem contumacis assidue resurgentia capita an putare conatur: quatuordecim, (tot enim regnavit annos) in perpetuis bellorum fluctibus, & in perpetua regni ac vitæ suæ dimicatione transgit. Ut, nisi pulcherrimum illud Christianissimi coenomen a majoribus suis hæreditarium accepisset, id ipse sibi posterisque suis sua virtute peperisset. Quin etiam, cum capitales quidam ac nefarii homines dicerent, facilem ei esse & expeditam viam non modo ad pacandum regnum suum, sed etiam ad fines illius sine ullo labore amplificandos ac proferendos, si remittere aliquid de tanto illo vetustæ religionis conservandæ studio vellet: magno animo averfatus ac detestatus illorum consilia, omnes sibi coronas, omnia regna, omnia imperia sordere dixit præ illa immortalitatis corona, quam sibi in cælo repositam esse consideret. Cumque eum exaggeranda hostium multitudine ac viribus perterrefacere vellent: Dominus, inquit, Dominus ipse eos interficiet spiritu oris sui. Prope supervacaneum videri potest, cum de tam Christiano Principe verba faciam, quanta illius erga Sedem Apostolicam observantia fuerit dicere. Quo enim quisque Christum ipsum san-

sanctius & religiosius colit, eo studiosius & magis ex animo Vicarios ipsius colat, necesse est. Quomodo ille de Pio V. cuius memoria in benedictione est, & lentiebat, & loquebatur! Quem sibi non hominem, sed Angelum quemdam humana inter mortales specie versantem videri dicebat: cuius monitus, tanquam cœlestia quædam oracula reverebatur. Nam de te, Beatissime Pater, qui successor illius omnium votis expectatus, divino consilio delectus, tam subita, tamque admirabili totius sacrosancti Collegii confessione declaratus es, quam magnifice in omni sermone prædicare solitus esset, dicerem, si, quam facile præstas, ut ab omnibus uno ore lauderis, tam libenter eos, a quibus laudaris, audires. His ille artibus ita sibi bonorum omnium animos voluntatesque devinxerat, ut, quamquam ex ejus ætate & temperatione corporis, probabiliter sperare poterant, diu se illius virtute fruturos: cuperent tamen omnes, si fieri potuisset, partem aliquam vitæ suæ conferre ac contribuere, & annis suis vitam illius prorogare. Sed nihil in humanis rebus firmum, nihil stabile, nihil diuturnum reperiri potest. Dum condocere facere nos vult Deus, terram nobis non pro domicilio, sed pro diversorio datam; hanc, quæ vita dicitur, non tam vitam esse, quam iter ad vitam; in cœlo, non in terra, nobis esse spem degendam ac collocandam: agitat omnia arbitratu suo, & quæ solida ac firmis nixa radicibus putantur, ea momento temporis vertit. Cum vexata tot calamitatibus Gallia paululum tolleret oculos, & Dei ac Regis sui perduellibus partim fractis ac domitis, partim captis ac comprehensis, tandem aliquando se post tot mala respiraturam sperare inciperet: ecce tibi lenta & omnem saltem medicorum industriam febris, vires adolescentis immortalitate digni, & nati ad relinquendum omnibus bonis perpetuum diversorium sui, ita paulatim aterivit ac labefactavit, ut ad postremum inevitabilem ei attulerit ex hac vita migrandi necessitatem. Quod ubi percipuit, qui tum plangor omnium, quæ complorationes, quæ lamentationes fuerunt! Alius sibi scindebat capillum, alius lacerabat genas, alius pectus & humeros crebris ictibus verberabat; alii interiores amores ac delicias Galliæ, alii cadere columnen religionis, alii Catholicorum præsidium dejici, alii alia, quæ diversis diversa non diversus suggererat dolor, miserabiliter querebantur. Ipse unus interritus, & æquissimo animo exitum divinæ volun-

tatis expectans, cum matrem, uxorem, fratrem cæterisque propinquos ad se convocari iussisset: primum quidem Sacramenta, quibus morituri præmuniri, & Deo conciliari solent omnia & poposcit, & magna cum animi summissione ac divinæ majestatis veneratione suscepit; deinde vero contestatus, eo tantum sibi molestam esse mortem, quod fratrem suum, tum Poloniæ, mox etiam Galliæ Regem fatum, moriens complecti non posset; cæteroqui gaudere se, quod tantum successorem habiturus esset, cujus singulari & tot jam documentis comprobata virtute, non dubitaret fore, ut res Gallicæ feliciter componerentur; interea obtestari, atque obsecrare matrem, ut regni gubernacula susciperet, quaque prudentia regnum sibi tot annos conservasset, eadem fratri suo conservaret; sese jam tunc omnem potestatem regiam in eam, usque ad fratris reditum, transferre; hortari cæteros, ut ipsius primum, deinde fratris, cum revertisset, imperio amanter ac fideliter obtemperarent; præcipue autem, ne quid unquam prius, aut antiquius haberent conservatione Catholicæ religionis, ex ea bona omnia flere; ea neglecta collabi ac concidere omnia. Sed jam valete, inquit, & mei memores este. Ego enim ad Deum vocor: quem ut æquiores ac placabiliorem peccatis meis judicem experiar, vestris me omnium adjuvari precibus postulo. Hæc fatus, deficientem jam, & moribunda voce, tuum, CHRISTE Jesu, nomen invocans, tuam, sanctissimam Virgo, apud Filium opem implorans, ad vos, ut consiliis, evolavit. Ac, si quidem ipsum spectamus, gratulari ei potius quam lugere debemus. Regnum enim terrestre cœlesti, laborem quiete; mortalitatem immortalitate mutavit. Quod mortuus est, humanæ fragilitatis est; quod ita mortuus divinæ cujusdam felicitatis. Bonum certamen certavit, cursum consummavit, fidem servavit. Aut jam coronavit eum Deus, aut brevi, tuis. Beatissime Pater, & totius Ecclesiæ precibus adductus, coronabit corona iustitiæ, quam promissit diligentibus se. At illam tot Regum matrem, toties jam custodem ac conservatricem regni; ipsa sua felicitate miserandam, quo nunc, quo tandem esse animo creditis? Quæ ex summis honoribus summos dolores consecuta, ter jam, & in viro & in duobus filiis mortua, vitæ suæ superstes, toties ore suo eorum clausit oculos, a quibus claudi cupiebat suos; tam sæpe eis officia præstitit, quæ sibi ab eis præstari maluisset.



Iussit. Quid illa fortissimarum domina gentium Gallia? quæ sibi eodem funere cum Rege suo efferrî visa est; quæ jacet adhuc percussa & attonita tanto vulnere, metuens, ne, illius atrocitate, etiam illa, quæ consanuisse videbatur, recrudescant. Proh Deus optime maxime, etiam cum ulcisceris, benefice, etiam cum pœnas exis, misericors; quibus tam gravibus culpa tam diuturnam in se iram tuam Gallia provocavit? Quatuordecim iam anni sunt, & eo amplius, cum illud potentissimum & memoria nostra florentissimum regnum perpetua bellorum civilium serie ita & ab alienis & suis vexatur, ac diripitur; ut de eo jam dici possit, quod scriptum est apud Prophetam: *Residuum cruce comedit locusta: & residuum locusta comedit bruchus & residuum bruchi comedit rubigo.* Atque ut magis intelligatur, id divina ultione fieri, quoties inibi esse videtur, ut jam iamque componantur ac tranquillentur omnia in ipso, ut ita dicam, portu frangitur navis. Properarat Henricus II. pacem cum Philippo Rege Catholico quibuslibet conditionibus facere, ut expeditus belli curis hujus mali nascentis semina elideret: In ipso ejus rei conatu ac molitione, inopinata morte sublatu est. Sub Francisco II. conspiratione detecta, spes obiecta erat fore, ut, paucorum supplicio cæterorum audacia in perpetuum reprimeretur. Ante ipse mortuus est quam de fontibus comprehensis supplicium sumeretur. Nunc nuper eo rem perduxerat Carolus IX. ut omnes instare finem malorum existimarent: Aliter Deo visum est, qui Henrico III. Galliæ & Poloniæ Regi, quem tam multis tamque illustribus argumentis sibi carissimum esse declaravit hanc felicitatem, ut speramus, reservare maluit. Neque dubium est, hoc ita eventurum, si omnes nos a viciis nostris averfi, quæ Dei placandi certissima ratio est, tota mente convertamur ad Deum, eumque assidue obsecremus, ut compescat iram suam: & quando Carolum in sinum, ut speramus, suum excepit, Henrici III. ductu, sub Gregorio XIII. raptore quidem lupos interfici oves autem, quæ aberrarunt, in ovile suum reduci velit. Ita eveniat. Domine Jesu, cui laus omnis & gloria debetur in omnem æternitatem, DIXI.

AD S. D. GREGORIUM XIII. PONTIFIC.  
 MAX. NOMINE HENRICI TERTII  
 GALLIÆ ET POLONIÆ REGIS.

*Habita Roma in Consistorio publico, LUDOVICO CASTANEO LUSPOZEO, Equite Ordinis Regii, Viro illustri, ejusdem Regis nomine obedientiam præstante, XIII. Kal. Qu. An. MDLXXVI.*

**G**Ratus quidem ac jucundus tibi esse debet, Beatissime Pater, eorum omnium legatorum adventus, qui huc a Christianissimis Principibus mittuntur, cum ut tibi summum in terris honorem gratulentur, cum multo magis, ut te Christo ac tibi, ut par est, obedire, manere in officio, perstare in fide, & vires, & copias suas ad Apostolicæ Sedis defensionem semper promptas ac paratas & esse & fore profiteantur. Nam & ex illa ipsa divinitus tibi delata dignitate, majorem a te capi incunditatis fructum necesse est, cum ea cæteros quoque latari perspicias: neque tibi, qui communis Christianorum omnium Pater es, ulla ex re verius ac solidius gaudium obijci potest, quam cum filios dignitatis tuæ studiosos, auctoritatis tuæ deditos, præceptis ac monitis tuis obtemperandi cupidos videas. Sed tamen omnibus sæculis ea Gallorum Regum in Pontif. Max. asperrimis ac difficillimis temporibus promerita fuerunt, ut multis nominibus eorum & studium atque obsequium præcipua quadam charitate complectendum, & legati æquissimis animis audiendi, & dicta, factaque omnia singulari quadam paternæ voluntatis propensione in optimam partem accipienda videantur. Quoties enim in hoc amplissimo nobilissimoque consensu Reges Galliæ nominantur, toties in omnium animis memoria renovatur. & officiorum, quæ illi longe plurima, longeque maxima in hanc sanctam Sedem contulerunt, & honorum, quos ab ea vicissim eximios pro sua in eam eximia pietate retulerunt. Si quis autem Rex unquam fuit, qui propter virtutis ac rerum gestarum magnitudinem exquisitis honoribus afficiendus esset: eum te jam nunc in ipso adolescentiæ flore Henricus III. Galliæ & Poloniæ Rex præbuit, nihil ut de eo tam honorifice dici possit, quin id jam pridem virtus ipsius in omni genere spectata superavit. Quo te libentius accepturum esse confidimus eam fidem, venerationem, obedientiam, quam talis tantusque Rex hodierno die per clarissimum & omni laude cumulatis-

nam virum Ludovicum Castanæum Ruspipozzæum, Equitem ordinis Regii, Oratorem ad te suum, tibi, Beatissime Pater, & Sedi Apostolicæ præstat. Cujus enim Regis nomen a summo Ecclesiæ Pastore & gubernatore, audire libentius debet, quam ejus, qui cum hæreditario jure principem inter Christianos Reges locum majorum suorum virtute partum obtineat, ita per eorum vestigia graditur, ut quantum ab eis omnibus splendoris accepit, tantumdem ipse unus facile afferat universis? qui cum adhuc adolescentulus ac prope puer esset, ita sæpe, ita fortiter, ita feliciter ad versus hostes Ecclesiæ dimicavit, ut eorum altus consilio eluterit, temeritatem virtute domuerit, pertinaciam constantia fregerit. Quam sæpe eo sibi per hostiles cuneos omnia ferro pervia faciente, ex hostium ipsorum tantæ, tamque præmaturæ virtutis admiratione defixorum manibus tela irrita ceciderunt! Quam sæpe cominus ab eis petitas, ita mirabiliter servatus est, ut Deus ipse sua manu idus in eum directos depellere, & telis ac tormentis vim nocendi adimere videretur! At ille laudis & gloriæ cupidus, vitæ ac sanguinis prodigus, Dei memor, immemor sui, in victoria salutem, in virtute victoriam, in vita ob ralem causam in omne discrimen exponenda virtutem positam judicabat. Itaque cum generosissimi adolescentis non jam proelia, sed victoriæ ac triumphi numerarentur, iamque totum terrarum orbem tam inusitatæ tamque inauditæ virtutis fama peragrasset: fortissima ac bellicosissima Polonorum gens sibi Regem concordibus suffragiis adopravit. Quo ille nuntio abstractus ab ingentibus, ac pœne ad exitum perductis, liberandæ ac purgandæ Galliæ cœptis, in regnum virtuti suæ ultro delatum proficiscens, quacunque iter fecit, omnes & Principes & populos sui amore & admiratione complevit. Vix dum novi & a se expectiti Regis suavitatem Polonia gustaverat, cum secuta Caroli IX. Regis acerba, & perpetuis lacrymâs prolequenda mors, res in Gallia componi cœptas, majoribus denuo procellis involvens, totius regni statum in ultimum discrimen adduxit. Celeriter igitur e Polonia periclitantis & Regem suum implorantis patriæ voce revocatus, cum easdem illas dissensiones, quæ Galliæ regnum prope subverterat, non modo non sedatas, aut mitigatas, sed auctas etiam ac corroboratas offendisset; corruptos ac depravatos ob bellorum longitudinem mores; multorum animos, etiam ex iis, qui se Catholicos esse profite-



bantur, studio partium infectos; plena omnia licentiæ, plena rapinarum, plena scelerum, plena hostium, & externorum & domesticorum: eadem tamen qua semper fuerat animi presentia ac magnitudine, tuo etiam, Beatissime Pater, & consilio & auxilio fretus, bellum reperit ac redintegravit, diuque viris equisque, ut dicitur, tentavit efficere, ut vi & armis perdomita contumacium & Regni perturbatorum superbia, pax & quies tandem aliquando fessæ tot calamitatibus Galliæ redderetur. Sed ut animadverterit, nihil ea ratione, quam tamdiu tenuerat profici, ac potius & Regno & Religioni vehementer officii, quæ jam multis in Galliæ locis labasceret, a plerisque etiam penitus exularet, interea uri ac vastari agros, oppida diripi, omnia itinera latronum ac prædatorum cohortibus obsideri. Regni vires quotidianis cædibus ac stragibus eneruari, opes immensis sumptibus exhauriri, innumerabile vim teterrimorum facinorum in utroque exercitu quotidie perpetrari, extremam cladem ac perniciem imminere, nisi mature subveniretur aliud sibi consilium necessario capiendum indicavit. Optimus ac mitissimus Princeps, qui sanare vellet suos, non perdere, idem fecit, quod prudentes medici solent; qui cum ulationibus, sectionibus, inedia, detractione sanguinis, non morbum, sed ægrotum ipsum confici ac profligari vident, ad aliam curandi rationem confugunt; & iomentis ac remediis mollioribus & victu paulo copiosiore indulgentes, malunt ægrotum cum aliqua parte morbi alere, quam utrumque simul e medio tollere. Maluit igitur & ipse in tanto tamque manifesto interitus periculo, ei parti suorum, quæ adhuc superesset, ignoscere, quam committere ut brevi ne superessent quidem, quibus ignosceret. Cumque cogitaret, illum ipsum rerum omnium præpotentem Deum multa tolerare, quæ non prober; ipse quoque in tantis angustiis multa a quibus animo & voluntate longissime abhorret, interea tamen sibi toleranda esse illatur, dum aliquid melius eveniret. Certe enim, Beatissime Pater, fretus ea spe, quam in Deo primum, deinde ex omnibus mortalibus in te posissimum collocavit, melius aliquando fore confidit. Multa oratione conficiuntur, quæ ferro nunquam confici possunt. Sæpe quos severitas frangere non potuerat, clementia inflexit. Equi adversus frenum contumaces, interdum selesore habenas remittente consistunt. Multi qui terrore & malo domari non possunt, indulgentia & facilitate mitescunt.

Pugnabitur adversus eos, qui a nobis dissident, præcibus assiduus, & privatis & publice ad Deum suis. Piorum & eruditorum concionatorum vox, præcipuum instrumentum Dei ad inferendam in animis hominum fidem, quæ in plerisque Galliarum partibus armis oppressa conticuerat, libere jam toto regno audietur. Licebit impia & pestifera dogmata rationibus & argumentis confutare ac redarguere, vera ac salutaria confirmare & constituere. Catholicæ Religionis usus & exercitatio, quæ multis ex locis indignissime sublata & expulsa erat, restituetur ac renovabitur. Dabitur a nostris opera, ut vitæ ac morum suorum exemplo ad bonas partes illiciant, & ad sanitatem perducant eos, quos armorum vis magis ac magis usque adhuc effrenavit. Rex ipse una cum Fratre, fortis ac strenuus, ac Catholicæ Religionis studiosissimo Principe, concordibus ac confociatis animis enixe omnia facient, quæ ad errores ex animis suorum evellendos accomodata esse arbitrantur. Catharina Regum mater, summa prudentia & consilio prædita mulier, & liberorum amans ultra consuetum matribus modum, cujus sine pax hæc prodiit, cujus præcipue opera & laboribus conflata & conciliata est, omne ingenium, quo plurimum valet, omnemque auctoritatem suam conferet ad filios in fraterna concordia perpetuo continendos, & ad populos ejusdem Religionis communionem devinciendos. Rex quidem ipse, quod maximi momenti est, non tam nomine, quam re & animo & tota vivendi ratione Christianissimus, vitam sibi potius eripi patietur, quam fidem: neque unquam degenerabit a majorum suorum nota testataque virtute: & quam tibi, Beatissime Pater, ac Sedis Apostolicæ, vere atque ex animo obedientiam præstat, eam se constantissime præstiturum usque ad extremum spiritum pollicetur. DIXIT.

## O R A T I O XXVI.

IN FUNERE PAULI FOXII, ARCHIEPISCOPI TOLOSANI,  
REGIS GALLIARUM ORATORIS

AD GREGORIUM XIII. PONT. MAX. ET  
AD SEDEM APOSTOLICAM.

*Habita Roma, in aede S. Ludovici IV. Kalend. Junii MDLXXXIV.*

**S**icut enim ac potentia, sic eruditionis ac sapientia hæredes a magnis ac præclaris viris institui possent, is demum  
Pau-

Paulo Foxio idoneus laudator reperiretur, quemcumque ipse sibi earum virtutum successorem esse voluisset. Nam nec in quo amplior & uberior omnium laudandarum artium seges effloruerit, nec in quo vis & copia dicendi major, quam in eo, existerit: ex omni memoria nostra deligi quisquam potest. Quo mihi majus ac difficilius onus impositum esse video, in hoc ornatisimo confessu de laudibus ipsius verba faciendi, quod neque unquam tubire auius essem, nisi & mea me multis abhinc annis suscepta aduersus eum observantia, ut id facerem, adduxisset, & eorum, quorum imperium detestare non poteram, auctoritas coegisset: neque nunc ei me ferendo parem fore considerem, nisi mihi, quod vix diu credibile est, ipsa levamento ac solatio esset difficultas. Nam si quemquam alium de Paulo Foxio pro ipsius dignitate dicere posse existimassem, valde me pueret in eum locum conscendisse, unde nihil aliud viderer præstitisse, quam ut summi viri laudes inopia dicendi dederem, nunc cum satis intelligam, quod mihi eventurum est, ut oratio mea longe multumque infra ipsius dignitatem jaceat, idem cuilibet quamlibet copioso & exercitato homini eventurum fuisse, facile patior delectum potissimum esse me, cujus prædicatione quasque præconio, admirabilium ipsius in omni genere virtutum, ad eos, quibus illæ forte minus notæ fuissent, qualiscumque cognitio perveniret. Sed quoniam & multa mihi ac præclara dicenda, & in unius semihoræ curriculum omnia concludenda sunt, ad res ipsas veniam, neque committam, ut ex tam brevi tempore pars a me ulla in rebus non necessariis consumpta videatur. Primum igitur, si generis nobilitas quidquam ad commendationem pertinet, vere hoc affirmare possumus non multas gentes, in universo terrarum orbe reperiri, quæ cum Gente Foxia vel antiquitate, vel rerum gestarum gloria comparari queant. Quæ cum ipsa per se nobilissima est, tum hoc nobilior, quod cum potentissimis Regibus & Imperatoribus multiplici se jam pridem affinitate devinxit. Nam ut vetustiora taceam, neque illa repetam, quæ quingentos fere abhinc annos a Comitibus Foxiis, gesta, & nobilium scriptorum consignata monumentis, nulla unquam oblitebit ætas, his certe centum proximis annis tres ex gente Foxia nobiles ac potentes Reginae extiterunt. Earum prima est Anna, Joannis Foxii Candalæ Comitissæ Filia, quæ Ladisla Bohemæ & Hungariæ Regi in matrimonium collocata,



filium ex eo sibi cognominem suscipit, uxorem postea Imperatoris Ferdinandi, matrem Imperatoris Maximiliani, aviam ejus qui nunc feliciter imperat Rudolphi. Secundo loco nominabo Catharinam, Gastonis quinti filiam, Reginam Navarræ, quæ in regnum, in quod Francisco Phæbo fratri suo successerat, dotale ad Joannem Albretium detulit, quo ex matrimonio natus est Henricus Rex, avus Henrici, a quo hodieque idem regnum hæreditario jure obtinetur. Sed & illius invidi Gastonis, Ducis Nemorensis, qui dum vixit, terror hostium Gallici nominis fuit, qui fulminis in morem hostiles turmas disjicere, qui quacumque incedebat, victoriam in manibus gestare videbatur, qui semper vincere assuetus, postremo ad Ravennam, dum pro Ludovico XII. a vunculo suo fortissime dimicat, etiam moriens vicit; ejus igitur Gastonis sororem, Germanam nomine, Ferdinandi Castellæ Regis matrimonium tenuisse, notissimum est. Neque hoc loco reticenda est Margarita Foxia Gastonis quarti filia, quæ Francisco Duci Britanniarum nupta, Annam ex eo suscepit, Caroli octavi primum, deinde etiam Ludovici duodecimi uxorem, ex qua nata est Claudia uxor Francisci primi, mater Henrici secundi, avia ejus, qui hodie regnat, & ut speramus ac cupimus, diutissime ac felicissime regnabit Henrici. Sed aut hæc satis sunt ad ostendendam summam nobilitatem gentis Foxiarum, aut non video quid satis esse possit. Ex hac tam illustri gente natus est Paulus Foxius anno Christi MDXXVI. I. patre Joanne Carmanii Comite, matre Magdalena Caupenia, nobilissimus quidem utraque stirpe, sed ingentem vir virtute sua cumulum ad veterem suorum gloriam additurus. Natus autem est ea non oris modo ac vultus, sed totius corporis pulcritudine, ut ex ipso aspectu imago quædam ingenitæ virtutis atque honestatis emicaret. Vidi equidem illum & adolescens adulescentulum, & vir virum, & senex senem, (mea enim, quam illius, biennio fere grandior erat ætas,) neque quemquam unquam videre memini, in quem verius conveniret id, quod Græci de Alcibiade prædicant, in omnibus ætatis partibus æque gratam ac jucundam ipsius formam fuisse. Ingenium ad omnes honestas disciplinas docile; & ad eas percipendas ita factum, ut quæ discerebat, non tam accipere a magistris, quam ipse ex se parere, & eorum reminisci quodammodo ac recordari, ex illa veteri Platonis sententia, videretur. Mores, & jam tum in illa ætatis teneritate graves, severi, compositi,

& hu-

& hu-  
ut eo  
tate  
revo  
cert  
qui n  
retu  
ama  
ad o  
tera  
conf  
lum  
peri  
litter  
phia  
cipie  
brev  
de u  
rit,  
dior  
curs  
cend  
bati  
etiam  
quot  
ita s  
rum  
acce  
unus  
nequ  
teros  
& eo  
quod  
& in  
tonis  
& ca  
ad ra  
se pe  
verte  
quib  
que d

& humanitatis tamen ac facilitatis condimento temperati: ut eos quibuscum una erat, & incredibili quadam jucunditate conciliaret sibi, & exemplo suo ab omni improbitate revocaret. Denique ut in herbescenti segetum viriditate certa prope spes futuræ messis appareret; sic nemo tunc erat, qui non eum a puero, qualis postea fuit, talem facile augureretur fore: justum, integrum, continentem, abstinentem, amantem pacis ac concordiæ, veracem, apertum, simplicem, ad omnium potius peccata, quam ad sua, conniventem. Litterarum studia ita puerulus adamavit, itaque in eo postea constanter perscivit, ut id unum a publicis negotiis diviticulum perpetuo habuerit, ut quidquid ab eis dabatur otii, semper in litteris omne consumperit. Græcis igitur & Latinis litteris Lutetiæ diligenter excultus, ibidemque in Philosophiæ studio magna cum cura exercitatus, Tolosam se ad percipiendam jurisprudentiam contulit, quo in studio tantos brevi tempore progressus fecit, ut adhuc adolescens publice de utroque jure magna cum omnium admiratione responderit, eosque honores consecutus, qui amplissimi, confecto studiorum curriculo, decerni solent, incredibili hominum concursu jus civile docuerit: cum ad eum inusitata quadam dicendi facultate, de obscuris dilucide de confusis ac perturbatis ordinatim ac dispositis, de dubiis enucleate differentem, etiam ii, qui diu magna cum laude docuerant, discendi causa quotidie convenirent. Inde cum in aulam Regiam venisset, ita statim Henrico Secundo Regi, acri ac perspicaci ingeniorum existimatori, ita cæteris principibus viris carus atque acceptus fuit, vix ut quisquam unus uni carior foret, quam unus hic universis. Ipse vero & officia obibat diligentissime, neque ullum diem abire patiebatur, quo non & regem & cæteros principes salutaret, & cum eis sermonem confereret, & eos, quo opus erat, deduceret ac reduceret. Neque tamen, quod plerique omnes aulici faciunt, reliquum tempus otiose & inutiliter absumberet: sed repetitis de integro studiis, Platonis præcipue & Aristotelis & Xenophontis ac Plutarchi, & cæterorum ejusdem notæ libros ad formandam vitam, & ad rationem gubernandæ Reipublicæ pertinentes ita studiose pervolutabat, ut eos in succum ac sanguinem suum converteret, omniaque eorum præcepta in numerato haberet, quibus non ad inanem loquacitatem, sed ad danda capiendaque de rebus maximis consilia tempestive uteretur. Historiæ quo-

quoque multum operæ ac studii dedit, gnarus illustria præcepta nulla re magis, quam exemplis illustribus confirmari. Itaque tum sacram, tum profanam, tum veterem, tum novam, tum domesticam, tum externam ita petraclaverat, ut quacunque de re dicere ingressus esset, optimis & accommodatissimis exemplis ad confirmandum id, quod volebat, nunquam non abundaret. Quid de temporum ratione, quid de terrarum situ, quid de populorum institutis, ingeniis, moribus, foederibus, quid de quarundam gentium inter se aut naturali consensione, aut odio vetere & ingenito loquar? quarum ille omnium rerum tantam noticiam habuit, ut id unum tota vita egisse videretur. His omnibus artibus instructus, cum jam ad obeundas legationes esset aptissimus, antequam tamen ullam earum susciperet, ex usu suo fore ratus est, in amplissimo Senatu Parisiensi per tempus aliquod versaretur, ibique disceptandis quotidie maximi momenti negotiis, firmiora & solidiora sapientiæ fundamenta jaceret, seque illi præstantium virorum cœtui quasi recoquendum & expoliendum daret. Quæ ipsius voluntate cognita, confestim Rex Henricus eum in Consiliarios numerum adlegit: in quo hic ei etiam præcipuus honos habitus est, quod cum in eo Senatu plura sint inter se distincta auditoria, quorum ad supremum non nisi gradatim pervenitur, Paulo Foxio jus inter primos assidendi, dicendæque sententiæ statim a principio tributum est. Ibi vero partam sibi antea juris intelligentiam assiduo tractandorum negotiorum usu ita perfecit ac perpulit, ut brevi tempore principem inter Jurisconsultos locum obtinuerit, cum eos quidem, qui in libris consenuerant, seque uni cognitioni dediderant, usu & exercitatione rerum forensium; eos autem, qui se magis ad usum forensium applicuerant, eruditionis copia & magnitudine; aut potius, si aperte id quod res est, exincta jam invidia, profertori volumus, utrosque utraque laude superaret. Prima inde legatio in Scotiam fuit, sub id tempus, quo Maria Regina Scotiæ, mortuo Francisco II. viro suo, in regnum suum reverterat. Ubi Foxius ea fundamenta jecit & tuendi regis & conservandæ religionis, in quibus si postea pari fide ac consilio ædificatum esset, fortassis hodie neque Regina miserabiliter captiva teneretur, neque status religionis aberraret. Illinc cum rediisset, anno MDLXI. Legatus in Angliam missus est, ubi quadriennium integrum, tanta fide ac diligentia

tanta



tanta dexteritate ac prudentia, tanta perspicacitate ac so-  
 lertia in munere suo versatus est, ut magnis interea in Gallia  
 motibus excitatis, nihil Angliæ Regina struere, nihil moliri,  
 nihil machinari potuerit, ad conatus eorum, qui a Deo & a  
 Rege rebellaverant adjuvandos, quod non ipse detexerit ac  
 patefecerit, Regique indicaverit, eique viam ac rationem  
 offenderit, qua perniciola Jezabelæ consilia mature præve-  
 niret & occuparet. Foxii præcipue consilio occultisque mo-  
 nitis, inita est a Rege ratio extorquendi ex Anglorum mani-  
 bus celeberrimi ac munitissimi portus Gratiarum, quo illi  
 sibi hæreticorum opera tradito Galliam ab ea parte obsessam  
 tenebant. Foxii consilio repertum est, quo modo Rex ea pa-  
 catione, quam Henricus II. fecerat, de restituendo Anglis in-  
 tra certum tempus Calitio solverentur: atque obsides eo no-  
 mine dati, dimidio ejus pecuniæ, qua Rex depaciscendi fa-  
 cultatem dederat, redimerentur. Illud vero commemoratio-  
 ne dignissimum, quod quam diu in Anglia fuit, nullum un-  
 quam diem intermisit, quin, quamlibet tremente Regina,  
 sacrosanctum Missæ sacrificium domi suæ celebrari jussit:  
 ad quod clam avide conveniebat ac concurrebat magna &  
 Anglorum & exterorum Catholicorum multitudo, quos ille  
 fovebat, consolabatur, protegebat; quorum omnium arx, por-  
 tus, præsidium, perfugium erat; a quibus non tantum mala  
 multa imminencia depulit, sed effecit etiam, ut multa  
 damna, quæ eis data erant, restituerentur. Ob quæ merita  
 ubi primum ex Anglia revertit, in sanctius atque interius  
 Regis consilium adlectus est. Secuta legatio Veneta: in qua  
 non tantum Regi cumulatissime satisfecit, sed etiam illis sa-  
 pientissimis Patribus; universæque Venetæ civitati jucundis-  
 simam virtutum suarum memoriam reliquit. Cujus legationis  
 expleto tempore, cum in aulam redisset, inter rogatos Re-  
 gis consiliarios, & tranquillis & turbidis rebus, unus semper  
 e principibus fuit: cum & doctrina & usu rerum, & prudentia  
 excelleret: neque sibi quidquam, præter sincerum Dei  
 cultum, dignitatem & utilitatem regiam, ad levationem ve-  
 xati tot acerbitatibus populi, in dicenda sententia proposi-  
 tum haberet. Inde sub finem anni MDLXXIII. legatus de rebus  
 gravissimis & ad Summum Pontificem, & ad plerisque Ita-  
 liæ Principes, quæ sibi mandata erant, illa toties experta fi-  
 de ac dexteritate transegit. Interea, cum Gallici tumultus  
 utcumque compositi viderentur, missus est a Rege ad  
 Hen-

Henricum Regem Navarræ, qui tunc in Aquitanis erat, ut enim auctoritate ac præsentia sua in officio contineret. Quamquam autem vitari nullo modo potuit, quin anno post novæ turbæ concitarentur: tantum tamen Pauli Foxii virtute perfectum est, ut, cum quibuscumque aliis in locis hæreticorum factio potentior erat, divini cultusne vestigia quidem relinquerentur, everterentur templa, sacerdotes crudelissime contrucidarentur: Aginni, quæ urbs secundum Burdegalam Aquitanix principatum obtinet, & in toto eo tractu, rebus divinis libere opera daretur, starent facta templa, sacerdotes ab omni contumelia & iniuria tuti forent, sacræ & Catholicæ conciones nunquam intermitterentur: cum & publice & privatim Forius Catholicis animos faceret, eosque ad bene sperandum excitaret; ita ut eorum protector, conservator, parens uso omnium consensu haberetur. Scripsit ea de re Clerus Aginnensis ad virum summa dignitate præditum Carolum Ramboletum Cardinalem, petens ab eo, ut, hæc omnia Summo Pontifici diligenter exponeret, eique omni asseveratione confirmaret, quicquid templorum, quicquid sacerdotum cæterorumque divino cultui mancipatorum hominum in ea provincia maneret, id omne secundum Deum, unius Pauli Foxii virtuti auctoritatique deberi. Sæpe igitur in magnum vitæ discrimen adductus est, cum iniquo animo ferrent milites a templis deprædandis cupiditatem, a sacerdotibus mactandis crudelitatem suam unius hominis auctoritate prohiberi. Multa præterea memoratu dignissima: sed mihi non tam orationis conquirenda copia est, quam vestra satietas refugienda. Decernitur ei a Rege legatio ad Summum Pontificem: ita tamen, ut priusquam in eam proficisceretur, una cum Catharina Regis matre Aquitaniam, Galliam, Narbonensem Provinciam, Allobroges obire, in singulis oppidis consistere, ac conventus agere, resque perturbationas, quantum temporum ratio ferret, optime ac commodissime componere juberetur. Quid ego nunc dicam, quam salutare iter illud fuerit, aut quantum afflictis rebus levationem attulerit? Catholica religio multis in locis, a quibus exulabat, restituta; bona sua, & exercendorum munerum suorum facultas, Ecclesiæ ministris reddita: multorum animi qui nutabant, confirmati; multa munita loca in Regis potestatem redacta; audita

popul  
super  
omni  
den  
Lugd  
more  
bavit  
iple  
Nequ  
Ponti  
gratu  
acter  
mo, f  
tem  
vacav  
erant  
& E  
Imbi  
denti  
omne  
dasqu  
tione  
sticor  
Cleric  
nola  
pere,  
fufcip  
stuitu  
servat  
ni &  
homin  
me r  
dehix  
mam  
monid  
valeri  
noluit  
Aus  
post,  
causa  
& ali

populi querimoniarum; adhibita remedia multis malis, quæ superiorum temporum calamitate importata erant. Quarum omnium rerum laus Deo primum, deinde Pauli Foxii prudentiæ magna ex parte tribuenda est. Regina Regis matre Lugdunum utque deducta, Romam iter cepit: ubi ita se, moresque suos, totamque ante actam vitam Pontifici probavit, ut ab eo decoratus sit Archiepiscopus Tolosano, ad quem ipse multis ante annis miro bonorum studio efflagitabatur. Neque dici potest in obeundi Legati munere quantopere & Pontifici, & Regi, & omnibus summis pariter ac infimis gratus, acceptusque fuerit, integritate vitæ, summa vultus ac sermonis comitate, promptissimo ad opem ferendam animo, siue quis auxilio, siue consilio indigeret. Quamquam autem nulla ei pars ætatis a magnis memorabilibusque rebus vacaverat, exigua tamen omnia videri poterant, præ ut ea erant, quæ ag tabat animo, si quando in Galliam redire, & Ecclesiam sibi creditam præfens gubernare potuisset. Imbiberat enim penitus, in mandata sibi provincia ad Tridentini Concilii præscriptum omnia revocare & exigere omnem munus Ecclesiasticorum nundinationem, scædæque illas, sed nimis usitatas, eorum fiduciarias mancipationes funditus tollere, dissolutos ac disfluentes Ecclesiasticorum mores severis legibus coercere ac constringere, Clericorum seminaria instituere, templa everta erigere, ruinosa fulcire, redditus Ecclesiasticos injustis possessoribus eripere, Xenodochiorum ac Collegiorum præcipuam curam suscipere, & perficere ut eorum, qui illa fundassent atque instituisent, mens ac voluntas diligenter ac religiose observarentur; omnia denique summo studio facere, quæ ad boni & inculpati Præsulis officium pertinerent. Sed o spes hominum fragiles! o fallacia consilia! Hæc cum tum maxime meditantem, & ea una in cogitatione noctes dietque defixum, morbus gravis & mortifer occupavit. Cujus primam impressionem expertus est adstans ad aram, cum solemnissime die, quamquam principium quoddam leviter commotæ valetudinis sentiens, abstinere tamen a re divina facienda noluisse. Quem cum & medicorum cura, & singulari viatus temperantia depulisse jam videretur, haud ita multo post, cum ad hominis Galli de magna re sua periclitantis causam adjuvandam, ut erat in omnes officiosissimus, iniquo & alieno tempore accurrisset, domum ut rediit lassus, de-



nno decubit: nec alius ei postea morbi quam vitæ finis fuit. Quo autem ille animo morbum sævientem, quo mortem certam tam & imminentem tulit? quot quantasque moribundus animi vere Christiani significationes dedit? Qua submissione animi peccata sua confessus, eorum sibi veniam a Deo & a Pontifice dari petiit? Qua veneratione sacrosanctum Christi Corpus, excoxit? Quam placide ac patienter sacro oleo perunctus ac delibutus est? Quibus omnibus Sacramentis armatus ac munitus, cum toto morbi tempore, non tantum quamdiu sui compos erat, sed etiam cum propter vim morbi in capite grassantem aliquo mentis errore afficeretur, sic quoque tamen nihil aliud quam Christum, Christum Deum suum, in ore perpetuo habuisset, ad eum, quem sperabat unum, quo fidebat uno, ut quidem speramus ac cupimus, evolavit. Hæc, Paule Foxi, quantam quamque iustam multis incedendi occasione morte tua obculisti; etsi tua quidem causa nihil est quod lugeamus. Tu præclare ac laudabiliter vitæ cursum confecisti. Tu ita maximis honoribus perfunctus es, ut te semper homines majoribus dignum iudicarent. Tu autem laceßere te invidiam virtute constantiaque superasti. Tu, quod ii, qui olim habiti sunt sapientissimi, in aliqua felicitatis parte posuerunt, in ipso senectutis limine ereptus, independentia deterioris ætatis incommoda morte vitalis. Is cuius tu iudicium maxime faciebas, Gregorius Pont. Max. & vitam tuam summe probavit; & mortem non modo honorificentissimis verbis, sed etiam lacrymis persecutus est. Omnium erga te ordinum charitatem satis hæc ipsa principum virorum, quæ ad cohonestandum funus tuum convenit, multitudo declarat. At Tolosæ dolendum, quæ similem tui pastorem nunquam fortassis habitura, prius te spoliata est, quam vigilantæ tuæ fructum ullum percipere posset. Dolendum Regi, qui tam duris temporibus, tanta fide, tanta prudentia præditum Consiliarum amiserit. Dolendum Ecclesiæ, quæ labantibus in Gallia rebus suis magnam auxilii spem in auctoritate tua collocarat. Sed omnibus in rebus divinæ voluntati acquiescendum est. Nos, quod unum tibi præstare possumus, & colemus memoriam tui, & te tuis ex animo precibus adjuvare conabimur, sperantes fore, ut ipsi vicissim tuis precibus adjuvemur. DIXI.



MARCI ANTONII  
MURETI  
ORATIONUM  
VOLUMEN ALTERUM.

DE MYSTERIO ET FESTO CIRCUMCISIO-  
NIS DOMINICÆ.

ORATIO PRIMA.

*Habita in Sacello Pontificio Kal. Jan. MDLXXXIV.*



Quod felix faustumque sit tibi, Beatissime Pa-  
ter, vobis, Patres Amplissimi, nobisque om-  
nibus & universæ Reipublicæ Christianæ,  
exorientis anni primus hic nobis illuxit  
dies. Quo die optare ac precari mutuo so-  
lebant veteres, ut sibi annare perennare  
feliciter liceret; seduloque operam dabant, ut dira, &  
tristia, & feralia ne nominarent quidem: sed bona tan-  
tum verba dicerent; jurgiis utique omnibus abstergerent;  
lata inter se omnia & amica loquerentur. Quo nos æquius  
est, conjunctis & vocibus & animis tibi, Beatissime Pater, cu-  
jus vita tanto opere bonis omnibus optabilis est, cuius salute  
magna ex parte tranquillitas orbis terrarum continetur, cu-  
jus ex hilaritate publica hilaritas pender, non hunc modo,  
sed secururos etiam annos faustos ac felices precari, & omni  
ope conari, ut ea tantum loquamur, quibus Christianas men-

tes hilarari par est: dira autem & tristitia, id est, ea quæ Deo displicere novimus, neque loquamur, neque cogitemus. Ac mihi quidem hujus anni principio, plura etiam solito concurrere videntur, propter quæ nobis hic dies augustior & religionis ac sanctimonix plenior esse debeat. Idem primus anni dies est, & dies Dominicus, id est, primus omnium dierum; natalis cœli, terræ Angelorum; natalis ipsius temporis: quo die populus Israeliticus maris rubri transitu a Pharaonis servitute liberatus, nostræ a servitute peccati per baptismum liberationis typus fuit; quo die primum manna e cœlo defuit; quo die verum manna natus est Christus; quo die in vitam effractis mortis repagulis rediit; quo Spiritus sanctus cœlo demissus beatissimum illum cœcum divina luce collustravit, inflammavit, corroboravit. Agendum igitur, precati eundem illum Spiritum, ut & mihi dicendi, & vobis audientibus adesse dignetur, de mysterio Circumcisionis dominicæ, quæ nobis ex Evangelio paulo ante recitata est, pauca quidem, sed, Deo dante, animis profutura, meditemur. Tribus autem capitibus mea concludetur oratio. Primum enim dicam de institutione Circumcisionis. Secundum de Christo voluerit circumcidi. Postremo quid nobis attulerit Circumcisio Christi: & quem ex ea fructum capere debeamus.

Omnes ritus externi, quos populo Hebræo, quem præ cæteris diligebat, observandos Deus ipse præscripserat, eorum quæ adveniente Christo expleta sunt, figuram quamdam ac præsignificationem continebant. Quoniam enim populus ille duræ, ac rigidæ cervicis erat; neque facile capiebat, nisi ea, quæ corporeis oculis videret, quæque contrectaret: idcirco ei Deus proponebat crassa quædam & corporalia, ut eum facilius ad spiritualia intelligenda quasi manus duceret. Hujus generis fuit & Circumcisio: quam Abrahamo, fœdus cum eo statuens, & in ipsius semine omnes gentes benedictum iri pollicitus, in carne fieri imperavit Deus, ut illi jam tunc eminus ostenderet futuram, cum ille desideratus gentibus advenisset, perfectam animorum ac mentium Circumcisionem. Cujus perfectionem ut symbolicè exprimeret, octavum illi diem præstituit quo numero in scripturis divinis absolutio ac perfectio significari solent. Lapideum etiam cultrum ad eam adhiberi voluit: ut ostenderet, perfectam Circumcisionem fore in lapide, in illo, inquam lapide angulari, qui summis ima connectit, qui facit



utraq; unum; in illa petra, ad quam beati sunt, qui alligant parvulos suos; ex qua fluit mel, quo saturatur populus Dei; ex qua perpetuo erumpunt aquæ salientes in vitam æternam. Carnis igitur circumcisio, ut præclare scribit Ambrosius, mysticum quoddam præceptum fuit castimonie & coercendarum ac refrenandarum cupiditatum. Ideoque in ea corporis parte iussa est fieri, in qua præcipue libidinis impuritas effervesce videtur. Sed non est inutilitatem, ex parte totum intelligi: ut cum caput pro homine dicimus; ut cum ex oculorum aut genarum pulchritudine totius corporis pulchritudinem intelligi volumus. Sic igitur & Deus unam modo corporis partem circumcidi iussit: cum tamen vellet, inania omnia & supervacanea & immoderata refecari. Et hoc est, quod Abrahamo imperavit, ut circumcideret non se modo & filium, sed & vernas, & eos, quos pretio comparasset. Vernæ sunt sensus nostri; vernæ sunt facultates animæ; vernæ sunt affectiones quædam omnibus nobis ingentæ: domi enim nasci videntur. Hæc igitur omnia circumcidenda sunt. Circumcidit oculos suos, qui avertit eos, ne videant vanitatem. Circumcidit os suum, qui diligenter caveat, ne in eo inveniat dolus. Circumcidit aures suas, qui sepiet eas spinis, ne voces improborum audiant. Circumcidit ingenium suum, qui sapit ad sobrietatem, refugitque ita scrutari majestatem, ut opprimatur a gloria. Circumcidit memoriam suam, qui bona fide obliviscitur injuriarum. Circumciderat pater Abraham naturalem erga liberos charitatem, cum filium sibi carissimum immolare, mandante Deo, parabat. Circumcidit amorem vitæ, qui odit animam suam in hoc mundo, ut eam in futuro lucretur. Sed & pretio emptæ, id est, labore & studio partæ, opes, honores, potentiam eruditionis ac doctrinæ copiam, talia omnia, qui non circumciderit, ejus anima morietur.

Dixi breviter de institutione Circumcisionis. Sequitur, ut dicam, cur Christus circumcidi voluerit: quem constat & supra legem fuisse, & circumcissione nihil eguisse. Aperi nobis, Christe, causas eorum, quæ causa nostra pertulisti. Venerat Christus non ut everteret legem, sed ut impleret; factus erat sub lege, ut eos, qui sub lege erant, liberaret. Sua igitur voluntate subditus legi, ea, quæ legis erant, implere omnia voluit. Voluit etiam, ut qui omnia provideret ac prospiceret, jam tunc confutare errorem illorum, qui negaturi

erant, corpus ipsius vere corpus fuisse. Certe enim circumcidi & sanguinem fundere, nisi verum corpus, non poterat. Cupidus igitur salutis nostrę, purissimi illius sanguinis, quem pro nobis in Grate fulurus venerat, jam nunc tener puerulus guttas aliquot sparsit. Sic cum e mortuis surrexisset, palpandum se ac contrectandum Thomę dedit: ne cui unquam locum ul- lum relinqueret de corporis sui veritate dubitandi. Sed & nos exemplo suo obedientiam & submissionem animi docere voluit, ut cum eum, qui legibus omnibus superior erat, legi tamen paruisse videremus: tanto promptius ac libentius colla suavissimo ipsius iugo submitteremus. Sic ab Johanne citra ullam necessitatem in aqua baptizari voluit, ut nos in aqua & Sp̃ ritu sancto baptizaremur; sic beatissimam Virginem Matrem suam purificari, qua tamen nihil unquam purius fuit; sic agno paschali & azymis cum Apostolis vesci, ut nos ipso, qui verus agnũs, verus panis azymus est, vesceremur. Explevit denique legitima omnia, ut nos explendorum illorum necessitate soluti ac liberati, quę vetustis partibus in figura obtigerant, eorum veritate frueremur. Quamvis igitur Petrus, quo facilius Judęos ad Christi fidem alliceret, circumcissionem toleravit ad tempus; quamvis Paulus, qui omnia factus est omnibus, ut omnes Christo lucrificaret, eadem de causa Timotheum circumcidisse legitur, quod lacte ali oportebat eos, qui solidi cibi nondum capaces erant: nos tamen hodie veritate patefacta ac definita, carnis quidem circumcissionem non tantum ut mortuam omittamus, sed ut mortiferam refugiamus, ne impletam a Christo legem negare, & alibi quam in ipso spem salutis collocare videamur: sed pro illa veteri figura veram mentium & animorum circumcissionem amplectamur; omnem inanitatem, omnem fasum, omnem libidinem, omnia denique vitia a nobis circumcidamus, reseceamus, amputemus. Vere de carnis circumcissione ab Apostolo dictum est: *si circumcidamini, Christus vobis non prodest quidquam*. Vere hoc quoque de circumcissione cordis dici potest: nisi circumcidamur, Christum nobis nihil profuturum. Christe Jesu, qui hodierno die causa nostra circumcisis es, fac ut nos quoque tua causa circumcidamus: evelle ex cordibus nostris omnes radices vitiorum: elide fibras omnes cupiditatum; exstingue omnia nequitie semina: perseca gladio verbitui quicquid in nobis reductat: ure igne Spiritus sancti spinas illas, quę in nobis perpe-

## O R A T I O I.

199

perpetuo succrescentes tui seminis profectum impediunt: ut expedito pondere inutilium sarcinarum, sua vestigia facilius & alacrius persequamur. Tu vero, beatissime Pater, quem merito alterum Abraham vocare possumus, pater multarum gentium, pater Neophytorum, quos tam multos te Pontifice Christo renascentes videmus, pater Græcorum, qui reiectis erroribus gentis suæ in spem reliquorum convertendorum, tua liberalitate, educantur, pater Germanorum, pater Britannorum, quibus miseris, pro fide Christi vexatis, patria pro carcere ac carnificina, Roma pro patria ac domicilio est, pater pupillorum, pater viduarum, pater omnium Christo hæerere cupientium, qui nuper in ista viridi ac vegera senectute, tot repente fusus purpureis floribus, ver media hyeme renovasti, & ad coronam, qua sacrosantum caput tuum cingitur, tot longe lateque lucentes gemmas addidisti: ingredièrè ut facis bonæ spei plenus feliciter in hunc annum: multiplicentur dies tui: restoret caro tua: renovetur, ut aquilæ, iuventus tua, ut cum una nobiscum tu novus Abraham tot annos, quot vetus ille vixit, exegeris, ab illo, qui hodie circumcissus est, Abrahami secundum carnem filio, in regnum promissionis filiis ab æternò præparatum eveharis. Amen, Amen, Domine Jesu, qui cum Patre & Spiritu sancto unus Deus vivis & regnas per innumerabiles myriadas sæculorum.

DE S. JOHANNÈ EVANGELISTA.

## O R A T I O II.

*Habita in Sacello Pontificio VI. Kal. Jan. MDLXXXII.*

**T**Ribus de causis ab Ecclesia divinitus institutum arbitror, Beatissime Pater, vosque Patres amplissimi, ut quo die cuiusque Sanctorum memoria recolitur, eodem die de vita, ac laudibus ipsius aliquid publice differatur. Primum, ut eis honos debitus non pro ipsorum dignitate, sed pro virium nostrarum tenuitate, tribuatur; deinde ut omnes nos ad persequenda, pro suo quisque modulo, eorum vestigia incitemur; postremo, ut, cum eos & generis nostri amantissimos, & apud Deum, cum quo regnant, gratiosissimos esse intelligamus, opem

Nº 2

ipso-



ipſorum ad conciliandam nobis Dei gratiam poſtulemus. Hodie igitur, cum mihi, licet immerenti, minimeque ad tantum munus ſuſtinendum idoneo, mandatum ſit, ut in hoc majeſtatis & venerationis pleniffimo loco, de illius, quem Chriſtus eximie præter cæteros amavit, S. Johannis Apoſtoli & Evangeliftæ laudibus breviter diſſeram: tria illa, quæ dixi, quantum in me erit, præſtare conabor, ſperans fore, ut, non propter me, ( neque enim dignuſum, qui hic audiar, ) ſed propter eum, de quo dictuſum ſum, mea benigne ac placide excipiat oratio.

Quid igitur primum in hoc ſanctiſſimo planeque divino viro laudabimus? quid primum proponemus, quod miremur? Quid prius, quam quod Chriſto ſe vocanti ne tantulum quidem reſuſtatus, facilem ſe illi ſtatim ac morigerum præbuit? Nulla ille adhuc eum admirabilia opera edentem viderat; non regio cultu atque apparatu nitentem, non ingenti ſacellitum turba ſtipatum videbat: neque tamen ita reſpondit: Qui tu es, qui tam pro imperio, ut te reſiſtis omnibus ſequar, jubes? Quam mihi ſpem, ſi id fecero, vitæ melioris ac nitidioris oſtentas? Nihil tale: ſed illo divinæ vocis oraculo, tanquam penetrabili quodam jaculo, uſque ad ipſam animæ medullam tranſiſſus ac tranſverberatus, diſertis parentibus, abjecto omni instrumento artis, qua uſque ad eum diem victitaret, nulla interpoſita mora, totus ad Chriſtum & corpore & animo tranſiit. Nimirum ut excitata materia ignem facile comprehendit: ſic animus ille ab omni improba cupiditate purus ac ſiccus ad conjeſtam unicam ignis divini ſcintillam totus exarſit, Felix piſcatio, felix jaſtus, felicia retia, quibus piſcator ipſemet captus, eum viciffim, a quo captus eſt, cepit! At nos miſeri, in medio Eccleſiæ gremio nati atque educati, tot teſtimoniis, tot miraculis, tot Sacramentis confirmati, quam ſæpe vocanti nos Chriſto reſiſtimus! quam ſæpe pulſanti cordis noſtri ſeres aperire nolumus! quam ſæpe noſ ſub alas ſuas congregare cupientem reſugimus! Jam vero cum ſe ad optimum magiſtrum optimus diſcipulus contuliſſet, ita ſe ad illius voluntatem conformare, ita ſermones illius a vide haurire, ita ex nutu illius pendere cœpit, ut nunquam ab ejus latere diſcederet; nihil ſibi præter eum dulce, nihil amabile, nihil expetendum duceret; omnem ſpem, omnem ſuavitatem, vitam denique ipſam in eo videndo atque audien-

do positam crederet. Itaque tanta sibi eum charitate devinxit, ut ab eo, quem amor erga homines hominem fecerat, ipse tamen eximie ac singulariter præ cæteris omnibus selectoribus ac discipulis amaretur. Cujus præcipui amoris causam quamvis magni ac probati scriptores ad perpetuam & animi & corporis castimoniam referunt: ego tamen, ut hoc non nego, ita non dubito, etiam alia fuisse, quæ tantam illi apud Christum gratiam conciliaverint. Omni ex parte amore dignissimus fuerit oportet, quem optimus iudex amore dignissimum judicavit. Et quando in divinis litteris ne propria quidem plerumque singulorum nomina mysterio carent: vere hic ac merito Johannes vocatus est, quo in nomine Hebraicæ linguæ periti divinæ gratiæ significationem inesse ajunt. Neque vero facile dixerim, utrum majus ac præstabilius sit, plus cæteris amare Christum, an plus cæteris a Christo amari: quorum illud Petro, hoc Johanni sacerarum litterarum auctoritate tribuitur. Novit hoc, qui novit omnia. Nobis certum exploratumque sit, & summe amari, qui summe amet: & summe amare, qui summe ametur. Et tamen ille Coryphæus Apostolorum & a Domino aliquoties acriter & severe objurgatus legitur, & illum durissima illa ac pavoris plenissima nocte ter abnegavit: hic purissimus Domini amator neque unquam ab eo confitendo deterritus est, & eum usq; ad ipsam Crucem secutus esse perhibetur. Ter & amplius beata copula, quæ Deum & hominem cum homine Dei simillimo, indissolubili amoris nodo colligavit! Propter hanc igitur nullis humanis verbis enarrabilem charitatem, testis perpetuus adhibitus est a Domino illius omnibus operibus, quibus ipse Divinitatem suam quam maxime patefacere quasque contestari volebat. Vidit eum non modo morbos fugantem, immundos spiritus ejicientem, cæcos videre, surdos audire, multos loqui jubentem, mortuos excitantem, ventis & fluctibus imperantem. quod alii quoque viderunt: sed cum Dominus admirabilem illam Divinitatis suæ gloriam quibusdam ex Apostolorum numero, mortali adhuc corpore conclusis, aliqua ex parte spectandam exhibere statuisset, ejusque rei causa in montem Thabor conscendisset; ad hoc gloriosissimum spectaculum Johannem cum aliis duobus adsumpsit. Ea quoque nocte, qua futurum erat, ut in manus inimicorum traderetur, cum, ut qui verus homo esset, cogitatione imminentium contumeliarum & ap-

propinquantis sævissimæ mortis augetur: ob idque Patrem oraturus a multitudine secederet: eosdem sibi tres illos comites quibuscum animi sui mœrorem familiarius communicaret, abduxit.

At hæc, quamquam magna sunt, ei tamen cum aliis communia sunt: quæ subjungam, hujus propria ac peculiaria. Cujus enim amoris videtur, quod in illa mysteriorum plenissima Cœna, quam Dominus cum suis, antequam morte sua mortem nostram deleteret, exegit, qui in illo sacrosancto sinu recumberet, hic potissimum electus est? Tunc de videlicet illius beatissimi pectoris pressu, in quo Pater omnes scientiæ ac sapientiæ thesauros condiderat, in mortem ejus aquilæ, sub cuius figura eum tanto Exachiel viderat, non usque ad tertium modo cœlum, ut Paulus, sed longe supra omnes cœlestes orbis effectus, & ipse cœlum quodammodo effectus, ea no tantum didicit, sed vidit ac spectavit, quæ cum postea exponeret, Theologi nomen propriè effecit suum. Inde illa fluxerunt, quæ cum immortalis voce intonare, cur a Domino tonitruum filius vocatus esset, ostendit: *Vidimus, vidimus gloriam ejus, gloriam quasi unigeniti a patre. Et rursus: Quod fuit ab initio, quod audivimus, quod vidimus oculis nostris, quod perspeximus, & manus nostræ contraxerunt de verbo vitæ, testamur & annuntiamus vobis.* Neque non illud singulare, quod Dominus in Cruce jam pendens, id quod carissimum habebat in terris, nitidissimum illud domicilium Spiritus sancti, illam omnis matulæ expertem Matrem suam Johanni commendavit, eumque illi filiū esse jussit. Beatissima Virgo, quid tibi tunc animi fuit, cum alterum tibienatum filium audires. Certe unum pepereras Unigenam ut Dei, sic tuum. Sed veri amoris ea vis est, ut ex pluribus unum efficiat. Ita vere dicere poteras, hoc quoque filio accepto, unicum tamen tibi Filium esse. Tu vero, beatissime Apostole, quantam tunc amoris prærogativam consecutus es? quantam tibi a Domino supra cæteros coheredes prælegatum est? Quantam consolationem sensisti acerbissimi doloris, quem ex Domini morte capiebas, cum talem thesaurum apud te ab eo deponi, cum te ipsius voce in suum locum substitui videres? Jam minus miror, quod subvectus amoris alis ad sepulchrum ipsius ea celeritate properasti, ut etiam Petro præcurreris, quod cum in vitam, superata morte rediisset, stantem in litore primus agnoveris. Obversabatur ille tibi perpetuo ante oculos: neque poterat ulla res



intervenire tanta, quæ memoriam ipsius ex animo tuo obli-  
 teraret. Longus sum, si cætera sigillatim persequi velim ut  
 fertilia & opima Asiæ arva divini verbi semine obseverit; ut  
 mortiferum poculum innocuus obduxerit; ut in ferventis  
 olei dolium injectus illæso corpore exierit, tanquam nefas  
 ducente flamma eos artus violare, quos nulla unquam libi-  
 dinis flamma violasset; ut relegatus in Pathmon, divinum  
 illum libellum Apocalypseos conscripserit, quo quæ postea  
 contingerunt, ita complexus est, ut non ea eventura vidisse,  
 sed eorum, cum jam evenissent, historiam contextuisse videat-  
 ur; ut rogatu fratrum, ad retundendam Cherinthi, Ebionis,  
 Marcionis rabiem, Evangelium, jam centum, ut Sanctus  
 Chrysostomus auctor est natus annos litteris consignaverit;  
 ut cum præ senectute, ad plura verba non sufficeret, cygne-  
 am illam cantationem: *Filioli diligite inter vos*, sæpe in Ec-  
 clesia iteraverit, cum hoc præcepto omnia diceret contineri;  
 ut denique, cum Ephesi, in summa tranquillitate usque  
 ad centesimum & vicesimum ætatis annum adventum Do-  
 mini expectasset: ita ut Dominus fore prædixerat, excessu  
 placidi soporis simillimo ad eum evolarit. O te sanctissime  
 Joannes, & supra quam a nobis aut dici aut cogitari potest,  
 beatum! qui virgineo nitore, apostolica dignitate, evangeli-  
 stæ gloria, martyrii, citra violentam mortem, laurea, pro-  
 phetico spiritu, unus ex omni cœli colarum número insignis,  
 quæ singula cæteros ornant, consecutus es universa. Tu, tu  
 igitur, Beatissime, suscipe causam nostram: pone nos apud  
 eum in gratia, apud quem tu semper in maxima gratia fui-  
 sti; commenda nos ei, quæ tibi commendata est, ut ei qui ti-  
 bi illam commendavit, utriusque precibus commendemur:  
 tu, cui venenum nocere non potuit, effice ne cuiquam no-  
 strum hæreticorum venena noceant: tu, quem oleum fer-  
 vens non læsit, impetra nobis, ne unquam pravaram cupi-  
 ditatum fervore lædamur: procurato Christianis Principi-  
 bus illam, quam tu tantopere commendabas, pacem & ani-  
 morum conjunctionem: imprimis autem Gregorio XIII. Cle-  
 mentissimo Patri ac Domino nostro obtine a Christo placi-  
 dissimam & tuæ simillimam senectutem; ut cum Ecclesiæ  
 pacem fundaverit, cum oves, quæ aberrarunt, in Christi ovile  
 reduxerit: cum, quod facere jam feliciter exorsus est, ut no-  
 men Jesu omnium gentium linguis celebretur, effecerit: vi-  
 gil, prudens, fidelis dispensator inventus; super omnia bona

constituatur, illius, qui cum Patre & Spiritu sancto unus Deus vivit & regnat ultra omnem æternitatem. Amen.

CUM SENECE LIBRUM DE PROVIDENTIA  
INTERPRETATURUS ESSET.

O R A T I O III.

*Habita Roma III. Non. Jun. MDLXXV.*

**D**E Seneca nihil hoc loco constitui dicere: nam si vituperatores illius confutare vellem, necessario mihi ducenda essent præcipua argumenta e scriptis ipsius, ut ostenderem eum & doctrinæ copia, & scribendi elegantia longe multumque omnibus obrectatoribus suis præstitisse. Nunc cum apud eos disseram, quibus Senecæ scripta nota non sunt: (quotus enim quisque vestrum ante hunc diem ea, non dicam, evolvit aut legit, sed inspexit aut attigit?) puto me commodius esse facturum, si prius hunc libellum mole quidem, ut videris, exiguum, sed & orationis ornamentis, & argumenti gravitate, ut sentietis, eximium, vobis proposuerō; ac deinde permiserō, ut ex eo Senecam, tanquam ex ungui, ut dicitur, leonem æstimantes, de ipsius sapientia & eloquentia arbitrato vestro judicetis. Urbane Ulysses apud Euripidem in Cyclope, cum Sileno vinum venditurus esset, ita eum alloquitur:

*Vin' tu prius gustare quid vini feram?*

Cui Silenus:

*Ita convenit, nam gustum emptorem vocat.*

Ego quoque cum vobis hunc scriptorem non quidem vendere, sed certe commendare, atque, ut apud vos in pretio sit, efficere cupiam, debere videor eum vobis prius quasi gustandum dare. Hoc tantum a vobis peto, ne quid huc præjudicæ opinionis adferatis, neve permoveamini stultis ac temere jactis vocibus quorundam, qui quæ non intelligunt, vituperant. Tribuite hoc mihi, ut me non quidem valde intelligentem & idoneum, sed tamen non multo deteriorem, quam isti sunt, harum rerum judicem existimetis. Qui cum & ex quo huic muneri præpositus sum, nihil antiquius habuerim, quam ut vos, quantum in me est, omni liberali doctrina excolam atque augeam, & multorum annorum laboribus ac vigiliis hoc consecutus sim, ut non in vulgus modo, sed apud ipsos principes civitatis non omnino malus eloquentiæ existimator

tor habear: non debeo videri ut tamen iniquus, ut obstaré profectui vestro, aut tam stultus, ut existimationi meæ nocere de industria velim. Sed hæc quidem hæc: jam enim, quod hujus libri argumentum sit, explicare decrevi. Vos, quæso excitare atque expergefaccite animos vestros, quæque de rebus omnium maximis ac gravissimis dicere ingredior, ea ut penitus percipiatis, operam date.

Veteres illi, quorum animi densissimis errorum tenebris involuti, ea, quæ nobis divinitus affulsit, æternæ veritatis luce caruerunt, cum verum Deum ignorarent, in varias sententias distrahebantur, & ut nullo firmo ac stabili fundamento subnixi, & commenta opinionum sequentes, huc illuc, tanquam incertis acti tempestatibus, fluctuabant. Interdum itaque cum in cælum oculos sustulerant, & illam admirabilem innumerabilium stellarum sine ulla erratione concurrentium varietatem notaverant, facile intelligebant præpotens aliquod nomen esse oportere, immensum, infinitum, æternum, quod illi tantæ moli præsideret, a quo hæc rerum universitas, & a principio constituta esset, & ejus consilio ac voluntate regeretur. Rursus autem cum eorum, quæ infra lunæ orbem sunt, inconstantiam ac mutabilitatem viderent, nihil in eis inesse certum nihil perpetuum, nihil constans; eo prolabebantur impietatis, ut partim ex omnibus rebus divinam providentiam tollerent, partim supera quidem ac cælestia mente ac consilio regi, hæc autem inferiora sine ullo rectore incertis fortunæ casibus agitari existimarent. Sed cum & dierum ac noctium vicissitudinem, & quadripartitam anni temporum varietatem & certa tum dierum tum noctium & incrementa & decessiones, & omnia humanis usibus servientia viderent, hærebant attoniti, ut qui perspicerent, tantum & tam sapienter institutum ordinem nisi a Deo esse non posse. Conturbabantur tamen cum aliis argumentis, tum hoc præcipue, quod in rebus humanis multa viderent secus evenire, quam ipsi divinæ sapientiæ ac bonitati convenire existimarent. Etenim ita statuebant: Si humanarum rerum procuracionem haberet Deus, fore ut bonis ac piis & justitiæ cultoribus bene esset malis, impiis, & injustis male. Nunc autem contra videbant, optimos quoque plerumque præmi paupertate, cum multi improbi divitiis abundarent; ignominiam, exilium, orbitatem, morbos, tormenta, cruciatus, proprium quodammodo bonorum vi-



rorum patrimonium esse : cum interea multi omnibus flagitiis cooperti in summis deliciis viverent , & in omnibus negotiis suis secundissima fortuna uterentur . Ergo alii fortunam accusabant ut iniquam & injustam , quæ quasi dedita opera improbis mater , bonis noverca esset ; alii ut cæcam & temerariam , quæ nunc bonos , nunc malos nullo discrimine aut extolleret , aut deprimeret ; idemque dicebant de Pluto , quem divitiarum Deum esse fingebant : & , ut fit in erroribus , desultoria quadam levitate in contrarias sententias ferebantur . Nam ubi quid bonis bene evenerat , aut ubi improbus aliquis & diu divina patientia abusus pœnas dederat , tum Deum & esse & humana curare clamabant : *Estis is, superi*, ait Statius , cum convaluisset a periculoso morbo vir eximiae probitatis , Rutilius Gallicus . At contra ubi quid contigerat contra quam æquum esse censerent , Deos aut nullos esse , aut crudeles & injustos esse dicebant :

*Marmoreo Licinus tumulo jacet ; ac Cato parvus ;*

*Pompejus nullo : Credimus esse Deos ?*

Mortuus erat alicui amicus , quem ipse diutius vivere cupiisset ? Negabat Deos esse : id enim ab eorum iustitia alienum videri . Itaque in morte Tibulli Ovidius :

*Cum rapiant mala fata bonos , ignoscite fasso ,*

*Sollicitè nullos esse putare Deos ?*

Apud Senecam Jason , cum Medeam occisis filiis evolvantem videret :

*Testare , inquit , nullos esse , qua veheris Deos .*

Neque ulla tam levis , aut ridicula causa erat , quæ non ad suscipiendam impietatem satis idonea videretur . Reliquerat amicam amator ? Nulli Dii erant Propertius :

*Et queritur nullos esse relictæ Deos .*

Cupidum & libidinosum adolescentem impudica muliercula fefellerat ? Nutabat male de Diis fundata opinio . Ovidius :

*Esse Deos credam ne ? fidem jurata fefellit :*

*Et manet in solito qui fuit ora decor .*

Valde scilicet id Diis curandum fuit . Apud Virgilium amisso immatura morte filio :

*Atque Deos atque astra vocat crudelia mater .*

Ecce tibi alter : quia serpentes una cum pelle senium exuere dicuntur , Deus crudeles vocat , quod non idem beneficium formosis tribuerint .

*Crudeles Divi, serpens novum exiit annos:*

*Forma non ullam fata dedere moram.*

At illa quidem levia, & a poetis fortasse per jocum dicta, et si tales joci nullo modo ferendi videntur. Serio quidem loqui videtur apud Aristophanem Chremylus, qui se, cum pius ac iustus esset, & male tamen rem gereret, gravique paupertate premeretur, ac videret interea alios sacrilegos, calumniatores, improbos divitiis abundare, profectum esse dicit ad Apollinem, ut ex eo sciscitaretur, quæ ejus rei causa esset multoque magis ille in veteri tragœdia:

*Τολμῶ κατεπαύ, μὴ ποτ' ἐν εἰσὶν δίοι.*

*Κακοὶ γὰρ ὅτι χρεῖται ἐκπληττοῖ με.*

Et eodem argumento delusi, ut ait Juvenalis,

*Sunt qui in fortuna jam casibus omnia ponant,*

*Et mundum nullo credant rectore moveri,*

*Natura volvente vices & lucis & anni.*

Gravissime autem dubitationem ea de re suam expressit optimus ævi sui poeta Claudianus:

*Sæpe mihi dubiam traxit sententia mentem,*

*Curarent Superi terras, an nullus inesses*

*Rector; & incerto fuerent mortalia casu?*

*Nam cum dispositi quæsissem fœdera mundi,*

*Præscriptosque mari fines, annique meatus,*

*Et lucis, noctisque vices: tunc omnia rebar*

*Consilij firmata Dei, qui lege moveri*

*Sydera, qui fruges diverso tempore nasci,*

*Qui variam Phœben alieno jussit igne*

*Compleri, Solemque suo: porrexerit undis*

*Littora, tellurem medio libraverit axe.*

*Sed cum res hominum tanta caligine volvi*

*Aspicerem, lateoque diu florere nocentes,*

*Vexariaque pios; rursus labefacta cadebat*

*Religio, causæque viam non sponte sequebar*

*Alterius, vacuo qua currere semina motu*

*Affirmat, magnumque novas per inane figuras*

*Fortuna non arte regi, qua numina sensu*

*Ambigua vel nulla putat, vel nescia veri.*

*Absulit hunc tandem Ruffini pœna tumultum,*

*Absolvitque Deos.*

Multo autem nervosius ac vehementius apud Ciceronem Corra in tertio de Natura Deorum: *Telamen inquit, uno*

*ver-*

versu totum locum conficit; utrum Dii homines negligant.

Nam si curent, bene bonis sit male malis: quod nunc abest: Debebant illi quidem omnes bonos efficere, si quidem hominum generi consulebant; sin id minus, bonis certe consulere debebant. Cur igitur duos Scipiones fortissimos & optimos viros in Hispania Pœnus oppressit? cur Maximus extulit filium consularem? cur Marcellum Annibal interemit? cur Paulum Canna sustulerunt? cur Pœnorum crudelitati Reguli corpus est prabitum? cur Africanum domestici parietes non rexerunt? Sed hac vetera, & alia permulta propiora videamus. Cur avunculus meus, vir innocentissimus in exilio est? cur sodalis meus interfectus domi sua Drusus? cur temperantia prudentiaque speciem ante simulacrum Vesta Pontifex Maximus est? Q. Scavo'la trucidatus? Cur etiam ante tot Civitatis Principes a. Cinna interempti? Cur omnium perfidiosissimus C. Marius Q. Catulum præstantissima dignitate virum mori potuit jubere? Dies deficiat, si velim numerare, quibus bonis male evenerit: nec minus si commemorem quibus improbis optime. Cur enim Marius tam feliciter septimum Consul domi sua senex est mortuus? Cur omnium crudelissimus tam diu Cinna regnavit? At dedit pœnas. Prohiberi melius fuit, impediri quæ tot summos interficeret, quam ipsum aliquando pœnas dare. Et paulo infra: Anaxarchum Democriteum a Cypriotyranno excarnificatum legimus: Zenonem Eleatem in tormentis necatum. Quid dicam de Socrate? cuius morri illacrymari soleo Platonem legens. Videsne igitur, Deorum iudicio, si viderent res humanas, discrimen esse sublatum? Diogenes quidem Cynicus dicere solebat, Harpalum qui temporibus illis prados felix habebatur, contra Deos testimonium dicere, quod in illa fortuna tam diu viveret. Piget plura recitare; est enim ipse Ciceronis liber in manibus. Seneca igitur cum & ab ea disciplina esset, quæ omnia maxima minima divino consilio gubernari statuit, & ei quem unice diligebat Lucilio idem persuassisset: quia tamen scrupulus in Lucilii animo aliquis residebat ex eo, quod perspicere non poterat, cur Deus optimos quoque tot acerbitatibus vexari sineret, ejus rei causas ad eum misso hoc commentariolo tractandas explicandasque suscepit. Unde constat, veram illius inscriptionem non esse eam, quæ vulgo recepta est, quam ego tamen, ne omnia novare dicerer, retinui: *De providentia*; sed, *quæ bonis*



*bonis viris multa mala accidunt, cum sit providentia, ut constar ex Lactantio in lib. de Ira Dei cujus verba huc pertinentia in eis notis, quas vestra causa ad hujus libri finem addidi, reperietis. Quod hujus libri argumentum videtis quod mihi quidem ita pulchrum & cognitu dignum videtur, ut injuriam quodammodo vobis facturus videar, si tam male de vobis existimem, ut vos pluribus verbis ad ejus tractationem & cognitionem excitandos putem. Mihi credite: qui me attente audient, perficiam cum Deo volente, ut & gravissimam ac pulcherrimam quæstionem tractandam divinitus a Seneca, & a me ipsum Senecam non negligenter tractatum esse fateantur.*

*Operæ pretium facturus videor, si antequam ad expendenda Senecæ dicta veniam, exponam vobis, quid super ea ipsa quæstione, quæ hoc libello continetur, homines eruditissimi, iidemque sanctissimi senserint. Nam si ut vasa eum odorem quo primum imbuta sunt, ita animi quas primas opiniones combiberunt, constantissime servant: diligenter nobis videndum est, ut in gravibus & seriis rebus, statim a principio videamus, quid verissimum sit, idque animo conceptum ac comprehensum perpetuo retineamus. Johannes igitur Chrysostomus, qui singularem vitæ sanctitatem admirabili quadam & doctrinæ abundantia & dicendi facultate cumularat, cum dixisset, multis absurdum quodammodo videri, quod Deus pios viros, quosque ipse apertissimis signis sibi carissimos esse declarat, plerumque tamen omni genere acerbis agitari vexarique patiatur; undecim causas adfert, cur ita fieri expediat; quas singulas non modo exponere, sed etiam breviter illustrare ac confirmare decrevi. Prima igitur est, ne qui res magnas ac præclaras gerunt, propterea insistentur ac superbiant, sed submittant animos; memores imbecillitatis suæ. Confirmatur hoc testimonio Davidis & Pauli, quorum ille bono sibi fuisse ait, quod a Deo depressus, castigatusque sit, seque ex eo magis illius justitiam perspicere: hic autem, cum usque ad tertium cælum raptus esset, eaque vidisset, quæ vix homini in hac vita viderefasc est, ne propterea sibi placeret, neve insolesceret, additum sibi esse ait angelum Satanæ, a quo quasi colaphis caderetur. Hæc igitur prima causa est. Altera, ne cæteri mortales in errorem trahantur, & de præstantibus viris, non ut de hominibus, sed ut de Diis quibusdam, existiment: a cujus erroris periculo*

riculo liberantur, cum illos magnos & egregios viros multa perpeti vident, quæ illos non Deos sed homines esse declarant. Nam si qui multa bella gesserant, multas urbes expugnaverant, multa hominum millia occiderant, antiquitus in Deorum numerum stulta vulgi opinione referebantur: quid putatis eventurum fuisse iis, qui verbo, qui nutu, qui contactu, qui umbra sua fugabant morbos, claudis incessum, surdis auditum, cæcis usum oculorum festicuebant, mortuos in vitam revocabant, nisi vulgus hominum eos ipsos, per quos tam multa admirabilia opera edebantur, esurire, sitire, algere, ægrotare, cædi, mutilari, eiusdemque generis alia innumerablem quotidie subire ac perferre vidisset? Sic quoque quamvis vociferarentur, nihil eorum sua virtute fieri, Christum esse, qui per doctrinæ suæ præcones ea perficeret; vix tamen impedire poterant, ne sibi divini honores haberentur. Ad Paulum quidem & ad Barnabam Lystrenses aliquando etiam tauros coronatos adduxerant, quos eis tanquam Diis immolare cupiebant, nisi id ipsi summa vi prohibuissent. Tertia causa est, ut potestas Dei tanto magis effulgeat, qui per homines imbecilles, morbis obnoxios, egentes, carceribus & ergastulis clausos, vinculis & compedibus impeditos, catenis onustos, ea faciat, quorum magnitudinem cæteri omnes obstupescant. Itaque Paulus ipse cum fessus malis, quodam tempore petiisset a Deo, ut a se tantas illas & tam multas acerbitates amoveret, responsum hoc tulit: *Satis tibi sit, quod mihi carus acceptusque es. Quo enim tu inferior es & pluribus difficultatibus consistaris, eo magis perspicitur potestas mea.* Quarta est, quod si bonis viris omnia prospere succederent, si divitiis abundarent, si colerentur ac susciperentur a cæteris, si nunquam ægrotarent, nunquam dolerent, nullum incommodum sentirent: fortassis existimaret vulgus, eos pietatem colere non suapte sponte, sed illa quasi mercede affectos & invitatos. Nunc cum eos non egestas, non ignominia, non cruciatur corporis, non tyrannorum sævitia, non mortis metus a Dei cultu, & a vera pietate possit abducere, manifesto constat, honestatem ac virtutem, & Deum in primis ipsum ab eis propter se, non propter ullam mercedem amari. Non gratis te colit Job, dicebat Deo perperuus: *Ille humani generis hostis; tu enim eum cumulas tibi opibus, auxisti liberis, perpetua denique vita prosperitate prospectus es.* At Deus, Tu vero, inquit, domos ejus inflamma, *ser*

ses c  
pus  
bus  
lice  
cum  
æqu  
pera  
plor  
alia  
prob  
quid  
mul  
to n  
Cum  
& in  
hac  
sed p  
spiri  
abho  
tam  
nibu  
dem  
nere  
quan  
que  
vifos  
mi &  
se vi  
fi qu  
coho  
sed d  
scian  
que  
cont  
qui  
qui  
habe  
leve  
cior  
na a

ses combure, pecora inserfice, liberos eneca, totum ipſus corpus arbitrata tuolacera ac lania; nullus reſter novis ulceribus locus; jaceat in ſterquilinio, cui prius ſomnum capere licebat in purpura; ne ſit quidem quo ſe abſtergeat, ſed reſtamanantem ex ulceribus ſaniem abradat: ut liquido conſter, eum mei gratuitum non mercenarium eſſe cultorem. Eadem æquitate animi homo ſanctiſſimus tulit adverſa, qua & proſpera exceperat. Quinta, ut homines tanto certius atque exploratius habent, non omnia morte terminari, ſed ſuper-eſſe aliam vitam, in qua & præmium tribuatur juſtis, & ab improbis ac conſceleratis pœna exigatur. Nam ſi ne homines quidem uſque eo injuſti reperiuntur, ut eos quos cauſa ſua multo perpeſſos vident, ſine præmio abire patiantur, quanto minus id de Deo aut cogitare, aut ſuſpicari poſſumus? Cum igitur multos plerumque videamus homines optimos & innocentiffimos, quantum quidem hominis natura fert, in hac vita nunquam interquiſcere ac reſpirare a moleſtiis, ſed perpetua quadam calamitatum ferie uſque ad extremum ſpiritum premi: cogitemus neceſſe eſt, aut, quod natura ipſa abhorret ac refugit, Deum injuſtum eſſe, aut poſt hanc vitam ſua eſſe hominum generi præmia, pro ſuis cuique actionibus, divinitus conſtituta. Si ſpes noſtra, ait Paulus, iſſedem quibus hæc vita terminis ac ſuibus circumſcripta teneretur, nihil nobis inſelſcius foret. Sexta, ut nos quoque, ſi quando tale aliquid nobis eveniat, patienter feramus, neque deſpondeamus animum, aut ſtatim propterea Deo invidioſe eſſe nos arbitremur: cum iis quoque, qui Deo cariſſimi & acceptiſſimi erant, ut eadem aut graviora contigiſſe videamus. Septima, ne ullus tergiverſationi locus ſit, ſi quis nos ad illorum præſtantium virorum imitationem cohortetur, quaſi eos non ejuſdem, cujus & nos ſumus, ſed diviniorei cujuſdam naturæ fuiſſe cauſemur. Octava ut ſciamus quibus rebus felicitatem metiri ac dirigere, quosque ex omni hominum numero felices ac beatos, quos contra inſelices ac miſeros ducere debeamus. Non enim, qui multa poſſidet, beatus eſt: ſed multo ille beator, qui non tantum divitias non concupiſcit, ſed iis, quas habet, ultro ſe ſpoliat, ut copiis ſuis aliorum inopiam ſublevet. Non qui innocens exulat miſer eſt: ſed tanto felicior, ſi id æquo animo ferens, opera det, ne ab illa æterna ac cœleſti patria exulare cogatur. Non qui firmo ac

valenti



valenti corpore est, felix: sed ille qui in corpore quamlibet infirmo perpetuam animi retinet firmitatem. Non cui multa dura, & perpeſſu aspera eveniunt, miser: sed is potius, qui prosperis ſucceſſibus ebrius, neque altius oculos mentis attollens, in caducis ac fallacibus huius vitæ bonis acquieſcit. Nona, ut magis illuſtretur eorum patientia ac fortitudo, qui ſe a calamitatibus vinci non ſinunt. Neque enim a nobis cognoſcerentur, niſi a Deo in huiusmodi certaminibus exercerentur. *Aurum*, ut diſturus eſt Seneca, *probat ignis, miseria fortes viros*. Decima, quoniam humana naturæ imbellicitas ne optimos quidem viros omnis peccati expertes eſſe patitur, (neque quiſquam aut eſt, aut fuit, præter pauciſſimos, quibus id ſingulari Dei beneficio tributum eſt, quin aliquando offenderent ac prolaberentur,) ut hæc potius quam alibi peccata expientur, ut ſiqua macula ex illis prolapſionibus ſuſcepta eſt, temporariis illis acerbitatibus, quaſi niro quodam aut lomento, eluatur ac deleatur. Nam cum juſtitiæ divinæ conſentaneum ſit, neminem in cælum pervenire, qui ulla ex parte pollutus contaminuſque ſit: expedit iis ipsis, qui Deo cari ſunt, ita in hac vita purgari, ut cum e corporis vinculis exceſſerint, nulla alia purgatione egent, ſine ulla mora in cælum evolare expediti ac liberi poſſint. Undecima, ut quo plura acerbata patiuntur, quo plures difficultates ſuperant, quo dimicant acrius, eo majoribus præmiis ornentur, eo plures coronas accipiant, eo majorem in omni æternitate gloriâ conſequantur. Hæc igitur vir ille ſanctiſſimus, non, ut ego nunc, arido inculto dicendi genere, ſed ornato, ſplendido, efficaci aureo denique illo eloquentiæ flumine, quod ei Chryſoſtomi nomen meritiſſimo comparavit. Ac vereor ne quis interdum me, quod e talium ſcriptorum fontibus hauriam, quo diſputationes meas irrigem, reprehendendum putet. Unde igitur per Deum immortalem, potius repetam, quod honeſtius aut majori cum fructu vel a me dicatur, vel a vobis audiatur? An totos dies non in poeticis fabulis, nunc in Stoicorum, aut Epicureorum ſtultiſſimis opinionibus perſcrutandis ac perveſtigandis conteremus, idque cum faciemus, tempus bene collocare putabimur: ad ea cognoſcenda quæ ignorare ſine perniciæ non poſſumus, nullam partem temporis conferemus? At hæc, inquiet aliquis, in Theologorum ſcholis aut concionibus tradi ſolent: a te alia quædam requi-

qui  
vius  
tra  
ſcho  
omn  
eloq  
eloq  
quod  
rant  
& te  
res n  
duer  
tuo  
argu  
arbit  
quen  
Quod  
ta  
eſt, q  
que ſ  
lis di  
illo,  
nullo  
fui q  
tatio  
diſpu

Cu

Si v

Suſ  
el  
dem  
Cicero  
ſperan  
& diſ  
2

quiruntur. Fateor equidem ab eis hæc omnia non tempestivius modo ac convenientius, sed etiam melius copiosiusque tradari. Sed tamen utinam talibus præceptis & templis, & scholæ, & porticus, & ambulationes, & fora, & compita omnia personarent! Mandatum est mihi, ut vobis iter ad eloquentiam commonstrare conarer. Numquid igitur vos eloquentiores esse sturus sum, si hoc quantulumcumque est, quod in dicendi facultate consecutum esse me nonnulli putant, in nugis & fabulis exercuero, quam si vos ad graves & teras res bonis & lectis verbis explicandas, quantum vires meæ ferent, exemplo meo & incitare & assuefacere studuero? Mihi vero certum ac constitutum est, ea vobis perpetuo tradere, quibus vos non disertiore modo & in loquendo argutiores, sed etiam meliores ac sapientiores redditum iri arbitror. Eloquentiam esse, ait Cicero, non inanem loquendi profluentiam, sed sapientiam copiose loquentem. Quod si est, qui nihil præter verborum flosculos & pigmenta tradunt, minimam partem eloquentiæ tradunt; si quis est, qui & res cognita dignas adferat, & eas non vulgari neque fordido orationis genere efferat, is demum bonus & utilis dicendi magister habendus est. Vera autem sapientia aut illo, ex quo hodierna mea disputatio deprompta est, aut nullo prorsus genere scriptorum continetur. Sed longior fui quam putabam. Quæ igitur de re Chrysostomi disputationem audiistis, de eadem perendie, si Deus volet, disputantem Senecam audietis.

CUM EXPLICARE INCIPERET LIBROS PLATONIS DE  
OPTIMO REIPUBLICÆ STATU:  
SIVE PRÆFATIO IN PRIMUM PLATONIS DE  
REPUBLICA LIBRUM.

## O R A T I O IV.

*Habita Roma pridie Non. Novembr. MDLXXIII.*

Œſcepi hoc anno duos utriusque linguæ clarissimos, & eloquentissimos Scriptores interpretandos, Platonis quidem libros de iustitia, sive de optimo Reipublicæ statu, Ciceronis autem libros de Finibus bonorum, & malorum: sperans fore, ut Deus quidem huic conatui meo arduo, & difficili, sed honesto atque utili, faveat; vos autem,

*Tom. I.*

*O.*

*tem,*

tem, qui quanta hic vestra utilitas agatur, videtis, dignum  
 iis auctoribus qui vobis proponuntur, & rebus, quæ ab eis  
 tractantur, studium ad me audiendum adferatis. Ac mihi  
 quidem nih lineo temere fecisse videor, quod horum li-  
 brorum explicationem conjungendam iudicarem. Agitur  
 enim in utrisque de summo bono: in illis quidem de summo  
 bono Civitatis: in his autem de summo bono singulorum.  
 Esse autem idem re ipsa, & totius Civitatis & uniuscuiusque  
 civis bonum, & Plato & Aristoteles sæpe docuerunt. Sed  
 scio fore nonnullos, qui meum consilium vituperent, quod  
 me in Latinis tantum scriptoribus versari, a Græcis prorsus  
 abstinere cuperent: Erunt etiam qui ab homine tradendis  
 eloquentiæ præceptis præfecto ac præposito orationem po-  
 tius Ciceronis aliquam, aut aliquem eorum librorum, qui  
 ab eode arte Rhetorica scripti sunt, explicari debuisse con-  
 tendant. Quibus utrisque breviter satisfaciam, ut & omnem  
 eis, quantum in me quidem erit, errorem eripiam: & tamen  
 caveam ne hæc ipsa, ut apud nonnullos supervacanea, sic  
 apud plerisque necessaria purgatio, nimium temporis nobis  
 eripiat. Primum igitur istis Græcæ linguæ oribus ita res-  
 pondum volo, omnem elegantem doctrinam, omnem cogni-  
 tionem dignam hominis ingenui studio, uno verbo, quic-  
 quid usquam est politionum disciplinarum, nullis aliis quam  
 Græcorum libris ac litteris contineri. Itaque quod olim  
 M. Catonem illum Censorium vaticinatum ferunt, cum  
 adhuc Græcis litteris insensus esset, quas tamen, postea co-  
 gnitio errore, senex avidissime didicit, Græcos, simul atque  
 litteras suas in urbem misissent, omnia perdituros: multo  
 nos hodie & verius & certius atque exploratius prædicere  
 possumus, si homines nostri, paulo magis Græcas litteras  
 negligere cœperint, omnibus bonis artibus certissimam pe-  
 stem ac perniciem imminere. Hoc si isti aut videre per insci-  
 tiam & ignorantiam harum rerum non queunt, aut cogno-  
 scere propter obstinatum quoddam & inveteratum in Græ-  
 cos odium nolunt: persistant sane & obdurent in sententia  
 sua; nobis ignoscant, si quo in studio plurimum operæ po-  
 suimus, ab eo non facile abducimur: sed & eius dignitatem  
 conservare nitimur, & quas ex eo utilitates percepisse nobis  
 videmur, eas cum aliis communicare conamur. Sed adversus  
 hos & diximus alias plura, & quoties dabitur occasio, di-  
 caturi sumus. Hoc autem tempore nobis æquiores esse de-  
 bent,



bent, quod ita nostram docendi rationem temperabimus, ut etiam is, qui Græce nesciunt, multum tamen nos ad illam ipsam, quæ in manibus est, qualiscumque est, Marfilii interpretationem commodius intelligant tam auxiliati atque esse speremus. Qui autem aliena esse hæc, ejus personæ, quam hoc tempore iusticiamus, putant, primum hoc, velim, in memoriam revocent, quibus temporibus ars Rhetorica doceri coepta est, eosdem habitos esse & pollic eos & dicendi magistros. In quo ut, qui tum se eos pro calibus venditabant, nimium sibi sumpsisse, artique suæ pro foecis ut ita dicam, cothurnos induisse fateamur, ex eo tamen ipso intelligi licet, magnam aliquam inter eas facultates afinitatem ac similitudinem esse. Neque enim res plane disjunctæ ac dissimiles jungi ac permixtari inter se solent, neque quicquam est, aut ita dyro ore, aut ita hebetibus oculis, ut earum unam pro altera aut aliis tentet obtrudere, aut sibi ipse patitur obtrudi. Deinde Aristoteles, qui, quæ quasi silva ac materies Oratori propolita sit, unus omnium & vidit optime & diligentissime persequutus est, rhetoricam ex qua iam dialecticas, & politicas permixtione qualique confusione ducit existere, ut, non dicam tueri munus suum, sed ne esse quidem ac constare possit, nisi decerptas ac delibatas ex earum utraque particulas corrogarit. Ut igitur veteres illi arroganter, quicquam petendæ modo & intorquendæ & tanquam calamistris inurendæ orationis vias traderent, pollicicos se haberi volebant: ita nos modeste, qui, quod nobis deest, quoque carere non possumus, a Philosophis mutuamur. Quid? Non Hermagoras, cujus auctoritatem secuti plurimi sunt, civiles quæstiones Oratoris esse materiam tradidit? A quo qui disenserunt, non eo errasse illum dixerunt, quod Oratori nimium tribuisset, sed quod parum. Nonne Aristoteles ipse diligenter cognoscendas esse Oratori rerum publicarum formas præcipit? Quid vero apud Ciceronem frequentius, quam sine Philosophia non posse effici eloquentem, omnemque ubertatem dicendi ac copiam a Philosophorum scriptis esse Oratori petendam? qui etiam se non ex Rhetorum umbraculis, sed ex Academiæ spatii Oratorum existisse profiteretur. An unquam Pericles fulgurare, tonare, permiscere Græciam dictus esset, nisi Anaxagoram audisset? Demosthenem autem, quo nemo unquam in dicendo nervosior aut efficacior fuit, unde hausisse illam

vim, quæ superat omnes, nisi ex Platonis schola & sermonibus creditis? Sed est quoddam genus hominum, qui cum se Ciceronis studiosissimos haberi velint, uni ex omnibus Ciceronis auctoritatem ad iudicium maxime contemnere videntur. Nam cum Cicero toties inculcet, ei qui ad eloquentiæ gloriam aspiret, pervolutandum esse omne scriptorum genus, ut multiplici rerum cognitione quasi iustificata esset elscat, ac redundet oratio: hi perinde ac si hoc aut non legerint, aut satis putent esse quod legerint, ad unius Ciceronis scripta, tanquam ad Sirenicos scopulos, adhærescunt, ea una manibus terunt, eorum non vocalas modo, sed syllabas prope omnes minuta quadam & anxia curiositate ad calculos vocant, ab eis commovere oculos nefas putant, præter unum denique Ciceronem, aut tres, si forte, aut quatuor illorum temporum æquales, aut certe illi ætati suppare, aliorum omnium scriptorum contactum ipsum refugiant, ne inquinentur. Itaque ut Ixion in Poetarum fabulis nubem amplexatus dicitur, cum sibi Junonem amplexari videretur: ita isti pro vera & solida & succi ac sanguinis plena eloquentia, ariditatem quamdam ac sterilitatem orationis, & jejunam, & fame ac macie enectam & nullius rei nisi odii plenam in verbis ad Lydium illum Nizoli lapidem examinandis morositatem amplexantur. Ridicula capita! Cujus se admiratores præcipuos videri volunt, ejus monita ac præcepta ad se pertinere non censent. Nos vero demus operam, ut simus, quod isti non sunt, vere ac serio Ciceroniani, & illi saluberrimo Ciceronis præcepto obtemperantes excutiamus, ac perscrutemur omnes forulos bibliothecarum veterum; imprimisque amemus atque admiremur Platonem: quo ille laudando ac commendando expleri non potest; quem nec nimis valde, nec nimis sæpe laudari posse ait; quem omnium, quicumque unquam scripserunt, locutive sunt, principem; quem cum Panætio, Philosophorum Homerum, quem auctorem divinum, quem quasi Deum quemdam Philosophorum vocat; cujus sapientiam & eloquentiam sic admirata est antiquitas, ut Jovem ipsum dicerent, si Græce loqueretur, sic loqui. Atque equidem constitueram hodie de Platone aliquid dicere: sed me copia ipsa deterruit. Vix enim potest quisquam ullum paulo digniorem lectu scriptorem, eorum quidem, qui post Platonem vixerunt, in manus sumere, ut non in aliquid, quod de Platone ample ac magnifice dicatur,

catur, incurrat. Quare de ipso quidem in præsentia silentium erit: sed quando librum primum de Republica explicare ingredior, attingam prius & exponam breviter nonnullas quæ Platonis interpretes quasque hypophetæ in uniuscujusque libri Platonici principio tractare consueverunt. Primum igitur dicam, quid in his libris propositum sit Platoni: quod Græci *σκόπον* aut *πρόθεσιν* vocant. Deinde quo in genere eos scripserit: quod ille *ἔδος*, aut *χαρακτήρα* dicunt. Postremo eorum *ἵκλω* sive materiam explicabo. Materiam autem voco, ne quis sit error, non id, de quo agitur, ea enim est, quam dixi *πρόθεσιν*: sed certam quamdam totius disputationis, ut Rhetores loquuntur, *περίστασιν* quæ loco, tempore, personis continentur. Quid igitur Platoni præcipue propositum sit in his dialogis non eadem omnium sententia est. Sunt enim qui de justitia hic, non de republica, præcipue disputari contendant, quæ vis ejus quæque natura sit, & ut ex ejus cultu omnia bona & privatim & publice ad homines perveniant, contraque mala omnia ab injustitiæ fonte manent. Hujus opinionis suæ tria potissimum argumenta afferunt. Unum, quod principium totius disputationis, quæ cum Cephalo, posteaque cum Polemarcho & Thrasymacho instituitur, manifeste a justitia dicitur, neque quidquam ab eis aliud quæri videtur. Alterum, quod quicquid in his libris de Republica dicitur, accessio quædam est & appendix disputationis de justitia. Cum enim ex dubitationibus Glauconis & Adimanti expressior quædam & evidentior justitiæ tractatio requireretur, eaque videretur semper aliquid obscuritatis habitura, quamdiu in uno homine insisteretur, quo majorem & latiore campum haberet oratio, transit Socrates ad explicandam formam totius Civitatis, ut cum docuisset toti Civitati & necessariam & salutarem esse justitiam, etiam in singulis eandem illius esse vim, facilius & apertius cerneretur. Quæ in transiitione comparationem adhibuit elegantissimam, quæ his verbis explicata est libro secundo: Si quis, inquit, nobis proposuisset aliquid longo intervallo legendum, quod minutis litteris scriptum foret, neque nos valde acutis & perspicacibus essemus oculis posteaque alicui nostrum veniret in mentem, idem alibi exferre in grandiori tabula grandioribus litteris scriptum, neque esset, quin lucro quodammodo apponeret, illam prius grandiore tabulam inspicere, ut postea, quæ in minora



scripta essent, ipsam vestigius facilius persequi posset. Ad-  
du deinde eandem esse, & idem efficere iustitiam in tota Ci-  
vitate, & in uno homine, sed vni illius in Civitate, quæ ma-  
ior ampliorque sit, & facilius & clarius perspicui posse. Quod  
si disputatio de Republica ad illustrandam iustitiam naturam  
quæritur, constat hanc quidem esse principem & πρῶτην  
μέμνησθαι de Repub. adiectam. & ἐμπροσθεν παρεμ-  
βλημένη. Porro id e Sociatis ipsius verbis apertissime  
colligi, qui quoties, ut si, in disputa- do, a iustitia evagatus  
est, ad eam rediens, ait se redire ad id, quod quaeritur, & de  
quo instituta est disputatio: & ad ipsum libri decimi finem  
ita totum sermonem concludit, ut dicat, colendam esse iusti-  
tiam, ut & nobismet ipsis & Diis immortalibus amici simus.  
Hæc igitur argumenta sunt eorum, qui de iustitia, non de  
republica præcipuam quaestionem in his dialogis esse ajunt.  
Qua in sententia Marsilius fuit, qui quidem in hujus libri  
argumento ita scripsit. Arque (ut sæpe in his libris, sed  
præcipue in secundo declarat,) totam disputationem de ius-  
titia a nobis inscribi mavult, quam de Republica. Idem  
sentit & Chalceidius principio commentarii, quem scripsit in  
Timæum. Sed multorum ex veteribus eadem fuit opinio.  
Alii tamen, quorum non minor est auctoritas, præcipuam  
esse sentent quaestionem de Republica: idque his argumentis  
confirmant. Primum quod inscriptum est, de Republica.  
Quod argumentum ut plus habeat ponderis, ostendunt in-  
scriptionem illam esse antiquissimam maximeque γνησίαν,  
Intelligendum enim non omnes inscriptiones librorum  
Platonis aut antiquas aut indubitas esse. Nam & Platoni  
quædam tribuuntur, quæ Platonis non sunt, (ut Axiochus  
sive de morte, qui Xenophanis Platonici est; quod & Marsi-  
lius sciuit; ut Alcibiades secundus, quem & Athenæus ait  
putari Xenophonis, & stylus ipse id ostendere videtur, &  
Halcyon, sive de mutatione formæ olim legebatur inter ope-  
ra Platonis, hodie inter dialogos Luciani: cum eorum neu-  
trius sit, sed Ieontis Academicæ) & in dialogi, qui sine ulla  
dubitatione Platonis sunt aliter ab aliis nominantur, ut  
Parmenides ab aliis πρὸς Ἰδῶν, ab aliis πρὸς γυμνασίαν,  
ab aliis πρὸς τὸ δῶτος, ut testatur Proculus; ut Philebus ab  
aliis de voluptate, et aliis de summo bono, & qui hodie  
titulum habet ἐπιστὴν, id est, amatorum, ab omnibus anti-  
quis οὐκ ἐπιστὴν, id est rivalium nomine citari solet, esseque  
ca

ea verior inscriptio. Qui ergo ab inscriptione argumentantur, ajunt, verissimam & antiquissimam horum librorum inscriptionem esse πολιτικά, id est, de Republica, non de justitia, Nam & Aristoteles cum eorum epitomen quamdam confecisset, ait ὅτις ἐπιτετυμῆσαι τὴν πλάτωνος πολιτείαν: & in Convivio, & in Politicis, quoties horum librorum mentio est, ita eos nominat. Theophrastus quoque in libris de Legibus eadem appellatione utitur. Sed & Plutarchus in quaestionibus Platonis, & Athenæus, & Origenes, & ex Latinis Cicero, Macrobius, Lactantius, Chalcidius omnes denique antiqui hos libros de Republica non de justitia vocant. Jam vero Platoniarum inscriptionum tria genera sunt: ἐν προσώπῳ ut Parmenides, Protagoras, Gorgias, Hippias; πραγματικά, ut Convivium; πολιτικά, ut νόμων, Πολιτικά, σοφιστής. Hæ postremæ temper continent τὸ προηγουμένως ζητούμενον. Hæc autem & vera est, & πραγματική.

\* Desiderantur hic argumenta reliqua pro sententia eorum, qui Quaestionem Platonis in his libris præcipuam esse de Republica consent. Neque ultra dicendo progressus ipse videtur Myretus. Cætera enim, quæ proposuerat, rejecit in sequens

PROCEMIUM,

Quod e Commentario ejus in primum ac secundum Platonis de Republica librum transcribere placuit.

Εἰς τοῦτο paulo ante utrorumque argumenta, & eorum, qui existimant, in his Dialogis præcipuam quaestionem esse de Justitia, & eorum, qui de Republica totam hanc disputationem institutam esse contendunt. Nunc quid vere de hac quaestione dici possit, breviter explicabo. Mihi certe utrique recte dicere videntur. Nam σκοπὸς ἐστὶν & πρὸς δικαιοσύνην, & πρὸς πολιτείαν. Non, ut sint δύο σκοποὶ: sed ut hæc duo idem sint. Nam quod est ἐν μὲν δὲ δικαιοσύνη, id in Civitate talis πολιτεία. Nam & in Politia tria genera respondent tribus animæ partibus: τὸ φιλακτικὴν τῷ λόγῳ, τὸ ἐπιχειρῶν, ὡς πολέμῳ, τῷ θυμῷ, τὸ θητικὸν τῷ ἐπιθυμητικῷ. Platoni videtur, μίαν εἶναι εἶναι τὴν τε πόλιν κοσμεῖσαν, καὶ οἶκον, καὶ ἑαυτὸν: etsi hoc reprehenditur ab Aristotele principio Politicorum. Ergo & quilibet

Num vivit πολιτικῶς ὑποκειοσμενός, & πόλις δικαίως  
 ταχθεῖσα. Etque iustitia πολιτεία ψυχῆς, & πολιτεία δι-  
 καιοσύνη πόλεως. Et qui de iustitia disserit, si de omni, dis-  
 serit & de Politia, & contra. Atque ipsum Platonem ita  
 de iustitia constat ex illa ipsa comparatione lib. II. Non enim  
 transit ut ab uno in aliud, sed ut a parvis litteris ad majores,  
 quibus idem scriptum sit. Ergo ἄλλη ἄλλη, sed ἁδὸς idem.  
 Inde in Theæteto præcipit, oportere ἑκάστων βλέπειν εἰς  
 τὴν ἐν ἑαυτῷ πολιτείαν, καὶ τὸ ἀεὶ τῷ tradere τὴν ἀρχὴν  
 αὐτῆς, ἀλλ' ὃ τὸ φιλοχρημάτων. Et apud ipsum ἡ σωφρο-  
 σιὴ χαρακτὴρ ἔχει virtutem moralem: nihil enim ita neces-  
 sarium τοῖς παιδαγωγούμενοις, ὥς τὸ σωφρονεῖν, ἢ δὲ δικαιοσύνη τῇ  
 πολιτικῇ, nihil enim tam necessarium Recepti civitatis, ἢ  
 αὐδρεία τὴν καθαρτικὴν, καὶ ὑφ' ἑνὸς αὐτὴν θεωρητικῇ.  
 Non ergo duo σκοποὶ, sed unicus, περὶ πολιτικῆς δικαιο-  
 σύνης, καὶ περὶ δικαίας πολιτείας. Et incipiendum quidem  
 a iustitia, quæ est quasi πολιτεία in uno; definendum au-  
 tem in πολιτείαν, quæ est iustitia in multis. Inse autem  
 inscripsit tantum περὶ πολιτείας, ὥς γνωριμωτέρας εἶναι. Ad-  
 ditum est a posterioribus; ἢ περὶ δικαίας. Male vulgo πολι-  
 τεῖαν. Hic enim una tantum, quæ tamen recte dicitur  
 πολιτεία πρώτη: ut illa, quæ in libris τόμων, δδασμῶν  
 & tertia in Critia. Atque inde error.

Περὶ τῆς ἁδὸς.

**I**psæ tertio horum librorum facit εἶδη τρία, διηγηματι-  
 κὸν, ριμητικὸν, μικτόν. Hi libri sunt ἐν μικτῷ. In par-  
 te διηγεῖσθαι, in parte τὸ πρῶτον mirabile.

Περὶ ὧν.

Τόπος, id est, locus, in quo hi sermones habiti esse di-  
 cuntur, Pyreus, quia loca maritima tumultuum plena  
 sunt, & ut & hic dicitur disputatum esse ἐρετικῶς, καὶ ἐν  
 ἀδορύβω de iusto. At hæc commemoratio pridianæ dispu-  
 tationis, & illa ejusdem epitome in Timæo, in ipso Aslu.  
 Hæc displicent. Tempus, quo disputatum est, Bendilia.  
 At hæc disputatio pridie Panathæorum, & illa in Ti-  
 mæo in ἵσθῳ Panathenæis. Hic quoque ἀλληγορεῖσθαι  
 ἀπαιρῶς. Πρόσωπα: Cephalus, Socrates, Polemarchus,  
 Glauco, Admanus, Thrasymachus, Lysias, Euthydemus,  
 Nicomachus, Clitophon, Chormantides. Sed detrabunt Ce-  
 phalum, ut sint decem, quor & libri, & hunc numerum  
 esse eundem cum quaternario, qui sacer est Minervæ, & alia,  
 quæ



# O R A T I O IV.

quæ somnia videntur. Marcellus etiam ineptius: Cephalum, quod sit caput disputationis; Polemarchum, quia primus pugnam aggreditur; Thrasymachum, pugnatores ferocem; Socratem, servatorem potentem. Si hæc nomina ficta essent, ut Thraso, Gnatho, Peniculus, Pyrgopolinices, fortasse aliquid diceretur. Tale est de numero librorum Homeri *μῆνερ*. Ridetur a Plutarcho, & Longino *πρὸς Ὀλέν*, Philistus, quod in nomine Niciæ argutus videri voluerat: & quod dixerat, mutilitatis Hermis Athenienses ab Hemocrate Hermonis filio multa mala accepisse. Longinus addit, potuisse eum de Dionysio Tyranno ita ludere, quem Dio & Heraclidæ de Tyrannide deturbarunt. Nam Plantus non illepide in Bacchidibus:

*Adeem me fuisse fungum, ut illi crederem,*

*Cum mihi ipsum nomen ejus Archidemides*

*Clamaret, dempturum esse, si quid crederem?*

Sed in seriis talia omnia ridicula sunt & frigida; in jocando non illepida. Ut Cicero: Pollex non Index; & Verres; & libertum furacem Tullium pro Tullio; & Biberius Cadius Mero, & similia.

## CUM IN PLATONE EXPLICANDO PROGREDERETUR:

SIVE PREFATIO IN SECUNDUM PLATONIS  
DE REPUBLICA LIBRUM.

# O R A T I O V.

*Habita Roma iv. Kal. Martii. MDLXXIV.*

MULTA sapienter ab Euripide dicta sunt, quæque præclare sustineant famam illius Oraculi, quo traditum est, eum in tribus qui illa ætate sapientissimi essent, ipsius Dei voce numeratum: recteque judicavit Qu. Cicero cum dixit, se singulos eius versus singula testimonia putare. Apud eum autem quodam loco mirari se dicit Hecuba, quod non, aliis omnibus studiis omisis, omnes homines ad studium eloquentiæ incumbant: eam enim unam in rebus humanis quasi regnum quoddam obtinere. Est & alibi apud eundem Poetam, orationem ad res efficiendas non minus valere, quam ferrum. Quæ non splendidius aut magnificentius dici,

ei quam verius, & docet vetus historia & communis vita de-  
 clarat. Quid enim notius est, quam in omni ætate existisse  
 semper aliquos, qui quasi quodam gubernaculo, ita lingua  
 huc illuc mentes audientium flecterent, quietas concitarent,  
 commotas ac concitatas tranquillarent ac mitigarent,  
 perspicue veris fidem detraherent, incredibilibus probabili-  
 tatem conciliarent, veteres opiniones evellerent, novas in-  
 fererent, quid denique & quatenus ab aliis credi vellent,  
 ipsi definirent, quasque terminos pangerent? Neque vero hu-  
 jus tantæ ac tam admirabilis potestatis suæ ipsa sibi parum  
 conscia eloquentia est: neque unquam eam obscure ac  
 dissimulanter tulit, quæ, ut e veteri comœdia cognoscimus,  
 ab ipso prope ortus sui principio ausa sit proferri, se  
 vias tenere ac tradere, quibus causa inferior dicendo  
 superior fieri posset. Neque vanam aut inanem illam glori-  
 ationem fuisse, gravissimis persæpe, maximeque insigni-  
 bus exemplis in omni Civitate patefactum est. Cum igitur  
 homines natura potentiæ cupidi sint, & tantum ad  
 eam in eloquentia momenti sit; omnia omnes ejus conse-  
 quendæ causa facere, ut ait Euripides, consentaneum  
 esset. At mihi tamen contra nonnunquam accuratius hæc  
 in animo reputanti, mirum videri solet, non jam pridem om-  
 nes dicendi magistros una cum illo suo præclaro artificio  
 ex omnibus locis communi aliquo gentium ac populorum  
 scito ejectos, expulsos, exterminatos fuisse. Neque enim  
 adversus illos aut accusatore ullo, aut teste opus est. Ipsi se  
 indicant, ipsi se deferunt, ipsi, quod occultandum potius vi-  
 deretur, id sine metu ac pudore præferunt, id ostentant,  
 eo se venditant, eo gloriantur. Nihil tam certum tamque  
 exploratum esse, quod non in dubium vocari, nihil tam ab-  
 surdum, tamque perversum, quod non eloquentiæ viribus  
 obtineri ac persuaderi queat; voces sunt hominum istam  
 facultatem non calumniari, & in odium vocare, sed ornare  
 & hominibus commendare cupientium. Hoc autem quid  
 aliud est, quam noctem ac caliginem rebus inducere, & qua-  
 si Cicero quodam poculo ad eam dementiam homines adige-  
 re, ut certi ac firmi, in quo insistant, nihil habeant, sed modo  
 huc, modo illuc incertis opinionum fluctibus agitati vagen-  
 tur? Sed pharmacopola aliquis oppida circumiens ejusmodi  
 venenum venale circumferret, quod potu quidem jucundis-  
 simum esset, sed potum adimeret hominibus omne judicium  
 veri

veri & falsi; omnes, ut opinor, ei advenienti portas clauderent, omnes eum a sinibus suis abigerent; interdicerent etiam, ne quis ab eo ejus veneni miscendi ac temperandi rationem didicisse vellet. At non dissimilem in eloquentia inesse vim ipsi illius professores prædicant. An si quis alienas fruges excantaverit, aut malis carminibus mentem alicui eripuerit, afficietur supplicio, idque aut docuisset, aut didicisse capitale erit: qui mellitis verbis & ad fallendum compositis multitudinem infatuaverit, eique gravissimis in rebus illuserit, aliosque eandem fallendi ac circumscribendi artem docuerit, is non modo ante oculos omnium impune voltabit, sed ultro ob eam ipsam causam amplissima sibi decerni præmia postulabit? An qui judicem pecunia corruperit, exulabit: qui eloquentia, laudabitur? At hoc etiam retrius ac sceleratius est, quod pecunia corrumpi nisi improbus & impurus judex non potest: eloquentia etiam optimorum virorum judicia interdum depravantur. Itaque ut Pittacus graviolem poenam constituerat, si quis alienam uxorem blanditiis ad faciendum adulterium pellexisset, quam si ei vim attulisset, quod vi adhibita corpus tantum, blanditiis etiam animus corrumperentur: ita qui fictis verbis severitatem judicum inflectunt, gravius puniendi essent, quam qui eos largitione corrumpunt. Lacedemonii quidem, quorum civitas optimis institutis temperata putabatur, nullum apud se huic præstigatrici locum esse voluerunt, sed simplex quoddam & apertum, & paucissimis contentum verbis adamarunt dicendi genus. Athenienses autem, apud quos ista & nata & alta atque educata, & suo quasi mundo muliebri instructa & exornata Pandora est, quid non ab ea malorum ac calamitatum pertulerunt? Grata enim & accepti beneficii memor alumna non aliunde sibi potius quam a laze, aut, ut ipsi loquuntur, a Vesta, incipiendum putavit & altricibus suis Athenis egregia sane nutricia persolvit. Nam quibuscumque tempestatibus ac procellis Atheniensium vexata Respublica est, earum longe maximam par tem oratoribus suis acceptam ferre meritis potest. Quorum etiam unus, ut Enceladus, cui mons Ætna inpositus est, quoties se commovit, totam Siciliam concutere dicitur: ita ipse cum se dicendo incitaverat, universam permiscere ac perturbare Græciam dicebatur. Et ea ipsa tamen in Civitate ab Arcopago eloquentia exulabat. Quod enim templum Justi-



tix dicaverant, in id patere aditum iudiciorum corruptrici eloquentix noluerunt. Nam quod a multis persæpe dictum est non eloquentix istam culpam esse, sed hominum, ea secus, quam oportet, utentium: ipsos enim hunc esse finem, ut innocentix, non flagitio, ut æquitati, non iniustix, ut veritati, non ut mendacio patrocinetur; videamus, ne rebus ipsis hæc oratio refellatur. Veritatis per se magna vis est, ita ut suis opibus pollens, suis copiis freta, suis præsiidiis firma, aut nihil, aut non admodum externa auxilia requirere videatur. Itaque idem ille, quem principio nominavi, Euripides veritatis simplicem esse ait orationem, neque ullis medicamentis ac lenociniis indigere. Neque quicquam unquam se orator magnopere iactaverit, quod veram & iustam causam obtinuerit; ne dignantur quidem ad eas, quæ huiusmodi sunt, accedere. Si quem depositum ac desperatum & manifestis criminibus oppressum, & tacite omnium præiudicio morti destinatum reum recipere potuerint, in eo sibi placent, se circumspiciunt, se iactant, eorum digito sibi videntur attingere: ut cum Cicero in Cluentiana causa gloriatus est, se tenebras iudicibus offudisse. Quanto verior esset gloriandi causa, si tenebras ab eorum animis discussisset, si omnem errorem eripuisset, si id, de quo iudicaturi erant, in clara, ut ita dicam, luce videndum collocasset! At hoc viri boni erat, non oratoris boni. Immo vero, ait alius, ne Orator quidem esse potest, nisi qui vir bonus sit. Scio istud dici & ad auctorem M. Catonem referri: sed me magis Aristoteles movet, qui me Philosophus cum altis rebus rapit, tum quod mirifice veritatis amans videtur. Is igitur, bonus vir sit orator, an minus negat quidquam ad artem pertinere: Illud quidem esse in arte vel præcipuum, ita fingere ac conformare orationem, ut te quicumque sis, ii qui audient, bonum virum esse & sibi amicum putent. Egregiam vero & expetendam artem, quæ eam iniustitiæ partem doceat, qua nulla capitalior est, quo modo consequi possis, ut cum maxime fallas, tum maxime vir bonus esse videaris! Quod si maxime ad verum & ad falsum persuadendum utilis est eloquentia: tamen in tanto periculo, & in tanta multitudine hominum ea improbe utentium non passim, neque quibuslibet usus illius permittendus esset; sed ut Cretenses armorum tractationem ingenuis permittebant, servis denegabant: ita deligendi essent publice ex omni mul-

multitudine certi tantum, qui eloquentiæ præceptis instituerentur. Quid enim est, quo ista præclara facultas, cum semel frontem perfricuit, progredi non audeat? Ornat exquisitissimis laudibus res contemptissimas, & abiectissimas, comam, calvitium, culicem, muscam; nonnullas etiam aperte malas & hominum generi noxias, febrem, pestem, bellum, stultitiam; homines teterrimos, Phalarin, Busirin & ejusmodi alios. Quæ & si nonnullis fortasse toleranda videri possint, ut ludicra, neque alio pertinentia, quam ad exercitationem & ad ostentationem ingenii: tamen haud scio an rectius ex civitate tollerentur. Certissima enim pestis animorum est mendacium, cui assuescere periculosum est: cum, ut verissime cecinit Evenus, consuetudo progressu temporis tandem in naturam convertatur. Semper mihi placuit dictum Solonis, qui cum Thespin primum tragiædiarum scriptorem ipsum fabulas suas, ut tum mos erat, docentem spectasset, postea quævisse ex eo dicitur, ecquid punderet, in tanta auditorum multitudine tam multa mentiri? cumque ille respondisset, turpe non esse, talia joco & agere & dicere: ibi tum prudentissimus senex baculo, quem ex Atheniensium consuetudine gestabat, terram percussit: *Nanos, inquit, si istos jocos hic laudare assuescimus, cito efferamur in contrariis & in judiciis reperiemus.* Sed tamen ne summo jure agamus, neve omnia nimis ad vivum refecare videamur, demus hanc veniam Sophistis, ut tanquam neurospastæ, aut ii, qui agilitate quadam & celeritate manuum, levibus ac politis calculis huc illuc movendis spectantium oculos eludunt, quos Græci Psephopæctas vocant, ita ipsi quoque talibus argumentis inter pueros ludant: præsertim cum periculum non sit, ne quis, quod muscam a Magistro laudari audierit, in captandis postea ac colligendis mulcis nimis magnum studium ponat; aut quia febris pestive multis laudibus ornata sit, talia bona non ipsi potius rhetori evenire optet, quam sibi. Quid, cum ea sibi ad dicendum argumenta sumunt, quibus subruuntur fundamenta virtutum, amor honestatis excutitur, animi hominum pestiferis ac nefariis opinionibus inbuuntur, tamen ne eos fereodos esse dicemus? Olim quidem, cum Atheniensibus ob Oropum vastatam Syicionii, qui eis iudices a Senatu dati erant, multam quinquagessorum talentorum irrogassent, eaque iusto gravior videbatur: misere Athenienses legatos in hanc urbem, per quos

a Senatu peterent, uti aut ejus pœnæ gratia sibi fieret, aut certe aliquid ex ea diminueretur. Ejus legationis principes fuerunt Carneades Academicus, Critolaus Peripateticus, & Diogenes Stoicus. Quibus dum otiosi in urbe sententiam Senatus expectant, libido incescit, Græco *ἐπίδηλος* facere, & quotidie in cœtu ac conventu hominum de variis quæstionibus disputare. Ibi tum Carneades qui vi & copia dicendi antistare collegis putabatur, quodam die de justitiæ laudibus ornatè ac luculenter dixisse perhibetur: cum quidem Ser. Galba, & M. Cato ille Censorius ei disputationi interessent. Sed ille idem Carneades quæcumque tum de justitia dixerat, ea postridie contraria disputatione subvertit, multoque plura collegit, quibus planum faceret, justitiam meram esse stultitiam, oppidoque antiquos ac simplices esse illos, qui si modo impune injulti esse possent, a faciendâ injuria, propter inanem quamdam umbram & opinionem justitiæ, temperarent. Sensit Senatus, ad eam disciplinam nimio plus docilem esse multitudinem: neque tanti esse audire doctores Græcos compositæ ac modulatè verba fundentes, ut propterea ferendum esset, corrupti civium ingenia, & ad improbitatem ac nequitiam a fide & a virtute traduci. Conticescere igitur eos jussit, & quam primum remisit in Græciam: ne populus ille, cujus potentia & auctoritas apud exterâs gentes non armis magis quam opinione justitiæ creverat, bene dicendi studio captus bene vivendi studium abjiceret. At si jure ob eam rem Carneades vituperatus est, quomodo defendetur Plato? Nam quæ tum pro justitia adversus justitiam Carneades dixit, eorum semina multo ante & in Gorgia, & in primis duobus de Republica libris a Platone sparsa erant. Meministi, quam multa hujus generis in superiore libro Thrasymachus dixerit, quibus multo plura, multoque ad persuadendum efficaciora in eo, quem nunc explicare ingredimur, a Glaucone & ab Adimanto adferuntur. Non igitur & Plato vituperandus, qui mandanda illa & consignanda litteris duxerit; & male Cicero, qui tot annis post eadem in suos de Republica libros transtulerit; & nos hodie parum prudentes, qui vestra, adolescentes, ingenia, quorum nobis cultura commissa est, in his potissimum disputationibus cognoscendis exerceamus? Immo vero & nulla in Platonem reprehensio cadit, & culpa vacat Cicero, & a nobis ex omni

scri-



scriptorum numero nullus eligi poterat, in quo majore fructu, quam in Platone, vestra elaboraret industria. Nam ut cæterorum, quæ supra diximus dissolutionem in aliud tempus reseruemus, & eam tantum partem pertexamus, cujus præcipue causa hunc sermonem exorſi sumus, dispar quidem fortasse Carneadis causa atque ratio fuerit: Plato certe nihil se, nihil Philosophia indignum suscepit; nihil quod non omni ex parte ei, quem vere ac merito animorum Æsculapium nominavit antiquitas, conveniret. Non enim has subdolas justitiæ criminandæ rationes ipse commentus est, neque earum quasi sator ac parens fuit: sed eas cum ab hominibus improbis proditæ vagarentur ac spargerentur licentius, jamque per multorum animos quasi contagione quadam serperent, ne diffunderent ac manarent latius, præcidendas ipse atque amputandas, putavit. Non poterat autem justitia perfecte cumulateque defendi, neque profiteri; quanto plus in ea non dignitatis modo, quod & adversarii fatebantur, sed utilitatis quoque, quam in injustitia inesset, nisi omnia, quæ pro injustitia dici consueverunt, accurate & exponerentur & refellerentur. Hoc igitur ita præstitit Plato, ut nihil in ejus argumenti tractatione vafre, acute, callide, apte ad fallendum dici possit, quod ipse prætermiserit. Ac Thrasymachum quidem, ut sophistam, induxit, serio & ex animi sui sententia pro injustitia perorantem. Cujus inania argumenta & futiles ratiunculas, cum libro primo nullo prope negotio, ludibundus refutasset Socrates illam quasi velitationem multo gravius pugna excipit cum Glaucone & Adimanto. Quos tamen, quia viri imprimis boni erant, & justitiæ amantes, statim a principio profitentes ac contestantes facit, ea se dicturos, non quæ sentirent ipsi, sed quæ ab aliis dici solerent, quæque reprehendi ac convinci cuperet. Cum igitur accuratissime & exquisitissime ab eis esset accusata quidem & abjecta justitia, defensa autem & collaudata injustitia, ut vix eorum orationi resisti posse videretur: Deum immortalem! quo robore, qua firmitate, qua copia argumentorum, quanto orationis impetu fregit ac dissipavit illas injustitiæ copias Socrates? Qui quidem eo rem perduxit, ut aperte demonstraverit, (id, quod etiam hodie nonnullis Christiana religione imbutis, vix satis persuaderi potest) non tantum propter præmia, quæ justos & in hac vita committantur, & post mortem manent; neque propter pœnas,

quas

quas iniusti nullo modo effugere ac vitare possunt: sed etiam si quis iustis omnem præmiorum spem, iniustis omnem & infamiae & supplicii metum detrahat, infinitis tamen partibus præstare, in mendicitate, in exilio, in morbis, tormentis, ac cruciatibus, in infamia atque odio, in equo, & atque ignibus iustum esse, quam cum iniustitia vivere in summis opibus, & omni earum rerum, propter quas vulgo homines a iustitia desciscunt, copia circumfluentem. O non loquendi tantum, sed & sentiendi, ex illis veteribus, quos Deus vero sui cognitione non afflaverat, unice magister Plato, quæ unquam par dignitati, ac meritis erga omnem posteritatem tuis reperiri poterit oratio? Tu, quomodo animi nostri a victiorum sordibus purgari possint, ostendisti; tu, quemadmodum hominibus adhuc in terra versantibus cœlestem quodammodo vitam vivere liceat, aperuisti; tu divina cum humanis, quantum quidem humano ingenio id perfici potuit, copulasti; tu ea tradidisti, quæ nos, nos inquam ipsi, qui a Deo per Filium adoptati, & cœlesti doctrina imbuti sumus, a te dici potuisse miramur. Sed Platonem laudare necesse non est: danda potius opera est, ut quæ ille divinitus scripsit, cognoscamus ac consequamur. Quam ad rem si cui vobis usui meam esse posse operam creditis, dabo operam, quod in me erit, ne unquam vestra vos de me opinio prorsus fefellisse videatur.

INGRESSURUS EXPLANARE M. T. CICERONIS  
LIBROS DE OFFICIIS.

### ORATIO VI.

*Habita Roma III. Non. Novembris, MDLXXIV.*

**D**Ecreveram hoc anno pulcherrimum consilium, quod anno superiore cœperam, persequi, & denuo Platonem cum Cicerone conjungere: tum ut adolescentes in studio Græcarum litterarum, quas maximo cum animi mei dolore evanescere, & ad nihilum recidere, secumque omne elegantioris doctrinæ genus trahere video, pro mea virili parte continerem: tum ut nobilissimus Philosophus, cujus ante me in his scholis nunquam, ut opinor, audita vox erat, paulatim familiarior factus uberrimis illis sapientiæ & eloquentiæ suæ fontibus ingenia nostra copiosius & abundantius irrigaret.

ret. Aliter visum est iis, quorum nutu atque auctoritate nostra omnium studia diriguntur, qui sive mihi ad tractandam, sive vobis ad percipiendam Platoniarum disputationum gravitatem non satis esse vitium judicarint, sive in eo aliud quippiam secuti sint, (non enim fas nobis esse arbitror, in eorum iudicia curiosius inquirere, ) omnem a me hujus anni operam in uno Cicerone consummi maluerunt. Pareamus libenter, ut par est, iis, quibus parere omnes debent: quodque ipsis placuit, id sine ulla retractatione, melius esse credamus. Non enim, ne gravissimis quidem in rebus tantum apud nos valere ulla probabilium rationum momenta debent, ut non multo plus illorum vel iussus, vel consilium, vel auctoritate moveamur. Pervolutabimus igitur hoc anno aereos illos M. Tullii libros de Officiis. Qui cum tres sint, & eundem in partes annum hujus nostri muneris curriculum distinguere soleat, dabimus operam ut singulorum librorum explicatio cum illa tripartita temporis nostri distributio, ne, ac descriptione concurrat ac congruat. Nam qui dies nobis, statim anni temporibus, ad relaxandos animos, & ad vires denuo colligendas concedi solent, iis ipse otium mihi sponte adjudicabo, & rationes vestras commodis meis anteponens, domi quidem, excludam, quæ hic temporis ac discendi studio teneatur, excludam, quæ hic temporis angustiis exclusus, non potuero, illic commodius explicabo. Scitis, idem me superioribus annis fecisse: & cum ad me magnus studiosorum numerus domum quotidie ventiret ac conflueret, perfecisse, (præfiscini, ut loquebantur veteres, dixerim, ) ut nulla pars anni utilius ab eis aut fructuosius poneretur, quam ea, quæ libera quotannis ac soluta otio transigi solet. Quod ego non jactandi mei causa dico, (neque enim unquam tantum laboris subire ac suscipere potero, ut aut sanctissimi Pontificis Gregorii XIII. aut amplissimorum Cardinalium, qui iussu ipsius huic gymnasio præfuerint, singularem in me benignitatem ac beneficentiam exarscitem ad suscipiendam aliquam curam ac cogitationem utilitatis vestræ: ne cum mihi navandæ vobis operæ voluntas nunquam defuerit, vestra vobis tarditas ac negligentia aditum ad veram laudem ac dignitatem interclausse videatur. Ac quoniam scio esse nonnullos, qui merentur, quos ipse mihi, cum vacationes dantur, voluntarios labores



Injungere soleo, cur non hoc ipso potius publice nobis con-  
 stituto ad docendum loco, quam intra domesticos parietes  
 obeam; ejus quoque rei quæ causa sit, aperiã, ne confi-  
 liorum meorum pars ulla vobis ignota sit. Officii enim  
 mei rationem omnibus quam notissimam esse cupio, ne quis  
 cuiquam pateat ad calumniandum locus. Primum igitur si  
 dicam id facere me, ut aliqua pars laboris minuatur mi-  
 hi, nemo me, ut opinor, merito reprehendat, quod vobis  
 a me sponte tribuitur, si in eo etiam commodi mei ra-  
 tionem habendam esse aliquam putem: præsertim cum vo-  
 bis ex eo nihil orietur incommodi. Sed sunt alia graviora  
 quæ me magis commovent. Huc quoties venimus, pen-  
 dendum nobis est ex aliquot abjectissimorum nebulonum li-  
 bidine, qui sibi pro oblectamento habent, obstrependo,  
 obturbando, exhibitando, laudabiles aliorum conatus, quo-  
 ties collibuit, impedire: domi ab illa sece ac colluvie nihil  
 periculi est: ubi si quid tale tentare auderent, extruderen-  
 tur, & si redire postredie vellent, excluderentur. Hic  
 vix unquam mihi horam integram docere permittitur: do-  
 mi me sæpe horas duas, summo silentio, summa omnium  
 voluntate auditum esse meministi. Illic si quis quid mi-  
 nus intellexit, licet rogare, licet colloqui, licet placide  
 accomiter, si quid sit, de quo dubitetur, exquirere. Hæc  
 me causæ adducunt, ut quoties a publico munere cessatio  
 est, libentius doceam domi. Neque dubito, quin hoc con-  
 silium meum omnes æqui & harum rerum intelligentes exi-  
 stimatores probent. De quo cum & aliquid dicendum fue-  
 rit, & satis multa jam dixisse videar, transibo ad alia, quæ  
 proprie pertinent ad eos libros, quos vobis hoc anno Deo  
 fretus explanare decrevi. Qui quidem multis nominibus  
 magno apud nos in pretio esse debent. Primum, quod Cice-  
 ronis sunt, hoc est, ejus viri, qui perpetuo omnium æta-  
 tum consensu inter Romanos scriptores eloquentiæ laude  
 ita numeratur primus, ut ab eo nemo numeretur secundus.  
 Deinde, quod scripta a Cicerone jam sene, cum singulari  
 ille vir, natusque in posteritatis exemplum, & multo flu-  
 dio, multisque vigiliis, & longo usu, ac tractatione rerum  
 maximarum, & multis quibus agitur erat, casibus, im-  
 mentam sibi quamdam vim sapientiæ ac prudentiæ comparave-  
 rit; (fuit enim hic prope ultimus illius præstantis ingenii  
 fœtus) ut postea magis intelligetur. Adde, quod scribit ad  
 filium,

filium, & ad filium Athenis agentem in convictu ac contubernio hominum doctissimorum: ut verissimum sit, & summam ab eo curam adhibitam in colligendis undique bonis & utilibus præceptis, quæ congereret in eos libros, ex quibus unicum & unice eorum filium legem ac normam instituendæ vitæ petere vellet; neque quidquam prætermisum in limandis ac perpoliendis, quæ ita scriberentur; ut in eam urbem, quæ tum eruditionis ac sapientiæ domicilium erat, acutissimorum hominum subitura iudicium, mitterentur. Constat etiam ipsum sibi valde placuisse in confectioe horum librorum, ut qui sibi unus optime conscius esset operæ in eis scribendis collocatæ. Nam & principio commendat eos, ut ad Latine orationis ubertatem ac copiam profuturos; & ad finem, magnum a se munus habere filium dicit; & ad Atticum scribens, homini eruditissimo, & cuius ipse sæpe miniatulas ceras exstimescebat, magnam huius operis expectationem concitare non veretur. Nos hæc, inquit, φιλοσοφία με δεῖ, quid enim aliud? & τὰ πλεῖστα καὶ ἀπολύτως μαγνίσις explicamus, & ποσὸν ἔμελλεν qua Ciceronem: qua de re enim potius pater filio? deinde alia: quid queri? exstabit opera peregrinationis huius. Ac ne quis ipse, quasi Athydamantris eculdam, de se testimonium elevare conetur, sciat hos libros semper fuisse in prima commendatione apud sapientissimos quosque, ut & tenerentur assidue manibus, & a plerisque etiam ad verbum ediscerentur. Inter quos minime contemnendum est iudicium Alexandri Severi Imperatoris optimi & eruditissimi, de quo ita scribit Lampridius: *Post actus publicos, seu bellicos, seu civiles, lectioni Græcæ operam maiorem dabat, de Republica libros Platonis legens: Latina cum legeret, non alia magis legebat, quam de Officiis Ciceronis & de Republica.* Ut mihi hoc quoque perbelle cecidisse videatur, quod cum anno superiori libros aliquot Platonis de Republica interpretati simus, eis nunc subiciamus interpretationem librorum Ciceronis de Officiis, quasi præstantissimi, & sapientissimi Imperatoris vestigia persequamur. Sed nihil est quod magis invitare atque allicere nos debeat ad accuratam horum librorum lectionem, quam res ipsæ, de quibus in eis disputatur. Continent enim præcepta virtutis, docent quomodo unusquisque in omni parte vitæ gerere se debeat, quid a quoque possuletur, quid quæmque deceat, quid patriæ præstandum sit, quid parentibus, quid propinquis, cæ-

merisque amicis, quod universo hominum generi, ea denique, quorum studium

*Æque pauperibus prodest, locupletibus agno:*

*Æque neglectum pueris senibusque innotet.*

Socrates quidem, qui in his & talibus quærendis studium omne consumere, eos sapere unos prædicabat: qui, his neglectis, de natura mundi, de rebus superis, de causis ventorum, imbrium, fulgurum philosophantur, desipere hallucinarique dicebat. Equidem hi libri a cordatis, ut Ennii verbo utar, & intelligentibus pluris fieri debent, quod cum ducti sint e Stoicorum disciplina, quorum fuit quidem severum in primis, & ut ita dicam, masculinum philosophandi genus, sed pleraque tamen præcepta rigidiora, & a communi hominum capto remotiora: ita se Cicero temperavit, ut ab illis, quæ absurda aut erant, aut videri poterant, abstinuerit; omniague ad civilis vitæ institutionem apta & accommodata protulerit. Sed de causis, cur hi libri nobis cari, accommodati esse debeant, abunde dictum puto. Nunc antequam progrediar longius, non erit alienum breviter respondere quibusdam reprehensoribus, qui me non tantum absentem in circulis & conviviis vellicant, sed esse interdum etiam præsentem molesti solent. Aiunt enim perperam tacere me, qui, cum iustus sim, quantum quidem vires meæ ferunt, eloquentiæ præcepta tradere, ejusmodi tamen fere libros interpretes, qui non tam bene dicendi, quam bene vivendi præcepta continere videantur. Quam reprehensionem, si ambitioni meæ servire vellem, nunquam equidem refellerem, Quid enim esse mihi gloriosius potest, quam si vobis, juvenes, ea præcepta quotidie instillare dicar, quibus non tam oratio comptior, quam vita melior fiat? O benevolos reprehensores, & existimationis meæ amicos! o reprehensionem cuiuslibet laudi anteponendam! Quis non eos a me ipso appositos atque allegatos putet? Nam orichalcum pro auro, aut vitrum pro gemma si quis vendiderit, merito, ut improbus, accusetur; aurum quidem pro orichalco, aut gemmam pro vitro qui dederit, nemo se, ni fallor, ab eo delusum ac deceptum conqueratur. Sed ne quis sit error, hoc sibi responsum habeant, jam inde ab heroicis temporibus conjunctam fuisse harum rerum professionem: idque vel illo cognosci Homeri loco,



loco, ubi Phoenix datum se Achilli a Peleo dicit, ut  
cum & ornate dicere, & fortiter facere doceret:

Τάχα με πρόηκε διδάσκειναι τὰς πάντας,

Μῦθον τε ῥητὴρ ἔμεναι, πρὶν κτῆρα τε ἔργον.

Et certe si vera est M. Catonis illius sapientis definitio,  
Oratorem esse virum bonum dicendi peritum; qui, quomo-  
do vir bonus fias, docet, potiore ac præstantiore par-  
tem artis oratoriæ docet; siue Aristotelem sequi malimus,  
ut quamlibet bonum oratorem esse posse dicamus etiam,  
qui non sit vir bonus: facere tamen nullo modo possumus,  
quin eam partem Philosophiæ qua formantur mores, oratori  
futuro necessariam esse fateamur. Quomodo enim apte &  
copiose aut laudabit aut vituperabit, nisi qui virtutum vi-  
tiorumque naturam, ex quibus omnis vera laus & omnis  
vituperatio nascitur, diligenter cognitam ac pertractatam  
habuerit? Quomodo potens & efficax in suadendo aut dis-  
suadendo futurus est, qui, quæ secundo horum librorum  
de utili atque inutili traduntur, nunquam didicerit? Quid  
ager in judiciis, qui iustitiæ iniustitiæque cognitionem e Phi-  
losophorum fontibus haurire neglexerit? An ego, si tropo-  
rum ac schematum exempla traderem, & quotidie illa ludi-  
magistrorum dictata cantarem, de exordio, de divisione, de  
narratione, de confirmatione, de epilogo, de generibus causa-  
rum, de statibus, ad quæ puto jam multorum e vobis aures oc-  
calluisse, plus vobis ad eloquentiam prodessem, quam cum aut  
libros Platonis de Republica aut Ciceronis philosophica  
interpreter? Vera & solida eloquentia non tantum in ver-  
bis posita est, sed in rebus. Præclare autem Horatius:

*Scribendi recte, sapere est & principium & fons.*

*Rem tibi Socraticâ poterunt ostendere chartæ:*

*Verbaque pravisam rem non invita sequuntur.*

Sed ut Ixion in fabulis pro Iunone nubem, ita hodie magna  
pars hominum pro eloquentia amplectitur inanem loquaci-  
tatem. Atque hoc deterius eunt res, quod qui omnis re-  
bus verba curant, ne verba quidem satis curant, suntque  
in illo ipso suo puerili ac ludrico studio negligentes. Vos  
si me auditis, utrumque curate; & date operam, ut olim  
oratio vestra & copia rerum madeat; & bonis ac lectis  
verbis constructa sit. Ad utrumque vobis operam meam  
profiteor, & magis ut vos excitem, quam ut me extol-  
lam, jam nunc prædico ac peroratio, nisi ad aliquam

in hoc genere laudem perveniatis, daturum me operam, ut omnes homines intelligant, quid vis potius vobis, quam me vivo hortatorem ac ducem ad eloquentiam defuisse.

CUM LIBRUM TERTIUM OFFICIORUM CICERONIS  
EXPLANARE INCIPERET.

O R A T I O . VII.

(jam demum addita e Comment. Mureti in Aristot.  
Rhetor. Gr. p. 252.)

**T**Andem aliquando, Auditores, intermissa studiorum nostrorum curricula repetenda sunt, animique diuturna jam quiete recreati ac refecti, ad illas nobiles exercitationes, quibus ad sapientiam, & ad dicendi copiam excoluntur, denuo conferendi. Juvat ad solitos labores redire; juvat hanc adolescentium, optimis artibus deditorum, coronam intueri; juvat quotidie aliquid ex me promere, quo vestri isti honestissimi vobisque dignissimi conatus adjuvari posse videantur. Quid enim per Deum immortalem facere aut præstare melius, aut in quo industriam meam exercere fructuosus possum? An agricolæ, cum segetem a se constitam, herbescentem, culmisque segeniculatis paulatim humo tollentem; cum sua manu depactas arbores succrescentes, seque primo vere in florem induentes vident, afficiuntur intimis sensibus, & incredibilem quamdam animo percipiunt voluptatem: ergo, cum ingenia vestra ingenuarum artium præceptis a me constita, majores quotidie ad virtutem, & ad veram ac solidam gloriam progressus facere videam, idem mihi faciendum non putem? Sed vobisque quoque, Auditores, etiam atque etiam videndum est, ne ullam occasionem discendi amittatis; ne optimam & ad studia aptissimam ætatis partem, in qua nunc estis, inutiliter consumatis; neve existimetis, posse magnam doctrinæ copiam sine magnis laboribus comparari. Ego quidem a me nihil desiderari patiar eorum, quæ mei muneris sunt: neque committam, ut, si qui ex vobis, quod nolim, suorum opinionum atque expectationi minus cumulate responderint, ulla in me ejus rei culpa hæere videatur. Nullo vobis loco, nullo tempore deero, studiaque vestra non otio tantum

me,

meo, sed & negotiis & occupationibus anteponam. Vos quoque acuite atque excitate industriam meam diligentia vestra: ostendite, eos labores, qui vestra causa capiuntur vobis gratos & acceptos esse. Qui ingenio valent, videant, ne per socordiam illud sibi perire patiantur, qui tardigres sunt, tarditatem assiduitate ac diligentia corrigant, qui se usque huc & modestos & bene moratos, & discendi cupidos perpetuo præstiterunt, dent operam, ut aliquid potius ad eas laudes quotidie adjungant, quam quidquam ex eis deterant. Si qui antehac aut juvenili quadam licentia proterviores, aut minus ad rem suam attentis fuerunt, in vel hoc ipso anno, quo major quædam gravitas ac severitas morum a nobis omnibus postulari videtur, vel hac anni parte, quæ piorum omnium animis majorem quamdam religionem incutere consuevit, vel exemplo meliorum commoti, vel etiam tumultuandi sine causa & hic perturbandi omnia satietate jam actædio capti, aut adjungant se nobis comites præclarissimi ac fructuosissimi consilii atque instituti, aut æquos se saltem ac placidos spectatores præbeant, neque sibi pro ludo atque oblectamento habebant alienæ industriæ cursum sine ullo suo emolumento impedire. Nunc ad Ciceronem audiendum veniamus: ne, cum is liber, quem explicare ingredimur, de utilitate differat ejusque persequendæ vias commonet, nos in ipso ejus vestibulo horam nobis ad docendum constitutam inutilibus verbis consumpsisse dicamus.

CUM ARISTOTELIS LIBROS DE ARTE  
RHETORICA INTERPRETARI INCIPERET.

## O R A T I O VIII. (alias VII.)

*Habita Roma postridie Non. Martii, MDLXXVI.*

Redo ego; Auditores, vestrum plerisque mirari, cosque maxime, qui me diutissime audierunt, quod cum hujus anni principio orationes Ciceronis in Verrem explicare ingressus essem, ostendissemque non prius me destitutum, quam eas omnes absolvissem: nunc mutato præter opinionem vestram consilio, Aristotelis libros de arte dicendi interpretandos susceperim. Nam duodecim tuos annos, quibus in hac urbe publice docui, eam consuetudinem, quan-



tum in me fuit, constantissime tenui, ut, cum alii ordinis mei homines fere tertio quoque mense novum aliquid susciperent: quod illa crebra commutatione facilius & allici & retineri juvenum animos cernerent: ego contra ab eo, quem semel in manus suscepiſſem, libro, non facile avelli me pareret, neque integrum modo annum, sed nonnumquam triennium, aut quadriennium uno atque eodem in scriptore consumerem. Quod institutum meum etsi non deerant, qui reprehenderent: illi tamen, quibus ego me probari cupio, semper probarunt. Nunc igitur quid causæ fuerit: ut ab eo desciverim, aperiri constitui: tum ut ne quis id, tanquam temere factum, levitati atque inconstantiae adscribendum putet; tum ut omnes intelligant, quicquid huius factum est, vestræ utilitatis causa factum esse, neque alio, quam ad studia vestra quibuscumque rationibus passum, promovenda, meos omnes conatus, omnes cogitationes, omnia consilia pertinere. Primum igitur viros graves, & in hoc studiorum genere diligenter accurateque versatos, qui & ad me sæpè domum ventitate, & cum licet, auditorium hoc frequentare consueverunt, quoties recordarentur veterum illarum disputationum, quæ a me de rebus gravissimis quotidie habebantur, & olim cum Aristotelis libros de moribus, & proxime cum Platonis libros de Republica interpretarer, indignantes atque ægre ferentes audiebam, eo redactum esse me, ut de quæstionculis ad grammaticos pertinentibus disserere coger, & monere pueros, quid Latine, quid minus diceretur; quærere ex qua familia fuisset Verres, aut unde duxisset uxorem, aut ubi & quamdiu exulasset, quis ille esset, quem legum laqueis irretitum versicoloribus tabellis iudicum severitati eripuisse Hortensius; quando ludi Romani, quando ludi Victoris, quando plebei committerentur; ejusdemque generis alia, quæ fallere modo atque oblectare puerorum otium, non etiam cordatorum hominum studia tenere possent, quorum in Orationibus Cicero, aliisque ejus notis scriptis exerceretur industria: a ne graviora quædam & minus vulgaria requiri: Cicero scripta magnam partem ejusmodi esse, ut eorum sententiam quilibet, qui modo neque pingui atque abuso ingenio sit, neque in litteris hospes & peregrinus, si non facile, at certe aliquo modo per se consequi queat; esse alios scriptores, qui sine aliquo itineris duce

vix perlustraria rudioribus possint: ad hos cupere se aditum sibi opera mea patefieri, ad hos facem sibi a me aliquam præferri quod laboris in eis intelligendis capere necesse haberent, ejus sibi partem per me aliquam detrahi. In eo autem sermone sæpe Aristotelis libros de Rhetorica nominabant, ostendebantque non obscure, nihil sibi accidere posse jucundius, quam si adducere me possent, ut eos publice interpretarer. Ego qui & iuste eorum petitioni obsequi cuperem, &, ut verum fatear, voluntate mea eo inclinarem, quo me ipsi vocabant: nihil tamen prius decernendum statui, quam, ut veteres illi Appollinem, ita eum consulerem, qui mihi in rebus obscuris & incertis pro Apolline est, præstantissimum virum, & summa eruditione, summa virtute, summa dignitate præditum Gulielmum Sirleium Cardinalem, commune decus ac præsidium omnium litterarum, omniumque litteratorum. Ad quem cum venissem; sententiamque ac voluntatem ipsius super hac re exquisissem: homo omnium, quos unquam audiui, disertissimus, & in dicendo copiosissimus, ita vehementer hortari me cœpit, ne ulterius differrem facere quod rogabat, verbis:

*Qua timido quoque possent addere mentem,*  
 (ait Horatius) ut non modo me, qui eodem, ut dixi, proponebam, sed quemlibet alium, vel eloquentia vel auctoritate sua, quo vellet, impulsurus fuisse videatur. Illius igitur auspiciis, quod felix factumque sit, bonæ spei plenus ad hoc mihi arduum ac laboriosum, vobis, ut spero, utile ac fructuosum munus accingor. Et quoniam consilii mei rationem, tanto præsertim auctore subnixam, satis jam omnibus probatam esse confido, accedo ad ea, quæ celeberrimi Aristotelis interpretes cujusque libri principio accurate tractare ac persequi solent. Sunt autem illa numero septem. Primum enim videndum est, quid in his libris Aristotelis propositum sit, quod illi *ἡτοιμασέν* vocant. Tum, quæ utilitatis ex accurata eorum pervolutatione sperari queant. Terrio, quæ sit vis ac ratio inscriptionis. Quarto, sitne verus hic ac germanus Aristotelis fœtus. Quinto, quo ordine inter ipsius opera legi debeat. Sexto, in quot ac quæ præcipua capita dividatur. Postremo, ad quem Philosophiæ partem pertineat. De quibus singulis dum breviter disputo, peto ut me attente audiat. Propositum est igitur Aristotelis viam ac rationem tradere, qua, ubi perpetua ac continuata oratione uten-

utendum est, videamus omnia quæ accommodata sunt ad id, quod volumus, persuadendum atque obtinendum. Nam ut in topicis, quibus totam dialecticam complexus est, omnes vias tradidit, quibus in colloquiis & congressibus hominum possemus probabiliter aut opinionem nostram tueri, aut alienam impugnare: ita in his libris nihil prætermittit eorum, quæ usui esse possunt, cum quis perpetua oratione aliquid multitudine persuadere meditatur. Egregia res, (Deus immortalis) egregia, & digna, quam vos, quibus integer ævi sanguis; quibus virent gæna, omni studio ac contentione sectemini. Quid enim aut gloriosius, aut utilius, aut denique optabilius, quam regnare quodammodo ac dominari in aliorum animis; flectere eos linguæ gubernaculo quovelis, & quid probent, quid rejiciant, quasi pro imperio ac potestate præscribere? Neque vero est quod vereamini, ne vobis fucus fiat, neu præclara quædam & eximia professi, nihil postea, quod aut expectationi vestræ, aut pollicitationibus nostris respondeat, proferamus. Aristoteles est, quem sequimur, non ostentator aliquis, non unus ex istis diobolaribus magistris, qui cum inepta quædam & puerilia & ad scolasticas modo concertationes utilia traderunt, hanc Rhetoricam esse jactant: sed Philosophus gravissimus, veritatis amantissimus, & cum alijs nominibus suscipiendus, tum hoc vel præcipue, quod temper plura præstat quam pollicetur. Utinam modo vobis serio experiri libeat, an hæc vera sint. Utinam quam facile dictis nostris constabit fides, tam facile ac constanter a vobis industria sedulitasque præstetur. Non metuo, nequis se delusum conqueratur. Atque equidem prope jam supervacaneum puto plura verba facere de eo quod secundo loco proposueram, hoc est de utilitate, quæ accuratam horum librorum translationem consecutura videbatur. Nam & res per se clara & perspicua est; & cum alii, tum nos ipsi sæpe multa de utilitate eloquentiæ diximus; & Aristoteles ipse sub principium hujus libri in eam sententiam dicturus est pauca quidem ut Menelaus Homericus, sed quibus nemo acer & intelligens existimator plura requirere debeat. Transcamus igitur ad inscriptionem quæ hæc est: *Aristotelis de arte Rhetorica libri tri.* In qua nihil fere aliud notandum videtur quam non frustra in ea artis nomen expressum esse. Plato enim, ut suo loco videbimus, Rhetoricam artis nomine in-



dignam esse dixerat, eamque usu tantum quodam & exercitatione rationis experti contineri, & ut ipsius verba ponamus *Τελειῶν μόνον τινὰ καὶ ἐμπειρίαν ἀλογον εἶναι* tradiderat, Quam opinionem ut statim a principio amoliretur Aristoteles, ne qui forte Platonis auctoritate commoti nullam esse artem dicendi putarent: in ipso librorum suorum vestibulo artis nomen adscripsit. Vix puto esse quemquam hodie usque adeo imperitum, ut hos libros esse eos autumer, quos de arte Rhetorica ad Theodestem Aristoteles scripsit: sed tamen quia scio fuisse qui ita crederent, quasi præteriens monebo, alios esset: etenim tertio horum librorum, libri ad Theodestem citantur. Nunc dicamus de eo quod quarto loco posuimus, & videamus ecquid certo constituere possimus, hos libros Aristotelis esse. *Πάχομεν γὰρ τι ὑπὸ τῆς πρῶτης πρὸς πρῶτον δόξης*, ait Simplicius. Ne quis autem hoc frustra queri existimet, sciat, veterem hunc errorem esse, ut claris scriptoribus multa tribuantur, quæ ab eis scripta non sunt. Sic Homero ipsi scriptorum nostrorum antiquissimo non defunt, qui hymnos, sive, ut Thucydides vocat, præmia falso tribui adfirmant & si mihi quidem Thucydides omnem dubitationem tollere videtur, qui ea ut Homericæ agnoscit, Sic quædam Moschi & Bionis Theocrito vulgus adscribit. Sic ara ejus putatur esse cum ex Luciano constet, eam esse Dositheï; & securis quam Hephestio Simmæ Thebano tribuit. Sic Phædonem Platonis sunt qui Panetii Stoici esse contendunt. Sic ejusdem Alcibiades secundus ab aliis ad Xenophontem refertur. Sic denique multa scripta veterum, aliorum sunt, aliorum putantur. Contingit hoc interdum propter similitudinem omnium: ut cum Demetrii Alexandrini libellus elegantissimus de elocutione Demetrio Phalereo tributus est. Sic olim multæ fabulæ tribuebantur Plauto, quæ Plantii; ejusdam erant. Sic Anaximenis Lampiaceni liber de Rhetorica ad Alexandrum vulgo inter Aristotelea numeratur. Sic quidam ex veteribus non ab eodem Homero scriptam esse dicebant Odesseam, a quo Illas scripta esset. Interdum propter similitudinem inscriptionum: ut cum ethica scripsisset Aristoteles, scripsisset & Nicomachus erant, olim qui Nicomachi ethica ad Aristotelem referrent. Sed præter cæteros Aristotelis scripta senserunt hoc malum: idque propter eam causam, quam mox audietis. Aristoteles moriens Theophrastum, ut scholæ, ita bibliothecæ

car suæ successorum reliquit: Theophrastus & suam & eam, quæ Aristotelis fuerat, Neleo Scepsio, qui utramque in patriam asportavit. Huius hæredes, hominēs imperiti & idiotæ libros illos negligenter habuerunt, ita ut multis admodum locis humore corrupti & a tineis exesi sint. Accidit ut Reges Asiæ conficiendarum bibliothecarum studio incensi, libros veteres undique conquirerent, magnæque præmia proponerent, si quis ad se aliquid Platonis aut Aristotelis aut similium attulisset. Ibi improbi homines, pecuniæ cupiditate adducti, multa adfluxerunt Aristoteli, de quibus Aristoteles nunquam ne per somnium quidem cogitarat. Hanc historiam narrat Strabo lib. 13. de situ orbis, narrat Athenæus, narrat Plutarchus in Sylla. Εἴραφθ δὲ πολλὰ βιβλία κατ' ἐκείνον μάλιστα χρόνον, ait Simplicius, ὅτε πολλοὶ τῶν βασιλέων περὶ τὰς βιβλιοθήκας σπιδάζοντες πολλὰ χρυσίῳ τὰ ἀπεξηρμένα τῶν βιβλίων ὠνόητο. Quatuor igitur argumentis præcipue τὰ γνήσια deprehendi solent; similitudine elocutionis: convenientia sententiarum: si item liber ille, de quo quæritur, citetur in aliis γνήσις, aut in eo citentur alii, quos constat esse γνήσις: & si eum ex antiquis ii, qui de huiusmodi rebus iudicare poterant, pro Aristoteleo habuerunt.

\**Quæ hic desunt, ea vel ex initialium verborum inspectione certum est expleri per sequens Mureti*

## P R O Æ M I U M

*In Rhetoricorum Aristotelis librum primum.*

Quatuor argumentis præcipue τὰ γνήσια deprehendi solent: similitudine elocutionis; convenientia sententiarum; si item liber ille, de quo quæritur, citetur in aliis γνήσις, aut in eo citentur alii, quos constat esse γνήσις: & si eum ex antiquis ii, qui de huiusmodi rebus iudicare poterant, pro Aristoteleo habuerunt. Quod attinet ad similitudinem elocutionis, quicumque in Aristotele versati sunt, facile hoc fatebuntur. Sententiarum convenientia hic spectari non potest, cum alii nulli libri Aristotelis de Rhetorica reperiantur. Sed cum in his citentur, Topica, Analytica, Politica, quæ Aristotelis esse constat; non est dubium,

bium, quin Aristotelis legitimus hic partus sit. Ex veteribus Gregorius Nazianzenus eos ut Aristoteles agnovit, qui etiam Scholia quædam in eos scripsisse perhibetur. Cicero, Quintilianus, Alexander Aphrod. Dionysius Hæcarnass. citant.

Explicanda supersunt tria: τὰς, διαίρεσις, & ad quam Philosophiæ partem pertineant. Videri posset post Dialecticam & Physicam, cum sit utriusque παραφύσις. Sed cum & de enthymemate atque exemplo, & tum de virtutibus ac vitis, tum de motibus animi satis multa tradantur ὅπως πύ: neque orator accuratam harum rerum scientiam profiteatur: verius est, qui ex cultus sit iis artibus, quibus pueri ad humanitatem informari solent, Poetas triverit, historiam degusta verit, ei hos libros non incommode posse proponi.

Summa hæc est: Rhetorica est facultas videndi ἔτι. Quæ autem ad faciendam fidem valent, partim sunt ἐν τεχνῇ, partim ἀτεχνῇ. Ἀτεχνῇ, ut testes, ἔτι. quæ non inveniuntur arte, sed tamen arte tractantur. Ἐν τεχνῇ sunt trium generum: in moribus dicentis; in affectionem animi ejus, qui audit; in ipsa oratione, quæ aut demonstret, aut demonstrare videatur. Hoc postremum præcipuum est, & de eo primo loco agit. Probat orator, quod vult, duobus instrumentis, enthymemate & exemplo; quæ ἀντίστροφαι sunt syllogismo & inductione. Enthymemata ducuntur e locis; loci autem singulorum generum proprii aut communes. Generα ῥητορικῶν λόγων. Eorum fines. Loci ad unumquodque genus. Communes sunt περὶ τῶ δυνατῶς καὶ ἀδυνάτου, περὶ τῶ γεγονέναι ἢ μὴ, περὶ μεγέθους καὶ μικρότητος, tum simpliciter, tum comparate. Loci proprii exponuntur libro primo, eademque opera docetur, quomodo ita comparari possit Oratio, ut in ea significatio probitatis eluceat. Ad finem autem illius tractantur probationes artis expertes. In secundo omnes animorum peremotiones sigillatim tractantur, & earum tum origo, tum vis ac natura copiosissime ostenditur. Sequitur tractatus eorum locorum, qui communes sunt omnium generum; tum de exemplis, de sententiis, de ratione communi enthymematum inveniendorum; unde etiam ducuntur, quæ falsam enthymematum speciem habent, & quot quibusque modis enthymemata dissolvantur. Liber tertius continet præcepta elocutionis, & quædam de iis partibus, quibus sæpe consistant orationes. Hæc horum librorum summa est.

Sed



Sed ad quam Philosophiæ partem pertinent? Partim sunt ὁργανικοί, partim πολιτικοί.

De Interpretibus dici his possit, Græco ἀντιμέμω, Petro Victorio, Daniele Barbaro, Antonio Mirandulano, Antonio Majoragio.

CUM PERGERET IN EORUMDEM ARISTOTELIS LIBRORUM  
DE ARTE RHETORICÆ INTERPRÉTATIONE.

### ORATIO IX. (*alias VIII.*)

*Habita Roma postridie Non. Nov. MDLXXVI.*

**N**on detinebo vos inanibus verbis. Neque enim id aut mea multorum jam annorum consuetudo fert, aut utilitatis vestræ ratio postulat. Licuerit olim adolescentiori captare ac persequi communes locos, & eorum unum aliquem quotannis deligere, in quo comendando ac poliando primus hic consumeretur dies. Tunc fortassis ætatem floridam floridum orationis genus non dedecebat: studioseque omnia conquirentem, quibus aures irritarentur, nemo culpabat. Mea nunc oportet mecum una canescat oratio: & ut corporis tardior motus effectus est, sic & ipsa gravior facta amplius sibi juveniliter exultandum non putet. Non omnibus ætatibus eadem conveniunt: neque quicquid virginem decuerat, matronam decet. Etiam anni tempestatibus sua cuique cæterarum dissimilis pulchritudo est. Veneno tempore gemmea pratorum nemorumque viriditas & rivorum decurrentium allisa & impacta molliter ad pelluentes lapillos argenti similis aquula pascit oculos; mulcet undique aures avium cantus; ab arboribus in novum se florem induentibus odores suavissimi afflantur; ad voluptatem atque oblationem omnia dirigi, eamque spectare unam videntur. Talis adolescentiæ facies est. At posteaquam & fruges & arborum foetus æstivo calore percoctos ac torrefactos tepore suo mitigavis, & ad maturitatem perduxit autumnus, longe alius arborum, alius arborum aspectus est. Flavæ segetes, lividæ vites, onustæ opibus suis arbores; non corollæ jam aut ferta texuntur, sed teritur area, fluunt præla; horrea cellæque complentur; ad utilitatem, non amplius ad voluptatem, omnia referuntur. Hic in quo ego nunc sum,

sum, quasi autumnus quidam ætatis est, quod senectutis li-  
men ac vestibulum Græci poetæ vocant. Quo tempore, ut  
in rei familiaris administratione attentiores esse ad lucrum  
homines, omissis inanibus, solent: ita nunc in hac litterarum  
tractatione, quod mihi unicum patrimonium est, iis om-  
nibus, quæ ad pompam tantum atque ostentationem faci-  
unt, amputatis ac circumcisis, fructuosa modo consecra-  
ri decet. Itaque hodie non faciam id, quod multi me for-  
tasse facturum putabant, ut aliquod mihi argumentum sum-  
ma, in quo disertus ac copiosus videri studeam: sed ea  
oratione mea complectar, quæ, si dabitur operam, ut be-  
ne penitus animo combibatis ac comprehendatis, non mi-  
nimam vobis utilitatem allatura esse confido. Quando e-  
nim Aristotelis de arte Rhetorica libros una evolvere exor-  
si, propter eam, quæ quotannis æstare fieri solet; exerci-  
tationum nostrarum intermissionem, diu jam ab eo evagati,  
quasique peregrinati sumus; nequid ea re vobis incommodi  
afferat, neve obset, quo minus, quæ reliqua sunt, facile  
a vobis percipi possint, revocabo ac repetam usque a capite  
omnia, quæ usque huc, duce ac magistro Aristotele, didi-  
cimus, eorumque summam quamdam conficiam, ut, cum vo-  
bis in memoriam redezero si quid effluxit, omniaque sub uno  
aspectu posuero, commodius cætera pertexantur. Princi-  
pio igitur meministis dicere me, quatuor fuisse, quæ Ari-  
stoteli de Rhetorica scripturo obijci posse viderentur. Pri-  
mum, non satis dignam esse, quam talis tantusque Philoso-  
phus sibi docendam atque illustrandamsumeret: quippe  
quam usque eo contempnisset, atque abjecisset Plato, ut in  
Gorgia eam cum arte coquorum comparasset, easque inter  
se proportionem respondere dixisset. Merito autem magna jam  
tum erat Platonis auctoritas. Sed cum idem ille Rhetorices  
exagitator Plato dialecticam summis laudibus affecisset,  
summo artificio fecit Aristoteles, ut in ipso operis sui vesti-  
bulo Rhetoricam non cum arte coquorum, ut ille dixerat,  
sed cum ea, quam ipse laudibus in cœlum tulerat, quam  
fastigium omnium disciplinarum vocaverat, dialectica, ex æ-  
quo conferendam ac comparandam esse contenderet; idque  
veris ac solidis argumentis doceret. Deinde quia idem Plato  
Rhetoricam ab artium numero excluderet, eamque ulum  
modo quemdam & exercitationem esse, artis ac rationis ex-  
pertem, dixerat: obijcere aliquis Aristoteli poterat, fru-

stra eum in ea recertis præceptionibus alliganda ac devincienda laborare, quæ usû tantum quodam sine ulla certa ratione contineretur. Quam reprehensionem ita summus Philosophus a se amoliebat, ut doceret, quæcumque ab hominibus ita fierent, ut alii temere ac fortuito, alii exercitatione & diligentia adhibita idem efficerent: iis in omnibus causam notari observarique posse cur ita eveniret; causas autem, cur quod idque fiat, cognitionem ac comprehensionem, & omnium, & Platonis ipsius confessione, propriam quidam artis esse; ex quibus effici, aut artem jam esse Rhetoricam, aut certe, si quis in eam curam incumberet, facile ad artis formam posse revocari. Nam quod tertium adferri poterat, siue illa ars esset, siue minus; satis multo illius doctores ac magistros exstitisse, ut causa non esset, cur hic noster actum agere, & quæ ab aliis toties decantata ac repetita erant, denuo reponere atque iterare vellet: id ipse ita refutabat, ut diceret alios ante se omnes aut parriculam modo quamdam artis attingisse, aut etiam iis se in rebus exercuisse, quæ nihil ad artem pertinerent; nervos ac robur ipsius artis aut modice delibasse, aut penitus omisisse; alios igitur eam doctores requirere, aliis magistris indigere; operam in ea pertrahenda ac perpolienda suam minime otiosam ac supervacaneam fore. Quarta accusatio longe omnium gravissima erat, nisi refutata esset. Erant enim qui dicerent, Rhetoricam non modo utilem non esse, sed etiam perniciosam ac pestiferam: ut eam qui docerent, ne dum præmio affiendi, sed e civitatibus ejiciendi atque exterminandi viderentur. Hanc infamiam arti suæ contlaverant Sophistæ cum profiterentur, arrogantibus sane verbis, & invidiæ plenius, docere se, quomodo causa inferior dicendo superior fieri posset. Sed Aristoteles & multis argumentis eam utilissimam esse hominum generi docuit, & quæ mala vulgo ex ea manare putarentur, ea non arti ipsi adscribenda esse, sed eorum improbitati, qui re per se bona & salutari ad homines in fraudem inducendos abuterentur. His perpurgatis, accessit ad ipsius artis tractationem: ac primo loco docuit, falsum esse, quod Plato a Gorgia dici fecerat, quodque multi postea, quanquam merito ab Aristotele rejectum ac repudiatum, secuti sunt, Rhetoricam esse aut artem aut facultatem persuadendi. Ut enim medicina non est ars sanandi, sed ars videndi omnia, quæ apta & accommodata sunt



sunt ad sanitatem aut conservandam aut recuperandam: ita Rhetorica non est ars persuadendi, sed ars videndi atque excogitandi omnia, quæ in quaque re valent ad faciendam fidem. Certe enim cupisque artis finis est id, quod ita unaquæque ars spectat, ut non progrediatur ulterius: sed uoi id præstitit, suo se munere perfundam putet: Ut ergo medicus non ita sedemum muneri suo satisfecisse arbitrat, si ægrotum sanaverit: sed cumulate quidquid a se requiri potest, præstitisse, si ex artis suæ præceptis ea omnia adhibuerit, quæ ad sanandum pertinebant: ita Orator, etiam si non semper persuadeat, dum tamen nihil omittat eorum, quæ artificiose cogitari possunt ad persuadendum, finem arti suæ propositum consecutus est. Nam quod postea quidem clari imprimis, ac nobiles dicendi magistri, finem Oratoris esse dixerunt, persuadere: munus autem, dicere apposite ad persuadendum: in questione satis per se ad explicandum facili distinctionem minime necessariam quæsierunt. In omnibus enim artibus idem prorsus est officium artificis, & finis artis. Sed nihil prohibet eum ipsum artis finem ad alium finem ulteriorem referri, ut constare potest ex iis, quæ disputari solent principio libri primi Ethicorum. Neque unquam finis ita statuendus est, ut illius consecutio atque adeptio non sit in potestate nostra. Et hoc sequebantur Stoici in multo graviore disputatione, cum dicerent, finem hominis esse, non quidem consequi ea, quæ secundum naturam essent; id enim non semper ab homine posse præstari: sed omnia facere, quæ ad illorum consecutionem pertinerent. Quod quidem ita mordicus defendebant, ut dicerent, finem periti jaculatoris esse, non tam collineare, id est, eum locum, quem peteret, hasta aut jaculo attingere, quam omnia facere ad collineandum. Qua in re & si deridentur a Cicero- ne ac Plutarcho, non tamen fortassis tam ridicula est eorum opinio, quam primo aspectu videri potest. Sed Aristoteles, ut ad institutum nos referamus, Rhetoricam definebat facultatem videndi, quid in quaque re aptum esset ad persuadendum. Quam definitionem a M. Fabio parum considerate reprehensam, a nobis accurate ac diligenter defensam esse meministis. Vis autem persuadendi tribus omnino in rebus ita est: ut bene de nobis opinetur auditor; ut ita commoveatur ipsius animus, quomodo expedit ad id, quod volu-

mus obtinendum; & ut nos id, quod persuadere volumus, aut demonstramus aut demonstrare videamur. Hoc postremum, quod alii omnes prope intactum reliquerant, Aristoteli primum ac præcipuum, & solum ex tribus artis proprium videtur. Itaque de eo primum dicere ingressus est. Eorum igitur, quibus demonstramus id, quod volumus, duo genera sunt: unum eorum, quæ arte pariuntur, alterum eorum, quæ extrinsecus adferuntur. Leges enim & testimonia & quæstiones, iusiurandum, & pacta, non Orator ipse fabricatur; neque ex causæ visceribus eruit: sed extrinsecus allata, artificiose tamen tractat, eisque, prout commodum est, robur aut addit, aut detrahit. Rursus, eorum, quæ ipse artificio suo gignit, quasque producit, bipartita distinctio est. Ut enim dialecticus duobus instrumentis utitur ad probandum, syllogismo & inductione: ita Orator duobus, quæ illis ex altera parte respondent, enthymemate & exemplo. Enthymema oratorius syllogismus est: exemplum oratoria inductio. Cum autem orator in necessariis rebus pererrare soletur, sed in iis plerumque, de quibus deliberamus, quæque etiam aliter se habere possunt: fit, ut exemplum quidem sit inductio, enthymema autem syllogismus ejusmodi de rebus, quæ nulla necessitate devinctæ, sola probabilitate nituntur. Cumque necessaria ex necessariis, verisimilia ex verisimilibus concludantur ac colligantur, omninoque similia sint ea, quæ concluduntur, eorum ex quibus conclusa sunt; efficitur, ut enthymemata paucissima ex necessariis, pleraque omnia ex verisimilibus ducantur atque eruantur. Ducuntur autem enthymemata ex iis, quæ *ἐκδορά* Græci vocant, nos fortasse consentanea vocare possumus, & ex signis. *Εκδορά* sunt generales quædam sententiæ de iis, quæ ad vitam hominum pertinent, veræ quidem illæ plerumque, neque tamen semper ac necessario veræ. Cuius generis sunt, senes parcos esse ac severos; adolescentes propensos ad libidinem: ingeniosos esse Athenienses; hebetes atque obrutos Scythas. Signorum autem alia nihil necessario concludunt, sed tamen habent aliquam speciem probabilitatis, ut illud *Æneæ* apud Virgilium:

*Accipe nunc Danaum insidias, & crimine ab omni  
Disce omnes:*

non enim si fallax Sinofuit, & idem Græcus, satis argumenti est, cur putemus, Græcos omnes esse fallaces; aut  
si quis

si quis eum, qui crebro anhelet, ex eo colligat febrim habere, non enim soli id faciunt, quos febris tenet: alia rem necessario demonstrant, ut si quis neget, virginem esse eam, cui lac ex uberibus fluat. Priora illa communi nomine signa dicuntur: hæc Aristoteles *τεχνήματα*, Cicero proprias notas vocat. Exemplum autem est, cum ex uno pluribusque similibus aliud item simile colligitur: ut, si intemperantia ac libido Tarquinii, si Dionysio juniore regnum ademit, credibile est hujus quoque, qui illos imitatur, eundem exitum fore. Secuta inde est enthymematum divisio, quod alia oratoria essent, alia certæ alicujus artis aut facultatis propria. Oratoria sunt, quæ ducuntur aut ex locis communibus, aut ex iis formis, quæ a rhetoribus traduntur. Singularum artium propria, quæ ducuntur ex propriis principiis hujus aut illius artis. Loci communes sunt, ex quibus nihilo magis in hac quam in qualibet alia arte argumenta depromi possunt: qualis est locus a majori & a minori. Formæ sunt generales quædam enunciationes ad certum tantum aliquod genus accommodatæ, ut in physicis: principia rerum esse contraria; omnem motionem in tempore fieri; levia sursum tendere, gravia deorsum. Hæc Oratoris non sunt, ut neque dialectici; sed ut dialecticus locos quosdam communes habet, ex quibus ad omnem quæstionem argumenta depromit, alios proprios singulorum problematum, in quibus versatur, ut ad genus, ad accidens, ( utamur enim sane hac voce, quando aliam æque commodam reperire non possumus, ) ad proprium, ad suitionem aut confirmandam aut infirmendam: sic & Orator quosdam locos habet communes omnium generum rhetoricos, alios uniuscujusque generis proprios. Illos Aristoteles, generis nomine, locos, hos formas vocat: ac sapius tamen etiam de formis ipsis loquens, locorum nomine utitur. Easigitur formas, id est, locos uniuscujusque generis proprios, priorē loco explicaturus, necesse habuit prius, quæ quotque rhetorices genera essent, exponere. Sunt autem tria, ostentativum, ( ita enim melius, quam, ut alii, demonstrativum, ) deliberativum, & judiciale. Deliberativum suasionē & dissuasionē; judiciale accusationē & defensionē; ostentativum laudē ac vituperationē continetur. Deliberatio de futuris; judicium de præteritis instituitur; laus & vituperatio propria præsentium est.



Fines proprii deliberationis, utile aut noxium; iudicii æquum aut iniquum; laudis & vituperationis, honestas & turpitudine. Tenenda igitur est Oratori copia quædam communium sententiarum semper prompta ac parata, ex quibus argumenta ducat ad ostendendum, aliquid esse utile aut inutile, æquum aut iniquum, honestum aut turpe. Hæ sunt quas formas vocamus. Communes autem trium generum sunt loci, quibus confirmamus, fieri aliquid aut potuisse aut posse, aut contra; factum esse, aut factum non esse; fore aut non fore; magnum aut parvum esse; idque tum simpliciter tum comparate. Atque hæc tum communiter tenenda sunt, tum proprie ad unumquodque rhetorices genus accommodanda. His expositis, genus deliberativum tractare ingressus est, ut omnium præstantissimum, & in quo ceteri ante ipsum minus elaborassent. Primum igitur ostendit, quo in genere rerum versetur omnis deliberatio: deinde autem omnes deliberationes publicas, eas enim præcipue spectabat, ad quinque præcipua capita revocavit. Aut enim deliberari de ratione conficiendæ pecuniæ, quod præcipuum est instrumentum rerum gerendarum, quæque nisi publice suppetat, manca & mutila est omnis deliberatio; aut de bello & pace; aut de custodia regionis; aut de iis, quæ importanda, quæque exportanda sunt; aut de legibus ferendis. His quinque capitibus omnis fere publica deliberatio continetur. Docuit igitur, quæ ad unumquodque eorum Oratori videnda essent. Quoniam autem omnis deliberatio refertur ad felicitatem aut ad partem aliquam felicitatis: idcirco de ea, deque ejus partibus varie ac copiose disseruit. Deinde, quia deliberatio non de fine ipso est, sed de iis, quæ ad finem pervenitur, id est, de bonis & utilibus: longe plurimos locos tradidit, ex quibus sumeremus argumenta, quibus aliquid aut bonum atque utile, aut etiam alio melius atque utilius esse ostenderemus. Idem postea, ne longior sim, in ostentativo & in judiciali genere præstulit: omniaque subtilissime persecutus est, ex quibus aliquid aut honestum, aut turpe, aut honestius, aut turpius; aut æquum aut iniquum, aut æquius aut iniquius esse colligi posset. At quoniam in iudiciis non argumentis tantum utimur, sed etiam legibus, testimoniis, conventionibus, questionibus, iurejurando nitimur; eaque omnia interdum a nobis faciunt, interdum etiam causæ nostræ in-

inimica sunt: idcirco in extrema parte hujus libri, quæ nunc explicanda nobis est, docet, quomodo iis, quæ tormentis expressa sunt, quomodo jurejurando vim ac robur aut addere aut adimere debeamus. Utilia præcepta & cognita digna & Oratorum jurisconsultorumque communia Quæ cum absoluta erunt, summam mihi oratiunculam aliquam Ciceronis, in qua utrum aliquem horum præceptorum videre possimus. Interea (paucorum enim dierum futurum negotium est) absolvam inceptam a me, vestra causa, Auditores, Latinam interpretationem secundi horum librorum, eamque divulgabo: ne quis vestrum Græci sermonis ignorance a cognoscendis Aristotelis præceptis absterreatur. Ac vobis quidem, Adolescentes, utcumque satisfecisse me: neque meam hanc disputationem vobis aut in iacundam aut inutilem fuisse confido. His autem magnis ac præstantibus Viris, qui præsentia sua locum hunc cohortare dignati, nihil ex me, quod gravitate atque amplitudine sua dignum esset, audire potuerunt, quam tandem referendæ gratiæ rationem inibimus? Pareamus potius Aristotelis præcepto, qui hoc ipso in libro de iis, quæ supra vires sunt, ne cogitationem quidem suscipiendam monet: & multo plus eis non debere confessi, quam exolvere ulla ratione possimus, hoc saltem eis referamus, ne eos a gravioribus negotiis, quæ honoris nostri gratia omiserunt, avocatos, diutius retineamus.

CUM EXPOSITURUS ESSET ORATIONEM CICERONIS PRO  
REGE DEJOTARO AD C. CÆSAREM.

## O R A T I O X.

(legitur in fine Comment. Mureti in libros Rhetor. Aristor.  
& qua illis accesserunt, p. 597.

Socrates apud Platonem in Timæo sic natura comparatum esse ait, ut, qui pulchras animalium formas alicubi periti artificis manu aut sculptas aut pictas viderunt, aut etiam animalia ipsa, viva quidem, sed quiescentia, mirabili quodam studio teneantur spectandi eadem moventia se, & aliquid eorum, quæ ipsorum naturæ confæctanea sunt, obeuntia: ideoque se post illam copiosissimam

nam & eruditissimam de perfecta Republica disputationem, quam decem libris Plato complexus est, sibi plene satisfactum non putare, nisi vivam quodammodo eandem Rempublicam videat, & præcepta, quibus eam ipsemet informaret, exsequentem. Idem Vobis quoque usu venire facile adducor, ut credam: ut cum superioribus mensibus multa eloquentiæ præcepta cognoveritis, eloquentiamque ipsam aut quasi depictam, aut quasi quiescentem intuitu sitis, eandem nunc vivam ac spirantem, & præclara illa quæ ex Aristotele auditis exercentem, spectare cupiatis. Faciam igitur, quantum quidem vires meæ ferent, id quod & velle vos, & merito velle arbitror, & antequam aggrediar ad explicandum secundum ejusdem Philosophi librum de arte dicendi, eorum quæ pervolvando libro primo didicimus, specimen vobis aliquod in hac brevi Ciceronis Oratione exhibebo, ut tanto postea avidiores & alacriores ad eas, quæ reliqua sunt, cognoscenda veniatis. Sed quia, ut eas regiones, in quibus versamur, & eos homines, quibuscum vivimus, ita ea loca usque homines, de quibus quotidie audimus, nosse jucundum est: principio quædam de Gallogræcia, in qua regnavit Dejotarus; tum de ipso Dejotaro nonnulla dicam, quæ neque ipsa perse cognitu indigna sint, & quasi faciem præferant nobis ad hanc Orationem facilius intelligendam.

Galatia igitur, quæ alio nomine Gallogræcia vocatur Asiæ regio est, Phrygiæ, Bithyniæ, & Armeniæ minori contermina, dicta ex eo, quod illam antiquissimis temporibus Tectosages, & alii quidam Galliæ populi, pulsus indigenis, occuparunt. Ita enim apud Suidam legimus: cum tanta hominum multitudo excrevisset in Gallia, ut regio ipsa, quamvis ferax, vix eis alendis suffectus videretur, trecenta Gallorum millia in Asiam venisse, & sedes posuisse ea in parte, quæ ex ipsis Galatia aut Gallogræcia vocata est. Qua de re verba hæc sunt Lactantii libro tertio ad Probum: Gallian- tiquitus a candore corporis Galatæ nuncupabantur, & sibylla siccos appellat. Quod significare voluit Poeta, cum ait:

*Galli per dumos aderant, arcemque tenebant.  
Defensæ tenebris & dono noctis opaca.  
Aurea casaries ollis, atque aurea vestis:  
Virgatis lucent sagulis: tum lactea colla  
Auro innectuntur:*

cum



cum posset dicere *candida*. Hinc utique Gallia provincia; inquam Galli aliquando venientes cum Græcis se miscuerunt. S. Hieronymus in lib. de locis Hebraicis: Galatia provincia Asiæ, a Gallis vocabulum trahens, qui in auxilium a Rege Bithyniæ evocati, regnum cum eo, parva victoria, diviserunt, sicque deinde Græcis admixti, primo Gallogræci, postea Galatæ sunt appellati. Eorum metropolis est Ancyra. Temporibus S. Hieronymi non Græce, sed Trevirorum lingua adhuc loquebantur, post eantem temporis intervallum adhuc ipso vocis sono testantem originem suam. Eum, quo duce profecti sunt, alii Brenum, alii Leonem, Strabo Leonorium vocat. Qui & ipse lib. 12. iidem narratis ait, eam olim divisam fuisse in quatuor terrarchias inde in tres, in duas; totam tandem cecidisse Dejotaro, ac postremo in provincia formam redactam esse. Sed Hieron. eam occupatam fuisse a Dejotaro, aliis tetrarchis id injuria fieri querentibus. De quo ipso Dejotaro tempus est pauca dicendi.

Adjuverat Imperatores Romanos totovitæ suæ tempore in iis bellis, quæ Romani in Asia gesserant, & ipse vicissim a Romanis Rex ut tetrarcha factus, & magna parte regni audus fuerat. Donaverat etiam ei sive Pompejus, sive Senatus Armeniam minorem, & multa decreta honorificentissima in eum facta erant. Auctor tum idem Strabo lib. 12. tum Cicero, cujus hæc sunt ad finem hujus Orationis: *Quæ enim fortuna, aut quæ casus, aut quæ tanto possit injuriæ omnium Imperatorum de Dejotaro decreta dolere? ab omnibus enim est ornatus, qui postquam in castris esse potuit per astatem, in Asia, Cappadocia, Ponto, Cilicia, Syria bella gesserunt, &c.* Eundem in Oratione de harusp. responsis læpe a Senatu regali nomine dignum exultimatum, clarissimorum Imperatorum testimoniis ornatum esse dicit. In hac ipsa: *Habebantur autem non solum tetrarchus nobilis, sed etiam optimus paterfamilias, & diligentissimus agricola & pecuarius (a).* De eo, de harusp. resp. *Quem unum habemus in orbe terrarum fidelissimum huius imperio atque amantissimum nostri nomini regem.* Et Philip. II. *Dejotari regis & patris & filii & magnus, & nostro more instructus exercitus, summa in filiospes summa ingenti in ædole, summa virtus. Quid de patre dicam, cujus benevolentia in populum Romanum est ipsius æqualis atari? Qui non solum socius Imperatorum nostrorum fuit in bellis, verum etiam aux copiarum suarum.* Quæ de illo viro Sylla,

qua Murena, qua Servilius, qua Lucullus, quam ornate quam honorifice quam graviter saepe in Senatu pradicaverunt! Quid de Cn. Pompejo loquar? qui unum Dejotarum in toto orbe terrarum ex animo amicum, vereque benevolum, unum fidelem populo Romano iudicavit. Inter cætera autem Pompejum in Mithridatico bello egregie adjuverat, & ob id Armeniæ minoris regno donatus erat *b*). Fuit pericissimus auspiciorum. Nihil nisi auspicato gerēbat. Itaque revocatus aquilæ volatu, cubiculum noctu corruit *c*). Adjuvit Pompejum in bello civili, & ipse in pugna Pharsalica præsens fuit *d*). Cæsarem eodem tempore & hostem & hospitem vidit *e*) : cumque ob id a Cæsare & pecunia & parte regni multatus esset, negabat tamen, se auspiciorum, quæ sibi ad Pompeium proficiscenti facta essent, poenitere *f*). Ignovit tamen ei Cæsar, cum Pharnaci ignoscere noluerit *g*), & ei partem dedit eorum, quæ Pharnaci abstulerat. Dejotarus mortuo Cæsare sua recuperavit *h*). Adjuvit Brutum, cum Cassium noluisset, extreme senex *i*). Dictum ipsius in Crassum adversus Parthos proficiscentem *k*). Crudelitas in filios *l*), item in Castorem Saocondarium generum & in filiam suam *m*). Accusatus est a nepote, quod Cæsarem domi suæ interficere voluisset. Defenderunt Cicero & Brutus.

\* Satis apparet Orationem hanc affectam potius a Mureto, quam perfectam, extrema præcipue sui parte delineatam, quam elaboratam nos habere. Itaque faciendum præstavimus, ut auctorum citationes, atque id genus alia, qua adscripsisse Auctor videtur magis ut memoria consuleret sua, quam ut ad Auditores efferrentur, e textu, in quibus recepta legebantur, resciceremus in has lineas extremas. Locum cuique suum facile assignabunt litteræ adjectæ.

a) Nota ad hoc locum Salustii, & bonum agricolam, bonumque colonum & laudes Agricolaë apud Plinium, & de Agesilo, quæ apud Xenophontem. *b*) Eutrop. lib. 6. *c*) 1. de Divinat. *d*) in hac orat. & Hirtius, & alii. *e*) 1. de Divinat. *f*) ibidem. *g*) Hirtius. *h*) secunda Philipp. *i*) Dio lib. XLVII. *k*) Plutarchus in Crasso. *l*) Plutarch. *σωκ. ἐναντιοῦ*. Ego cap. pen. lib. VIII. Var. Lect. *m*) Strabo lib. XII.

AUSPICATURUS LIBRUM SEGUNDUM  
RHETORICORUM ARISTOTELIS.

## O R A T I O XI.

*(quæ jam accessit e Comment. in Rhet. Arist. p. 110.)*

**E** T si, ex quo huic muneri præpositum sum, sedulo semper operam dedi, ut eos vobis scriptores proponerem! ex quorum tractatione maximam ad vos utilitatem perventuram putarem: nunquam tamen mihi quidquam suscepisse videor, quod vobis fructuosius fore considerem, quam hanc, in quam hodie ingredior, explicationem secundi libri Aristotelis de arte dicendi. Ita enim judico, non tantum ad bene dicendum, quod ipsa libri pollicetur inscriptio, sed ad vitam bene ac prudenter dirigendam, si quis ex omnibus veterum scriptis optima quæque seligens, singula cum singulis conferat, nihil hoc libro utilius posse reperiri. Ac ne quis a me fortassis hæc dici putet magis ad excitanda vestra studia, & ad faciendam mihi audientiam, quam quod ita se res habeat: quæso obtestorque vos, ut attente me audiat, dum & quæ superiore libro tractata sunt, brevissime repeto, & hujus summa capita propono: quo facilius ac certius ipsi met judicetis, fucum vobis non fieri, neque me quidquam, quod præstiturus non sum, polliceri.

Cum igitur Rhetoricam definisset Aristoteles vim videndi, quicquid in quaque re accomdatum esset ad finem oratione faciendam: eorum, quibus id orator consequi posset, duo genera esse dixit: unum eorum, quæ tota in dicentis artificio posita essent; alterum eorum, quæ tractarentur. Arte sua perficere debet Orator, ut ab Auditoribus vir bonus habeatur, eisque amicus, (non enim fere quisquam ei facile credit, quem aut malitiosum & fallacem aut sibi parum amicum putat) & ut in eorum animis aut spem, aut metum, aut iram, aut misericordiam concitet, aut ita, ut uno verbo dicam, eos afficiat, quemadmodum expedire intelligit ad id, quod vult, facilius obtinendum. & ut id ipsum, quod probare vult, rationibus & argumentis aut demonstraret, aut demonstrare videatur. Ad rem demonstrandam duobus



bus tanquam instrumentis utitur, enthymemate & exemplo. Enthymemata ducuntur ex verisimilibus, & ex signis. Verisimilia vocat communes quasdam sententias de rebus, quæ geruntur in vita, aut omnium, aut plurimorum iudicio comprobatas. Signa sunt, quæ aut necessario, aut probabiliter arguunt, ita esse ut dicimus. Exemplum est unius aut plurimum rerum similium collatio, pertineas ad id, quod volumus, comprobandum. Horum omnium vi atque natura diligenter explicata tradidit, eorum verisimilium, quæ in promptu quasque in numerato habere debeat Orator, ut ex eis argumenta depromat, duplex esse discrimen. Nam cum dicendi genera plura sint, quædam ex illis communibus sententiis, quæ verisimilia vocamus ejusmodi sunt, ut ex eis, in quocumque dicendi genere versetur Orator, aliquid sumere licet; quædam proprie ad hoc aut illud genus accommodatæ. Utrasque earum communi quidem nomine vocabat locos: sed tamen illas communiores ac latius patentes, locos potius dici voluit; has restrictiores & singulorum generum proprias, potius formas, aut certe cum hac additione, locos cujusque generis proprios. Quos cum priore loco tradere instituisset, prius docendum fuit, quot, quæque essent præcipua dicendi genera. Tria igitur esse dixit, Deliberativum, Judiciale, & id, quod a Latinis non satis apto vocabulo Demonstrativum vocatur. Deliberationi proposita est utilitas; Judicia tractanti justitia & æquitas; Laudatori honestas. Deliberationum publicarum (cas enim præcipue spectabat) quinque fere genera esse dixit: aut enim deliberari de vectigalibus, aut bello & pace, aut de custodia regionis, aut de iis, quæ importanda vel exportanda sunt, aut de legibus ferendis. Tum admirabili sapientia indicavit, quæcumque cognoscenda sunt Oratori, aut iis omnibus de rebus graviter & cum dignitate verba facere possit. Ac quoniam omnis deliberatio aut ad felicitatem, aut ad aliquam partem felicitatis refertur; tum ipsius felicitatis multas definitiones vulgo receptas exposuit, tum partes, quibus ea constare creditur, accurate ac diligenter periecutus est; tum denique tam multos nobis locos tradidit, ex quibus argumenta repetentes aut simpliciter bonum esse aliquid, aut in comparatione altero melius esse doceamus, ut potius obruisse nos copia, quam quidquam, quod ad nos ex plendis pertineret, omisisse videatur. Postremo quoniam ea oratio o-

prima

prime ac facillime combibitur animis, quæ quam maxime ad  
 mores eorum, qui audiunt, accomodata est: docuit nos,  
 quot genera sint Rerumpublicarum, & qui cuiusque Respu-  
 blicæ mores, ut eis cognitis effingamus nos, quod vos-  
 sumus, adearum similitudinem; quæque maxime conve-  
 niunt moribus ejus civitatis, in qua dicemus, ea maxime in  
 dicendo sequamur. Ita absoluto deliberativo genere, in id,  
 quod demonstrativum vocatur, ingressus est; & de honestate  
 ac turpitudine, de virtute ac vitio, deque iis etiam, quæ  
 cum eorum utroque conjuncta sunt, copiose disputavit, ut  
 nemini, qui, quæ ab eo dicta sunt, & bene perceperit, &  
 usu ac meditatione confirmaverit, unquam de talibus dicere  
 volenti deesse possit oratio. Quod autem principio dixerat,  
 enitendum esse persuadere volenti, ut probitatis opinionem  
 sibi ipso orationis genere concilieret, id quomodo præstari que-  
 rat, monuit, ex his ipsis intelligi posse. Nam quibus rationi-  
 bus alteri, iisdem sibi quoque comparare quisque probitatis  
 opinionem potest. Inde ventum est ad iudiciorum tractatione-  
 nem, quæ cum fere tota in juris & injuriæ distinctione  
 versetur, principio docuit, quid sit injuriam facere, & e-  
 jus, quam attulerat, definitionis singulas partes subtilissime  
 pertractatus est. Deinde quia fere accidit, ut homines ad  
 imponendam aliis injuriam aut utilitatis alicujus aut volu-  
 ptatis proposita specie moveantur; & de utilitate in præce-  
 ptis deliberativi generis abunde dictum erat: explicandum  
 sibi putavit, quidnam esset voluptas, & quæ efficientia vo-  
 luptatis, & quomodo eorum unoquoque homines ad facien-  
 dam injuriam incitentur. Quibus absolutis, quomodo et-  
 iam affecti homines ipsi facile adducantur ad faciendam inju-  
 riam, quæsit, docuitque, si & possint, & spem celandi,  
 aut, si res detecta fuerit, facile evadendi habeant, ita ut  
 aut ne pœnas dent, aut iudicii levior pœna sit, quam facti  
 præmium, facile eos ad faciendam injuriam impelli; cum  
 quomodo quisque ita sibi de se persuadere possit, indica-  
 vit. Deinde defendendi ratione tradidit: ut aut neget quis  
 se fecisse, aut non id fecisse, aut jure fecisse contendat.  
 Secuta inde disputatio de æquo & bono, ut qui jure ipso  
 cuiusam suam tueri se posse diffidit, æquitate defendat.  
 Inde comparate de majore & minore injuria: ubi cuncta  
 tradita sunt, quæ eo pertinent, ut injuria aliqua maior mi-  
 nerve videatur. Subjecit postremo tractationem τῶν ἀτίμων  
 quæ

quæ sunt quinque: νόμοι, μάρτυρες, συνθήκαι; βασανισ-  
 δόκος. Hæc summa est primi libri. Nunc quid in secun-  
 do agatur, cognoscite.

Tria sunt, quæ fidem conciliant: argumenta & probatio-  
 nes; opinio de eo, qui dicit; & affectio eorum, qui audiunt.  
 De argumentis & probationibus dictum est De eo, qui dicit  
 tria eos opinari oportet: bonum virum esse, & prudentem  
 & amicum sibi. Quo modo vir bonus & prudens videri pos-  
 sit, supra dictum est. Amor ac benevolentia affectio quæ-  
 dam animi est. Eadem igitur opera exponemus, & quomodo  
 cæteros animi motus concitare possimus in audientibus, &  
 quomodo efficere, ut & ipsi nos ament, & nos sibi velle opi-  
 nentur. Ergo de motibus animorum differendum est. Sunt  
 autem animorum motus ut ira, misericordia, lenitas, amor,  
 odium, metus, confidentia, verecundia, inverecundia, gra-  
 tia, indignatio, invidentia, ἀπικαρεκακία, æmulatio, &  
 similia. Horum cuiusque tripartita tractatio est.

Mores juvenum, senum, ἀμαζόντων, nobilium, divi-  
 tum, potentium, fortunatorum.

Loci communes περί δυνάτεως καὶ ἀδυνατεως. περί τιμής.  
 περί τῆς γεγενῆσθαι ἢ μὴ: καὶ ἐπιστάει ἢ μὴ. περί  
 ἐδουλημάτων κοινῇ, καὶ περί παραδειγμάτων. De his prius.

Παραδειγμάτων εἰδή δύο, τὰ παπραγμένα λέγειν, & τὰ  
 διρεθέντα ὑπ' αὐτῶν τῶν λεγοντος, hujus duo genera, παρα-  
 βολαὶ καὶ λόγοι.

Quando præponenda exempla, quando subiungenda.  
 περί γνωμολογίας. Quid sententia sit, quotque sententia-  
 rum genera, & quibus conveniat γνωμολογεῖν.

Περί ἐνδουλημάτων κοινῇ. Ad copiam. Plane cognoscende  
 omnes partes causæ. Quare necesse est habere magnam co-  
 piam propositionum temperatam ad ea, quæ frequenter  
 incident. περί δὲ τῶν ἐξ ὑπογόνων, eodem modo quaerere.

Enthymema τὸ μὲν δεκτικόν. τὸ δὲ ἐλεγκτικόν. Ergo de  
 utroque. Inde de iis, quæ videntur Enthymemata, sed non  
 sunt. Deinde de solutione, quæ duplex est, δι' ἀντισυλλογῆς  
 δι' ἐπιστάσεως. Hæc quomodo prosint ad dicendum, & quo-  
 modo possint ad prudentiam valere, docet.



EXPLICATURUS LIBROS ARISTOTELIS  
DE REPUBLICA.O R A T I O XII. (*alias IX.*)*Habita Roma Priid. Non. Nov. MDLXXVII.*

IN rebus humanis nihil esse mente ac ratione præstantius, nihil divinius, summo semper consensu sapientissimi homines judicaverunt. Quin etiam veterum nonnulli cum expressam in ea divinitatis imaginem cernerent, neque tantum ingenii acumine valerent, ut exemplar ipsum & id quod ex eo ductum, quasque effectum esset, discernere ac dijudicare possent: mentes nostras ex divina mente delibatas ac decerptas, ipsiusque rerum omnium opificis Dei particulas quasdam esse dixerunt. At illi quidem & de hominibus nimis elate, ac superbe, & de Deo parum pie religioseque senserunt: qui & homines Deo exæquare conarentur, & non intelligerent, ista distractio & dilaceratio quantopere aliena esset a natura omnium longe simplicissima, maximeque una; neque viderent quantam in se impietatem susciperent, qui si stultitiam suam pertinaciter tueri vellent, necesse haberent fateri partem aliquam Dei interdum & vitiorum maculis contaminari, & apud inferos pœnas luere ab ipsomet Deo improbitati & nequitia constitutas. Quæ ut cogitare, summæ amentiaæ atque impietatis foret, ita illud sine ulla dubitatione verissimum est, admirabilem quamdam esse humanæ mentis præstantiam: neque in iis omnibus, quæ infra lunam sunt, mente ac ratione superius quidquam posse reperiri. Ea genus humanum cætera animalia superat, eaque illis omnibus præest, quamvis aliis rebus ab eorum plerisque superetur. Vincit hominem celeritate cervus, taurus robore, utroque leo; neque quisquam nostrum aut visu lyncas æquaverit, aut talpas auditu, aut odoratu canes; neque tamen hæc obstant, quo minus & has, & alias animantes in potestatem nostram perducamus, earumque vel carnibus vescamur, vel corio tegamur, vel eis ad varia ministeria utamur. Leones ipsos multi ad currum junxerunt, quidam etiam eis tanquam mulis clitellariis ad onera conveyenda usi esse dicuntur. Neque tantum armatas cornibus,

den-

dentibus, unguibus, feras, speluncas & latibalis suis extrahimus, sed maria ipsa scrutamur, sed elatas pennas in sublime volucres consequimur, tamen & configimus, aut aliis artibus captas famulari cogimus aut voluptati, aut utilitatibus nostris. Tanta vis ac potestas mentis est: tantum in cætera omnia imperium rationi ac consilio a natura tributum est. Quin etiam ex omni hominum numero, qui mente ac consilio cæteris antecelluerunt, iis in omni ætate rerum summa permixta est, iis habentæ conceditur, iis tradita gubernacula: ii supra cæteros quasi Deorum loco habitii, ii semper imperium in alios multo robustiores ac potentiores, ne ipsis quidem, dummodo ita esse crederent, repugnantibus, sed se etiam ultro subicientibus exercuerunt. *Lycurgum* quidem, cum ingrederetur templum *Apollinis Delphici*, sacerdos, quæ ei templo præerat, versibus quibusdam affata esse traditur, quibus ambigere se dicebat, Deum ne illum an hominem appellaret, & eo tamen inclinare ac propendere, ut Deum potius quam hominem esse arbitraretur. Neque tamen aut ipse inter *Lacedæmonios*, aut inter *Athenienses* *Solon*, aut inter *Locrenses* *Zaleucus*, aut eorum quisquam, qui civibus suis leges tulisse memorantur, viribus corporis inter suos excelluerunt, sed vi mentis ac consilii illam sibi tantam auctoritatem potentiamque pepererunt. Est hic admirabilis rerum ordo a præpotente Deo constitutus, ut, quæ præstantiora sunt, imperent, quæ deteriora, serviant. Præstant autem animata inanimis, sentientia non sentientibus, mente prædita mente carentibus, & ex iis ipsis, quæ mente prædita sunt, ut cuiusque mens perfectior est, ita in sui generis alia æterna quadam & immutabili naturæ ipsius legē dominantur. Uniuscujusque autem rei perfectio est sua cuiusque virtus. Quare & quæ virtus propria est mentis humanæ, eadem illius perfectio atque absolutio est. Quam igitur humanæ mentis virtutem esse dicemus, aut quam illius reperiendæ rationem inibimus? Nempe si oculi virtutem quæreremus, constitueremus ante omnia, quodnam esset proprium opus oculi, quod munus, quæ functio: quo semel posito ac constituto, tum deinde, quæ oculi affectio causa esset, ut oculus optime suo munere fungeretur; eam affectionem virtutem esse oculi diceremus. Mentis opus est videre, cernere, intelligere, causarum, & eorum quæ sunt ex causis, ordinem ac connexionem intueri. Sed eo-

rum;

rum, quæ mente cernuntur, tria genera sunt: unum eorum, quorum cognitione & intelligentia ita pascimur, ut in ea conquietemur, neque spectemus alio: alterum eorum, quæ ad actionem; tertium eorum, quæ ad molitionem aliqujus operis effectioremque referuntur. Primi generis sunt, quæ de primo rerum ortu ac principiis, de corporibus celestibus, de causis imbrum, ventorum, grandinum, eiusdemque generis aliis a Philosophis disputantur. Ad actionem pertinent, quæ de instituenda vita conformandisque moribus, de omni genere officii, de virtutibus denique ac vitiis differuntur. Ad operum autem effectiorem, quæ fabricorum, architectorum, futorum, pictorum, statuariorum & talium opificum præceptis continentur. Sed qui se homines sublimium & abditarum rerum tractationi dediderunt, omnemque vim ingenii ad earum peruestigationem contulerunt, eos admirantur quidem cæteri ut magnos & sapientes viros, neque tamen se propterea illis regendos, gubernandosque permittunt. Neque quisquam ex omni memoria reperitur, ad quem cives sui, quod eximius geometra esset, aut astrologus, aut physicus, imperium detulisse dicantur. Multoque minus artificibus habetur is honos, qui quamlibet in suo genere excellent, si tamen nihil aliud habeant, quod in censum deferant, in sordidissima civitatis parte numerantur. Ac sæpe opera potius miramur quam artifices ipsos, ut Doryphorum, quam Polycletum; Jovem Olympium, quam Phidiam. Sciteque & sapienter Plutarchus, *Si quis, inquit, honeste ac liberaliter educatus adolescens aut tabulam aut signum egregii operi inspiciat, mirabitur ille quidem & commendabit operis elegantiam, sed nunquam tamen illius pictoris aut statuarii, cuius id opus esse dicitur, similem esse se optabit. At si aliquam Demosthenis orationem, aut aliquem Platonis dialogum legat, multoque magis si Cimonis, Miltiadis, Themistoclis res gestas audiat, non tantum admirabitur talium operum pulchritudinem, sed omnibus votis optabit, se eorum, qui illa scripserunt, gesseruntque, quam similitimum esse. Quod si & aliquam mentis virtus est, quæ hominem efficit aptum ad imperandum, & ea laus neque iis, quæ in sublimium rerum tractatione ita defixæ sunt, ut se nunquam ad hæc inferiora demittam, neque iis, quæ in opere faciendo occupate, tribui potest: restat, ut prudentiæ, quæ actiones hominum dirigit, rerum humanarum rectio ac procuratio debeatur. Re-*



At igitur principes Philosophorum Plato & Aristoteles prudentiam imperantium propriam esse dixerunt. Sed prudentiæ tripartita vis est. Alia enim, cujus præcepta docent, quomodo quis vitam suam privatim instituere debeat; alia ad rationem administrandæ rei familiaris pertinet; alia ad regendas ac temperandas civitates. Hæc autem ad unum eundemque finem omnia diriguntur, id est, ad felicitatem. Sed interdum agitur de felicitate unius hominis; interdum quomodo id ipsum bonum toti familiæ comparetur; interdum quomodo civitati. Semper autem partes referuntur ad totum: neque aliam ob causam bene esse huic aut illi parti cupimus, quam ut bene sit etiam toti. Totum enim parte aliqua carere potest: at toto sublato una interire partes omnes necesse est. Ex quo fit, ut singulorum felicitas referatur ad felicitatem totius familiæ: familiarum, ad felicitatem totius civitatis. Quam enim rationem habet unus ex familia ad familiam, eandem habet familia ad civitatem. Quanto igitur universæ civitatis bonum unius aut civis, aut familiæ bono superius est, tanto politiciæ (ita enim eam Græci quidem, sed quod jam pridem jus togæ impetravit, vocabulo nominant) cæteris prudentiæ partibus antecellit. Ac libros quidem Ethicorum Aristotelis ad Nicomachum, quibus ea, quæ ad singulos pertinent, eruditissime & copiosissime explicata continentur, interpretari cœpi hac ipsa in schola quatuordecim ab hinc annis. Juvatque me memoria repetere tempus illud, cum tanti ad me concursus fierent, quanti multis annis antea ad neminem facti erant; cum tanta quotidie multitudo conflueret, ut eam locus ipse vix caperet: eaque non adolescentium modo discendi cupidorum, (quorum nonnulli multo facti meliores magistro, quæ tunc ex me discabant, ipsi hodie alios docent; nonnulli etiam ad magnas reipublicæ partes admoti, quæ tunc audiebant, ea nunc re ac factis exsequuntur) sed & senum primæ auctoritatis, summæque eruditionis, qui & præsentia sua cohonestabant disputationes meas, & exemplo suo juvenum animos ad honestarum artium studium excitabant. Neque hæc gloriandi causa dico: sed quod magno cum animi mei dolore videam, quantopere conversa ac commutata sit rerum facies, cum ita refrigerit ac relanguerit in hac quidem urbe impetus hominum ad hæc studia, ut nisi Deus labentibus & ad interitum vergentibus

litteris opis aliquid attulerit, summa omnium bonarum artium ignorantia brevi tempore consecutura videatur. Quid enim est, cur quisquam meliora sperare, aut cur non etiam graviora metuere debeat? Negligitur lingua Latina, quæ patrum ac nostra etiam memoria ita florebat, ut nusquam propemodum homines nisi Romæ bene Latine aut loqui aut scribere putarentur. Græca, cuius discendæ causa vir sempiterna laude dignissimus Petrus Bembus, cum adhuc adolescens esset, in Siciliam profectus est, quod ibi meliores illius magistros esse audierat: cum multi illis temporibus eadem de causa usque in Græciam proficiscerentur; cujus in hac urbe conservandæ aut potius conferendæ gratia Leo X. cujus nomen apud omnes litterarum amantes in perpetua veneratione esse debet, ex ultima Græcia accersivit huc homines eruditissimos, & lectam ingeniosorum adolescentum manum: Græca inquam lingua, omnis elegantiae magistra, omnium ingeniarum ac liberalium artium parens,ATRIX, conservatrix, ita jam jacet ac fardet, ut, qui eam docent, soli prope in scholis relinquuntur. Stulti adolescentes Latinæ linguæ vix primis elementis utcumque perceptis, Græca ne salutata quidem, aut statim valere iussa, ad iuris prudentiam aut ad medendi artem properant, illic tantum gloriæ, illic divitiarum certissimam spem propositam diducunt. Stultiores liberis patres ultro adjuvant præpoperam & inconsultam filiorum cupiditate, quasi verentes, ne quando penuria sit in civitate hominum, qui aut lites aut morbes ferant; & aut ægros remediis, aut formulis ac cautionibus patrimonium jugulent. Oppugnantur interea litteræ a non unius generis hostibus: quorum alii aperto Marte eas insectantur, alii cuniculis, cum aliud agere se simulent, earum extinctionem ac dispersionem moliantur. Sed omitram hæc, quæ vilius oratione satis dolenter deplorari queunt, referamque me ad propositum, a quo me rei ad vos, Adolescentes, maxime pertinentis recordatio longius fortasse quam par erat abduxit. Interpretatus sum, ut dixi, jam pridem libros Ethicorum: nunc autem libros Politicorum, qui cum illis continuati ac connexi sunt, quantum vires meæ ferent, illustrare, vobisque ad eos intelligendos quasi facem præferre decrevi. In eis summus Philosophus ea quidem, quæ ad rationem rei domesticæ pertinent, modice delibavit: quæ autem ad

Rempullicam, uberrime ac copiosissime persecutus est. Summam totius operis breviter, ut soleo, exponere in animo erat: sed, ut dei tempus est, si vos diutius detinere perrexero, obstrepetis. In crastinum igitur differam, jamque finem dicendi faciam: si prius quædam, quæ prætermittere non possum, quanta maxime a potero brevitate, perstrinxero. Deum hominesque testor, Auditores, me omnia sedulo facere neque labori ac vigiliis parcere, neque interdum ipsius valetudinis rationem habere, ut vestris utilitatibus serviam. Voculas hominum aut malevolorum, aut quod dicant non satis intelligentium, qui meam docendi rationem calumniantur, vellenteque, me tempus consumere in quibusdam puerilibus ineptiis, quibus trivialium ludimagistrorum scholæ assidue personant, facile contemno. τὸ γὰρ ἐν μετ' ἐμῆς, ait nescio quis apud Aristophanem. Et habeo non subscriptores atque ad stipulatores, sed auctores potius hujus sententiæ meæ eos viros, quorum auctoritate tutus totum istud sermonum genus non extimesco. Propono vobis gravissimorum scriptorum libros utilissimos, & aptissimos ad veram & solidam laudem eloquentiæ comparandam. In eis tractandis & explicandis ita versor: nolo quidquam *φορτικῶς* dicere: sed ita certe, ut de toto isto allatorum genere dicere audeam: *Μαυρίσται τίς δέσσει ἢ μυρίσται*. Qui libros Rhetoricorum ad Herennium, aut aliquam Ciceronis orationem exponere, & in generibus ac statibus causarum, & in figuris ac tropis indicandis *μεγαλύνειν* possint, nunquam vobis defuturi sunt: qui ea præstare, quæ nos aut præstamus, aut præstare conamur, non semper adfuturi. Ego, ne quid, quod mearum partium sit, a me desiderari possit, operam dabo. Vos cogitate id, quod apud Hippocratem scriptum est: non satis esse ad morbos sanandos, si medicus recte ac diligenter munus suum obeat, nisi & ab ægroto ipso, & ab eis, qui ei adsident, communia opera ac diligentia medici conatus adjuventur.



INTERPRETATURUS C. SALLUSTIUM DE  
CATILINÆ CONJURATIONE.O R A T I O XIII. ( *alias X.* )*Habita Roma III. Non. Nov. MDLXXVIII.*

**A**Dvenit tandem illud vobis quoque, ut opinor, Audito-  
res, sed mihi certe, exoptatissimum tempus, quo diu  
jam intermissas exercitationes nostras, & studia, haud fa-  
cile dixerim, honestatis an suavitatis pleniora, reputamus.  
Juvat hanc, mihi circumfusam, incensam ac flagrantem  
fieri bonarum artium, cupidam veræ ac solidæ laudis & glo-  
riæ, ore ipso atque oculis omnia me summa sperare de ala-  
critate & industria sua jubentem lectissimorum adolescen-  
tum coronam intueri; juvat adspici; juvat audiri; juvat in  
talibus ingeniis excolendis; quicquid ingravescentes ætas vi-  
rium reliquerit, collocare. An agricolæ cum teneras arbo-  
res a se cultas ad justam sese proceritatem paulatim attol-  
lentes vident, efferuntur gaudio; pastoris pectus, gregis  
sibi commissi læticiam ac fecunditatem intuentis, tacita  
voluptate perfunditur; qui alumnos suos vigentes & floren-  
tes adspiciunt, afficiuntur intimis sensibus, & juventutem  
illorum, suam quodammodo juventutem esse ducentes, ex-  
cussa senectute, recalescunt: ego, Adolescentes optimi, e  
vestro in litteris profectu ac progressu non idem mihi usuve-  
nire fatear? Neque mihi sane dubium est, quin plerisque  
vestrum quadrimestre illud tempus, quod nobis quotannis,  
ex vetere instituto, solum acliberum conceditur, justo  
longius visum sit: iis nimirum, quibus amor virtutis ac lit-  
terarum in visceribus ac medullis defixus indit, quibus cor  
faucium est cœlestis illius Cupidinis sagitta,

*Quos tergit iussu certus ad ossa Deus.*  
ut Ueber Poeta loquitur. Quam sæpe eorum unumquem-  
que credibile est secum in animo Horatiana illa reputasse:

*Ut nos longa, quibus mentitur amica; deisque*

*Longa videtur opus debentibus: ut piger annus*

*Pupillis, quo dura premit custodia matrum:*

*Sic mihi tarda fluunt, ingrataque tempora, qua spem*

*Consiliumque morantur agendi graviter.*

Maſt eſſe animo ac virtute, juvenes, quibuſcumque ſæpe  
 de mentem iſta venterunt; quibus jucunda induſtria eſt, odio-  
 ſa ceſſatio; quibus labori quies eſt, labor quieti; qui tum  
 denique vita ac ſpiritu frui vobis videmini cum in litteris  
 tempus omne conſumitis; qui eo eſtis animorum ardore, ut  
 in illa directâ & ardua, & ut ait Heſiodus, ad virtutem  
 via nunquam ſtrigare, nuſquam interjungere, ſed eam uno  
 tempore ac ſpiritu totam, ſi fieri poſſet, exhaurire ac ſu-  
 perare cuperetis. Hæc via veteres illi, quos admiramur ac  
 ſuſpicimus, ſapientiæ proceres vulgo ſeſe exemerunt; hæc  
 ſe ſupra cæteros mortales extulerunt; hæc gradientes, non  
 modo floruerunt inter æquales ſuos, ſed in omnem poſteri-  
 tatem nomen ſibi ac decus in mortale pepererunt. Cuius  
 autem ignaviæ fuerit, eos quidem, ut magnos quosdam, ac  
 præſtantes viros, laudare ac deprædicare: & tamen torpe-  
 re ac marceſcere otio malle, quam ut eorum ſimiles eva-  
 damus, operam date? Non eſt ejusdem animi induſtriam  
 laudare & otium amplecti; non ſerio laudat, qui non  
 & concupiſcit; non ex animo admiratur, qui non & imi-  
 tatur. At bene, quod ex iſto numero multi non otioſi vete-  
 rum laudatores, ſed ſtrenui porius imitatores, non tam ad  
 præclara ſtudia cohortandi eſtis, quam exemplo veſtro ex-  
 citare ipſi alios ac cohortari poſſitis. Itaque pro certo ha-  
 beo, totum id tempus, quo nobis huc per calores conven-  
 ire non licuit; non tamen a vobis languori ac deſidare da-  
 tum, ſed, quatenus licuit, earum iplarum artium, qua-  
 rum amore ſagratæ, umbratili ac domeſtica exercitatio-  
 ne traductum. Sic agricolæ, ubi tempeſtates malæ ſunt,  
 cum opus fieri non poteſt, ſub teſto tamen, quod agant,  
 reperiunt, ac ne ipſos quidem feſtos dies ſibi prorfus inuti-  
 les effluere patiuntur. Sic milites, ubi eos horriſer aqui-  
 lis ſtridor in hiberna compulſos, a bellicis muneribus avo-  
 cavit, quotidie tamen aut curſu, aut ſaltu, aut ad palum  
 exercentur, aut ſictis inter ſe præliorum imaginibus dimi-  
 cant, aut gladios acuunt, aut arma poliunt, quæ denique  
 in bello uſui futura ſunt, ea omnia in pace meditantur.  
 Quod ego ut mihi de vobis polliceri audeo, ita vobis de me  
 plane confirmare poſſum; neque enim mihi minus otioſa ul-  
 la pars anni fuit, quam quæ ad quietem conceſſa videbatur.  
 Libuit mihi iſtorum potentum conſuetudinem imitari, &  
 tentare, num, quas illis æſtatis tempore voluptates di-  
 yicia:

vitiarum suarum magnitudo præstat, easdem mihi in re curta ac tenui studia mea suppeditare possent. Igitur ut illi ea tempestate anni montosa & altiora loca & saltuum ac nemorum opacitatem consueantur: sic & ego Heliconios colles & avia Pieridum loca peragrans, æstus ambitionis avaritiæque vitabam. Ut illi ad fontium aut fluminum capita strati, cantibus avicularum animum oblectant: sic & ego ad illos sacros & vulgo ignotos fontes, ex quibus omnis elegantia omnisque humanitas in vitam hominum fluxit, molliter compositus ex illis ambrosio veterum Poetarum cantu incredibilem animi voluptatem hauriebam. Ut illi venatu aucupiove intenti prædas agunt, quibus mensam instructiorem faciant, sic & ego, quibus mentem instruere, esapientissimorum hominum morumque quotidianis aucupabar. O studia nostra, Auditores, non utilia tantum ac fructuosa, sed dulcia etiam ac delicata! Persarum Reges, qui ut opibus ac divitiis affluebant, ita luxu ac deliciis disfluebant; voluptatis causa ita dividebant annum, ut hiemem Babylone, vel Susis, in Media æstatem agerent. Quid nisi studia nostra eandem nobis honeste luxuriandi facultatem ac copiam præbeant? *Ex meo proprio rure, ait Terentianus Laches, hoc capio commodi:*

*Neque agri, neque urbis odium me unquam percipit.*

*Ubi satis cepit fieri, commuto locum.*

Idem in studiis licet. Gravi & severa Philosophorum lectione defensum animus est? Poeticorum lusu, involutus fabellis, & conditæ omnibus leporibus sapientiæ præcepta continentium, amœnitate recreetur. Solidius aliquod & succi plenius cibi genus requirit? Ex illo copiosissimo ac locupletissimo veterum Oratorum pœnore omnia non pascendis modo, sed etiam saginandis animis apta depromat; insurgit se in historiam veterem; omnem superioris ævi memoriam mente ac cogitatione perlustrat; indulgeat arbitratu suo illi voluptati, quæ infinita & insatiabilis ex antiquitatis cognitione percipitur. Aliarum voluptatum habendus modus est, huic nimis indulgeri non potest. Atque equidem, Auditores, quoniam humanus animus varietate capitur, omniumque prope rerum, ut ait Euripides, incuncta mutatio est: decrevi hoc anno aliquid vobis hujus suavitatis impertiri, & intermissa paulisper Philosophiæ severitate, nobilissimi inter Latinos historiarum scriptoris lectione vos



pascere. Quod consilium tum denique sine ulla dubitatione probabitur, cum, ex quo fonte manaverit, intelligeris. Superioribus diebus, cum ad illud non amplissimi tantum ordinis, sed hujus ætatis, singulare lumen ac decus, Gaium Sirletum Cardinalem venissem, cepit ille me, ut sciret, de studiis meis humanissime interrogare. Cui cum pauca pro tempore respondissem, procedente sermone, quæsit etiam ex me, quid vobis hoc anno proponere atque explicare meditarer. Respondi, me, in ipsius potestate & semper fuisse & semper fore, & hac quoque in te totum ex ipsius nutu atque auctoritate pendere, atque id demum mihi factum optimum atque utilissimum visum iri, quod ipso auctore, & tanquam auspice, gereretur. Tum ille: Quando, inquit, superioris anni curriculum in Aristotelis politicis consumpsisti, non alienum fuerit, hoc anno aliquid paulo levioris operæ assumere. Nam neque omnes ii, quorum te commodis servire oportet, capaces sunt tam arduarum disputationum; & a plerisque impetrari non potest, ut Græcas litteras ament; & sunt, qui anni principio ad dimidiatos libros, tanquam ad delibatas ab aliis ac prope semper epulas, non libenter accedant. Quare auctor tibi sum, ut aliquem historicum sumas: ac, si me audis, non alium potius, quam Sallustium. Nam & egregie Latine loquitur, & gravis ac densus est, & civilis sapientiæ plenus, & quod tu quanti facias scio. Thucydideus: & ut exiguis liber est, paucis illum mensibus totum explicare facile poteris. Ego vero, inquam, libentissime parebo auctoritati tuæ: neque unquam committam, ut quacumque de re sententiam tuam cognovero, de ea mihi amplius quærendum ac dubitandum putem. Quod igitur faustum felixque sit, de summi in omni genere laudandarum artium viri, & nostrum omnium amantissimi sententia evolvemus & excutimus una hoc anno, Auditores, Sallustium, hoc est, cum scriptorem, cui antiquitas historiæ Romanæ detulit principatum. Ad quem cognoscendum, si vos parem meæ industriam ac diligentiam adferetis, magnam vim ex ejus scriptis, Deo volente, & eloquentiæ & sapientiæ præceptorum colligemus. Sed in primis pauca quædam de historia in genere, pauca de Sallustio dicam, quæ instituto nostro non inutiliter præfulscentur ac præmuniantur. Ac de historia quidem hæc: Primum, quid sit historia: deinde, quam pul-

chra,

chra, quam jucunda, quamque utilis sit historiarum cognitio; tum, quæ sint historiæ leges; postremo, in historiærum lectione versantibus, quæ potissimum observanda sint, & quomodo in ea re a plerisque peccetur. Cornificius, seu quis alius est, qui scripsit libros Rhetoricorum ad Herennium, itemque Cicero ipse libro primo de inventione, ita historiam definiunt: *Historia est res gesta, sed ab ætatis nostra memoria remota*. In hac definitione, quot verba, totidem prope peccata sunt. Primum historia non est res gesta: sed rei gestæ expositio ac narratio. Non enim ipsa Conjuratio Catilinæ, aut bellum ipsum Jugurthinum historia est, neque hoc ipsi dicere voluerunt; sed id, quod sentiebant, non satis commode elocuti sunt. Itaque condonetur hoc negligentia ipsorum; etsi nemo in rebus definiendis negligens esse debet. Sed quod addiderunt, historiam non esse, nisi quæ ab ætatis nostræ memoria remota sit, cuius quæso amentia est? Ergo si quis hodie de Romulo & Remo scribat, fatebimur, eum historiam scribere; si de bellis inter Carolum V. & Franciscum I. gestis, negabimus, quoniam hæc nondum ab ætatis nostræ memoria remota sunt: aut certe dicemus, nondum historias esse, tunc demum fore, cum qui earum rerum meminerit, nemo amplius reperietur. Quomodo fiet, ut ipse quidem hodie historiam non scribat, qui autem ab hinc centum annis scripta ejus legent, historiam legant. Neque Thucydides hac ratione historiam scripserit; neque Xenophon in libris anabaseos, aut in libris rerum Græcarum; neque Sallustius, cum Conjuracionem Catilinæ, aut cum bellum Jugurthinum scriberet. Livius quoque quamdiu vetusta persecutus est, historiam scripsisse dicetur: at postremis libris, quibus complexus erat res suis temporibus gestas, historiam videlicet desierat scribere. Sed nolo pluribus verbis exagitare tam fatuum definitionem: ne mentionem quidem illius ullam fecissem, nisi scirem, eam etiam hodie defensores habere. Longe aliter sentiebant quidam olim eruditi homines, quos Verrius Flaccus refert putasse, historiam proprie dici narrationem earum rerum, quibus gerendis is, qui eas narraret, interfuisset. Quos quamvis non sequor, (neque enim pauciora aut leviora incommoda hanc quam illam definitionem sequuntur) tolerabiliorem tamen illorum errorem esse arbitror. Quomodo igitur historiam definiemus? Inju-

Ne enim reprehendit aliena, qui meliora non profert. Historiæ nomen, Auditores, non tantum rerum gestarum, sed quarumlibet rerum narrationem expositionemque significat. Sic Aristoteles eos libros, quibus ingenia & naturas animalium persecutus est, vocavit historiæ animalium; sic Teophrastus historiæ stirpium; sic denique C. Plinius libros suos naturalis historiæ inscripsit. Quibus libris causæ ac principia rerum exquiruntur, aut alicuius disciplinæ præcepta traduntur, nunquam eos quisquam recte historiæ vocaverit. At ubi narratur tantum aliquid atque exponitur, recte id scriptio: um genus historiæ nominaris. Itaque liber quidam, qui Galeno tribuitur, neque tamen ipsius est, quo veterum Philosophorum unaquaque de re sententiæ exponuntur tantum, non etiam expendantur, recte inscribitur φιλοσόφου ιστορίας. Eodemque nomine affici possent libri eiusdem argumenti, qui falso tribuuntur Plutarcho περὶ τῶν ἀρετῶν τῶν τοῦ φιλοσόφου. At libros physicorum, aut ethicorum, aut eiusmodi alios si quis historiæ vocaret, male & inscienter historiæ nomine uteretur. Nam illud quoque intelligendum est, quod de toto aliquo genere universe scribitur, historiæ non vocari, nisi particulatim ad singula veniatur. Atque hæc cum ita sint, historiæ tamen nomen in hac disputatione non tam late accipimus: sed vim illius angustioribus terminis concludentes, ita definiendam historiæ putamus: *Historia est rerum publice gestarum diffusæ & continuatæ narratio.* Neque quidquam interesse arbitramur, ad hoc quidem, ut historia sit, sint ne res illæ remotæ ab ætatis nostræ memoria, an minus, & num is, qui eas scribit, eis interfuerit, an non interfuerit. Scripsit Herodotus de rebus a memoria ætatis suæ remotis: & historiæ scripsit; scripsit Thucydides de bello, cui ipse interfuerat; scripsit Xenophon de reditu Græcorum ex Asia, cui non interfuerat modo, sed & præfuerat; & uterque historiæ scripsit. Siquis dicat, ad fidem & auctoritatem historiæ conciliandam interesse, scribat quis eam quæ ipse viderit ac cogroverit, an quæ ab aliis tradita acceperit, non negabo: si, ut vere ac proprie historia sit, horum utrumlibet requiri dixerit, pernegabo. Nunc singulas propositiones definitionis partes minutatim consideremus. *Historia est narratio rerum gestarum.* Omnes igitur fabulæ excluduntur. Neque enim continent res gestas, sed ad ejus qui scripsit,



psit, libidinem fictas. Itaque neque Luciani libros verarum, ut ipse ludens vocat, narrationum, neque Ætiopica Hæliodori, aut Pœmenica Longi, aut ejus generis scripta, historias esse dicemus, non magis quam Heraclidæ Abarin, aut Aristonis Lyconem. Ne Xenophontis quidem libros *Κόρυ παρδίας* pro historia acceperim: tum ob alias causas, tum quia in eis non tam curæ fuit sapientissimo ac disertissimo scriptori, ut res a Cyro gestas exponeret, quam ut nobis exemplar Regis omni ex parte perfecti proponeret. Est ne igitur omnis vera narratio historia? Minime: sed ea tantum, quæ est rerum publice gestarum. Non enim Oratoris narrationes, etiam si veræ sint, historias vocabimus; neque illa Ciceronis: Milo domum venit, calceos ac vestimenta mutavit: paulisper, ut sit, dum se uxor comparat, commoratus est: aut similia, ad historiam pertinere censuimus. Neque Philostratus, cum vitam Apollonii aut Sophistarum; neque Laertius aut Hesychius, cum vitas Philosophorum; neque Plutarchus. Suetonius, Æmilius Probus, Ælianus, Lampridius, Capitolinus, cum vitas Imperatorum aut aliorum virorum illustrium scriberent, historiam scripsisse judicandi sunt. Aliud est enim vitas scribere, aliud historiam. Qui vitam alicujus scribit, qualis quisque domi fuerit, qualis in uxorem, qualis in liberos, in familiares, in hospites; quo viâ ac cultu corporis usus sit, accurate ac diligenter exponit: qui historiam, hæc omnia aut prætermittit, aut in accessionis loco, quasi aliud agens, strictum & modice attingit; ea tantum ex instituto persequitur, quæ ad publicum pertinent. Hoc Plutarchus ipsemet docet, qui etiam cum virorum illustrium vitas scribit, negat se historiam scribere. Verba ipsius proferam, ne quis dubitavit: relinquatur locus. Οὐτε γὰρ ἱστορίας γράφωμεν, ἀλλὰ βίαις, ἃ τε τοῖς ἐπιφανέσιν αὐταῖς πράξαι πάντας ἐνδοκίμοις ἀρεταῖς, ἢ καλῶς, ἀλλὰ πολλὰ καὶ ῥήματα καὶ παιδιὰς ὁμιλοῦσιν ὅδως ἐποίησεν μάχων, ἢ μάχαις μυριόεντων, καὶ παραστάσεων μεγάλων, καὶ πολιορκιῶν πόλεων. Neque enim historias, inquit, scribimus, sed vitas, neque ut quæque nobilissima & optima est, ita maxime virtutem aut improbitatem cujusque patefaciat: immo v. ro sæpe & verbum unum, & locus aliquis magis declaravit, qui cujusque mores essent, quam pugna, in quibus decem hominum milia ceciderunt, maximaque praelia & urbium obsidiones. Videtis igitur, quæ sit quasi seges ac materia histo-

historiæ propria: bella, paces, induciæ, fœdera, seditiones, tumultus, leges, judicia, commutationes Rerum publicarum, & quæ sunt ejusdem generis: qualia apud Herodotum, Thucydidem, Xenophontem, Polybium, Dionysium Halicarnasæum, Sallustium, Livium, Diodorum Siculum, Cornelium Tacitum, Appianum, Ammianum Marcellinum, Dionem Coccejum, & ejusmodi alios leguntur: quos vere ac merito possumus historiæ scriptores nominare. At tonderi diligenter ac radi, aut velli etiam folium Cæsarem, & semper cingi supra latum clavum; & Octavianum mense Decembri totos dies talis luisse; & similia, ejus sunt, qui vitam alicujus, non qui historiæ, scribat. Addidi in definitione historiæ, eam esse non narrationem modo, sed *diffusam & continuatam narrationem*, id est, *dispositam & continuatam* quæ *hæc*. Diffusam quidem, quoniam qui summa capita rerum colligunt, eaque nude ac simpliciter proponunt, ut Florus, Eutropius, Orosius, Sulpicius, non tam historiæ scribere dicendi sunt, quam summaria quædam, aut, ut vetustiores loquebantur, brevitaria historiæ. Continuata autem, ut Valerium Maximum, & alios ejus exemplum secutos, ab historicorum numero excluderem. Longe enim aliud est historiæ scribere, aliud exempla similia ex historiis collecta, sub uno, quod illi fecerunt, aspectu ponere. Probasse me vobis arbitror, quod principio posueram, historiæ esse rerum publice gestarum diffusam & continuatam narrationem. Cætera, de quibus dicere institueram; (sunt autem hæc: de legibus in historiæ servandis, de pulchritudine, suavitate, utilitate historiæ, tum quid præcipue observare debeant, qui historias legunt) ea igitur, & ex ipso Sallustio quædam cognitu digna, ne & vobis molestæ & aliis impedimento sim, in crastinum differuntur.

Non dubito L. C. V. P. quin, quicumque te huc honoris mei causa venisse vident, & humanitatem erga me tuam admittentur, & me tibi plurimum eo nomine debere arbitrentur. Ego autem ingenue fateor, nihilo me tibi propterea esse, quam antea fueram, devinctiorem. Cui enim omnia debeo, quid ei jam debere amplius possim? Quare ne illud quidem mihi curandum puto, ut tibi exquisito aliquo orationis genere gratiam agam. Ista faciant, qui se accepta beneficio verbis exæquare posse confidunt. Mihi jam pridem adempta ac præcisa spes omnis est quidquam excogitan-

di, quod tuis erga me innumerabilibus meritis ulla ex parte respondeat.

CUM EXPLANATURUS ESSET  
ÆNEIDA VIRGILII.

O. R. A. T. I. O. XIV. (*alias XI.*)

*Habita Roma III. Non. Novemb. MDLXXIX.*

UT in reliquis vitæ partibus, sic in studiis & in ratione dicendi plerumque contingit, ut juvenes quidem nitida & ad pompam atque ostentationem accommodata, senes autem utilia magis & fructuosa delectent. Itaque ego qui olim florenti ætate omnes lepores festivitatisque dicendi, quantum quidem in me situm erat, summo studio aucupabar & pectere ac comere cum cura orationem solebam, nunc, ut ætate, ita consilio commutato, profutura potius quam oblectatura conlector: neque tam id operando, ut ab iis, qui ad me audiendum conveniunt, disertus habear, quam ut ipsi aliqua re bona & digna cognitu domum redeant auctiores. Et hoc quoque tamen ipsum voluptati vobis esse confido. Neque enim vere novo segetis herbescentis viriditas, quam adulta ætate flavescens & falcem vocantis maturitas; neque arborum in primos sese flore induentium, quam opibus suis laborantium, & earum pondere incurvescentium magis nos aspectus oblectat. Nunc igitur Æneidos Virgilianæ interpretationem ingressurus, (poematis non tantum inter omnia Latina sine ulla dubitatione præstantissimi, sed etiam Græciæ gloriam in magnum discrimen vocantis,) omittam multa, quæ apte ad plausus & clamores excitandos in hoc argumento dici posse, facile intelligo: convertamque orationem meam ad quarundam rerum tractationem, quas spes est neque nimis communes ac contritas, neque alienas ab hoc instituto, neque cognitui inutiles judicatum iri. Dicam enim de poetices ipsius natura primum & antiquitate, tum suavitatem, & quid sit, quod eam tantopere suavem efficiat, quasque illa hominum generi utilitates & attulerit & perpetuo adferat; deinde quasdam Aristotelis de poesi ac poetis sententias, quæ propter ipsius auctoritatem in omnium fere jam animis infederunt, tentabo & ad disquisitionem vocabo; postremo cum & de Vir-



Virgilio ipso, & de hoc, quod nobis in manibus est, ejus poemate, pauca quædam ad ipsius dignitatem ac commendationem pertinentia protulero, mittam concionem, neque committam, ut nimia longitudine aut vobis molestiæ sim, aut aliis, qui post me in hunc locum consecuri sunt, impedimento. Poeticam veteres, ut hinc exordiar, non tam artem esse, quam incitationem quamdam animi, & furorem divinitus immissum, qualis est in vaticinantibus, judicarunt. Quod ita expressit Cicero pro Archia: *Sic a summis hominibus eruditissimisque accepimus, cæterarum rerum studia & doctrina & præceptis & arte consistere: poetam natura ipsa valere & mentis viribus excitari, & quasi divino quodam spiritu afflari.* Et apud eundem Antonius lib. 2. de Oratore hoc ipsum a Democrito & a Platone in scriptis relictum esse dicit. Ac de Democrito quidem aliis credamus necesse est, cum ipsius scripta perierint: apud Platonem autem ita multis locis hoc dicitur, ut putidum sit eos accuratius percensere. Sed & poetæ ipsi hoc de se profitentur ac prædicant; quorum sunt illa:

*Est Deus in nobis: agitante cælestimus illo:*

*Sedibus ætheriis spiritus ille venit.*

multaque ad eundem modum. & Pindarus eo se Bacchylidi antepont, quod ipse quidem natura valeat, Bacchylides arte subnixus temere multa profundat: itaque tantum interesse inter se & illum, quantum inter aquilam & corvos, gloriatur. Neque aut mons ille duplici vertice insignis, aut fons, cujus hauſtu poetas fieri ajunt, quidquam aliud indicant, quam eos, non arte & industria, sed divino quodam spiritu & instinctu valere. Et certe præstantissimi poetarum, Orpheus, Linus, Musæus, & ille omnium parens Homerus multis ante sæculis existerunt, quam ulla præcepta poetices tradita essent. Sed tamen si naturæ tantum & ingenii, non artis & industriæ poetica est, quid est, quod summus philosophus Aristoteles libros tres de arte poetica scripsit? quod optimi poetæ Horatii libellus eodem argumento scriptus manibus teritur? quod, ut cæterarum, ita hujus quoque facultatis præcepta quotidie ab hominibus eruditissimis summo studio tractari videmus? An illud verius est, ut in oratore, sic in poeta, qui oratori affinis quodammodo & in dissimili genere simillimus est, & naturæ atque ingenii præstantiam & artem præterea quamdam ac præceptorum observationem

requi-

requiri? Ita quidem certe sentit Horatius, cujus illa sunt;

*Natura fieret laudabile carmen, an arte,  
Quasitum est. Ego nec fluviū sine divite vena,  
Nec rude quid prosit video ingenium; alterius sic  
Altera pascit opem res, & conjurat amice.*

Fatendum tamen fortassis est, plus in poeta ingenium, plus in oratore industriam posse. Sed ut Phylici ajunt, res e multis ac diversis elementis conflatas atque concretas, ex eo nominari, quod in quaque dominetur: sic veteres illi cum in poetis illum animi ardorem plurimum posse, quasque principatum obtinere; curam autem & industriam subsequi, eique quasi famulari viderent: quod præcipuum esset, id solum esse dixerunt. Nam quod summi poetæ fuerunt, antequam quisquam poetices præcepta traderet: idem in Oratoribus dici potest. Siquidem, ut alios omittam, ille ipse, quo nemo post homines natos, eloquentior fuit, Demosthenes, omnes eloquentiæ numeros antea impleverat, quam ab Aristotele, qui primos ut dialecticen ita & rhetoricen ad artis formam redegit, libri ad eam rem pertinentes conscriberentur. Sed & emendate loquebantur homines, antequam grammatici nascerentur: neque ex illorum præceptis emendate loquendi facultas; sed ipsa potius præcepta ex observatione eorum, qui bene loquerentur, enata sunt: quomodo jurisconsulti dicunt, non jus e regulis, sed e jure regulas exstitisse. Neque omnino quidquam est aliud ars, quam imitatio quædam naturæ: neque ulla est ars, cujus non semina ac principia naturæ debeantur. Sic igitur a me primum illud caput eorum, quæ proposueram, explicatum sit, ut poeticam, neque impetum quemdam animi temere sine ullis legibus vagantis esse statuamus; neque rursus totam præceptis adligatam & adstrictam teneri: sed & generoso quodam ingenio, tum ad concipiendas animorum imagines, tum ad ea, quæ conceperit, grandibus verbis, & minime vulgari dicendi genere efferenda egregie facta, & præterea diligenti cura atque observatione præceptorum quorundam contineri. Antiquitas ipsius vele Ciceronis testimonio omnibus nota est, qui e doctis antiquissimum esse ait poetarum genus. Nos certe Homero, quem tamen multi poetæ antecesserant, nullum profanum scriptorem versutiorē habemus. Et illi, qui primi dispersos homines congregasse, & ex agresti ac ferina, ad mitio-

rem & cultiorem vitam traduxisse perhibentur, non alii quam poetæ fuerunt: quos propterea Plato deorum filios & sapientiæ patres ac duces vocat. Qui cum & præclaras sententias funderent, & certis numeris ac pedibus verba vincirent, ita ut neque ulterius quam par erat excurrerent, neque citius subsisterent, sed paria paribus reddentes æquilibrium in dicendo quamdam efficerent, & oraculorum similia atque ænigmatum speciem præbentia multa loquerentur: admirata eos illa rudis antiquitas, & divinum aliquid in eis latere rata est, & suavitate cantuum irretita, ducendam se illis gubernandamque permisit. Mulcet autem animos, & incredibili suavitate perfundit poesis, ut uno verbo dicam, propter admirabilitatem. *Delectat enim, ait Cicero, quicquid est admirabile.* Poetæ autem & mira quædam narrant, & ex miro modo eloquuntur. Jam omnes homines natura cupidi sunt scientiæ: & admiratio stimulus quidam est ad sapientiam ac scientiam: impellit enim ad quærendam causam, in cuius cognitione ac perceptione posita scientia est. Itaque Aristoteles, cuius hæc ex fontibus libamus, & admiratione ductos esse homines ait ad philosophandum, & ut quisque sapientiæ amantissimus sit, ita esse amantissimum fabularum. Delectant poetæ numero quoque ipso & sono, qui naturæ nostræ ita consentaneus est, ut veterum quidam animum ipsum numerum esse atque harmoniam putaverint. Delectant etiam, quia in rebus nihil ad nos attinentibus perterritant animos nostros omnigenere affectuum: ita ut vel legentes poemata, vel audientes, interdum angamur ac premamur metu, interdum ad spem erigamur, nonnumquam exhalaremur; nonnumquam etiam iis quæ ficta esse scimus, illacrymemur. Vir sanctissimus & eruditissimus Aurelius Augustinus sæpe ubertim flevisse se, cum Didonis mortem apud Virgilium legeret, confiteretur. Sed hoc in eo propter singularem ipsius bonitatem minus fortasse mirum videri potest. Vere enim hoc Græci proverbio dicunt: Bonos viros faciles esse ad lacrymandum. Quid quod feris quoque ac barbaris hominibus, & cædæ ac sanguine gaudentibus poemata tamen misericordiam interdum & lacrymas commovent? Alexandrum Phææorum tyrannum accepimus aspero supra modum & immiti atque efferato ingenio fuisse, ita ut homines alios vivos defoderet, alios aprorum urforumque pellibus reectos, canibus venatricibus laniandos objiceret, idque sibi pro



pro ludo atque oblectamento haberet, quasdam etiam civitates amicas ac socias immissis sine causa spiculatoribus, repente universas contrucidaret. Coram hoc agebantur aliquando Euripidis Troades, quæ in fabula dolenter admodum deplorantur Trojanorum calamitates. Homo quamvis asper & indomitus, quemque nulla unquam res ad misericordiam flectere potuisset, sensit tamen se poetices cantibus commoveri. Itaque statim se proripuit e theatro: indignum esse dicens, se, cui tot strages, tot urbium direptiones, tot civium exquisita tormenta nunquam lacrymam unam exprimere potuissent, Hecubæ & Andromachæ malis illacrymari. Quam vim poetarum Horatius merito cum funanbulorum & magorum operibus comparavit.

*Ille, inquit, per extensum funem mihi posse videretur*

*Ire poeta, mentem qui pectus inaniter angit,*

*Irritat; mulcet, falsis terroribus implet,*

*Ut magus: & modo me Thebis, modo ponit Athenis.*

Paulo aliter explicat Aristoteles causam ejus voluptatis, quam ex poetis capimus: sed nihil prohibet aliter a pluribus eadem de re, & tamen vere ab omnibus disputari. Ait igitur Aristoteles, natura comparatum esse, ut omnes homines imitatione gaudeant, & ex rebus imitando expressis, cuiusmodi tandem illæ sint, voluptatem percipiant, huic rei argumento esse puerulos qui natura duce, imitari omnia gestiant; & hoc vel maxime differre homines a cæteris animalibus, quod homines natura maxime facti sint ad imitandum. Addit, quæ primâ homines discunt, imitando disci; neque quemquam esse qui rebus imitando expressis gaudeat, etiam iis, quas veras nolle aspicere: non igitur mirum esse, cum poetis imitatio sit, tantam ex ea ab omnibus percipi voluptatem. Hæc, ut à veritatis amantissimo Philosopho tradita sunt, quin etiam verissima sint, dubitari non potest. Sed mihi tamen interdum non parvam dubitationem attulerunt. Ita enim mecum cogitabam: quod oculo lux est, idem esse animo veritatem: & quemadmodum luce oculum gaudere, abhorre a tenebris: sic animos nostros iis, quæ vera sunt, gaudere, quæ falsa sunt, ea aspernari ac refugere. Et Euripides quidem jucundissimum esse ait, scire; Aristoteles autem, discere. Quorum utrovis positos nihil veræ ac liquidæ voluptatis e rebus falsis percipi potest. Falsa enim neque sciri, neque disci queunt. Et tamen falso gaudere homines, multis

tis argumentis mihi videbar posse pervincere. Nam & poetæ gaudent, & pictura, & omni denique imitatione. Omnis autem imitatio videri vult id, quod non est: itaque quodam genere mendacium est. Neque vero tantum libenter ea videmus expressa coloribus, quæ vera delectant, ut nemorum pratorumque viriditatem, tellurem multiplici variorum florum tegmine opacatam, eximia pueros mulieresque formas: sed ea etiam, quæ vera videre nollemus, mirabiliter nos picta delectant: Hercules liberos interficiens, discerpens Pentheum mater, rota volutus Ixion, jecur vulturi præbens Prometheus, cæteraque de poetarum mendaciis pictorum quasi propagata mendacia. Quid eluviones, incendia, ruinas, domorum urbiumque direptiones loquar? quæ vera sani omnes refugiunt, picta summa cum voluptate intuentur. Ac admirari quidem solemus, si quos videamus nihilo majorem fictis, quam e veris, voluptatem percipere: colque rudes esse atque impolitos judicamus: cujusmodi ille Laco fuit, qui cæteris tabulam quamdam magnificientibus, in qua pictus erat præpingui rusticus corpore, ad umbram arboris stratus, magna cum significatione languoris ac desiderii, negavit eam sibi placere, quod talem hominem ne vivum quidem in ædibus habere vellet: & Anacharsis, qui invitatus ad audiendum quemdam, qui mirifice lusciniæ cantum imitabatur, aspernatus est; veras sibi lusciniæ sæpe auditas esse dicens. At quis nostrum non talia omnia pluris faciat imitata quam vera? Quæ autem vera vacua tantopere unquam celebrata est, quantopere vacca Myronis? Numquid igitur hominem falso gaudere dicemus? Immo vero naturæ hominum amica pœne veritas est: neque aliud quidquam mendaci gratiam conciliat, quam imitatio veritatis. Itaque tum ea dicuntur, quæ nullam prorsus habeant veritatis similitudinem, aut suapte vi, aut habita ratione eorum, apud quos dicuntur, nulla ex talibus mendaciis exsistere voluptas potest. At poetarum figmenta & ingeniose excogitata sunt, & accedunt plerumque ad aliquam similitudinem veri: & ita exponuntur, ut in ipsa eorum expositione mirificum quoddam ingenii acumen perpetuo eluceat. Itaque, quoniam verum ingeniose imitantur, oblectant. Sequitur, ut ostendam, quæ commoda humano generi adferant poætæ, & quas ad res utilis sit poematum lectio. Dico autem, quæ duo ut doceret Achillem Phoenix, comitem se ei a patre da-

tum

tum esse proficetur , ad ea utraque poetas utilissimos esse . Nam & bene loqui docent , & ad honestas actiones animos legentium aut audientium impellunt . Quod his versibus exponit Horatius :

*Os tenerum pueri, balbumque poeta figurat :*

*Mox etiam pectus praeceptis format honestis,*

*Asperitatis; & invidia corrector, & ira.*

Ac de eloquentia quidem , quin ad eam plurimum conferant , ne dubitari quidem potest . Omnis enim granditas orationis , omnis peregrina , & ab vulgari abhorrens conformatio verborum , omnes figuræ insigniores non ab alto scriptorum genere , quam a poetis petuntur . Numerosae autem dicere , quo nullum majus elocutionis ornamentum est , nemo non poterit , nisi qui aures habeat in numeris poeticis diu multumque tritas & exercitatas . Illa major & dubitationis plenior quaestio est , profuit ne moribus poetæ , an eos inficiant ac depravent ? Plato enim cum innumerabilibus locis summam laudem tribuisset poetis , ac præcipue Homero , in libris de republica multa ab eo peccata esse demonstrat , & civibus suis ab eo metuens , excludit eum ab illa , quam instituit , civitate . Quem imitatus Cicero in Tusculanais , *Videsne* , inquit , *poeta quid mali adferant ? Lamentantes inducunt fortissimos viros : molliunt animos nostros ; ita sunt deinde dulces , ut non legantur modo , sed etiam ediscantur . Sic ad malam domesticam disciplinam , vitamque umbratilem & delicatam cum accesserunt etiam poeta , nervos omnes virtutis elidunt . Recte igitur a Platone educuntur ex ea civitate , quam finxit ille , cum mores optimos , & optimum reipublicæ statum exquireret . Nos vero , si ut Sirenium , ita poetarum cantus exitiosi sunt , obturemus adulescentium aures , neque ad eos ullum poeticæ suavitatis gustum permanere patiamur . Sed si , adhibito iudicio eorum lectio fructuosa est , caveamus , ne faciamus idem quod Lycurgus Rex Thraciæ .* *Cetera desiderantur .*



AGGRESSURUS SATYRAM TERTIAMDECIMAM  
JUVENALIS.O R A T I O XV. ( *alias XII.* )*Habita Roma Anno MDLXXV.*

CUM constituerim vobiscum una evolvere atque excutere librum Senecæ de providentia, judicavi omnibus nobis commodum fore, si is liber seorsim a cæteris Senecæ operibus mea opera emendatus excuderetur. Ac sperabam id fore, antequam ad has mihi jucundissimas, vobis, ut merito sperare videor, non molestas exercitationes redirem. Sed aliter cecidit. Interea igitur, dum ille pulcherrimus libellus a librariis describitur, delegi decimam tertiam Juvenalis Satyram, in qua hoc triduum consumere-remus. Et jucunda autem & utilis illius evolutio futura est. Continet enim multas graves & utiles sententias, optimis verbis, & genere quodam dicendi falso, festivo, hilari, & ut ita dicam, vivido, quod huic poetæ proprium ac perpetuum est, explicatas. Neque mihi quisquam illud objecerit, multos esse ex Latinis Juvenale meliores poetas. Non conterdo. Scio multum interesse inter Juvenalem & Virgilium. Sed qui solum Virgilium legerit, tanto præstare eum cæteris credere poterit, scire non poterit: ut ad certiore in ipsius Virgilii gloriam pertineat, etiam alios legi. Deinde non continuo sola cognoscenda, quæ optima. Alioqui non tantum præteritus solus Virgilius, ex oratoribus solus Cicero, sed ipsius Virgilii unum aliquod poema, Ciceronis una aliqua oratio legenda erit. Certe enim & aliquod Virgili poemæ, & aliqua Ciceronis oratio principem locum tenet. At nemo unquam repertus est, qui aut Homerum, præcipuum esse inter poetas negaret, aut propterea Hesiodum, Theocritum, Appollonium Rhodium, alios etiam inferiores e manibus hominum excutere conaretur. Nec quia Sophocles in Tragœdia excelluit, idcirco Æschylum Euripidemque contemnimus:

*Non, si priores (ait Horatius) Maonius tener  
Sedes Homerus, Pindarica latent,  
Cæque: & Alcei minaces,  
Stesichorique graves Camæna.*

Saus

Sua est stellis honos, sua lux, etiam si a Solis splendore & claritate vincuntur. At stulte facit, qui in potestate eligendi, prætermittit optimis, deteriora sectatur. Hoc ita demum in me valeret, si suaderem vobis, ut eos, quos optimos esse constat, prætermitteretis. Sed id neque feci adhuc, neque facturus unquam sum: & multum puto interesse, hos quasi secundarum partium scriptores melioribus anteponat aliquis, an eis quoque studii aliquid tribuendum putet. Præclare Cicero ferreum quidem scriptorem esse non diffitetur Atilium, sed scriptorem tamen, ut legendus sit. *Rudem enim, inquit, esse in nostris poetis, aut inertissima segnitia est, aut fastidii delicatissimi; mihi quidem nulli satis eruditi videntur, quibus nostra ignota sunt.* Hæc ille: & illis quidem temporibus, cum neque Musarum scopulos quisquam superarat, & is, qui hoc scripsit Ennius, meliorum inopia principem locum tenebat. Quid igitur censemus dicturum fuisse Ciceronem, si ad eorum poetarum, qui postea floruerunt, tempora vitam producere potuisset? Qui certe ut veteris illius Romanis sermonis integritate inferiores fuerint; (sæpe enim quicquæ ætatis, quam avarorum suorum sermone uti malebat) limatiores tamen, & cultiores, & multis poeticis virtutibus superiores fuerunt. Num igitur hos nitidos & politos contempsisset, qui illos horridos & imperios studiosè tamen ac diligenter evolverat? Sed ut in cæteris vitæ partibus, ita in ratione studiorum varie a vulgo hominum peccari solet. Patrum & avorum nostrorum memoria, qui se eruditos perhiberi volebant, optimis quibusque scriptoribus, tanquam pervulgatis & nihil additum ac retrusum continentibus valere iussit, in aliis quibusdam obscurioribus, minusque tritis suam omnem industriam collocabant. Itaque eorum plerisque sæpius in manibus erat Apulejus, aut Sidonius Apollinaris, quam Cicero: Perfitum, quam Horatium; Lucanum aut Claudianum, quam Virgilium libentius & majore cum studio pervoluabant. Animadvertit hunc errorem insequens ætas, & Bembi, Sadoleri, ac similibus & exemplo & auctoritate commota, ad vetustiorum lectionem imitationemque revocata est. Sed secutum est aliud malum, exorta factione ineptorum hominum, qui præter Ciceronem, Cæsarem, Salsutium, & si forte, aliquot alios eidem ætati supparet,

sum ex poetis, præter Catullum, Lucretium, Virgilium, tres aut quatuor alios, clamare cœperunt, cæteros omnes barbaros esse, nescisse Latine loqui, neque satis dignos esse, in quibus cognoscendis ullum studium poneretur. Inde exilit enectum quoddam & famelicum, & ut ego interdum vocare soleo, dilutum eloquentiæ genus, hominum existimantium, bene dicendi laudem in eo positam esse, ut ne ullum vocabulum ponas, quod non ex Cicerone sumperis, quamvis fatue atque insulse loquaris, sine ulla vi, sine ullo acumine, sine ullo pondere sententiarum, dummodo unum illud observes, ipsius te Ciceronis traterculum fore. Similis fatuitas eorum quoque, qui poetarum laudem affababant, animos occupavit. Nam cum sibi indices quidam confecissent earum vocum, quibus veteres aliquot poetæ usi essent, putarunt, se illis æquiparatum iri, dum sedulo caverent, ne quam vocem versibus suis immiscerent, quæ non in illis, quos dixi, indicibus reperiretur. Ergo hoc exemplo suo utrique docuerunt, ex omnibus Ciceronianis vocibus stultissimas orationes, ex omnibus Virgilianis pessimos versus posse componi. Neque dici potest, quam hæc hominum somnia sibi placeant, quam se circumspiciant, quam se impudenter iis, quos non intelligunt, anteponan. Statium, ait eorum quidam, aut Silium Italicum, tum hi, aut Lucanum, aut Sæpecam nominas? Ovidium etiam, cui præter unum Virgilium, Latinorum nemo par fuit, contemnere audent, seque ei antepone non verentur. Unus etiam, cæteroqui homine eruditissimus, sed illo errore imbutus, Ovidij Metamorphosin, divinum poema, & omnibus ingenii, omnibus eloquentiæ luminibus omni ex parte collucens, in eum sermonem, quæ vulgo nunc utimur, sibi convertendum curavit, ne, si eam Latine scriptam attingeret, sinceritatem Latini sermonis, quæ ex aliis poetis hauserat, contaminaret. Sed hunc quidem excusare quoquo modo possumus. qui cum & doctrinæ copia abundaret, & Latino sermone perite ac scienter uteretur, hac una in re nimis credulus fuit, aliorumque iudicio stare potius voluit quam suo. Illi non ferendi, qui ab omni eruditione imparati, quasi satis sit dixisse, *Ego pulchra poemata pango*, audent se cum eis componere, aut etiam eos præ se despiciere, a quorum coquis aut mulionibus, si hodie viverent, scribendorum carminum laude

Jau  
mih  
finc  
Hon  
sent  
vero  
tum  
& i  
ejus  
jam  
men  
tabe  
dilig

N  
tis h  
tudi  
rum  
ptor  
dide  
Corn  
mo  
natu  
labor  
suavi  
quo  
scat  
mat  
scul  
lofor  
plur  
studi  
abho



## O R A T I O XVI.

277

laude facile vincerentur. Horum ego, simul atque Juvenalem mihi in manibus esse resciverint, qui de me sermones futuri sint, non ignoro. Juvenalem interpretatur. Cur non potius Horatium? sed & tertio abhinc anno quasi alii poetæ deessent, Senecæ Troadas delegit, quas interpretaretur. Ego vero & in explicandis Senecæ Troadibus ita tum me veriatum esse confido, ut illius poetæ amorem multis incusserim: & in hujus Satyræ explicatione, spero me perfecturam, ut ejusdem poetæ alias quoque cognoscere cupiat. Sed satis jam verborum factum est. Nunc primum exponam argumentum hujus Satyræ. Deinde ipsius poetæ verba recitabo, quæque in eis explicatione egere videbuntur, ex diligenter & accurate interpretabor.

CUM ANNALES TACITI EXPLICANDOS  
SUSCEPISSET.

## O R A T I O XVI. (alias XIII.)

Habita Roma III. Non. Novem. MDLXX.

NEQUE pars ulla studiorum humanitatis aut amœnior est, aut fructuosior quam historia: neque ullius gentis historia est, quæ cum historia populi Romani aut magnitudine, aut pulchritudine, aut omnis generis exemplorum copia & varietate contendat: neque ex ingenti scriptorum, qui res Romanas litterarum monumentis prodiderunt, numero quisquam est, quem merito quis C. Cornelio Tacito anteponat. Nam si nihil est hominis animo jucundius, quam discere; & eorum quæ suapte vi ac natura jucunda sunt, tanto quidque jucundius, quanto laboris ac molestiæ minus exhibet: dubitare de historiæ suavitatem nemo potest, cum scripti genus nullum sit, ex quo aut plura, aut citius & minore animi contentione discantur. Artium præcepta, dum traduntur, molesta sunt; mathematica non plures pulchritudine invitant, quam difficultate deterrent; illa ipsa princeps & regina artium Philosophia nunquam tam multos habuit studiosos sui, ut non plures obrectatores habuerit: una historia est, quæ omnium studia alliciat, aures teneat, animos mulceat; a qua si quis abhorre se dicat, parum abest, quin ipse se ne homi-

men quidem esse fateatur. Parvulos pueros, in quibus nature vis maxime elucet, verissimeque perspicitur, nulla re magis quam narratiunculis duci videmus: qui etiam saepe, ut aliquem fabellas narrantem audiant, eas ipsas, quibus cum maxime operam dant, lusculas deferunt. Isti superbi ac divites librorum, & litterarum omnium osores, qui sibi e stolido ac supino pulcherrimarum rerum contemptu gloriam quaerunt, ut tamen sic quoque aliquod hominis simulacrum ac vestigium retineant, ab historia non penitus abhorrent. Itaque in illis ipsis quoque atriis, cœnationibus, cubiculis, unde aliæ omnes litteræ omnisque honestas exsulat, in mensa tamen aliqua, aut in abaco interdum videas expositos una cum fritillo, & turricula ac tesseris cæteroque instrumento aleatorio, etiam libros aut historiam aut aliquid historiæ utcumque simile continentes. Ut enim mustum bibunt, qui vini veteris acrimoniam atque austeritatem non ferunt: sic pueri, & viri puerorum similes, quia serio scriptæ historiæ gravitatem severitatemque non capiunt, inanibus se fabulis propter quamdam illarum cum historia similitudinem oblectant. Sed supervacaneum est de voluptate, quæ ex historia percipitur, pluribus dicere cum id de suo quisque sensu judicare facile possit. Utilitas autem quanta ex historiæ tractatione capiatur, quis non videt? Mitto iam, quod ille apud Platonem Ægyptius sacerdos Soloni dixisse fertur, semper pueros esse, qui vetustatis cognitione careant: illius quidem omnium humanarum rerum moderatricis prudentiæ unde major vis quam ex historia colligi potest? Non enim avium cantu, aut volatu, non inspicendis pecudum floribus, non interpretandis hariolorum cantibus futura prænoscentur: qui quisque consilii aut incepti exitus esse soleat, qui diligenter notaverit, atque observaverit, is demum, quid ex quo eventurum sit, optime ac certissime providebit. Quamquam enim non certa quadam & immutabili serie res humanæ voluntur, magnæque earum varietas & inconstantia est, ut hoc ipsum, quemadmodum dicebat Agatho, verisimile sit, multa præter id, quod verisimile est, evenire: plerumque tamen, e similibus similia existunt; neque ulla certior regula est iudicandi, quo quæque resevalura sit, quam inspicere, quem exitum similia in longinquitate temporis sæpius ac frequentius habuerint. Quod si aut temporis hominibus ad videndum

concessi brevitās, aut ipsa vitæ ratio pateretur, ut idem homo multa sæcula, integra mente, integrisque sensibus vixisset; multas provincias obiisset; ad intimas principum virorum de gravissimis rebus consultationes frequenter adhibitus esset; omnium sententias audisset; rationam, quibus quisque niteretur, pondera ac momenta diligenter expendisset; observasset postea, & notasset diligenter, quid ex quo consecutum esset: quis non incredibilem quamdam in eo vigere vim consilii crederet? quis non ejus sententiam de rebus gerendis in oraculi propædum loco ac non habendam fateretur? Atqui, quod natura nobis denegat, præstat historia, ut qui eam diu ac diligenter pervolutarunt, omnibus ætatibus vix esse, omnes regiones perlustrasse, omnibus publicis consiliis interfuisse, omnia, quæ unquam contigerunt, præsentēs spectasse, atque annotasse videantur. Nam quod alicubi Aristoteles ait, majorem quam in æsthetice quam historię cum philosophia conjunctionem, quod historia tantum, quid factum sit, exponat poetica quid fieri debuerit: id quale aut quomodo accipiendum sit, alias fortasse videbimus. Illud certe & extra omnem controversiam est, & ab eodem Philosopho alibi traditur, in gravibus & seriis deliberationibus cum maximis exemplorum usus sit, & poetis quidem petita exempla in vulgus interdum aliquid valere: at apud graves & cordatos viros multo majorem vim ea, quæ ex historiis ducta sunt, obtinere. Nam quod Horatius Homerum commendans dicere ausus est, quid honestum, quid turpe, quid utile, quid inutile sit, melius eum ac plenius, quam Philosophos docere: id ego de historia longe verius ac justius dicere auctim. Etenim Philosophi primas rerum causas inquirunt, in præceptis communibus latissimeque patentibus occupantur: singula non fere considerant. Omnis autem actio, omnisque deliberatio singulis in rebus versatur, neque quisquam unquam, cum bellum gerendum foret, sed num huic populo adversus illum hoc tempore gerendum foret, deliberavit. Ut igitur medicus, qui multis ægrotis adfuerit, multos curaverit, multis arteriam exploraverit, venam secuerit, medicamenta miscuerit, quid ex quoque accidere soleat, notaverit, sæpe ad medendum utilior est eo, qui majorem quidem rerum medicarum scientiam ex Hippocratis libris hausserit, sed illa cognitione contentus nunquam hominis ægroti lotium aspe-



xerit: sic ad consulandum melior, qui multa ejusdem generis singularia in historiis adhibito judicio notaverit, quam qui ex Philosophorum communia quædam vivendi præcepta cognoverit. Optandum quidem est, ut utrumque adsit: sed si alterutro carendum sit, malim experientem & exercitatum hominem sine ulla universa cognitione totius generis, quam erudite & sublimiter de universo genere disputandi peritum, usum & exercitationis expertem. Hunc in schola libentius audias, illum utilius in consilium adhibeas. Sed de utilitate historiæ & dicta sunt a me alias multa, & dicentur: & cum quæcumque potuero, dixero, semper tamen multa supererunt. Quanto autem populus Romanus cæteris gentibus imperii magnitudine præsit, tanto historia Populi Romani cæterarum gentium historiis antecellit. Nullius populi obscuriora & tenuiora principia; nullius admirabiliores progressus; nullius tanta majestas, tanta in prosperis rebus moderatio, in adversis animi magnitudo; nusquam & virtutum & vitiorum omnis generis aut plura exempla, aut illustriora. Quod si nulla gens est usque eo immanis ac barbara, quæ non in rebus gestis Romanorum cognoscendis plurimum operæ ac studii colloget: quid nos facere oportet, qui Romæ vivimus; qui è Romano cælo spiritum ducimus, qui post tot acceptas clades, tot calamitates, tot strages, a bacchantibus barbaris, ut a perulantibus servis viduæ & effœtæ jam dominæ insultantibus editas, tam multa tamen illius antiquæ virtutis ac majestatis monumenta quotidie intuemur? An cum tam multos ingeniosos & eruditos homines in remotissimis gentibus natos, tam longinqua itinera suscipere, tantos sumptus facere, tam multis se laboribus ac periculis exponere videamus, ut Romanam videant; quod ita judicant, se melius ac perfectius historiam Romanam intellectuuros, si ipsum urbis situm, ipsa mœnia, ipsa veterum arcuum, trophæorum, templorum quamvis laceras & disiectas reliquias, illos tot olim nobilitatos victoriæ colles viderint: nos, quibus otiosis hæc omnia in oculos assidue incurrunt, rerum Romanarum cognitionem negligemus? Quarum per se tanta pulchritudo est, ut etiam si scripta essent horrido aliquo & inculto orationis genere, suapte tamen vi hominum studia excitarent: nactæ autem sunt ejusmodi scriptores, qui, quamcumque sibi scribendi materiam sumpsissent, dignissimi tamen studio præ-

per

pter ipsum scribendi genus fuissent. Non enim potest ququam dicere, in scriptores rerum Romanarum intuens, cur hæc tanta ingenia se dignius aliquod scribendi argumentum non elegerunt? neque rursus illud, Cur res tam claræ tamque illustres non in aliquos magnitudine sua dignos scriptores inciderunt? Iea rerum magnitudo præstantia ingenia evocavit: scriptorum præstantia rerum magnitudinem adæquavit. Quid enim, ut cæteros in præsens omittam, ipsos modo principes nomine, aut Sallustio gravius ac nervosius, aut Livio grandius & ubertius, aut Tacito pressius, prudentius, limatius, omni ex parte perfectius fieri potest? Cujus Annales quoniam hoc anno, quod Deus faustum ac felix esse velit, vobiscum una communi studio evolvere, viamque vobis ad eos facilius intelligendos, ut potero, præire decrevi, pauca mihi quædam de eo dicenda sunt, non ut eum laudam: nam cum ipse se satis Tacitus laudet, ego quoque præstantiam ipsius Tacitus admirari malo, quam & infantiam meam prode te, & laudes ipsius ingenii culpa deterere: sed ut iis respondeam, qui & Tacitum tanti a me fieri, & a me tam diu, tanto studio, ut mihi ejus publice interpretandi potestas fieret, postulasse mirantur. Hodiernam autem orationem meam illi ipsi, qui Tacito obtestant, breviorē reddiderunt. Nam si Tacitus mihi laudandus fuisset, necesse habuissem undique conquirere ac colligere quæcumque veteres a perfecto historię scriptore exigenda esse dixissent, ac prolatis exemplis ostendere, ea omnia Tacitum cumulatissime præstitisse: quod, & si verissime fieri poterat, propter ipsam tamen multitudinem & varietatem arduum ac difficile fuisset. Nunc Taciti quidem virtutes melius ac commodius in progressu operis singulas notabimus: hodie nisi temporis excludamur angustiis, pauca tantum quædam refutabimus ac refellemus, quæ in eum temere ab imperitis conjici solent. Imprimis autem illud positum sit, quæ summa scribentium laus est, eam Tacito ab omnibus uno ore tribui: nullum unquam scriptorem prudentiorem ac consideratiorem fuisse; siccam ac sobriam esse illius orationem, adstrictam verbis, densam sententiis; nihil in ea notari posse diffuens, nihil inane, nihil redundans; singulis sæpe verbis singulas sententias contineri. Magna laus, & quæ in quo sit, facile ei alias

alias deesse patiaris. Nam ut iis, quæ possidentur, ea plurimi sunt, quorum exigua moles est, pretium ingens, ut aurum, ut gemmæ; ut in cibis ii maxime laudantur, qui minimum detrimentorum habent, plurimum suæci: ita maximi faciendæ oratio, quæ paucissimis verbis plurimum sententiæ amplectitur. Indicat enim, se in pectore non in ore nasci. Hæc præcipua orationis virtus, quæ ex omnibus scriptoribus Latinis in Tacito præcipue cernitur, effecit, ut omnium ætatum sapientissimi quique, qui non inani verborum sono, sed bonitate & gravitate sententiarum ducerentur, præcipuo in honore Tacitum semper habuerint, ejusque assiduam & accuratam lectionem principibus viris omnium utilissimam judicant. Neque vero ut id ita esse doceam, illo præcipuo argumento nitari, quod M. Tacitus non Imperator tantum, sed prope singularis exempli Imperator, hujus nostri imaginem in omnibus bibliothecis collocari, libros ne perirent, quotannis decies describi, & in archivis civis asservari voluit: cum se etiam ab eo genus ducere gloriaretur. Vetera illa jam & obsoleta: & exemplorum quæ tantopere a temporibus nostris remota sunt, minus magnavis est ad permovendum. Paulus III. P. M. quo nullum sapientiore senem nostrum vidit ætas, Tacitum sæpe relegendo contriverat; neque ullum profanum scriptorem æque libenter legebat. Cosmus Medicus, qui primus Magnus Etruriæ Dux fuit, homo factus ad impetrandum, qui eam, quæ vulgo fortuna dicitur, in consilio & prudentia consistere docuit, Taciti libros in deliciis habebat: eorumque lectione avidissime fruebatur. Neque non hodie multi aut Principum, aut eorum, qui de summis rebus a Principibus in consilium adhibentur, eundem studiosissime legunt, & quasi promagistro quodam prudentiæ habent. Numquid igitur movebimur stultis quorundam vocibus, qui nisi quod ipsi didicerunt, nihil discendum putant: & quoniam a magistris suis nihil olim præter bucolica Virgilii, & paucas Ciceronis epistolas, & orationem, si forte aliquam audierunt, ab iis se discedere, & vobis graviora proponere, iniquo animo ferunt? An quisquam vestrum est, qui eo consilio studia sequatur, ut in pulvere scholastico contenescat? Cur igitur ea porius consectemur, quæ tantum in scholasticis concertationibus inter adolescentulos, aut senes adolescentulis stultiore oblectamento, quam quæ

quæ  
Vos  
levi  
cul  
qui  
fictis  
expo  
acre  
quar  
cujus  
sem  
eas  
tem  
mole  
funct  
si vo  
quis  
prim  
quas  
est,  
ipse  
fatig  
viris  
conf  
nus  
utin  
audi  
est,  
re cu  
quoc

Q  
Prim  
quib



quæ olim gravissimis in negotiis emolumento futura sint? Vos vero istos nugatores contemnite, præsertim cum illa leviora aut jam didiceritis, aut, qui ea usque ad tædium inculcent, in omnibus vicis a trivis obvios quamlibet multos; qui Tacitum interpretari aut possint, aut velint, non multos sitis habituri. Nunc, quæ in eo culpari a nonnullis soleant, exponerem, eaque omnia, uti pollicitus eram, refutare ac refellerem: sed video, me longius progressum esse dicendo, quam a principio existimaram. Fefellit me Taciti amor: cujus laudes cum hodierno die tacitus prætermittere statuissem, auferri me postea passus sum, neque mihi potui, ne eas strictim & modice attingerem, temperare. Vereor autem si longius orationem producere voluero, ne & vobis molestiæ sim, & iis, qui post me in hunc locum consensuri sunt, impedimento. Quare quæ supererant, in crastinum, si vobis quoque ita videtur, differam: neque metuam, ne quis me hodie iusto breviorẽ fuisse dicat. Nam & in his primis velitationibus nostris, iustique curlus ac certaminis quasi prolusionibus, brevitatis culpari non solet: & verum est, quod ait Varro, portam itineri esse longissimam. Equos ipsos, ubi diu quieverunt, qui longum iter ingrediendi sunt, fatigare primo itineris die non solent. Si tot præstantibus viris, qui huc hodie convenerunt, ut dicendo placerem, consequi fortasse non potui: ac certe, breviter dicendo, minus ut molestus sim, consequar. Sed utinam, Auditores, utinam & brevis hodie visus sim, & quicumque me unquam audient, brevem semper fuisse me doleant. Quanto suavius est, abeuntes dicere. Cur hic tam cito desit? quam abire curre cupientes. Quando tandem hic desinet? Nimio satius est, quod cum fame relinquit, quam quod satietate distendit.

SEQUITUR IN EODEM ARGUMENTO.

O R A T I O XVII. (*alias XVI.*)

*Habita Roma Prid. Non. Novembr. MDLXXX.*

Qui me a Taciti interpretatione deterrere cupiebant, quique præcipuo, quæ illi objicerent, reperiebant. Primum, quod illorum temporum historiam contexuisset, quibus vetus illa S. P. Q. R. majestas & amplitudo concederetur,

rat, quibus illi paulo ante terrarum domini, acerbissimo terrarum tyrannorum dominatu oppressi tenebantur. Non jam amplius Camillos, Curios, Fabricios, Maximos, Lælios, Scipiones, aliaque virtutum non hominum nomina in historia repertum iri, sed degenerem & oblitum virtutis avitæ populum, sed Senatum ad servilem adulationem projectum, sed proposita vitiis, quæ quondam virtutibus deferebantur, præmia, sed unius impuri hominis libidinem extincta legum auctoritate dominantem. Quod si vere dictum esset a summis Philosophis, Principum mores esse speculum civitatis, cæteramque multitudinem ad imperantium exempla componi: quem virtuti locum esse potuisse in ea urbe, in qua non homines, sed monstra ex omni vitiis fecerit ac colluvione concreta regnarent? Melius itaque consulturum esse me studiis vestris, quando Romanam historiam tractare animuserat, si eorum vobis temporum historiam proponerem, quibus populus Romanus foris adversus barbaras gentes, domi adversus vitia perpetuum bellum gerebat, neque cæteros populos bellica magis virtute, quam innocentia & integritate superabat. Abire in mores, quæ discuntur in scholis & ea fere quemque imitando exprimere, quibus legendis audiendisque puer assueverit. Neque deerant, quod equidem valde miratus sum, qui non dubitarent mihi auctores esse, si res sub Imperatoribus gestas persequi vellem, ut Suetonium potius, quam Tacitum fumerem: quem ipsi & meliorem Tacito Latinitatis auctorem, & nitidiori ac floridiori genere orationis usum dicerent. Erant etiam, qui, quod maximum in historico vitium est, fidem quoque Taciti accusarent, quod multa mendacia historiis suis admiscuisset. Neque tamen, quamquam sæpe a me orati ut id facerent, mendacium ipsius proferre ullum poterant: duorum tantum veterum scriptorum testimonio id pervincere nitebantur: quorum Vopiscus aliquando mentitum in historia Tacitum diceret; Tertullianus eum mendaciorum loquacissimum vocaret. Addebant tertio loco, impium ac nefarium esse scriptorem, qui Christianæ religioni aperte insensus & inimicus fuisset. Asperum præterea & insuavem ac spinosum, & cum cuius difficultate ad eruendas sententias perperuo luctandum foret. Postremo, male Latine locutum: idque non vulgus modo dicere, sed ipsos etiam præcipuos Taciti amatores confiteri. Cujus igitur libri & corruptissimorum tem-

porum historiam, eamque ipsam neque satis fideliter scrip-  
tam, & melius ab alio traditam continerent, & auctoris  
sui manifestam impietatem proderent, & molesto atque  
odioso propter obcuritatem, & parum Latino sermone con-  
starent, causam esse nullam, cur, tot potioribus omisis,  
in eo potissimum conficere, hujus anni curriculum vellem.  
Ad quæ omnia respondere constitui, ne præjudicata multo-  
rum opinio cuiusquam veltrum aut animum avocet, aut re-  
tardet industriam, Primum igitur considerandum est, respu-  
blicas hodie perquam paucas esse: nullam esse propemodum  
gentem, quæ non ab unius nutu atque arbitrio pendeat, uni  
pareat, ab uno regatur. Ergo hac saltem in parte propius ac-  
cedit ad similitudinem temporum nostrorum status ille re-  
rum, qui sub Imperatoribus, quam qui imperante populo  
fuit. Quo autem quæque historia rerumstrarum similior  
est, eo plura sunt in ea, quæ discamus, quæ ad usum con-  
feramus, quæ ad vitam moretque referamus. Quamquam au-  
tem Dei beneficio ætas nostra Tiberios, Caligulas, Neronēs  
non habet: prodest tamen scire, quomodo etiam sub illis vi-  
ri boni ac prudentes vixerint, & quomodo & quatenus il-  
lorum vitia tulerint ac dissimulaverint: quomodo neque in-  
tempestiva libertate utentes, vitam suam sine ulla publica  
utilitate in periculum objecerint, neque tamen foeda ac  
probrosa laudantes placere sibi ullam turpitudinem ostende-  
rint. Multa sæpe sunt in Principibus, quæ vir bonus laudare  
non potest, tegere & transmutare silentio potest. Ad ea  
convivere qui nesciunt, & sibi periculum creant, & ipsos  
Principes plerumque deteriores faciunt. Multi enim, qui  
vitia sua latere credunt, sponte ea paulatim exuunt, ne  
detegantur: & cum se bonos haberi putant, boni fiunt.  
Iidem si turpitudinem suam palam esse videant, jam famæ  
securi, quæ palam dici vident, palam quoque faciunt: &  
famam dum bonam desperant, malam negligunt. Melius  
autem ferret minora & pauciora Principum vitia, qui quo-  
modo olim viri boni ac fortes plura & graviora pertulerint,  
cognoverit. Quod si quis sub Principibus corruptissimis vi-  
ros singulari virtute præditos existisse non putat, magno  
in errore versatur. Vixit sub Tiberio, ut cæteros ta-  
ceam Germanicus, cui ego omni genere laudis ne ex illis qui-  
dem veteribus Romanis quemquam antepono, Vixit sub  
Claudio Seneca, & Senecæ quamquam fortasse par nemo,  
simi-



similes tamen multi. Neronis ætas multos habuit, quorum virtutem vix ipsius vitia æquarent. Omninoque ita est, ut dicam. Ut palmam ajunt adversus onera, sic virtus adversus vitium contumax surgit: & ut in *Ætnæ* montis cacumine, ubi maxime urit flamma, herbam quoque finitimam maxime virere perhibent, quasi ipsa secum confendente natura, & nolente fecunditatem soli vicinorum ignium ardore superari: sic plerumque ubi maxima vitia dominantur, maximæ virtutes erumpunt, quæ cum illis certamen suscipiant, & si superiores esse non possint, non tamen hostibus suis triumphum sine dimicatione concedant. Non igitur, si plerique Imperatores vitiosi fuerunt, idcirco bonis & utilibus exemplis temporum, quibus illi rerum potiti sunt, historia caritura, sed & ipsa improba exempla nos interdum ad virtutem acuent: cautiore certe & consideratiores efficiunt. Ex illa perpetua simulatione *Tiberii*, ex illo vultu ac sermone alia omnia, quam quæ cogitabat, præ se ferente, discemus caute cum Principibus agere, neque semper illorum vultui ac blanditiis fidere. Discemus, quæ Principes occulta esse volunt, ea, etiam si sciamus, nescire, neque altius, quam ipsi velint, in eorum arcana penetrare. Juvabit in *Sejano* videre, quam in lubrico sit eorum potentia, qui se malis artibus apud Principes omnia posse rentur: quam sæpe ubi diu in alios contumeliose debacchati sunt, & in præceps decidunt ipsi, & alios in idem exitum trahant. Sic ipsa quoque improba exempla proderunt. Sed de his factis. Istos autem satis mirari non possum, qui ubi de *Tacito* agitur, *Suetonium* nominare audent. Nihil equidem de trahendi studio dicam, longe enim id & ab ingenio & ab consuetudine abhorret mea; neque is scriptor est *Tacitus*, cui gloria ex aliorum vituperatione quærenda sit: sed inter eum & *Suetonium* nimium quantum interest! In *Suetonio* nihil est, ex quo ejus aut prudentiam, aut eloquentiam, aut eruditionem ullam eximiam agnoscas. In *Tacito* quid horum emineat, ideo difficile dictu est, quia eminent omnia. *Suetonium* certe nemo unquam veterum aut inter eruditos aut inter disertos nominavit: aut *Tacitus* habitus est ætatis suæ sine controversa eloquentissimus, & quæ virtus *Demostheni* maximam inter Græcos gloriam peperit, quam illi *δεδότωτα* appellant, eam ut propriam & peculiarem *Tacito* tribuunt omnes, Eloquentissimum quidem il-

lum

lum vocat Plinius & illud eximium in eo fuisse ait, ut *quævis* diceret. At Suetonium S. Hieronymus laudat. Magnum testimonium, si laudat. Non enim sanctitate tantum Hieronymus, sed & eruditione & iudicio præsticit. Quomodo igitur laudat? Eadem libertate scribisse eum ait Cæsarum vitas, qua ipsi vixerunt. Non magna laus, si laus est: sed ego laudem esse non puto. Quid enim laudis habet, cum Cæsares in summa licentia atque impudentia vixerint, orationis turpitudine, ipsorum flagitia æquasse, quæque illi perpetuis tenebris operienda patrarant, ea nudis & prætextatis verbis in lucem & in aspectum hominum protulisse? Itaque nihil apud Suetonium frequentius legas, quam exoletos, & spintrias & cellarios & nubentem Neroni Sporum, Doryphoro Neronem; voces etiam, quas in illis flagitiis miserint, quasi hæc scire, posterorum interesset: quorum commemoratione non scriptorem modo, sed ipsas chartas erubescere oportebat: cum hæc interim ita subtiliter ac particulatim persequitur, ut docere voluisse videatur. In Tacito nihil simile reperiās. Talia aut præterit, aut ita significat, ut odiisse & abhorrere videas, non ut illum alterum, cupide in eis immorari. Inter Vopiscos igitur & Spartianos, & Lampridios & ejusmodi vitarum scriptores Suetonius emineat, illa se jactet in aula; hoc cæteris melior, quod ætatis beneficio melius quam illi Latine loquitur: ad Tacitiquidem gloriam aspirare, aut se cum eo conferre si voluerit, omnium eruditorum convicio vapulabit. Equidem, quod ad me attinet, Suetonii lectionem non minus quam Catulli aut Martialis adolescentibus perniciosam, etiam confirmatæ ætatis viris periculosam puto. At mendax est in historia Tacitus. Mitto, quod si hoc maxime constaret, eum historicorum more aliquid interdum esse mentitum, non tamen id valde nobis curandum esse arbitrarer. Non enim, quæ ab eo narrantur, ejusmodi sunt, ut piaculum sit, quidquam in eis, quod verum non sit, pro vero credidisse. Sed tamen quis eum mendacii accusat? Vopiscus. Quid iste Vopiscus, quid hominis est? Quidam Suetonii Simius, longe tamen ab eo distans: qui, cum se aliquem videri veller, affirmavit, neminem scriptorum, quantum ad historiam pertineret, non aliquid esse mentitum: gloriatusque est, multa se prodidisse, in quibus Livius, Sallustius, Cornelius Tacitus, Trogus manifestis testibus convincerentur. Magna hujus, quid-

quisquis est, Vopisci felicitas! nemo unquam tam curiose in ipsius mendacia inquireret. Sed tamen quis hoc præstare auserit, iis quæ hoc hominis somnium in tam luculentis scriptoribus reprehenderet, veriora esse ea, quæ ipse cum suis testibus protulisset? Quis autem unquam historiæ scriptor hanc notam effugere potuit? Non tantum apud Theopompum, & apud Herodotum historiæ patrem dicuntur esse innumerabiles fabulæ; sed & ipse Thucydides, qui ea scripsit, quibus interfuerat, mendacii a nonnullis accusatur. *Thucydides quoque, ait Iosephus libro primo adversus Apionem, ut multa mentitus, a nonnullis accusari solet, qui tamen accuratissimam rerum temporibus suis gestarum scripsisse historiam videntur.* Aut igitur ne hoc facito noceat, aut Thucydidi quoque & Livio & omnibus denique historiarum scriptoribus noceat. At Tertullianus, non, ut Vopiscus, aliqua Tacitum mentitum esse dicit, sed eum mendaciorum loquacissimum vocat. Hoc loco peto a vobis, ut me quam potestis, attentissime audiat. Eadem enim opera & ad id, quod ex Tertulliano adfertur, respondebo, & id, quod facito gravissimum obicitur, diluam: eum religioni nostræ ac salutaris religionis nostræ profeminatoribus ac propagatoribus pietas fuit, (quæ utinam etiam hodie in omni nobis esset!) nihil ut ferrent, nihil auribus acciperent, quod Christianum non esset; quæ cum Christiana pietate pugnarent, ea omnia respuerent, rejicerent, averfarentur, exlecrarentur. Tertullianus igitur, qui quædam apud Tacitum legisset adversus Christum ipsum, Deum ac Dominum nostrum, & adversus Christianos impie dicta, quasdam etiam fabulas, quæ tum de sanctissimo viro Moyse, deque religione Judæorum, vulgo inter imperitos & veritatis ignaros circumferebantur, ad ea respiciens, Tacitum mendaciorum loquacissimum vocavit: eademque res magnam Tacito apud multos conflavit infamiam. Sed nos si hoc tempore nihil legendum putamus, nisi quod cum Christiana religione consentiat, omittamus sane omnes illos veteres Græcos Latinosque scriptores. Exfuleat ea Christianorum scholis Homerus, exfulet Hesiodus, & uno verbo omnes antiqui poetæ. Nemo est enim ex illis, qui non deorum infinitam quamdam multitudinem inducat. Nemo Platonem attingat: ejus enim studio depravatus est Origenes; & fortassis

ex



ex eodem fonte fluxere Manichæi. Nemo Aristotelem legat, qui quæ de mundi æternitate, quæ de hominis animo disputat, eis nihil potest Christianæ religionis magis esse contrarium. Repudientur Ciceronis cum pleraque alia, tum libri præcipue de fato, de divinatione, de natura deorum: manifesta enim impietatis & *ἀθεϊσμος* semina continent. At illi vixerunt antequam Christus nasceretur: ideoque eis facilius ignosci potest. Primum, si opus sit, docere possim, hanc excusationem non valde ad id, quod agitur, pertinere. Non enim si antiquiores fuerunt, idcirco minus pravas opiniones inferere in animis legentium possunt. Sed demus, hoc aliquid esse. Tollatur igitur Suetonius: in Neronem enim de Christianis contumeliose & impie scripsit. Non legantur epistolæ Plinii: ostendunt enim, eum non tantum abhorruisse a religione nostra, sed etiam iudicia exercuisse adversus Christianos, & eorum nonnullos adhibuit tormentis ad ejurandam Christi militiam compulisse. Deleatur gravissimus & utilissimus scriptor Plutarchus: eadem enim, quas Tacitus, de Moyse & Judæis fabulas habet. Quintilianum rhetoribus adimimus: contumeliose ipse quoque de Moyse loquitur. Jurisconsultis Ulpianum: librum integrum scripsit de pœnis, quibus Christiani afflicti forent. Philosophis Porphyrium, Simplicium: Averroem: quis eorum se Christiani nominis hostem professus est? Medicis Galenum, Historiarum studiosis Ammianum Marcellinum, Eunapium, Zosimum: omnes hi alieno a Christianis animo fuerunt, idque scriptis suis testatum ac consignatum reliquerunt. Quod si eos non tamen propterea rejicimus: quid in Tacitum iniquiores esse volumus? An quisquam nostrum ita infirmus est, ut periculum sit, ne in fide Christiana titubare incipiat, si Tacitum Christianum non fuisse cognoverit? Deleamus potius illius vicem, & grati adversus Deum simus, qui animos nostros majore luce perfuderit. Restant duo ex iis, qui Tacito ab imperitis objici solere dixi: quod obscurus & asper in scribendo sit, & quod male Latine loquatur. Equidem cum istos obscuritate Taciti quærentes audio, cogito, quam libenter homines culpam suam in alios conferant, quantoque facilius omnia alia accusent, quam semetipsos. Simul mihi venit in mentem senis cujusdam, de quo urbane Seneca narrat, eum, cum ætatis vicio minus commode oculis

nteretur, in quodcumque cubiculum ingressus esset, dicere solitum, illud parum luminosum esse: majores fenestras fieri oportuisse. Habeo & ipse, utinamque diu habeam, amicum, hominem in primis eruditum, ita senem, ut annos prope iam, quemadmodum ait Juvenalis, dextra computet. Is cum furdaster ætate factus sit, sæpe mecum vero ac serio questus est, pravam consuetudinem inolescere: homines quotidie summissius, quam solebant, loqui. Idem hic quoque evenit. Qui ipsi tenebras in oculis circumferunt, obscuritatem Taciti accusant. At asper est, inquit alius: & Alciatus, amicum sibi hominem Jovium laudans, non est veritus vocare historias Taciti senticeta. Eiusdem plane judicii fuit laudare Jovium & Tacitum vituperare. Nihil tam dissimile, quam inter se hi duo. Non displicere non poterat Tacitus, cui tanto opere Jovius probaretur. Quomodo autem potuit homo tam teneris pedibus tam multa spatia per Taciti vepreta conficere? Nos vero huic molli ac delicato culcitram substernamus & pulvinos rosæ ac violæ plenos: eique a Deo precemur, ut quicquid calcaverit hic, rosa fiat. Videre mihi videor meretricem Terentianam in cœna pitissantem & dicentem:

*asperum,*

*Pater, hoc est: aliud lenius, sodes, vide.*

Ferat huc ocyus aliquis calicem mulsi, ut flere pupus hic desinat, & contractam ex Taciti asperitate molestiam levet. Offeramus ei aliquid Jovii, qui se oblectet. Is enim mollis totus est, neque quicquam habet asperitatis illius, quæ istum in Tacito offendit. Non fuit modo, sed & diffluit. Sic erat olim qui Virgilii versus ut horridos rusticanosque culparent, magisque probarent illa meliora & lenius cadentia,

*Berecynthius Aris,*

*Et raptum vitulo:*

nostis cætera, recitare enim piget; & ut isti ad asperitatem pavent, sic ego ad ineptias nauséo. Infanti meli: mela: mihi autem misceatur crater ille  $\pi\iota\chi\epsilon\lambda\lambda\omega\nu$ . Sed illæ fatuæ de Tacito conquestiones assecutum esse eum, quod volebat, ostendunt. Imitandum enim sibi Thucydidem proposuerat, ejusque se in scribendo simillimum esse cupiebat. In Thucydide autem & obscuritas & asperitas notatur a Græcis, & utraque inter virtutes illius, non inter vitia,

tia, numeratur. Quamquam enim nuda & perspicua ora-  
 tio delectat, interdum tamen in scribendo certi cuiusdam  
 generis laudatur obscuritas, quæ orationem a vulgari lo-  
 quendi consuetudine abducens, ex ipsa peregrinitate di-  
 gnitatem ei, maiestatemque conciliat, & attentionem le-  
 gentium continet. Hoc quasi velum est, quod profanis  
 obtenditur. Sic templa sublustria ingredientibus sacro quo-  
 dam horrore perfundunt. Asperitas autem illa, idem pla-  
 ne est, quod in vino amarities; quæ in quo est, id opti-  
 me ferre vetustatem putatur. Eam Græci ita esse in Thu-  
 cydide perpetuam notarunt, ut cum ille in piaculi Cy-  
 clonii narrationis aliquid ex ea de industria remississet,  
 Leonem risisse dicant. Sequitur postrema reprehensio eo-  
 rum, qui cum Tacito cætera concedant, male eum Latine  
 locutum dolent: cuius calumniæ Andreas Alciatus & Æmi-  
 lius Ferretus, quorum tamen uterque multum operæ ad  
 illustrandum Tacitum contulerat, primi auctores fuerunt.  
 Quod si ipsi tam bene Latine scripsissent, quam sibi videban-  
 tur, nonnihil fortasse nos illorum commoveret auctoritas.  
 Nunc cum uterque eorum nonnulla quidem ita scripserit,  
 ut eadem Venus, eadem Suadela, quæ in Bartoli labris  
 festiaverat, horum quoque labris insedisse videatur: in  
 quibus autem cultiores ac comitiores esse voluerunt, osten-  
 derint tamén, ne quid gravius dicam, se aliarum rerum,  
 quam deliciarum Latini sermonis, intelligentiores fuisse:  
 quid est cur quisquam, eorum de re, in qua non multum  
 studii posuerant, iudicium magnificiat? Boni jurisconsulti  
 fuerint, nihil enim impedio: Latinitatis certe non admo-  
 dum idonei existimatores fuerunt. *ἔδ' ἀπαρτίστ' ἔν' ἡμέρῃ*  
*τίσ' ἐργασίῃ δ' ἡμῶν παρὰ τὰ γένεσθαι.* Audacter, dicit aliquis,  
 de talibus viris iudicas. Audacius ipsi de Tacito iudicarunt.  
 Qui autem nos sumus, si omnes in unum conferamur, qui-  
 cumque hac tempestate Latine loqui videmur, ut de scripto-  
 re sapientissimo, nato in temporibus, quibus adhuc Roma-  
 na lingua florebat, (plane enim floruit usque ad Hadria-  
 num) habito disertissimo ætatis suæ, sequius iudicare au-  
 deamus? At aliter loquitur, quam aut Cicero, aut Cæ-  
 sar. Credo: aliud enim dicendi genus adamarat. Ne Cice-  
 ronis quidem temporibus, omnes, qui disertii habebantur,  
 Ciceroniani erant. Multa in Cicerone Brutus, multa  
 Calvus, multa Pollio, quædam etiam Atticus, non pro-



habant. At multis vocibus, multis loquendi generibus utitur, quibus vetustiores usi non erant. Primum, quæ hæc in re culpa est? Non Cicero & multa novavit iple, & aliis, ut alia noverent, auctor fuit? Cujus est illud præclare dictum: *Quod Catoni licuit, id cur non licet Varroni?* Licet huc addas; *Quod & illis & aliis licuit, cur non licuerit Tacito?*

Ego (ait Horatius) *cur acquirere paucæ Si possum, invidior? cum lingua Catonis & Enni Sermonem patrium distaveris; & nova rerum Nomina prosuleris.*

Nobis hodie minor ejus rei licentia est, qui Latinam linguam non aliunde quam e libris petere possumus. Illi solutiores ac liberiores, quorum etiam nutrices Latine loquebantur. Deinde quis hodie pro certo affirmare audeat, cum tam veterum scriptorum facta iactura sit, ea, quæ quibusdam apud Tacitum nova videntur, non apud veteres quoque in usu fuisse? Si quis hodie in Germania aut in Polonia natus, qui Italiam nunquam vidisset, nunquam hominem Italum loquentem audivisset, paucos tantum quoddam libros Bruto sermone scriptos legisset, eosque utcumque intellexisset, & omnium vocularum, quæ in eis legerentur, indicem confecisset, deinde incideret in aliquem Florentiæ natum, & educatum, qui inter cives suos disertissimus haberetur, & eum notare vellet, tanquam male loquentem, quod quædam diceret, quæ ipse in illis paucis libris & in illo suo præclaro indice non haberet, quis nostrum in tali spectaculo risum tenere posset? Atqui nihil minor nostra stultitia est, qui in tanta veterum scriptorum disperditione, tam longo temporum intervallo, tanta Latini sermonis oblivione & ignoratione, optimæ notæ scriptores damnare non veremur: quorum coqui & muliones multo melius, quam omnes nos, Latine & intelligebant & loquebantur. Sed hunc sermonem nimis in longum duci video. Ego vobis hoc omni adseveratione confirmo, multa in Tacito nova istis videri, quæ ex ultima antiquitate repetita sunt, quæque apud Catonem, Varronem, Sallustium, quædam etiam apud Ciceronem ipsum leguntur; quædam fortassis novata, sed ita ut elegantius non potuerint; quædam parce ex Græco fonte detorta, quibus oratio ipsius tanquam modice asperso sale sua vilius conditur. Et hæc quæ

quel  
voce  
secu  
citu  
fiden  
ab eo  
esse  
quer  
tant  
evolu  
forta

Q  
est a  
quid  
ri, v  
refug  
fuer  
quod  
doce  
otian  
nunq  
licer  
majo  
non  
quam  
in die  
dam  
reddi  
reco  
dum  
tar &

que habet simile Thucydidis, in quo Græci Critici, quasdam voces antiquas, quasdam ab ipso cufas & novatas notat. Excusecutus sum omnia, quæ proposueram. Quod si docui, & Tacitum in pulcherrimo argumento esse versatum, & frustra fidem illius in dubium vocari; neque debere nos absterri ab eo legendo, quod iniquus Christianis fuerit; & puerile esse, quod quidquam de obscuritate ipsius & asperitate conquerantur; & desipere qui eum malem Latine locutum putant: quæso obtestorque vos, ne oblatam vobis hoc tempore evolvendi præstantissimi scriptoris occasionem, frustra eam fortassis olim desideraturi, amittatis.

CUM PERVENISSET AD ANNALIUM  
LIBRUM TERTIUM.

O R A T I O XVIII. (alias XV.)

*Habita Roma III. Non. Novemb. MDLXXXI.*

Quotannis mihi evenire consuevit, Auditores, ut cum post illam solemnem quatuor mensium vacationem, quæ nobis ob æstivos calores tribui solet, redeundum est ad munia, torpeat animus, titubet lingua: ut neque quid dicam, facile reperire possim; & cum quid reperti, verba quibus id explicem, abdere quodammodo se ac rerugare, non, ut prius, ultro se offerre, & suapte sponte fluere ac decurrere videantur. Id si mihi evenit, qui & quadraginta propemodum annos in hoc publico dicendi ac docendi munere versatus sum, & id ipsum tempus, quod ad otium conceditur, ita consumo, vere ut dicere liceat, nunquam me minus otiosum esse, quam cum maxime esse licet otioso: quid putatis evenire iis, qui, ut alia omnia maiora habent, usum quidem certe tantum in dicendo non habent? Neque me fugit, hac in re culpam videri aliquam posse etiam ingravescens ætatis, quæ decrescente in dies naturali calore, spiritus quoque ipsos torpore quodam alligat, nec corpus modo, sed & ingenium segnius reddit: sed tamen, dum superioris vitæ cursum relego, secordor, quod nunc seni contingit, idem tere, jucundum cum ætas florida ver ageret, contigisse. Satius igitur & magis ingenui animi fuerit, culpam nusquam alio de-

privare, sed, ut Græci dicunt, ἀτρεῖδαι τὸ ἀτρίον, & fatiri illud quicquid est incommodi ac difficultatis, non aliunde, quam a nimis diuturna cessatione proficisci. Quid enim? nonne idem etiam adolescentibus evenit? Qui si aut pilæ lusu, aut armorum tractatione, aut equitatione, aut aliis, quibus ætas illa ducitur, unum aut alterum mensem abstinuerint; ea cum repetunt, primis illis diebus, neque corpus eadem, qua prius, agilitate flectere ac movere possunt: &, quibus magistros antea provocabant, ad ea rudes accedere, eaque tum primum discere ac meditari videntur. Qui sermo ob eam causam a me hoc tempore susceptus atque institutus est, Adolescentes, vos ut commonefaciam, quantum assiduitas profit, quantum intermissio noceat. Illa vires aluntur ac gliscunt: hac carpuntur, ac deterantur. Illa te quotidie paulatim proficere ac progredi sentias: hac non paulatim, sed magno impetu terro referri & in pejus ruere animadvertas. Non enim celeritate discimus quæ obliviscimur. Ut qui ex alto aliquo puteo aquam haurit, ubi magno molimine situlam prope ad eos putei evertit, si paulum modo funem laxaverit, ita situla, & ceorsum concinatissimo lapsu provolvitur: sic qui multis vigiliis, multisque sudoribus aliquam sibi facultatem in hoc studiorum genere comparavit, si tantillum de solita contentione remiserit, pessum ita quidquid partum erat, *longique perit labor irritus anni*. Neque enim subsistere saltem licet, quod, ut in malis, tolerabilibus foret: simul atque progredi desieris, regrediari necesse est. Pecunia si otiosa jaceat, ut non crescat, certe non imminuitur, neque quidquam aliud domino perit, quam quod lucri fieret ea occupata. At in artium nostrarum studiis si quam temporis partem languori ac desidie dederis, non id modo perdis quod interea discere potuisses: sed bona magnæque pars eorum, quæ jam didiceras, evolat. Agricola, ne continua satiatione emacient solum, tonsas, ut Poeta loquitur, novales alternis cessare patiuntur: agrique qui hoc modo interquieverunt, uberiores ex se fruges efferre soliti sunt. Alia ingeniorum ratio; nihil ea magis lætificat, quam avidus & inexpletus exactor, cessatione sterilescunt. Ergo ut in levioris operæ studio proditum est egregium artificem nunquam solitum prætermittere ullum diem, quin lineam duceret: sic eloquentiæ laudem ambiendi præcipit M. Fabius,

quo-



quotidie dicendum esse aliquid, & quidem audientibus doctis. Sed relanguit jam pridem hominum industria; restinctus est vetus ille ad honestas artes ardor animorum; nobiles illæ exercitationes, quibus apud antiquos, laudabili æmulatione, juvenes inter se de consequendo eruditionis ac sapientiæ principatu contendebant, ita ex usu & consuetudine sublatae sunt, ut earum vix umbram ac vestigium retineamus. Ut igitur Virgilius ait, minora in dies produci hominum corpora, quam antiquis temporibus fuerint quod & tanto ante Homerus dixerat: ita videmus, eruditionem hominum quotidie decrescere, ut illi hodie ordines ducant, qui olim vix in gregariis militibus locum obtinere potuissent. Nam ut illos heroas omittam, Platonem, Xenophontem, Aristotelem, Theophrastum, qui mihi videntur immensitate quadam ingenii omnem rerum naturam complexi, non tantum supra æquales suos existisse, sed etiam posteris omnem consequendi sui ipem sustulisse: quis post Plutarchum existit, qui veræ ac solidæ eruditionis copia & varietate ita cum eo comparari queat, ut non longissi no intervallo abfuturas ab eo sit, quemcumque illi proximum esse volueris? Quem ille poetam veterem, quem oratorem, quem historiæ scriptorem non ita triverat, ut edidicisse videretur? Quam Philosophiæ partem non ita tractaverat, ut nemo postea tantum in una eminuerit, quantum ille in omnibus? Nam quod quidam nuper magni in vulgus nominis, sed non magni pretii, medicus in quodam insulso ac ridiculo libro suo dicere ausus est, Plutarchum grammaticum modo, non etiam Philosophum fuisse; usus est videlicet ea libertate, quæ insanis tribui solet, ut cum quidlibet in quemlibet dixerint, nemo laboret. Ostendit, cerebrum suum, si quod modo illi cerebrum erat, medico eguisse, cum illa scriberet. Sed ut ab eam Plutarcho, quem sua magnitudo extra telorum jactum posuit, ut qui eum allatrant, canum lunam allatrantium similes esse videantur; eum igitur ut omittam, & paulatim ad tempora postea propius accedam: quis post Claudium Galenum fuit, qui ad illius aut admirabilem in omni genere doctrinam, aut singularem eloquentiam accesserit? Quis multis jam annis Philosophus veterum Aristotelis hypophetarum, Alexandri Ammonii, Themistii, Simplicii, & talium aut acumen ingenii, aut doctrinæ abundantiam, aut ora-

tionis dignitatem adæquavit? Qui cum de rebus in natura obfcuritate reclusis ac reconditis ita differerent, utfe a vulgo quam longiffime abducerent, tam multis quasi gemmis multiplicis ac variz eruditionis diftinguebant atque illuminabant difputationes fuas, ut etiam qui a feveritate Philofophiz abhorrebant, ipfo tamen dicendi genere caperentur. Themiftii quidem orationes dum lego, nulum ei fophiftarum, qui hoc unum agebant, ut compte ac polite dicerent, antepono. At hodie plerique eorum, qui fe pro Philofophis venditant, cum ea docent, quæ cum didiceris, duplo ftultior fis quam prius: tum in dicendo ita funt hifpidi atque agreftes, ut eos illud quicquid eft pinguium litterarum, in culina, non in fchola, didiciffe arbitreris. Adhuc de Græcis loquor: & fuit fane laus hæc mundioris ac nitidioris doctrinæ per diu Græcorum propria. Illic elegantiz fedes, litterarum domicilium, muſeum orbis, eruditionis emporium, Muſarum ac Gratiarum omnium anguſtiſſimum quoddam ſacrarium fuit uſque eo, dum miſera gens ultione, ut opinor, divina, quia ſe ab Eccleſiæ Romanæ obedientia, id eſt, a Chriſti jugo ſubduxerat, ab impuriſſimo tyranno ſub jugum teterimæ ſervitutis redacta eſt. Ex illo tempore ſiluerunt ille luſciniz, quæ cælum ac terras cantu ſuo mulcebant; conticuit vocalis ille Sirenum chorus; illi nitidiſſimi fontes, qui totum hominum genus elegantiore doctrina irrigabant, exaruerunt. Romani & ſerius attigerunt litteras, &, ſi verum amamus, aliis rebus, melioribus forſitan & præſtantioribus, (nihil enim impedio, ſed certe aliis,) occupati, minus operæ ac ſtudii ad Philoſophiam & ad totum hoc manſuetiorum artium genus contulerunt. Neque non tamen hi quoque habuerunt ſuos, qui planum facerent hominibus noſtris ad Græciam hac quoque in parte adæquandam, non tam ingenium quam voluntatem deſuiſſe. Et hac quidem quam dico eruditionis copia & varietate duo præcipue commendantur a veteribus, P. Nigidius Figulus, & M. Terentius Varro. De quibus, quanti fuerint, eo minus judicare poſſumus, quod alterius prope omnia, alterius plane omnia ſcripta perierunt. Tanta fuit in hominibus inſequentis ævi ſocordia, tanta cæcitas perverſitaſque judicii, ut cum multa ſtudioſe ac diligenter conſervata ſint, quæ perire præſtiterat, ea perierint, ex quibus pluri-

mum

mum utilitatis percipi poterat. Sed ex iis qui superiunt,  
 duos præcipue admirari soleo, Philosophum Senecam, & na-  
 turalis historiæ scriptorem Plinium. Quorum ille cum se  
 Stoicorum sectæ addixisset, non tamen cæteras Philosopho-  
 rum disciplinas neglexit, neque Zenone, Chrysippo, Clean-  
 the, Panætio, cæterisque suis contentus fuit: nec illos mo-  
 do majorum gentium, Democritum, Platonem, Aristote-  
 lem, Theophrastum, sed hos quoque minutos, & ut cavil-  
 lator aliquis vocaverit, patellarios Philosophos, Epicurum,  
 Metrodorum, aliosque ex eadem popina, & iisdem hortis,  
 ita versavit, ut quicquid boni ex eorum unoquoque aut ad  
 orationis ornatum, aut ad obscurarum & involutarum re-  
 rum intelligentiam, aut ad vitam moretque formandos ex-  
 primi poterat, id omne summa diligentia excerptum, li-  
 bris suis aptissime & elegantissime insperserit. Cumque  
 Stoicorum, qui ante eum fuerant, arida, strigosa, & im-  
 polita, & quasi dumis ac vepribus obsita haberetur ora-  
 tio, ipse contra in ea comenda, peccenda, polienda ita  
 exquisitus & accuratus fuit, ut nimis in eo cultus ac lu-  
 xurries reprehenderetur. Neque ulla magis alia res Quintilia-  
 num, gravem aliqui & sapientem scriptorem, adduxisse  
 videtur, ut de Seneca minus honorificum iudicium face-  
 ret, quam quod iniquo animo ferebat, immodico illius  
 amore, veteres Oratores juventuti excuti de manibus, ip-  
 sumque, quod ne Seneca quidem voluisset, plerisque jam  
 præ eo sordere Ciceronem. Nam illud alterum hominis  
 somnium, sive Gellium eum sive Agellium vocari placet, qui  
 voluit ipse quoque attollere se, & nescio quid de Seneca  
 loqui, nulla re magis quam contemptu ac silentio refu-  
 tandum arbitror. Injuriam facit Senecæ, si quis pro eo tam  
 infirmis obrectatoribus respondendum putat. Illum varo  
 promum condum rerum omnium scitu dignarum, illud re-  
 ceptaculum ingenuarum artium, illum eruditionis, Ocea-  
 num, C. Plinium, quis unquam satis pro dignitate vel  
 admirari vel celebrare poterit? Qui nullum unquam li-  
 brum vidit, quem non legerit; nihil cognitu dignum le-  
 git, quod non excerpterit; nihil excerptit, quod non in li-  
 teras retulerit. Itaque unum ipsius opus, quod de plurimis  
 exstat, naturalis historiæ, instar ingentis bibliothecæ vi-  
 deri potest. Sed quo admirabilior & prædicatione dignior  
 illorum industria est, eo magis accusanda nostra omnium  
 igna-



ignavia: qui tot dominiculis fulti, tanta librorum copia instructi, tot tamque illustribus exemplis ad imitandum propositis, torpemus tamen, & in inertis atque inglorio confensescere otio malimus, quam per illorum vestigia gradientes, explere animos nostros illo suavissimo pasta cognitionis ac scientiæ, & quanto homines cæteris animantibus antecellunt, tanto supra vulgus hominum eminere. Non amamus litteras, Auditores; non amamus studia doctrinæ; nihil altum, nihil arduum, nihil gloriosum cogitamus; quod si faceremus, jungeremus nos ætes diebus, noctibus dies, & discendi cupiditate incensi, omnes corporearum voluptatum illecebras, omnem laboris asperitatem præ doctrina contemneremus. An mercatores opum parandarum gratia, tam multas, tam longinquas, tam periculosas peregrinationes suscipiunt; domum, uxorem, parentes, liberos relinquunt; ventis, fluctibus, piratis ac prædonibus vitam suam committunt; perpetuum prope sibi exilium indicunt: nos, si ita sapientiam amaremus, ut illi opes amant, ullum ejus comparandæ causâ laborem refugeremus? Venatores in nive pernoctant, famem, sitim, frigus, vigiliam ferunt, cum apris, cum ursis, aliisque indomitæ feritatis animalibus de vita sæpenumero decernunt ac dimicant: nos, si quanto illi ad prædam, tanto ad eruditionem ardore ferremur, ullam nobis, ne ad eam perveniremus, difficultatem obflare pateremur? Insanum ac libidinosum adolescentem, cum ad puellam, quam amabat, aliter pervenire non posset, singulis noctibus mare illud, quod Europam ab Asia dividit, natando transire solitum accepimus. Quod in eo stulta & inconsulta cupiditas potuit, ut, dum potiretur amoribus suis, nihil tanti putaret: cur idem in nobis amor virtutis ac scientiæ, si eam vere & ex animo amaremus, non efficeret? Ita est profecto, ut dicam, Auditores; Nihil amori difficile, nihil arduum, nihil impervium est; neque illi poetæ frustra alas addiderunt, volat, si quo aliter perveniri non potest. Sed amor scientiæ nulli vestrum ad ossa tetigit, nulli vestrum medullam animæ facibus suis perussit. Quid, quæso, est? Quid iste sibi quorundam fremitus vult? Aequo animo accipietis istam contumeliam, Juvenes, an mendacii coarguere ac convincere me conntemini? Utinam velitis, charissima mihi capita! posse enim scio, Utinam vobis Deus istam mentem immittat, ut quasi coitione

quam

guadam ac conspiratione facta, mecum hoc anno contendere instituat, plus ne ego laboris & operæ ad docendum, an vos studii & alacritatis ad discendum conferatis! O inluam mihi & injucundam pugnam, si vicerò: acceptam & exoptatam, si victus discessero! Habituri autem sumus hujus certaminis nostri agonotheam Gregorium Pontificem modis omnibus maximum: qui, ut Achilles Homericus præmia & victoribus ponit & victis, ita ipse, pro suo erga honestas artes incredibili amore, & vobis, si vincetis, & mihi, si vincar, ampla præmia constituturus est. Quamquam ego quidem, dum vos victores videam, nullum mihi aliud præmium posco: plus enim jam pridem sum illius inexhausta liberalitate, quam quantum promerebar, consecutus. Tu vero, Paule Foxi, vir & generis nobilitate, & splendore vitæ, & dignitatis gradu, & virtute atque doctrina illustrissime, suscipe patrociniū nostrum. Confirmato sanctissimo seni, & floridissimam hanc juvenum coronam, quam ex ore meo pendentem vides, tum ipse virtutis pulchritudine invitatus, cum tuo ac cui similium exemplo incitatus, flagrare studio earum artium, quarum ipse præcipuus fautor es; & me, quamquam ætate jam ad senium inclinata, & quietis aliquid, post confecta tam multa stipendia, postulant, moriturum potius, quam commissurum ut tam prolixæ ipsius ac beneficæ erga me voluntati per ignaviam & fugam laboris parum respondisse videar. Ite, Adolescentes, si jam enim, ut diei tempus est diutius detinendi non estis) curate animos, & crastino die hac ipsa hora ad persequendos mecum Taciti Annales læti atque alacres convenite.

[CUM INTERPRETARI INCIPERET EPI-  
STOLAS CICERONIS AD ATTICUM.]

## O R A T I O XIX. (alias XVI.)

*Habita Roma. Frijd. Non. Nov. MDLXXXII.*

**L**Udere quibusdam fortassis, & devexa jam in senium ætate, causam minuendi laboris querere videbor, qui ulque antehac in gravissimis præstantissimorum scriptorum libris eorum qui ad me ventitabant, industriam exercere solitus, hoc anno Ciceronis Epistolas ad Atticum mihi sum-  
pserim

ferim interpretandas. Ita enim vulgo persuasum est, omnem epistolaram lectionem leve quiddam ac lubricum esse, magisque ad pueriles animos aliquo litterarum gustu imbuendos, quam ad retinenda graviorum virorum studia accommodatum. De qua opinione, vera nec ne sit, quæremus postea. Nunc hoc dico: si maxime fatear, quæsisse me rationem aliquam, qua, sine ulla utilitatis publicæ diminutione, pars mihi laboris aliqua demeretur, qui tamen eo nomine me reprehendat, nimis eum agrestem atque inhumanum fore. Nam cum me populus Romanus hos prope jam viginti annos viderit ita perpetuo mandatum mihi munus obeuntem, nemo ut unquam, qui quidem hanc provinciam sustineret, aut plures, aut graviores scriptores, aut majori omnium ætatum, omniumque ordinum concursu interpretatus sit: quæ invidia fuerit, natu jam grandiore, minusque in dies perferendis laboribus idoneum mollioris ac remissioris operæ aliquid sumere? Ut corporum, sic & animorum non eædem exercitationes omnem ætatem decent. Cursus, lucta, jaculatio, discus, harpastum juvenilibus viribus ac lacertis conveniunt: senibus apricatio, ambulatio, gestatio magis congruit: Veterani olim, quamquam sub signis haberentur, graviorum tamen laborum immunes erant. Roscius fabularum auctor ita excellens ut ex eo, quicumque artificio aliquo longe præstabat cæteris in suo genere, esse Roscius diceretur: hic ergo Roscius cum ad senectutem pervenisset, incidisse numeros ac cantus, ipsasque remissiores fecisse dicitur tibias. Quod histrioni licuit, cur honestissimarum artium doctorem non liceat? His & ejusdem generis aliis argumentis uterer, si, quod hujus factum est, mea causa factum esse profiterer. Sed longe alia mihi mens fuit, cum hoc consilium cepi. Judicavi, paucissimos libros posse reperiri ad præstandum id quod a me exigitur, quodque ego omni ope efficere molior, accomodatior. Certe enim mandatum mihi publice est, ut vos, quantum in me situm est, ad eloquentiam informem. Recte autem & vere dicebat Cæsar, delectum verborum esse originem eloquentiæ. Idemque multo ante eum Aristoteles docuerat, qui cum elocutionis præcepta Græce traderet, primam illius virtutem esse dixerat, *ἁλυνέειν*, id est, Græce ita loqui, ut oratio nihil barbarum, nihil insolens, absconum, peregrinum habeat, sed & singularum vocum elegantia & earum structura ac



collocatione, natam esse se in media Græcia ostendat. Qui ergo Latina lingua eloquentes esse meditantur, iis hoc primum elaborandum est, ut Latine, pure, & quam maxime ex veterum Romanorum usu ac consuetudine loquantur. Nolite autem putare, laudem illam, quæ quasi sanitate, & integritate, ac castimonia Latini sermonis continetur, aut parvam aut facile parabilem esse. Cum post restitutas a Medicea potissimum familia litteras, infinita quædam vis extiterit hominum in omni genere ruditorum, cumque & nostra & patrum memoria homines summis ingenis præditi tam multam in Latine loquendi studio operam posuerint, ut id prope unum operis habere viderentur: paucissimi tamen, quorum scripta, non dico sermonis vitis careant, nam hoc quidem illorum nemini contigit, sed aliquam saltem præter illius & nativæ Latinitatis imaginem contineant, extiterunt. Ut Græci proverbio dicunt, multos esse, qui thyrum ferant, sed paucos Bacchos: ita multorum falsa quadam Latini sermonis specie inducta, & oblita oratio est, paucorum Latina. Duo in Italia summi viri duces cæteris ad hanc laudem capefendam, & quasi antesignani fuerunt, Jacobus Sadoletus, & Petrus Bembus: qui etiam propter ejusdem studii similitudinem Christophorum Longolum Belgam in deliciis prope atque in amoribus habuerunt. Non ita multo post magno in pretio fuerunt duo hujus facultatis præcipui doctores, Patavii quidem Lazarus Bonamicus, in hac autem Urbe Romulus Amasæus: quorum in illo fecunditatem ingenii admirareris, diligentiam & accuratorem requireres; in hoc nihil admodum, quod ad boni & ex omni parte perfecti doctoris commendationem pertineret, desiderares. Brevi igitur innumerebilibus quædam hominum multitudo per Italiam effloruit, qui illorum exemplo incitati, horum disciplina ac præceptis exculti, ad hanc bene Latine loquendi ac scribendi laudem incredibili studio incumbere: cum & Venetiis Jovita Rapius & Patavii Benedictus Lampridius, & alii præstantes viri sitienti juventuti fontes eloquentiæ recluderent, & a Principibus maximi honores iis, qui Latinam linguam egregie præter cæteros callerent, proponerentur. Et tamen in tanto ardore animorum, tanta ingeniorum contentione atque æmulatione tantis propositis præmiis, nemo adhuc extitit, cui simpliciter & sine ulla exceptione ea laus tribui

tribui possit, ut bene Latine scripsisse dicatur. Proxime quidem ad veterum gloriam acceperunt & ii, quos modo nominavi, & alii satis multi: neque immerito commendati sunt aut is, qui pauca quidem scripsit, sed in scribendo omnium politicissimus maximeque limatus, idemque ab omnibus ineptiis remotissimus fuit, Joannes Casa, aut vir in scribendis epistolis Latinis singulari lepore ac venustate præditus, Paulus Manutius. Qui tamen, quemadmodum illud consecuti sunt, ut hæc laus vere ac merito propria Italiæ haberetur, eique cæteræ omnes nationes scribendi elegantia facile cederent: ita illud negari non potest, multos nævus, multasque maculas, quod bona omnium venia dictum sit, illorum omnium scriptis aspersas esse, quæ planum faciant, illos vidisse quidem quid optimum esset, & viam, quæ ad illud ferret, ingressos longe processisse: sed longe tamen ab eo, quo intendebant, substitisse. Neque hoc eo dico, ut de summorum virorum gloria quidquam propterea detrahams: quos & admiror ipse, & ad eorum persequenda vestigia cohortari vos volo. Sed ut intelligatis, minime vulgarem esse eam laudem quam tot ac tales viri, tantis laboribus tantoque studio, plenam tamen ac solidam consequi non potuerint. Nunc quod dicturus sum, nolim a quoquam durius accipi, sed ita potius ut profectum ab optimo erga vos animo & a singulari quadam mea erga nomen Italicum voluntate. Qui enim in Italiâ diutius aliquanto quam in Gallia, ubi natus sum, vixerim, & jam pridem in hac orbis terrarum nobilissima Urbe sedes ac domicilium collocarim, facere neque possum, neque debeo, quin & Italiam totam, & præcipue urbem Romam pari ac patriam pietate ac studio colam. Doleo igitur & indignor, cum, quæ laus, nostra ac patrum memoria, propria, ut dixi, Italicorum fuit, ut soli ex omnibus Latina lingua perite ac scienter uterentur, eam nunc ita obsolevisse ac propemodum evanuisse video, vix ut jam tota Italia pauci quidam senes, qui eam utcumque sustineant, reperiuntur. Interea exteræ nationes, & ut vulgo in Italiâ vocantur, barbaræ, hanc possessionem gloriæ, tanquam a vobis pro derelicta habitam, occuparunt: jamque non obscure Latinæ linguæ usum & intelligentiam migrasse ad se, relicta Italia, gloriantur. Hanc vos tantam indignitatem feretis æquo animo, Juvenes, ac non potius omnes nervos ingenti contendetis, ut stolidam illam agresium hominum vobis

vobis insultantium superbiam retundatis? Expergiscimini, expergiscimini, Adolescentes, & si quid in vobis Romani sanguinis, si quid avitæ virtutis est, incumbite ad eam gloriam, quæ vestri generis ac rominis propria est, ex alienarum gentium manibus extorquendam. Mihi credite, si semel penitus imbibatis id perficere, si locordia & ignavia valere jussis, naviter opus hoc urgere instituatis, si frenum, ut dicitur, mordeatis: brevi futurum est, non modo ut nuper amissa ornamenta recuperetis, sed etiam ea magnis ac luculentis accessionibus locupletetis. Ego quidem, quoniam ad pure & emendate loquendum, quod hujus consilii acque incepti fundamentum est, nullius omnino libri lectionem utiliorem, quam Epistolarum ad Atticum judico, quoniam eas Latinæ linguæ studiosis pervolundas, manibus atque oculis contendas, ad verbum, si fieri possit, ediscendas censeo; idcirco earum interpretationem suscepi, nihil verituseorum stultitiam, qui speciosa utilibus anteposcentes, ita me, quasi quiddam hujus loci auctoritate inferius susceperim, criminantur. At iidem me superioribus annis, cum Aristotelis libros de moribus, cum Platonis libros de Republica, nuper etiam cum Tacitum interpreterer, ita calumniabantur, quasi, ommissis iis, quæ juventuti utilia forent, ea quærerem ac confectarer, in quibus ostentare me, & venditare populo possem. Quid istis canibus facias? aut quomodo te aliter, quam contemptu, ab eorum latratibus vindices? Præclare Aristoteles, cum idem ab aliis avarus, ab aliis prodigus haberetur, argumento id esse ait, eum liberalem esse. Ita isti, cum me nunc ut nimis sublimia petentem, nunc ut me jussu inferius demittentem culpares instituunt, ut mihi quidem tum demum medium secare videar, efficiunt. Magis me movent exempla eorum, qui memoria nostra primos ordines in litteris duxerunt: quorum ut quisque doctissimus habitus est, ita plurimum operæ in his epistolis collocavit. Nunquam me pigebit eis in libris exerceri, in quibus duo ingentia decora Italiæ Petrus Victorius, & Paulus Manutius, acutissimus Jurisconsultus Antonius Goveanus, Sebastianus Corradus, Leonardus Malaspina, lumen & ornamentum Calliæ Hadrianus Turnebus, alique, quos enumerare longum est, ita desudarunt, ut præcipuam sibi materiem gloriæ in eis emendandis & illustrandis quesivisse videantur. Quos si Duces non sequerer, unum tamen



tamen opponerem, cuius auctoritas frangere, debilitare, obterere omnes contra sentientium rumusculos posset. Huius enim consilii mei non approbatorem modo & adstipulatorem, sed auctorem, ac laudatorem habeo illum uberimum disciplinarum omnium fontem Guilielmum Sirletum Cardinalem, cuius auctoritati dum paream, nunquam magnopere, quid alii de me iudicaturi sint, laborabo. Sequitur nunc, ut his obrestatoribus respondeam, qui omnem epistolarum lectionem leve quiddam ac prope nugatorium esse ajunt: quo tanquam lacte pueruli, non ut solido cibo etiam grandiores, ali debeant. In quibus hoc primum est quod admirer: cum sermonis usum unum de præcipuis a Deo in hominem collatis muneribus esse fateatur, quomodo de descriptione epistolarum aliter sentire possit. Ut enim sermone inter præsentēs, ita epistolis inter absentes animi sensa communicantur. Per epistolas mercatura exercetur; quæ si caremus, innumerabilibus commodis caremus: per epistolas pater cum liberis, vir cum uxore, fratres ac propinqui inter se, tum quoque cum multi inter eos montes multaque maria interjecta sunt, ita colloquuntur, ut una omnes domi esse videantur: per epistolas & indicantur & geruntur bella, paces componuntur, inter remotissimas nationes constituuntur societates, fœdera feriuntur: amicitia, quæ condimentum vitæ est, quo sublato vita quidvis potius quam vita fuerit, nullo magis adminiculo quam mutuis epistolis continetur. Itaque si epistolarum usus tolleretur, commercium quoque & naturalis illa hominum inter ipsos societas tolleretur. Sunt ista, dicit aliquis: sed tamen epistolis sua quisque negotia committit; graves & arduæ disputationes, & ad quas percipiendas doctore opus sit, epistolis mandari non solent. Hoc si quis de toto epistolarum genere dicere audeat, ablegabo eum ad Platonis, Isocratis, Senecæ & talium epistolas, quarumque numquid illas quoque de rebus vulgaribus & cuilibet sine doctoris opera perspicuis scriptas patet? jubebo inspicat illam, quæ a Cicerone ad Q. Fratrem in Asiam missa est: qua vir non eloquentissimus tantum, sed etiam tractandæ republicæ peritissimus omnia complexus est, quæ præstari debent ab iis, qui magnis provinciis summo cum imperio præsunt. Nam illo quidem argumento vix in tam levi causa utendum puto, quod præcipua religionis nostræ mysteria a sanctissimis illis æternæ veritatis doctoribus,

bus, qui nobis ad aspiciendam viam, qua iretur in cœ-  
 lum, facem prætulerunt, epistolis incluta sunt. Quis-  
 quamne ita impie temerarius est, ut cum illorum pro-  
 cerum, Basilii, Nazianzeni, Cypriani, Ambrosii, Hie-  
 ronymi, Augustini, Gregorii & similium epistolas si mi-  
 nus legerit, extare tamen audierit, totum epistolarum  
 genus contemnere audeat? At in his Ciceronianis nihil  
 simile; scripta enim sunt de rebus fere domesticis ac fa-  
 miliaribus simplici & sponte facti dicendi genere, ad ho-  
 minem usum domestico & intima familiaritate conjun-  
 ctum. Hoc si faterer, tamen eas dignas, quæ diligenter  
 & accurate legerentur, esse contenderem. Vere enim  
 hoc sapientissimus scriptor Xenophon principio ejus li-  
 belli, qui Convivium inscribitur, scriptum reliquit, ma-  
 gnorum virorum non seria tantum, sed & joca cognosce-  
 re operæ pretium esse: quod ex his quoque utilissima ad  
 vitam exempla capiantur. Narrat alicubi Horatius, Sci-  
 pionem & Lelium interdum discinctos, dum olus decoque-  
 retur, ludere & nugari: Cicero etiam legendis ad Lucri-  
 um conchis & umbilicis animum relaxare solitus. Quis  
 nostrum non quolibet pretio emat, ut interesse talibus lu-  
 dis queat, & eas fabellas audire, quibus tales viri inter  
 se jocabantur! Præclare Plutarcus in Alexandro, *Non*,  
*inquit, ut quaque maxime illustris actio est, ita maxime in-*  
*genium hominis patefacit: imo vero interdum exiguum aliquod*  
*factum dictumve, aut jocus aliquis magis detegit hominis*  
*mores, quam urbium expugnationes, & pugna, in quibus mul-*  
*ta hominum millia ceciderunt.* At cum principes viri pu-  
 blicis se negotiis subdlexerunt, & exclusis admissionibus,  
 paucos quosdam deligunt, quibuscum libere ac familiari-  
 ter jocentur, invidemus iis, qui admittunt ad interio-  
 res illorum sermones, eosque beatos esse, ac cœlum di-  
 gito contingere putamus; nos si ad Ciceronis & Attici  
 arcana penetrare, eosque nunc jocantes nunc inter se  
 qua publicis, qua domesticis de rebus colloquenter audire  
 liceat, parvi id esse ducemus? Sed longe aberrant a ve-  
 ro, si qui res tantum domesticas, & familiares jocos his  
 epistolis contineri putant. Historia illorum temporum, qui-  
 bus imperium orbis terrarum immutatum est, & vel ever-  
 sa, vel certe conversa ea respublica, quæ ita bonis legibus  
 atque institutis fundata erat, ut in perpetuum duratura

videretur, non aliunde melius quam ex his libris percipi potest. Tum præterea Ciceronis admirabilis prudentia, & scientia reipublicæ tractandæ nusquam se magis quam in his epistolis prodit. Quod ne quis me temporis causa coningere arbitretur, præstantis viri & illorum temporum æqualis Corneli Nepotis verba ipsa recitabo. quibus suum de illis iudicium posteritati contestatum ac consignatum reliquit. Qui in Attici vita cum inter Ciceronem & Atticum summam conjunctionem animorum fuisse dixisset: Ei, inquit, res sunt indicio præter eos libros; in quibus de eo facit mentionem, qui in vulgus sunt editi, sexdecim volumina Epistolarum ab consulatu ejus usque ad extremum tempus ad Atticum missarum: quæ qui legat, non multum desideret historiæ contextum eorum temporum. Sic enim omnia de studiis principum, virtutis ætatem, emulationibus in Republica perscripta sunt, ut nihil in iis non appareat; & facile existimari possit, prudentiam quodammodo esse divinationem. Non enim Cicero ea solum, quæ vivo se acciderunt, futura prædixit, sed etiam, quæ nunc veniunt, cecinit ut vates. Hæc Nepos, cujus non vanam esse prædicationem, res ipsa quotidie ostendit. Ad eas causas, quas attuli, cur in his epistolis mecum pervolutandis cupide versari debeatis, accedit hæc quoque, quam dubitavi equidem num adferre deberem, ne vineta mea, ut ajunt, cædere, & de ea ipsa facultate, cujus opinio, falsa fortasse, (neque enim impedio) sed opinio tamen, ad aliquam me propevit hominum famam, quippiam detrudere viderer. Sed vincat veritas, quæ aliis omnibus rebus præponderare debet, præsertim cum de commodis vestris agatur. Hodie, Adolescentes, si verum amamus, omnis prope usus eloquentiæ, præterquam in scribendis epistolis, ita de medio sublatus est, ut nec vola nec vestigium appareat. Dominabatur olim in judiciis: regnabat in consultationibus: vincebat fere ea, causa, quæ eloquentiorem patronum nascia erat.

*Sed hæc prius fuerat: nunc recondita*

*( ut de phælo aut Catulus )*

*Sener quiete,*

Judicia, Romæ saltem, ita exercentur, ut in eis nullus plane locus eloquentiæ sit. In deliberationibus de magnis & seriis rebus, quid quisque dicat, non quam ornate dicat,



dicat, attenditur. Recte omnino, neque enim negari potest: sed tamen isto modo magna disertis hominibus subtracta materia est. Eloquentia, quasi ætatis beneficio immunitatem consecuta, iussa est oblectare se in his nostris scholasticis ac pulverulentis disputationibus, in sacris concionibus, quæ ad populum habentur, & interdum in gratulationibus, quæ sunt ad Principes, aut in eorum funebribus exornandis. Ita ex illis tribus Aristotelis dicendi generibus solum epidicticon, quod olim minimi pretii habebatur, in usu relictum est. Mansit tamen illud, ut, bene, id est, tum diserte, tum prudenter, & ad res, ad personas, ad tempora accommodate epistolam scribunt, facillime ad intimam Principum familiaritatem perveniant, & ad maximarum rerum tractationem adhibeantur, & maximis plerumque honoribus augeantur. Hac facultate cum alii, tum Jacobus Sadoletus, & Petrus Bem-  
 bolus viam sibi ad dignitatem summe proximam munierunt. Nolo de viventibus dicere, ne aut adulari videar, aut aliter eos laudem, quam ipsi fortasse laudari se volunt. Vos, Adolescentes, (vestra enim res agitur, & satis jam verborum factum est) adjuvate attentione vestra industriam meam: & mihi hoc credite, integritatem Latine linguæ, cognitionem antiquitatis, prudentiam in rebus gerendis, ex nullo Ciceronis libro posse a vobis melius aut facilius, quam ex his epistolis comparari. Cuperem, Paule Foxi, vir non tantum in primis illustris, sed ad illustrandum hoc sæculum nate, novo quodam & minime vulgari modo, tibi, quem nihil obsoletum, nihil vulgare delectat, gratias agere, quod talis tantusque vir, omittis negotiis, quibus assidue distineris, honoris mei causa, hodie, multum deprecante me ne id faceres, huc tamen venire volueris. Sed cum animum in omnes partes versavi, nihil, quod te dignum sit, excogitare possum. Tacebo igitur, & hoc toto genere gratiarum actionis superfedabo. Nisi forte hoc ipsum novum quoddam gratias agendi genus est, cum is, qui beneficium accipit, magnitudinem illius verbis a se coæquari non posse confitens, conticescit.

REPETITURUS LIBROS ARISTOTELIS  
DE MORIBUS.

## ORATIO XX. (alias XVII.)

*Habita Roma Frib. Non. Nov. MDLXXIII.*

PRimum quidem Deum immortalem veneror, Audito-  
res, ut si hos viginti annos, quibus huic muneri præfui,  
pro singulari erga me populi Romani caritate ac benevolen-  
tia, proque maximis in me cum aliorum Pontificum, tum  
præcipue Gregorii XIII. Principis immortalitate dignissimi  
beneficiis, eo semper animo fui, ut de utilitate vestra non  
minus sæpequam de mea cogitaverim, ut nunquam rationes  
meas vestris anteposuerim, ut semper eam docendi rationem  
tenere studuerim, non quæ aut minus laboris aut plus offen-  
sationis habitura, sed quæ vobis plus veræ ac solidæ erudi-  
tionis paritura videretur: ita me, quod reliquum est ætatis,  
in ejusdem muneris procuracione placide ac tranquille exi-  
gere patiar; deinde autem ut vobis omnibus inspiret amo-  
rem erga honesta studia, & cupiditatem ea in isto ætate  
florere discendi, quæ vobis aliquando tum privatim, tum  
publice & utilitatis & dignitatis plurimum allatura sit.  
Quod cum peto, non tantum vestra, sed etiam mea causa  
peto: Nam cum quietis ac tranquillitatis meæ, cujus &  
semper natura amans fui, & hac ingravescenti ætate quoti-  
die magis indigeo, magna pars in eo posita sit, ut a vobis  
attente ac libenter audiar: non dubito, quin id facile im-  
petraturus sim ab iis omnibus, qui ipsi prius a se, ut se  
ament, neque unquam per ludibrium & perversitatem ani-  
mi & suis & alienis commodis obstare cupiant, impetra-  
rint. Quam spem cum de vobis huius annui curriculi nostri  
principio, ut si unquam alias, aut potius majorem quam  
unquam alias, animo perceperim: obsecro obtestorque vos,  
Auditores, ut vel mea causa, vel vestra, veletiam tot vi-  
rorum dignitate præstantium, quos hodierno die hic conve-  
nisse & industriæ meæ iudices atque arbitros & modestiæ ve-  
stræ testes ac spectatores futuros videris, eam unius horum  
attentione ac silentio comprobetis. Etenim qui pulcherri-  
mos & a me semper in prima commendatione habitos libros

Arist.

Aristotelis de moribus ad Nicomachum, quos vicesimo ab hinc anno ex hoc ipso loco interpretari cœpi, nunc deno (quod Deo volente ac propitio fiat) interpretari constituerim, cum sciam hoc consilium meum non prius quam hesternodie plerisque vestrum notum esse potuisse; ideoque multa esse, qui non modo meditati ac parati, ut par est, huc venire, sed vix libros sibi prospicere potuerint: decrevi hodie, quæ illorum librorum propria sunt, non attingere, sed universe ac communiter de tota studiorum nostrorum ratione differere, & quærere, verane an falsa sint ea, quæ plerique putant de causis, cur hodie neque tam docti, neque tam disertis homines, quam olim fuerunt, reperiantur. Sæpe enim interfui quærelis eruditorum & ingeniosorum hominum, qui de temporum nostrorum infelicitate quærentur: quod cum ingenia nihilo quam antiquitus deteriora sint; & aliis majoribus & magis arduo ac difficilior in loco positis virtutibus ætas nostra facile vetustatis gloriam æquaverit; siquidem & rei militaris ductandorumque exercituum & reipublicæ in pace atque otio tractandæ scientia, satis multi memoria nostra qui nulli veterum cederent, existerunt: ac molliore, ut videtur, & parabiliore eloquentiæ & eruditionis laude, nemo prorsus exoritur, qui antiquitati controversiam facere audeat: sed præclare secum actum esse ducant, si qui hoc tempore multo sudore multisque vigiliis hoc consecuti sunt, ut a veterum præstantia non longissime abesse videantur. Atque illud quidem facile conveniebat inter omnes, non eandem esse diligentiam in hominibus nostris, quæ in veteribus illis, quos admiraremur, fuisset; merito abesse nos ab illorum gloria, quorum non imitaremur industriam, labore venalia esse præclara omnia, inique facere qui industriorum præmia peterent otiosi: neque esse quod quisquam nostrum sibi blandiretur, aut cuiusquam e nostris studium & diligentiam cum illa veterum pertinaci & indomita discendi cupiditate contenderet. Illos incensos & inflammatos amore doctrinæ, omnibus sibi aliis voluptatibus interdixisse, rei familiaris curam abiecis-  
 se cibo, potu, somno sapientissime abstinuisse, omne sibi tempus perire ratos, quod non in studio poneretur, non modo valetudinis dispendio, sed in ipsius vitæ periculo bene emi putantes, quod tam ferventer adamasset. Nos quod somno, quod voluptatibus, quod avaritiæ, quod ambitioni temporis superest,



collocatus in litteris: & cum quidvis potius agamus, miramur, impares esse nos iis, qui hoc unum agebant. Memoriam proditum est, cum populus Atheniensis decreto cavisset, ut capite lueret, si quis Megarensis pedem in Asu intulisset, Euclidem, qui inde erat, Socratemque ante id decretum audire cœperat, tum sermonibus illius carere nollet, quotidie, cum ad vesperasceret, tunica longa muliebri indutum & versicolore pallio amictum, capite atque ore velato. Megaris Athenas ad Socratem commeare, & sub lucem eodem ornatu ad suos redire solitum. Tanti putabat studiosissimus adolescenti aliqua saltem noctis parte Socratem audire, ut ea de causa & singulis noctibus amplius quadraginta millia passuum conficere, & vitam suam in apertum discrimen exponere non vereretur. Mirum non est tanto nos eis inferiores esse doctrina, quanto doctrinæ amore inferiores sumus. Sed de neglectu bonarum artium & de illo quasi torpore ac veterano, qui jam pridem juvenum nostrorum animos occupavit, & dixi sæpe alias, & dicturus sum; si forte dicendo eum excitare & aliquos eorum, qui me audient, excitare ac vigilantiam possim. Alteram causam esse dicebant, quæ profectus nostros impediret, quod multo durior ac difficilior esset nostra, quam veterum, conditio. Illi enim eum sermonem, quo in discendis tractandisque bonis artibus stur essent, a nutricibus cum lacte hibeant, a populo condicebant, neque aut Atheniensibus ut Artice, aut Romanis ut Romane loquerentur, sudandum; neque aut consulendi magistri, aut libri pervolutandi erant; a poetis quorum lectione puerilis ætas oblectari & ad humanitatem informari solebat, & in quibus interpretandis nullum fere aliud Grammaticorum munus erat, quam ut fabulas explicarent, & aliquas, si forte, peregrinas voces, quas illiglossas vocabant, & interdum genera quædam dicendi abstrusiora, & a vulgari loquendi consuetudine remotiora indicarent: ab eis igitur, prout cuiusque ingenium aut voluntas ferebat, aut ad politicos sive rhetores deducebantur; aut imbuti prius mathematicis disciplinis ad dialecticos & ad physicos sese applicabant: & verborum cura liberi ac soluti, ad res modo ipsas intelligendas ac pervidendas omnem indulgentiam ac diligentiam conferebant. Qui eloquentiam adamabant, iis theatra, iis forum, iis curia pro schola; qui causas diserte agebant, qui ad populum verba faciebant, qui

sen-

sen-  
eran-  
quer-  
cupi-  
Nos  
neque  
modi  
qua  
mas  
mon  
ipsis  
eum  
ribu  
rent  
multi  
pler  
quoc  
lta  
bus  
ut u  
tem  
stio  
ranc

ad n  
Sic  
sapi  
ad i  
Hæ  
ce p  
quoc  
ling  
moc  
Æg  
fos  
mos  
bita  
tem  
uta  
Ne

sententiam de publicis negotiis dicebant, pro magistris erant; unum aliquem ex eis deligebant, quem colerent, quem spectarentur, cuius ad exemplum se conformarent, cuius contumeliam & disertiores serent & sapientiores. Nos non unam sed duas peregrinas linguas discere cogimur, neque peregrinas modo, sed jam pridem extinctas quodammodo ac sepultas. Nam si aliqua urbs, aut aliqua gens esset, in qua vulgo homines Græce Latineve loquerentur, mitteremus eo pueros nostros, ut, cum a teneris iugunculis sermonis usum combibissent, grandiusculi de rebus modo ipsis cogitarent. Nunc vobis diutius luctandum ac sustinendum esse circa principia, & in ipsis, ut ita dicam, carceribus, quæ iam prisca illis, ut a carceribus ad metam pervenirent. Nobis, antequam Latine aut Græce balbutire possimus, multa cura, multis vigiliis, multis magistris opus est, & his plerumque magistris meliorum inopia utendum: qui ad id, quod se docere profitentur, aliis ipsi magistris indigerent. Ita quam illi facultatem ac copiam sine ullo labore a matribus, & a nutricibus, & a populo hauriebant; ejus nos ut umbram aliquam consequamur, meliorem ætatis partem in eo contumere cogimur. Itaque gravis illa conquisitio, qua nobilis olim poeta Lucanus usus est in deplo-  
randa bellorum civilium calamitate:

*Heu quantum terra potuit pelagique parari,*

*Hoc quem civiles hausserunt sanguine dextra!*

ad nostra quoque studia non incontinue accommodari potest. Sic enim & nos dicamus licet: Heu quantum rerum ac sapientiæ parari potuit eo labore, qui necessario nobis ad intelligentiam usumque linguarum capiendus fuit! Hæc una ratio tantum apud nonnullos potuit, ut publice persuadere conati sint, inutile esse totum illud studium, quod in Græcis ac Latinis litteris poneretur; sua cuique lingua philosophandum, ut & illi fecissent. Non enim Democritum, Platonem, Aristotelem aut Hebræorum aut Egyptiorum sermone in disputando aut in scribendo usos esse; sed eo, qui popularibus suis notus esset: neque Demosthenem Perlicæ aut Macedonica, sed Attica lingua habitum eloquentem; meram insaniam esse tantum operæ ac temporis perdere, ut eum sermonem intelligamus, eoque utamur, quo uti homines multis ab hinc sæculis desierunt. Ne Demosthenem quidem aut Ciceronem curasse, illum, quo-

quomodo Cecropis aut Thesei, hunc quomodo Evandri aut Romuli temporibus cives sui locuti essent; suæ quemque non gentismo, sed & ætatis sermone contentum esse oportere. Addebant, id eo facilius factum esse hominibus Italis, quod præclara illa Græcorum Latinorumque monumenta jam pleraque omnia in eam linguam, qua vulgo utimur, conversa essent: ut, illo peregrinitatis quasi cortice ac putamine detracto, nucleis vesci, & ut, esse confecto, succum ac medulam ipsam exfugere liceret. A qua opinione quoniam ita dissentio, ut avocandis a Græcæ ac Latinæ linguæ studio adolescentibus ipsa fundamenta disciplinarum convelli ac labefactari putem; neque ullam pestem præsentio, aut ullum certius exitium omnibus ingenuis artibus adferri posse arbitrer, quam si linguæ illæ, quæ quasi sacraria quædam earum sunt, negligantur: exponam hoc loco breviter causas iudicii mei, efficiamque, si potero, ut linguas quidem illas omni studio dignissimas esse, sed multa hoc tempore in earum translatione peccari, liquido intelligatis. Duæ præcipue mihi quidem causæ esse videntur, Adolescentes, cur & Græcam & Latinam linguam amare, & in earum utraque præcipuum studium ponere debeamus. Una, quod Græcæ & Latine, Græcæ quidem & plures & præstantiores, sed tamen Latine, quoque sat multi ejusmodi viri scripserunt, ut propter admirabilem quamdam sapientiam (qua illi tanto supra cæteros mortales floruerunt, ut aliarum gentium homines cum eis collati, idiotæ quidam & agrestes fuisse videantur) dignissimi sint, ad quos intelligendos omnis ab omnibus elegantioris ingenii hominibus opera conferatur. Nam si Platones, Xenophontes, Aristoteles, Theophrastos, addo huc etiam Plutarchos, Galenos, sed quo plures nomen, eo plures occurrunt digni qui nominentur, si tales eriam viros Italia extulisset, qui cognitiones suas perscripissent eo sermone, quo vulgo Italia utitur: non ego quidem propterea, ne sic quidem veteres illos sapientes patres ac duces negligendos dicerem; sed tamen æquiore animo ferrem, si quis Græco sermone accuratius discendo superfedere veller. Nunc cum domi nata & vernacula omnia tanto jaceant infra illorum dignitatem, quanto immaximeque depressæ convalles infra editissimorum, cœloque ut poetæ loquantur, minantium montium cacumina: quis



iste tam mollis ac delicatus, quis tam ab omni vera pulchritudine averfus est, quis laborem non maximum neque fortasse tantum quantus vulgo putatur, ad illos maximos viros intelligendos capiendum neget? Quod & ipsum de vetere Latina lingua dictum accipi volo. Nam ita me ille amet omnium præpotens Deus, Auditores, ut ego vobis de meo sensu libere atque ingenue loquar. Si ex Latinis scriptoribus neminem haberemus præter Ciceronem, Virgilium, Senecam, Livium, Plinium, Tacitum; & constat, multos esse alios, qui in idem album referri queant: sed si eos solos haberemus, justa tamen mihi causa videretur, cur ad eos intelligendos linguam Latinam avide disceremus. Nunc accedit alia longe gravissima, quæ nos incendere utriusque studio debeat. Nam cum earum linguarum, quorum usus eruditis cum vulgo communis est, unaquæque & certis & angustis limitibus circumscripta teneatur, harum de quibus agimus, usus toto propemodum terrarum orbe diffusus est. Italice loquentem soli Itali intelligent; qui tantum Hispanice loquatur, inter Germanos pro muto habebitur; Germanus inter Italos, nutu ac manibus pro lingua uti cogetur; qui Gallico sermone peritissime ac scientissime utatur, ubi Gallia exierit, sæpe ultro irridebitur; qui Græce Latineque sciat, is quocumque terrarum venerit, non intelligetur tantum, sed apud plerisque admirationi erit. Atque hæc causa vel maxima est, cur Græce aut Latine potius, quam Italice aut Gallice scribere, quicumque id egregie præstare possunt, debeant. Nam qui scribunt, aut utilitatem publicam, aut gloriam suam sequuntur. Si utilitatem publicam, certe multo pluribus proderunt, si ea lingua scribant, quæ apud omnes gentes, quibuscum modo aliquid nobis usus aut commercii est, intelligatur. Gloriam quoque suam longius latiusque diffundent, si ea scribant, quorum pulchritudo ab omnibus populis ac gentibus percipi queat. Ut igitur peregrinantibus optabile esset reperire genus aliquod nummorum, cujus eadem apud omnes æstimatio esset; multoque libentius uterentur iis, quam illis, qui tertio aut quarto quoque die, cum detrimento & cum molestia mutandi sunt, cum ibi tantum utiles sint, ubi imperat is Princeps, cujus in ditione eaduntur: ita nemo non videt, quanto commodius sit uti ea lingua, quæ in omni gente ac natione reperit aliquos,

& q u-

& quidem non ex fece vulgi, sed ex quaque honoratissimos quoque, a quibus sine interprete intelligatur, quam iis, quæ simul atque pedem ex hac aut illa provincia extuleris, alios atque alios interpretes requirunt. Quomodo ex hac floridissima & nobilissima Urbe in omnes terrarum partes, quomodo ex omnibus terrarum partibus in hanc Urbem legationes mitterentur, si aliam linguam, quam eam, cujus apud suos publicus usus est, nemo didicisset? Quomodo in illo augusto ac sacrosancto Cardinalium Collegio de gravissimis rebus, & quas sæpe iis solis notas esse expedit, qui sententiæ dicendæ jus habent, deliberaretur, si quot ex nationibus confessus ille constat, totidem interpretes adhibendi forent? Qua in re majorem Latinæ quam Græcæ linguæ utilitatem esse fateor: intelligitur enim a pluribus. Itaque ad usum Latinæ potior est; ad doctrinæ copiam Græcæ. Argumenta, quibus nituntur, qui contrariam sententiam tuentur, infirma prorsus & imbecilia sunt. Ajunt, veteres illos, qui tanta in admiratione sunt, sua quemque lingua philosophatos. Ego autem ita respondeo: si illis quoque temporibus lingua aliqua fuisset communis omnium, qui ubicumque essent, eruditorum, ignota cæteris, quales hoc tempore Græcæ & Latinæ esset constat; non est dubium, quin ea potius cogitationes suas explicaturi fuerint, quam ea, quæ vulgo quoque communis esset. Nam ut poetæ, vulgus sibi invisum esse profitentur: ita ipsi quoque ad mysteria philosophiæ turbam admittendam non putabant; ideoque obscurabant ea de industria, alii numeris, alii allegoriis, alii tenebroso quodam dicendi genere, ut ostenderent, se sapientiæ tantum studio is scribere: quæ causa fuit Aristotelis, cur libros quoddam sacros & editos esse, & non editos diceret. Ajunt, Græcæ & Latinæ linguæ jam pridem mortuas esse. Ego vero eas nunc demum non tantum vivere & vigere contendō sed, si in translatione peritandum est, firma valetudine uti, postquam esse in potestate plebis desierunt. Quamdiu enim populari imperio regerentur, id est, quamdiu penes populum erat, ut ait Horatius, arbitrium & jus & norma loquendi assidue agitantur, fluctuant, nihil habebant certum, nihil stabile, unum sæculum eodem vultu durare non poterant: nunc ex quo ad optimates, ut ita dicam, redactæ sunt, & ceteris scriptoribus peruntur, certis regulis ac præceptionibus continentur, multis jam sæculis fixæ atque

atque immutabiles permanent. Si in vulgi potestate manifestent, hodie Ciceronem non intelligeremus quemadmodum ne Ciceronis quidem temporibus intelligebantur ea, quæ regnante Romulo aut Numa scripta erant; immo vero ipsas XII. tabularum leges pauci, qui intelligerent, reperiuntur. Et vidimus, quæ vulgari lingua abhinc quadringentos aut quingentos annos scripta sunt, hodie, non intelligi.

*Ut sylva foliis (ait Horatius) pronos mutantur in annos,*

*Prima cadunt: ira verborum vetus interit atas,*

*Et juvenum ritu, florent modo nata, vigentque,*

Illæ igitur linguæ quotidie moriuntur, quotidie nascuntur quæ pendent ex libidine imperitiæ multitudinis: quas autem ex populi servitute eruditorum usus vindicavit, illæ non vivunt tantum, sed immortalitatem quodammodo & immutabilitatem adeptæ sunt. At quod temporis in linguis discendis consumitur, melius rebus ipsis cognoscendis impenderetur. Hoc argumentum ita demum aliquid valeret, si ab aliis scriptoribus verborum elegantia, ab aliis rerum cognitio peteretur. Nunc ita nobis a Deo consultum ac prospectum est, ut qui Græcæ Latineque politissime scripserunt, iidem etiam sapientissime scripserint: ut non ab aliis verba, ab aliis rerum cognitionem petere oporteat; sed utraque ex iisdem fontibus eodem tempore haurire liceat. At omnia aut e Græco sermone in Latinum, aut etiam ex utroque in eum, qui lanis quoque & fassamentariis notus est, conversa sunt ita, ut aut neutro illorum opus sit, aut certe altero tantum. Heu me miserum! Cur non hujus loci consuetudo fert, ut possim, quantum cuperem, arbitrato meo dicere? Quomodo ego istos acciperem, qui interpretibus fidunt? Sed quando id tacere temporis angustia prohibent, polliceor vobis, me, quæ dabitur dicendi occasio, in hoc argumento veritatum esse, & ostensurum, quam necesse sit in crassissima rerum ignoracione perpetuo versari eos, qui præsidio interpretum freti, Græcæ ac Latine linguæ studia negligunt; simulque indicaturum, quibus in rebus a plerisque in studiorum causa peccetur, quæque veræ causæ sint, cur ætas nostra tantopere veteribus cedat. Vos Auditores, efficit; ne vobis prior illa causa, quam dixi, corpori ac negligentia noceat. Afferte huc amorem doctrinæ: afferte diligentiam & attentionem, ego, ut quotidie vobis res attentione dignæ affatim suppetant, providebo. Idque eo magis, quod



in his Ethicorum libris tantum usque a puero studii posui, ut nisi aliquid exspectatione vestra dignum præstitero, recusare non debeam, quin hujus loci amplitudine parum dignus habear. Vos vero, ornatissimi Viri, ignoscite, si, quod a vobis tam benigne audicus sim, ne grarias quidem vobis agendas putem. Nam sive oratio mea vobis molesta fuit, eo molestior erit quo eam longius protraxero; sive, quod magis cupio, quam spero, jucunda, vi deor jam vobis gratiam aliqua ex parte retulisse.

CUM IN LIBRO I. DE MORIBUS ARISTOTELIS PERVENISSET AD LOCUM CAP. III. QUO JUVENIS NEGATUR IDONEUS ESSE AUDITOR POLITICÆ.

## O R A T I O XXI.

(jam addita e Commentar. in Ethic. Aristot. p. 35.)

**A**ncipiti hodie & periculoso ac lubrico versamur in loco. Nam cum Aristoteles ab auditione hujus Philosophiæ uno terbo adolescentes arcere ac summovere videatur; vix videmur vitare posse unum de duobus incommodis, quin aut summi Magistri auctoritatem non tanti facere judicemur, quanti eam fieri ab omnibus par est; aut quasi ver tollamus ex anno, ita omnem florentem ætatem ab his disputationibus remove atque ablegare cogamur. Sed & temerarii essemus, si Aristoteli auderemus refragari; & barbari plane atque inhumani, si lectissimorum Adolescentum coronam, a qua tanto studio auditorium hoc celebrari ac frequentari videmus, abscedere, & tanta susceptum alacritate hujus Philosophiæ studium in ipso quasi vestibulo deferere juberemus. Quare mediam quamdam viam tenebimus, ut & Aristoteli tribuamus, hoc est, quantum debemus, quantum plurimum possumus; & incitemus potius vestra studia, quam retardemus, neque quicquam eorum, quæ hic ab Aristotele dicuntur, ad vos hinc aut excludendos aut amovendos pertinere doceamus. Quod dum facere conamur, non tantum quia multa nos, quæ & profunt, & delectant, dicturos esse confidimus, verum etiam, quia vestra res agitur, petimus a vobis, ut nobis, in causa vestra perpetuam, & nullis interruptam aut sibilis aut clamoribus unius.



ἀποδεκτέον Vetus interpretēs, ἀποδεκτέον.

Nunc accedamus ad id, quod instituiamus, ac primum disputemus de vi vocabuli νέος, ut intelligamus, de quibus hic Aristoteles loquatur. Νέοι interdum vocentur pueri usque ad annum decimum quartum, ut apud Homerum *Od. π.*

Παῖδά νέον ὃ γράττα.

Et apud Platonem secundo νόμον, cum ait, τὸ νέον ἅπαν ἡσυχίαν ἄγειν ὃ δυνάσθαι, ἀλλ' ἀέ κινεῖσθαι. Hos si quis aptos neget esse ad hanc Philosophiam non repugnabimus. Satis enim est illi ætati, si bene institutur, & eam disciplinam audiat, quæ, ut alibi diximus constat solis ἀποτελέσμασι. Νέοι dicuntur etiam grandiores, hoc est, utque ad tertiam hebdomadam: ut cum Aristoteles in tertio horum librorum ait ex Homero, ὧν ἐπιθυμῶν τὸν νέον καὶ ἀκμάζοντα. Et veteres Grammatici dicunt, νέον dictum esse ἀπὸ τῆς νῆαν, ὅτι νέεσθαι παρὰ οὐτὰς πρὸς αὐξήσιν. Ut hac ratione, quamdiu adolescunt, tamdiu νέοι vocari possint. Videntur & supra illam etatem νέοι vocari, ut in vetere versu:

Ἔργα νέων, βεβαὶ δ' ἀνδρῶν, εὐχαὶ δὲ γερόντων.

Et plane Pollux ait, νεανίσκον vocari ab anno vigesimo primo usque ad vigesimum octavum. Et ita dicit Cicero, se adolefcentulum dixisse pro Roscio Amerino: quam causam egit annos natus viginti septem. His positis, ajo, fieri non posse, ut Aristotelis verba περὶ πάντων τῶν νέων intelligantur, contendoque, eos, qui exceleserunt jam ex ephebis, neque longe absunt ab aetate, cum olim in hac urbe toga pure dari solebat, si bene educati sint, ita ut virtutem ament, & bene monentibus libenter pareant, aptos esse ad hanc Philosophiam audiendam: idque probo his argumentis. Primum, quoniam, ut Æschines adversus Demostheanem ait concinere oportere vocem oratoris & vocem legis: ita vitam philosophorum cum istorum oratione congruere ac concordare oportet. At illo modo vel maxime discreparent. Etenim omnes antiqui Philosophi semper versati sunt cum adolefcentibus, semper in eis ad virtutem & ad honestatem instituendis elaborarunt. Socrates ipse, hujus philosophiæ pater, apud Platonem & apud Xenophontem cum grandioribus natu raro, cum adolefcentibus, aut certe adstantibus eis & audientibus, prope semper de virtute disputans in-

duci-



ducitur. Et in ipsis libris πολιτικός descendere Cephalum senem; Polemarcum autem eius filium adolescentem in eius locum succedere ac substitui videmus. Non ergo iudicabant, adolescentes ad hæc audienda parum idoneos esse. Deinde Aristoteles ipse quando tandem hæc præcepta didicit? nonne cum adhuc esset πῶνέων; Ammonius narrat, eum septendecim annos natum Athenas venisse, ac itare cœpisse ad Socratem, eumque per triennium audiisse, Socratem autem nullam nisi hanc philosophiæ partem docuisse constat. Tercio non est dubium, quin cognitio philosophiæ moralis ordine ac tempore antecedat studium iuris, cum jurisperiti hinc ducant principia disputationum suarum. At videmus, multos adolescentulos aptos ad ius civile perdiscendum iudicari. Itaque Justinianus, ut scitis, inscribit Institutiones suas studiosæ legum iuventuti. Multo igitur magis idonei erunt ad hanc philosophiam. Addo, ætatem illam non ad discendum modo, sed interdum etiam ad docendum, aptam reperiri. Etenim Nervam filium traditum est aut annorum septendecim, aut non multo maiorem, de jure publice responsisse. Præterea si adolescentes interdum apti sunt ad res maximas gerendas, multo magis apti erunt ad hæc præcepta discenda. Esse autem, documento fuerit vel P. Scipio Æmilianus, qui anno ætatis vigesimo quarto Consul creatus ea gessit, quæ ne hodie quidem sine admiratione legere possumus. Postremo, cum hæc tota philosophia referatur ad actionem, quando agent homines, nisi, quid agendum sit, in juventute didicerint?

Sed intelligendum est, duo esse genera Auditorum: unum eorum, qui possunt etiam iudicare de iis, quæ audiunt; alterum eorum, qui iudicare quidem non possunt, sed satis est, si assentiantur, & vera credant esse ea, quæ docentur; magis ac magis id quotidie, cum ad res gerendas accesserint, cognituri. In illis præcepta hæc evidentiam quamdam efficiunt; in his veram opinionem & assensionem. Non igitur simpliciter negat Aristoteles, adolescentes idoneos esse auditores hujus philosophiæ: sed tantum negat, eos tales auditores esse, ut ea, quæ hic traduntur, perfecte perciperent, & de illis iudicare possint. Quod autem addit, eos sine fructu audituros, cum animi perturbationes sequantur, id quomodo accipi debeat, ostendit ipse, qui paulo supra admonuit, ea quæ dicturus esset, non semper, neque in omnibus vera esse,

fe sed ὡς ἐστὶ τὸ πολὺ. Non autem fatemur quidem plerumque verum esse, quod ait Horatius, juvenes cereos esse ad vitia, monitoribus asperos: multos tamen novimus moderatos, & compositos, & tales, ut eorum adolescentia multorum senectuti exemplo esse possit. Ut ergo indomitis, & effrænatīs, & rationis jugum detrectantibus hæc philosophia nihil prodesset: ita non est dubium, quin bene natis, bene educatis, virtutis amantibus, quales hic plerisque omnes esse confido, mirabiliter profutura sit. Ut igitur Plato τὰ ἀγεωμετρήτως excludebat a schola sua: ita nos non quidem omnes adolescentes, sed eos tantum, qui aut natura pravi sunt, aut mala educatione ac consuetudine depravati, a philosophiæ traditione excludendos esse censemus.

CUM IN EODEM LIBRO I. NICOMACHEORUM PROGRESSUS ESSET USQUE AD CAPUT VI. UBI MENTIO EST IDEARUM PLATONIS.

## O R A T I O XXII.

(transcripta huc e Comment. in Ethic. Arist. pag. 76. seqq.)

CUM multa sunt in Philosophia, quæ difficiles atque arduos habent explicatus, tum quaestio de Ideis tam mutis est, tamque variis dissentientium inter se eruditissimorum hominum agitate contentionibus, ut si quis hodie arbitrum se ac disceptatorem idoneum profiteri audeat, vix ullo pacto apud cordatos & harum rerum intelligentes homines impudentiæ aut potius temeritatis notam effugere posse videatur. A qua quoniam semper quam longissime abesse studui, & mihi conscius mediocritatis meæ sedulo cavi, ne quid unquam pro certo atque explorato traderem, quod ipsi mihi non satis perceptum ac cognitum esset: servabo eam, cujus me nunquam adhuc penituit, consuetudinem, & cum aperte ac dilucide, quantum in me erit, exposuero, quam Platonis, quam Aristotelis fuisse sententiam purem, quid mihi verisimilium videatur, ita proponam, ut & suum cuique, & mihi meum, si quid postea probabilius occurrerit, iudicium liberum ac solutum relinquam. Alia fortasse ratio aliis placeat: mihi quidem certe nunquam non incredibiliter

arist

arrisit illa in disputando veterum modestia, qui cum abundarent doctrinae copia, vix tamen unquam de rebus, in quibus aliqua inesset obscuritas, asseveranter & affimate pronuntiabant. Corruptum hoc, ut pleraque alia, sequens aetas, eruditionemque cepit ex confidentia pendere, eoque paulatim perducta res est, ut homines adolescentes reperias, qui quadriennio aut quinquennio in Philosophiae studiis utcumque consumpto, quovis facilius adduci possunt, quam ut se ulla dere dubitare fateantur. Me vero & timidum natura finxit, & experientia atque usus rerum timidiorem etiam reddidit, cum saepenumero mihi usu venerit, ut quarum me rerum scientiam habere animo conceptam ac comprehensam existimabam, earum me posse ipsarum animadverterim magna in ignoratione versari. Itaque sio indies tardior ad affirmandum, neque ullam fere majorem ex studiorum laboribus fructum capio, quam quod minus quotidie mihi blandior, & si nihil aliud, saltem e duobus ignorantiae malis altero liberor, cum, quae nescio, consequor, ut ea nescire me sciam. Non enim tam turpe aut tam incommodum est nescire aliquid, quam si, quod nescias, id te scire opineris. Sed haec fortassis alieniora sunt. Nunc illuc, quo institui, veniam, eaque, ut potero, explicare ingrediar, quae de idea boni adversus Platonem Aristoteles disputavit.

Exordiar autem a nobili & admodum celebrata doctrinarum hominum sermonibus quaestione: sitne inter Platonem & Aristotelem verborum tantum, an rerum & sententiarum discrepantia: & num ea, quae tam multis in locis adversus Platonem disputantur, ad ipsam Platonis sententiam reprehendendam pertineant: an potius adversus eos, qui ex male acceptis Platonis verbis falsam aliquam sententiam elicerent, dirigantur.

Simplicius quidem, cui ex Aristotelicis interpretibus non facile quemquam aut ingenii acumine, aut doctrinae magnitudine anteposueris, convenire de rebus ipsis inter Platonem & Aristotelem arbitratur, idque cum aliis locis, tum in tertium de coelo testatur his verbis: Ο δὲ πολλὰς αἰῶνα, καὶ νῦν ἔτι τῶν ἁρίων, ὅτι ἡ πραγματικὴ τις θεωρίαν αὐτῶν φιλοσόφων ἐστὶ, ἀλλὰ πρὸς τὸ φαινόμενον τὸ πρὸς τὸ δυνάμενον φάσκει νοεῖσθαι πολλὰς ἀπαντῶν ὁ Ἀριστοτέλης φερόμενος ὅτι ἐπιτολαίως νοῦντων τὸν Πλάτωνα,



ἡ ἀρετὴν φαίνεται ἀπὸς αὐτὸν. id est: Quod autem crebris  
 usurpare sermonibus soleo. id nunc quoque dicere opera pretium  
 est, inter Philosophos, (Platonem autem & Aristotelem di-  
 ci.) nullam quidem esse de rebus ipsis discrepantiam. Sed Ari-  
 stoteles sapenumero, dum occurrit ei sententia, quam quis ex ma-  
 le accepta Platonis oratione elicere posset, eorum nominibus  
 parcens, qui Platonis verba modo, non sententias, intelligunt,  
 ipsi Platonem adversari, ac contra eum dicere videntur. Sic &  
 in secundum Phyllicorum ait, Aristotelem non disputare ad-  
 versus ideas, sed adversus vulgares opiniones de ideis, ἀπὸς  
 τὰς διφύδους περὶ τῶν ἰδεῶν ἐννοίας. In eadem sententia  
 & Ammonius fuit, & Boethius, qui etiam in librum *μετὰ  
 ἐκκινήσεως* sede Platonis & Aristotelis concordia scripturum  
 esse profiteretur. Et patrum nostrorum memoria duo admi-  
 rabili eruditione præditi Viri, Bessarion Cardinalis Nicenus,  
 & Joannes Picus Mirandulanus ad ipsum multis & exquisitis  
 rationibus confirmare studuerunt.

Ego tamen nullo modo adduci possum, ut credam, Aristote-  
 telem, cum Platonis sententias probaret, verba tantum il-  
 lius comprehendisse. Moveor autem his argumentis. Primum,  
 quoniam hoc ab Aristotelis gravitate maxime alienum foret.  
 Quid enim est tam leve, tam nugatorium, tam sophisti-  
 cum, tam Philosopho indignum, quam cum de rebus gravi-  
 bus disputes, cujus sententiam probes, ejus verba capere  
 ac cavillari? Sophistarum hoc esse ait Aristoteles ipse in To-  
 picis, ejus, quicum disputant, verba non ita, ut ab eo  
 sensum est, accipere, sed in aliam aliquam sententiam de-  
 torquere, in qua reprehendenda disertis ac copiosis esse pos-  
 siunt. Præterea, si Aristoteles non adversus Platonem, sed  
 adversus eos, quos Platonis verba parum intellecta in erro-  
 rem aut induxerant, aut inducere poterant, disputasset:  
 videtur hoc, si non ubique, at certe alicubi aperte ac di-  
 sertis verbis expressurus fuisse, idque duabus de causis.  
 Primum, ut effugeret illam invidiam, in quam se incur-  
 sum apud multos Platonis amatores facile prospicere pote-  
 rat. Ita enim videtur gratus in magistrum fuisse, & per-  
 fascesse ei præclara δίδακτρα, si dicta ipsius interpretando,  
 veram ejus sententiam aperuisset. Nunc videtur multis,  
 ut Herculem est in fabulis necem attulisse Lino, quo magi-  
 stro in musicis usus fuerat, sic Aristoteles, a quo philoso-  
 phiam didicerat, hoc ei præmium reddidisse, ut omnes pro-  
 pe

pe illius sententias jugulare ac confodere voluerit. Deinde quod ipsemet incideret in eandem illam culpam, quam idem reprehenderet. Posset enim non immerito aliquis dicere: Quid in Platone reprehendit Aristoteles? dicendi genus. Quid ita? Quia tale est, ut multis obijcere errorem queat. At ipsemet eodem vitio implicatus tenetur, si cum a Platone non dissentiat, ita tamen loquitur, ut vehementissime ab eo dissentire videatur. Quis autem est, cui ista ad reprehendendum via non pateat? aut quis unquam ita proprie atque exquisitè locutus est, ut illius oratio nemini prorsus errorem afferre posset? Quam multa sunt in ipsius Aristotelis scriptis, quæ, si quis nuda tantum verba consideret, absurdissimas sententias contineant! ut cum in secundo poster. analyt. extremo ait sensum esse  $\tau\alpha\ \kappa\alpha\theta\omicron\lambda\omicron\varsigma$ : aut cum in sexto Ethicorum, sensum esse mentem; aut cum, qui in categoriis species & genera substantias esse dixisset, idem sexto  $\tau\eta\ \mu\epsilon\tau\alpha\ \tau\alpha\ \phi\upsilon\sigma\iota\kappa\acute{\alpha}$  docet, nihil commune posse esse substantiam; aut cum in topicis Deum animal esse dicit; aut cum in quinto de generatione animalium, animæ plena esse omnia. Quid plura persequar? quamlibet enim multo nullo negotio colligi possunt. Ergo si hoc tantum in Platone reprehendit Aristoteles, quod ex verbis ipsius male intellectis falsa quædam & absurda colligi possint, suo se ipsemet gladio jugulaverit. Eadem enim reprehensio in ipsum retorqueri potest. Illud quoque non injuria quæserit aliquis, cur tanto studio Platonicorum princeps Plotinus, Proculus; Simplicius ipse Aristotelis argumentis responderet, & adversus ea Platonis sententiam defendere soleant, si ea nihil ad Platonem pertineant? Nam si contra eos tantum argumentatur Aristoteles, qui Platonem male intelligunt, quid causæ est, cur tu, qui Platonicus es, argumenta illius dissolvas? Quasi imperitorum defensionem suscipias, & illorum causa labores. Postremo, si Aristoteles ipse clamat, se Platonem ipsum petere, & ab eo dissentire, & interdum excusare se, ut hoc loco, interdum indicat causas, quæ Platonem in errorem impulerunt: quid est, quod quisquam velit ingeniosus esse in conciliandis iis, quorum unus se ab altero dissentire profitetur?

Sed sunt quidam, quibus nefas videtur, duos, quorum de doctrina magna sit opinio, dissentire inter se. Itaque omnia conantur, ut eos etiam invitos, in concordiam redigant:

digant: qualem fuisse dicunt in medendi arte quemdam, cui ex re Conciliatori nomen inditum est, quod efficere voluit, ut inter Galenum & Avicennam perpetuo conveniret. Me mini, cum puer in studia iuris civilis incumberem, idem facitare solitos magistros meos, qui veteres Jurisconsultos, etiam in iis, in quibus constabat, alium aliter sentisse, aut constitutiones Imperatorum cum responsis prudentum, etiam eas, quibus ius aequum correctum erat, quoquo modo tamen conciliare nitebantur. Quod idem putato evenisse iis, qui contenderunt, Aristotelem de rebus ipsis idem sentisse, quod Platonem: cum tamen, ut ante dixi, ex ipsis verbis luce meridiana clarius perspicui possit, multis in rebus eum a Platonis iudicio discrepare. Nisi forte cum in Politicis ita disputat adversus utramque Platonis Rempublicam, ut prope nihil prober eorum, quæ Plato dixerat, verba tantum aucupari, ac non ipsas sententias convellere & labefactare videatur. Quid in libris de anima, cum de oculorum sensu disputat, & videre nos non emittendo, sed accipiendo docet: numquid voculam aliquam Platonis cavillari, an sententiam ipsam reprehendere videtur? Quid in libris de cælo, cum disputaturus, fueritne mundus ex omni æternitate, an aliquando esse cœperit, ita se diligenter excusat, aitque, in disputatione qua veritas inquiritur, neque amor, neque odio locum esse deberet: numquis est, qui putet, illum tam accurata exculatione usurum fuisse, si adversus eos, qui male Platonem ipsum intelligerent, ac non adversus Platonem dissidere voluisset? Nam in tercio quidem eorundem librorum aperte loquitur, & Platonem ait nimio quodam amore Geometriæ multa peccasse; neque minus confidenter loquitur libro primo de sapientia, ubi ait, Platonem ipsum male intellexisse ea, quæ dicebantur a Socrate, & putasse, ab eo constitui ideas quasdam separatas a rebus singulis, ac per se coherentes, cum tamen ille nihil tale diceret. Nolo hoc loco iactare me in iis omnibus, quæ se offerunt, persequendis. Satis est enim mihi, si doceam, in ea re, quæ nunc agitur, hoc est, in ideis, ita dissensisse eum a magistro, ut non ignis magis aquæ contrarius sit, quam Platonis sententiæ Aristotelis contraria sententia est. Non enim hic tantum adversus eas disputat, sed multo vehementius in libris de sapientia, in physicis, in libris de ortu & interitu,

acced  
go a  
nevo  
moyz  
rum  
& in  
odu  
pione  
Arist  
labef  
quid  
Sa  
lem  
probo  
rent  
quam  
lum,  
Arist  
hoc q  
dit,  
rat Pl  
quoq  
quod  
conve  
expon  
Du  
rum:  
rum,  
quam  
enim  
sunt,  
tem,  
& inte  
dunt,  
tur ac  
tu. It  
pedoc  
nihil  
Et re  
nq. &  
falsis



acdenique ubicumque datur occasio, etiamque quodam loco ait, omnia, quæ a Platoniciis de ideis disputantur, *κένος καὶ λογικὸς λέγεσθαι*: & alio loco, esse *καταλογισαὶ καὶ ποιητικὰς μεταφορας*: & in secundo posteriorum analyticarum, τὰ δὲ εἶδη, inquit, χαίρετω, τερετίσματα γὰρ εἰσὶν: & in dialogis σαφέστατα κέκραγεν, ait Proculus, μη δύνασθαι τὸ δογματι τὴν συμπαθεῖν, καὶ τὴν αὐτὸν ὁ ἴσται διὰ φιλοκερίαν ἀντιλέγειν. Itaque vere Cicero primo *Academici Aristoteles*, inquit, *primus species, quas paulo ante dixi, labefactavit, quas mirifice Plato erat amplexatus, ut in iis quiddam divinum esse diceret.*

Satis probatum puto, in disputatione de ideis Aristotelem neque verba Platonis reprehendere, cum sententiam probet; neque adversus eos, qui male Platonem intelligerent, sed adversus Platonem ipsum disputare, atque ab eo quam maxime dissentire. Neque tamen hoc ita accipi velim, ut quisquam ex oratione mea suspicetur, nunquam Aristotelem adversus Platonis verba disputare. Facit enim hoc quoque nonnunquam, ut in libris de anima, cum ostendit, animam non posse esse circulum. Etenim quod senserat Plato, cum animam circulum esse diceret, id Aristoteli quoque ipsi non improbat; sed exagitat loquendi genus, quod non satis proprium, neque Philosophicæ disputationi conveniens videbatur. At hæc aliis relinquenda sunt. Nunc exponam, quid Plato ideæ nomine intellexerit.

Duo sunt ex sententia Platonis in *Timæo* generæ rerum: unum earum, quæ sensu percipiuntur, alterum earum, quæ mente & intelligentia. Prius illud ait esse durum, quæ semper fieri; posterius nunquam fieri, semper esse. Etenim esse ea demum, quæ semper sunt, quæ immutabilia sunt, quæ nunquam neque oriuntur, neque occidunt; fieri autem, non esse, ea, quæ assidue mutantur, quæ & orta sunt, & interitui obnoxia. Jam vero omnia, quæ sub sensum cadunt, & orta & interitura sunt, eademque perpetuo labuntur ac fluunt, neque diutius permanent uno & eodem statu. Itaque veteres Philosophi Protagoras, Heraclitus, Empedocles, cum ad hæc tantum respicerent, omnia fieri, nihil esse dicebant, ut est apud Platonem in *Theæteto*. Et refertur in *Cratyllo* dictum Heracliti, ὅτι πάντα ῥεῖ, καὶ οὐδὲν μένει καὶ ὅτι δίδας τὸν αὐτὸν ποταμὸν, οὐκ οὐδέ μιν βύβας. At species & genera, quibus singulæ res conti-

326. & uno verbo τὰ καλὰ, & fuerunt ab omni æternitate, neque unquam esse desinent, neque ulli mutationi obnoxia sunt, sed semper eodem modo se habent. Non enim homo aut animal aut nascitur, aut interit, sed hic homo atque hoc animal. Neque semper verum fuit eritque, Socrate esse animal ratione præditum: at idem de homine ex omni æternitate verum fuit, semperque erit. Neque semper verum est, Aristidis iustitiam esse virtutem, non cum semper est Aristides, at semper verum, iustitiam esse virtutem. Hoc inueniens Plato statuit, τὰ καλὰ ἴσα ἴσῃ proprie esse, atque ideo esse πάντα δόξας ἢ μάλιστάς ἐστις cætera tantum esse tantum κατὰ μέδελν τινα ἢ καδδόν. Hæc autem uniuersa vocabat ἔδη aut ἰδέας, id est, species aut formas rerum & αὐτοίκασα, ut αὐτοαὐθρώπων ideam hominis, αὐτοῖππων, ideam equi. Stoici eadem postea vocarunt ἔσση, ut ἔσση ἀνθρώπων non hunc aut illum hominem, sed hominem in genere. Et ex eo vocarunt sophismatum genus quoddam, ἔσσης, quale hoc est: ἐστὶ ἔσση ἐδδῶν, ἐδδῶν ἐν σπάρτη. ἀνθρώπος δὲ ἐστὶν ἐδδῶν. ἐδδῶν ἀνθρώπος ἐν σπάρτη. Quorum vitium in eo positum esse dicebant, quod ἐκτὸς τινὸς πρὸς τὸν ἔσση progrediretur argumentatio. Neque tantum substantiarum ideas faciebat Plato, verum etiam, ut nunc loquimur, accidentium, ut ἀντοδῖκων, ἀντοπικων, ἀντομοιον, ἀνταμόμοιον & alia, de quibus est in Parmenide. Neque naturalium modo rerum, sed & earum, quæ artificio conuant, ut παραπεξόσητα & καυόσητα: de quibus a Diogene aliquando irrissi, eum vicissim amarissimo dicto pupugit, ut narrat Laertius. Addebat. si ne ideas neque scientiam, neque memoriam constare posset: nam earum utramque esse rerum stabilium ac permanentium: tale autem nihil esse præter ideas. Atque hic si substitisset Plato, ferri aliquo modo poterat, omniaque illius dicta veram aliquam, & commodam interpretationem recipere videbantur. Nam verum est, res singulas, quæ quidem sub orbem lunæ subiectæ sunt, infinitis mutationibus agitari, ideoque per se sub scientiam non cadere, uniuersa autem & communia æterna esse, & semper eodem modo se habentia. Demonstratio enim & definitio sunt æternorum & immutabilium, ut docetur in posterioribus analyticis. Ferri etiam, dummodo recte intelligeretur, poterat, species & genera substantias esse. Quicquid enim

ἀγίται τὸ πρὸς ἐστὶ, substantiam quodammodo significare dicitur. Sed & vere dicitur, ex his, quæ sunt καὶ δόξα, & memoriam effici, & scientiam. Abstrahit enim animus noster ab iis, quæ sub sensum cadunt, communis quædam, eaque recondit, atque his utitur. At quod plerumque usu venire hominibus solet, ut inventa sua nimis ament, ea-que plus justo exornare atque amplificare studeant, id Platoni quoque contigit, qui dum ideas quasi filiolas quasdam suas & proprium ingenui sui sortum, quantum plurimum potest, omnibus commendare conatur, multa protulit, quæ Aristoteles, quæ veritatis amantissimus a signentis autem, & ab allegoriis in tractanda Philosophia alienissimus erat, ferre non potuit. Docuit enim, eas substantias esse ab iis omnibus, quæ sub sensum cadent, non intelligentia tantum, sed re ipsa separatas, ad quas omnium generationum principia referenda essent, in quas tanquam in exemplaria intuens Deus cætera omnia procederet. Animos etiam nostros, antequam dimitterentur in corpora, familiariter, ut ita dicam, versatos esse cum ideis, & ex earum intuitu omnium rerum cognitione viguisse; post cum in perturbatum corporis domicilium commigrassent, obliatos esse eorum, quæ antea sciverant, reminisci tamen eorum alios facilius, alios maiori negotio, prout cuique major aut minor cum corpore conjunctio esset; neque discere hic quicquam nos, sed reminisci, & eos, qui docere viderentur, tantum revocare ac redigere in memoriam ea, quæ nobis, antequam nasceremur, cognitissima erant. Illas speciosas & plausibiles fabulas Aristoteles repudiandas putavit, in eisque aperte professus est, sibi cum Platone convenire non posse. Denique cum tribus modis dicitur τὸ καὶ δόξα, τὸ ἀπὸ πολλῶν, τὸ αὐτὸ πολλοῖ, καὶ τὸ μὲν πολλὰ, duos posteriores modos admitti Aristoteles, primum fictum ac commentitium esse censet.

Athæc fortasse nimium multa sunt. Non enim hoc loco disputationem instituit adversus omnes ideas, sed tantum adversus ideam boni, de qua nobis deinceps disputandum erit, si modo hoc docendi munus mihi licebit persequi: quod futurum necne sit, addubito. Quia enim Philosophi, ac præcipue morales, pecuniam contemnere dicuntur, audio clarissimos & præstantissimos viros, quibus a Principe mandatum est, ut præmia professoribus pro sua cuique digni-



tate constituant, velle periculum facere, ecquid ego Philosophus sim, an esse me similem. Itaque constituerunt mihi annuam laborum meorum mercedem perexiguam, ut si forte ego id ægre tulerō, ex eo convincant, me pecuniam non contemnere, ideoque Philosophum non esse. Ego autem, quamquam non sum ex illis Philosophis, qui pecuniam valde contemnunt, decrevi tamen hæc in re philosophice agere, & pecuniam contemnere. Costemnam ergo, nisi ipsi consilium mutaverint, & eam, quæ denegatur, & eam, quæ offertur, ac, si alterutrum necesse sit, gratuitum otium gratuito labori anteponom.

### IN STUDIORUM INSTAURATIONE.

#### DE VIA AC RATIONE TRADENDARUM DISCIPLINARUM.

#### ORATIO XXIII. (*alias* XVIII.)

**P**erique eorum, qui quotannis ex loco verba faciunt, laudare litteras, & ingenuas artes, vosque, Adolescentes optimi, ad eastoto pectore amandas, ac colendas exhortari atque incitare consueverunt. Quorum ego neque consilium reprehendo, neque tamen omnia in eo posita esse censeo. Nam ut, si quis bonæ valetudinis commoda exponat, eaque dicendo amplificet, atque exaggeret, & ad eam omni studio conservandam homines cohortetur, neque tamen admoneat, quo genere victus quibusque exercitationibus ea maxime comparari ac contineri debeat, non valde utilis videri possit illius oratio: ita parum prodest aut laudare eas artes, quas certe nemo usque eo perficiendæ frontisset, ut vituperare audeat, aut ad eas cohortari eos, quos illarum studiis deditos esse constat, nisi indicetur etiam via, qua quis ad illas facillime, accertissime pervenire possit videatur. Ego igitur, quando mihi a te, Laurenti Blanchette, Vir clarissime, munus hoc impositum est, non laudabo litteras: satis eas homines eruditissimi collegæ mei, ex hoc ipso his proximis annis ornatè, copioseque laudaverunt; ne multum tumquidem temporis ponam in his nobilissimis Adolescentibus ad eas cohortandis: & ipsi per se satis eas amant, neque oratione mea melius incitari possunt, quam

quam si te, Blanchette, intueantur, de te cogitent, in te oculos animumque defigant, cui litterarum tractatio senilem in isto ætatis flore non modo gravitatem, ac prudentiam, sed dignitatem quoque atque auctoritatem comparavit. Quænam igitur orationis meæ futura materia est? quibus de rebus dicens hunc ornatissimorum Virorum, atque hanc honestissimorum Juvenum coronam, quam ex ore meo pendentem video, demulcere, & delinire conabor? Exponam breviter, ac perspicue a carceribus, ut dicitur, ad calcem ei, qui semel imbibere in litteris & in bonarum artium scientia excellere, quam studiorum viam ac rationem tenendam putem. Quod dum facio, quidam ex vobis decursum jam a se, & confectum curriculum agnoscant, alii, quod iter ad veram gloriam ferat, me monstrante cognoscant. Attente, ut me audiat, ne orandos quidem esse vos puto. Frustra id postulem, nisi attentionem mihi res ipsa, de qua dicere ingredior, conciliaverit. Principio igitur positum sit, Græcæ, Latinæque linguæ cognitionem instrumentum esse ad parandam doctrinæ copiam hoc quidem tempore plane necessarium. Id qui negant, aut quid verum sit, non vident, aut contendendi studio in oppugnando eo, quod verum est, ostentare ingenii acumen volunt. Quare puer is, quem informare, ac describere ordimur, honesto loco natus, modicis opibus instructus, ea corporis firmitate, ut studiorum laborem perferre possit, ingenio neque agresti, & hispido, nec molli, & effeminato, sed eleganti, & ad honestatem propenso præditus, sextum ætatis ingressus annum Græcarum Latinarumque litterarum formas, nomina, potestatem, per ludum jocumque condiscat, & ut id libentius faciat, non metu, ac verberibus, sed præmiolis, quibus ætas illa capi solet, identidem excitetur. Ubi annum in eo posuerit, ut & Græcæ, & Latine satis facile, atque expeditè legat, jam septimo primis illis, maximeque grammaticorum utriusque linguæ præceptis imbuatur, nomina, & verba flectere, ac variare, & inter se sine vitio conjungere, ac copulare discat. Huic uni rei annum septimum tribui velim. Octavo incipiat jam aliquid audire, aliquid legere, idque ejusmodi, ut & ad formandos mores nonnihil conferat, & voluptatem potius adferat, quam magnam ullam animi contentionem requirat. In hoc genere apud Græcos excellunt Æsopi fabulæ,

læ, & Phocylidis carmina: Latini talium scriptorum inopia laborant, nisi quis easdem illas fabulas ab optimo, & eruditissimo viro Gabriele Faerno Latinis versibus elegantissime expressas, illi ætati proponendas putet, & addendum, si quod exiguum poema puris verbis vitæ præcepta continens reperiatur. Biennium consequens, id est, nonum, ac decimum annum, ita libentissime posuerim, ut puer matutinis quidem horis libros Xenophontis de institutione Cyri, quibus nihil purius, aut suavius reperiri potest, pomeridianis autem Cæsaris potissimum commentarios legat, qui mihi unus ex omnibus Latinis ad illam nitidissimam Xenophontis simplicitatem proxime videtur accedere. Undecimus annus comædiis detur, ita tamen, ut, ex Terentio Plautoque & multo magis ex Aristophane, quidquid inquinare pueriles animos potest, aut resecetur, aut omittatur. Quod idem de omni scriptorum genere semel a me dictum accipi volo. Duodecimo Theocriti, Moschi, Bionis Idyllia cum Virgilio Bucolicis, Hesiodus cum Georgicis, cum Æneide utrumque Homeri poema copuletur. Neque hos libros totos a præceptoribus exponi arbitror debere. Cum tantum cuiusque a præceptore audierit, ut sine cortice, quod aiunt, nare possit, quod reliquum est suo ipse privato studio persequatur. Huic rei biennium suffecturum puto. Illud interea ad magistri curam, & sollicitudinem pertinet, ut puer loquendo quidem quotidie, scribendo autem alternis saltem diebus exerceatur. In ipso pubertatis ingressu primum exercebo eum in eis, quæ Græci vocant progymnasmata, id est, præludia quasi quædam, & præcursoriones ad eloquentiam, de quibus exstat aureolus libellus Theonis Sophistæ, qui, si quid ego auctoritate possem, quorannis exponeretur in scholis, & ad præcepta, quæ illic traduntur, iuvenes perpetuo exercerentur. Sed & hoc genus exercitationis, & omnis prope modum recta, & antiqua instituendæ iuvenutis ratio non tantum intermissa jam pridem, sed oblivione obruta, ac sepulta est: quæ si revocaretur, paucis annis existerent homines vere copiosi, & eloquentes; isti autem clamatores, qui nomen eloquentum gestulatione pantomimica, & volubilitate linguæ, & impudentia sibi pepererunt, ita jacerent, ut eos audire nemo posset. Ita igitur exercitatus adolescens totum se Ciceroni dedat, ingurgitetque se in illum uberrimum, & abundantissimum elo-

quen-



quentiæ fontem, retinens perpetuo illam, quam a principio institimus, consuetudinem, ut Græca cum Latinis, similia cum similibus conferat. Ciceronis epistolas cum leget, evolvat eodem studio Platonis, Isocratis, Demosthenis, aliorumque Græcorum epistolas, quæ in duo volumina congestæ reperiuntur. Ad libros de Rhetorica scriptos adjungat Aristotelis libros ejusdem argumenti, quæque eadem de re Dionysius Halicarnasseus, Demetrius Alexandrinus, Hermogenes, Longinus, alique Græci litteris prodiderunt. Ciceronis orationes cum Demosthenis, Æschinis, Lyliæ, aliorumque veterum orationibus comparet; dialogos de Philosophia cum dialogis Xenophontis, & quibusdam Platonis. Interea oblectamentum sibi ex alio genere poetarum petat: Pindarum cum Horatio; Euripidem, Sophoclem, Æschylum cum Seneca; Apollonium cum Valerio Flacco; epigrammata Græca cum Catullo, & Martiale committat. Idem faciat in historicis, Herodotum, Thucydidem, Xenophontem, Polybium cum Livio, Sallustio, Tacito conferens. Et quoniam neque historia, nisi cognito orbis terrarum situ, neque hic sine aliqua mathematicarum artium cognitione percipi potest: his quoque utrisque temporis aliquid imperet. Cum ad plenam, ut juris auctores loquuntur, pubertatem, id est, ad annos octodecim pervenerit, graviora meditetur: ac primum quidem analytices, & dialectices præcepta non ex barbarorum lacunis, sed ex Aristotele ipso, & Græci Aristotelis interpretibus hauriat in eisque vere, ac serio biennium exerceatur. Hoc modo præcultus, ac præparatus adolescens, si totam ætatem exigere in otio litterario volet, abunde habet quod agat: nunquam deorit, quo pascat animum, etiamsi ei ad multa sæcula vivendi spatium prorogetur. Sin aut ad medicinam, aut ad juris scientiam, aut ad theologiam applicare ingenium cogitat: medicus quidem futurus, in physicis; jurisconsultus, in ethicis, ac politicis; theologus, in utrisque sese prius diligenter exerceat; hic tertius Hebraicas præterea litteras discat; tum eorum quiscunque ad ea, quæ dixi, studia accedat. Quocunque enim se naturæ suæ ductum secutus contulerit, dubitandum non est, quin ut longissime, antequam annorum illum numerum expleat, quem Lycurgus adamasse dicitur, quique solus post senarium intra centum perfectus est, talis in suo genere futurus sit, qualem in suo fuisse Roscium Cicero præ-

prædicat, qualem apud interos esse Tiresian ait Homericus Ulysses: quem solum sapere dicit, cæteros umbrarum in morem vagari. Exposui vobis, Adoloscētes, iter non ad inanem scientiæ opinionem, sed ad veram, & solidam eruditionem: arduum illud quidem, & difficile, sed cogitate, nullo modo fieri posse, ut ad excelsa, & sublimia per plana veniatur; & alioqui credite hoc mihi, summum in studiis laborem summa voluptate condiri. Quod si quis ea, quæ dixi, præstare omnia non potest, præstet certe quisque quod potest. Cum alia multa, quæ sæpe ex hoc loco audistis ad amandas litteras incitare vos debent, tum mirifica plane, ac singularis erga eas Gregorii XIII. optimi, ac maximi Pontificis voluntas. Qui non tantum pulcherrimos fontes aperuit, quibus urbem prius ac quæ penuria laborantem multo & ornatiorem, & salubriorem, & commodiorem reddidit, sed alios longe pulchriores, & utiliores fontes disciplinarum reclusit. Quid enim aliud sunt tot illa Neophytorum, Græcorum, Germanorum, Britannorum, aliarumque gentium, ac nationum Collegia, quam totidem aperti, & expositi omnibus religionis & bonarum artium fontes, ab inexhausto Pontificiæ liberalitatis fonte manantes? Quid scholæ nostræ, quæ quotidie tot eruditissimorum hominum vocibus personant, quibus ipse majora, quam quisque ante eum Pontifex præmia statuit, quid aliud, quam incredibilem ipsius erga bonas artes amorem, voluntatemque declarant? Quid tanta multitudo hominum, doctrina quam opibus instructiorum, quibus ipse subsidia vitæ large prolixæque suppeditat? Ut non verius Bononia studiorum mater, quam iscivis, quo ipsa maxime gloriatur, studiorum pater vocari queat. At tu, Laurenti Blanchette, vir clarissime, quando nos ipse in fide, ac patrociniis tuo esse voluit, quantum apud eum potes, quod te plurimum posse scimus, tantum confer ad paternam ipsius erga nos voluntatem magis magisque in dies confirmandam. Multa iam ipse benignitate consecuti sumus, ego quidem plura & majora, quam, ut ea me unquam promeriturum esse confidam: sed alia quædam sunt, nec iniqua, nec iniustata, quæ, ut alibi conceduntur, si hic quoque concederentur, mirabiliter & professorum, & studiosorum adolescentium animi ad omnia egregia accenderentur. Ea tibi cum voles exposituri sumus, & per te aliquid nos effecturos esse confidimus. Suscipe cogitationem

O R A T I O XXIV. 333

re dignam; para tibi immortalitatem apud omnes litterarum amantes, & gratiam, & gloriam; perfice, ut eæ artes, quæ in te tantum ornamentorum contulerunt, ipsæ vicissim ornamentorum aliquid tibi se debere fateantur.

AD ILLUSTRISSIMOS ET REVERENDISSIMOS S. R. E. CARDINALES, IPSO DIE PASCHÆ CUM SUBROGANDI PONTIFICIS CAUSA CONCLAVE INGRESSURI ESSENT.

O R A T I O XXIV. ( alias XIX. )

*Habita Roma Anno MDLXXXV.*

**M**AGNUM vobis hoc tempore negotium impositum est, Patres Amplissimi, & tantopere ad salutem & tranquillitatem universæ Christianæ Reipublicæ pertinens, ut haud sciam, an ullum sit eorum omnium, quorum pro summa dignitate, quam in Ecclesia obtinetis vestra procurationis est, quod singulari quadam & extraordinaria præpotentis Dei ope magis indigere videatur. Declarandum enim vobis ac decernendum quodammodo est, quis Ecclesiæ in cernis summo cum imperio præesse ac præsidere; quis in puppi sedens, clavum tenere, & periculossimæ navigationis cursum regere ac moderari; quis pastores ipsos pascere debeat; cujus, ut supra vulgarem hominum conditionem elati, responsa pro oraculis, nutus pro ratione, iussa pro legibus futura sint, Quamquam igitur ea sapientia estis, vix ut quicquam vobis subjici possit, quod non ipsi animo prius conceptum meditatumque teneatis: non iniquo tamen animo ferre debetis, vos, ex veteri consuetudine, quid in eligendo Pontifice vobis sequendum sit, etiam ab intimis hominibus admoneri. Nam & nemo ita sapiens est, quin audiendo sapientior fiat: & ea est Dei benignitas, ut sæpe rudibus & imperitis ea dicenda suggerat, quæ audita etiam sapientibus prolint. Dicturus igitur tanta de re, obtestor vos, per eum, in cuius nomine huc convenistis, ut mihi exigui temporis attentionem ne denegetis. Atque ut hinc potissimum ordiar, ut arduum ac difficile Episcopi munus est, ita ardua quædam in Episcopo & inventu difficilia requiruntur. Oportet, ait sanctus Paulus, Episcopum talem esse, ut in eo nullus pateat reprehensionis locus. Quod si in aliis Episcopis requiritur, quan-



quanto magis in eo equi, quanto Episcopi sacerdotibus, tanto ipse ceteris Episcopis antecellit? Quando autem ququam reperietur dignus, qui in illum honoris ac dignitatis gradum evehatur, si omnes, in quibus aliquid culpæ poterit, repudientur? Sed hoc non ita rigide ac præfracte accipiendum, etiam vetusti Patres monent. Nostra enim omnium, qui vivimus, ex bono maloque permixta natura est: & Angeli essemus, si nulla nos improbitatis macula contaminaret; aut & Deo & hominibus intolerabiles, si nulla vitiorum nostrorum sordes admixta bonitas temperaret. Non igitur quærendus, qui simpliciter omni virtutis genere excellat, nullo, ne levissimo quidem, vitio aspersus: quem ab omni nota ac reprehensione integritas vitæ nullis unquam violata maculis vindicet; nunquam enim res ad exitum perduceretur: sed qui & præcipuis virtutibus inter æquales emineat, & vitiis, ut non omnibus, at iis certe careat, quæ in privatis hominibus singulas familias, in principibus maxima plerumque imperia evertunt. Apud Xenophontem barbarus quidam adolescens, cum equum eximie bonitatis, quem habebat, libenter se alicui spectatæ virtuti viro donaturum esse dixisset, idque apud Cyrum professus esset, Ego vero, ait Cyrus, ostendam tibi, quomodo etiam si clausis oculis jeceris, aberrare a tali viro non possis; simulque eum glebam humo sublatam in confertissimum agmen amicorum, quos assidue circum se habebat, jacere jussit; & *Quemcumque, inquit, ex eis contigeris, illi equum tuum dono dato, neque metus ullus sit, ne aberraveris: omnium eadem est virtus, eadem temperantia, eadem multispectata documentis fortitudo.* Si de vobis, Patres Amplissimi, idem dici posset, ut e vestro nobilissimo honoratissimoque confesso, nec ætate, nec usu atque experientia rerum, nec auctoritate alius alio magis idoneus esset, ad hujus muneris gravitatem sustinendam, non magna deliberatione opus foret; neque ullam in partem, quis ei ex vobis præficeretur, admodum interesset. Sin verius est, ut in stellis alia aliam nitore & claritate vincit, sic e vobis alium alio esse iis bonis & ornamentis, quæ Pontifici conveniunt, instructiorem ac superiorem: & orandus summis precibus Deus, ut judicia vestra dirigat; & vobis intendenda omni studio mentis acies, ut ex omni numero vestro eum potissime, qui aptissimus & publice utilissimus futurus videtur, deligatis. Ignoscite, quæso, si quid paulo liberius

rius

rius dixerō: Non enim ea nunc res agitur, ut auribus serviendum sit; dicenda quæ urgent, quæ tempus, quæ rei magnitudo postulat. Omnis cogitatio cognationis, amicitia, utilitatis privata, ab hac deliberatione procul abesse debet: ne si quis ita eligitur, & ipse, dum erigitur, corruat, & alios secum in idem exitium præcipientes trahat. Si navigaturi de gubernatore navis eligendo consultarent, nemo reperiretur usque eo improvidus, ut eum qui sibi aut amicissimus, aut sanguine conjunctissimus, ac non eum potius, qui intelligentissimus, exercitatissimus esset, ei muneri præfici vellent: & desperet, si quis in communi naufragio, questiculum aliquem suum sibi salvum ac proprium fore putaret. Una navis, qua omnes vehimur, Ecclesia est: quæ quantis hoc tempore procellis ac tempestatibus agitur, nemo non videt. Et erit quisquam ita non imprudens modo, sed inhumanus & impius, qui in tantis periculis, publicæ salutis ac tranquillitatis quidquam anteferendum putet? Exsulent a vestris omnium animis cælia omnia, Patres Amplissimi: & aliis omnibus circumcisis atque amputatis, ea tantum in futuro Pontifice, quæ bono Pontifici necessaria sunt, requirantur.

Videntur autem quinque præcipua esse, quæ in eo spectari oporteat: Sanctitas morum, Prudentia, Doctrina, Caritas, quæ, ut verissime dixit Apostolus, perfectionis vinculum est, & Auctoritas. De quibus singulis ubi, q̃ am brevissime fieri poterit, dixerō, finem dicendi faciam.

Primum igitur requiritur Sanctitas morum. Nam quo ore audebit aliena vitia reprehendere, qui ipse propriis madeat? Quare si quem avarum, si ambitiosum, si crudelem ac sanguinarium, si libidini ac voluptati mancipatum vixisse constaret: eius ne habenda quidem ratio in his sacrosanctis comitiis esset. Avarus civitates exhauriret, nova quotidie populis onera imponderet, sacra ac profana omnia venalia haberet, omnem turpitudinem congerendæ ac coercendæ pecuniæ causa susceperet, nihil amplum aut magnificum agitare animo, non de gloria Dei, aut utilitate publica, sed de arcis & saccis suis implendis perpetuo cogitaret. Non est, Patres Amplissimi, non est ejusdem ingenii, pecuniæ servire, & hominibus imperare. Duos impuros homines Stratoclem & Dromoclidem ajunt olim tractationem Reipublicæ messim auream vocare solitos.

tos. Non est credibile quemquam ex vobis ita animatum esse: sed tamen procul absit a gubernaculis Ecclesiæ, si quis Pontificatum messim sibi ac suis fore auream putat. Ambitiosus omnia perturbaret, nihil usquam quietum esse pateretur, bellis orbem terrarum concuteret; dum suorum titulos, ditionem, dignitatem augeret. Sedis Apostolicæ dignitatem in quodlibet discrimen adduceret. Quid crudelem & recenti semper cruore gaudentem, ultionis cupidum, ignoscendi nescium, cui pro virtute ira sit, pro consilio furor, pro ratione impetus: quomodo blandissimo illi ac lenissimo Patris nomini responsurum esse censeatis? Quid, si quis se voluptatibus vincendum ac constringendum dedit, earumque turpissimo famulatu nexus & irretitus in earum ceno, tanquam sus, perpetuo volutatur, quid ab eo boni sperari, aut quid mali potius non metui potest? Libere, vobis audientibus, de vitiis loquor. Nusquam enim tutius est accusare vitia, quam cum ex eis qui audiunt nemo est, qui ea, quæ dicuntur, suspicari possit ad se pertinere. Si quis igitur est, (quales plerisque omnes ex vestro amplissimo splendidissimoque Collegio esse compertum est: sed tamen fieri nullo modo potest, ut non & e vobis aliqui excellent, ) qui tota vita nullam significationem avaritiæ dederit, qui sive in magnis opibus natus, sive e tenuibus ac modicis ad ampliores copiosioresque perductus, omnem pecuniæ fructum in sublevandis egentibus positum duxerit; qui arcam suam nunquam turpiter afferentibus, honeste petentibus semper apertam habuerit; qui ad gloriam suam nihil, ad Dei gloriam omnia perpetuo retulerit; qui ex fuga atque abstinencia voluptatum maximam sibi voluptatem captaverit; qui veram animi magnitudinem in ignoscendis, non in ulciscendis injuriis consistere judicaverit; ejus demum mores aptissimi sunt ad personam illius, qui & harum & omnium virtutum exemplar perfectissimum fuit, in terris sustinendam.

Secundo loco dixi requiri Prudentiam, quam vere Aristoteles ait esse propriam virtutem imperantium. Eam æterna illa veritas Christus Dominus ac Deus noster cum morum integritate ac sinceritate conjunxit, his verbis: *Estote simplices sicut columba, & prudentes sicut serpentes.* Sed videndum est, ut, quid prudentia sit, recte intelligamus; neque ita eam accipiamus, ut vulgus solet. Vulgus enim eum prudentem vocat, qui multa simulare ac dissimulare novit,



multa mentiri; eos, quibuscum agit, commodi sui causa; fallere ac circumvenire: & quod sibi proposuit, multas vias reperire, quibus id quoquo modo adipiscatur. Illa vero prudentia non est, sed calliditas, versutia, malitia; aut, si prudentia est, carnis prudentia est, quam se perditurum minatur Deus, quam mortem esse Paulus affirmat. Vera prudentia est, & cognoscere quid petendum fugiendumque sit: & quibus viis tum ipse eo pervenire, tum alios eodem perducere commodissime possit; nihil temere atque inconsiderate agere, sed unaquaque in re, quid rerum, personarum, locorum, temporum varietas postulet, dijudicare. Miserum qui alium fallit, si se idcirco eo, quem fallit, prudentiorem putat, fallit ipse se, & incidit multo perniciosiorem in laqueum, quam quo implicare alium parat. Quanto prudentior, qui neminem fallit! Deo enim similior est, qui neque fallere, neque falli potest.

Dixi præterea, in Pontifice requiri Charitatem; quam Apostolus & martyrio & fidei montes transferenti anteponebat; sine qua nihil Deo acceptum est: Deus enim ipse charitas est. Pontifex autem, cum communis pater & sit & vocetur, hoc ipso nomine admoneri debet, paternam se charitate erga omne hominum genus esse oportere.

Addidi, doctrinam & eruditionem: quam qui Pontifici necessariam non putant, magno in errore versantur. Jubetur Aaron in veteri lege gestare supra pectus suum doctrinam & veritatem; jubetur nunquam in sanctuarium ingredi sine sonitu: quo significatur, voluntatem Dei ab eo debere populis prædicari. *Labia Sacerdotis*, ait Malachias, *custodiunt scientiam*. Paulus ad Thimotheum, Episcopum esse oportere ait aptum ad alios docendos. Hæc, ajunt quidam, Pontifex etiam indoctus per alios obire poterit: alio modo poterit etiam bonus lyricen esse, qui per alium canat; & bonus medicus, qui ægrotos per alium curet. Sed satis sit.

Breviter enim de auctoritate dicendum, quam ultimo loco posui, quæque ex iis, de quibus ante dictum est, efflorescit. Auctoritatem autem voco potentiam, apud Principes & apud populos, firma & diuturna virtutis & doctrinæ opinione quæsitam. Ea Pontifici hoc præcipue tempore necessaria est, propter eas gentes, quæ a fide & obedientia sanctæ Romanæ Ecclesiæ desciverunt, quæ revocari ad san-

nitatem vix poterant, nisi ejus, qui præerit, auctoritate moveantur.

Agite igitur, Patres Amplissimi, proponite vobis ante oculos communem nostrum omnium parentem Ecclesiam, ex vestro nutu pendentem, & quid a vobis statuatur, summa cura ac sollicitudine expectantem. Illa vos Christo genuit, illa educavit, illa ad summo proximum honoris gradum provexit; nulla vobis major cognatio, quam cum Ecclesia; omnes omnium charitates una illa complexa est: quæ nunc dilacerata, distracta, divulsa, obsecrat vos, ut aliarum omnium rerum obliti, de sua tantum tranquillitate, qua vestra quoque continetur, cogitetis. Deus omnium bonorum auctor eam vobis omnibus mentem atque animum inspiret, ut non cæco & temerario & invito etiam, ut interdum fit, ac quid agatur nescios, rapiente paucorum motu, sed certo maturoque judicio, ejusmodi Pontificem concordibus suffragiis quamprimum deligatis, qui dispensa colligat, lapsa erigat, depravata corrigat, infirma corroboret, turbulenta componat, efficiatque, ut neque Pii Quinti admirabilem illam sanctimoniam vitæ, & excellentiam animi, aut Gregorii Decim tertii inexplabile propagandæ religionis studium, & effusam atque incredibilem & omnibus sæculis deprædicandam in omnes gentes charitatem ac beneficentiam desideremus.

IN FUNERE HIPPOLITI CARDINALIS ESTENSIS.

III. Non. Decemb. MDLXXII.

ORATIO XXV. (alias XX.)

Quod acerbissimum maximeque luctuosum spectaculum nobis somnibus obici poterat, Patres Amplissimi, vosque, ceteri viri ornatissimi, id summi, ac præpotentis Dei voluntate, & inevitabili humanæ conditionis necessitate nobis hodie in hoc templo constitutum videmus. Jacentem enim eum intuemur, qui nos omnes jacentes erigere; exanimem, qui exanimatis aliquo casu nobis animum addere solent; vita carentem, qui nobis aliisque quam plurimis vitæ subsidia benignissime, ac liberalissime subministrabat. Merito igitur lacrymis omnium oculi madent; merito undique omnia

omnia suspiriis, gemitibus, lamentationibusque circumsonant; merito non homines modo, sed ipsi hujus ædis sacrae parietes omnia mœroris, ac tristitiæ insignia ostentant. Sed quoniam neque conquestionibus nostris quidquam proficere jam possumus, & divinæ providentiæ decreta æquo animo ferre debemus: repetamus aliunde aliquam hujus ægritudinis, ac miseriæ levationem; & Hippolyti Estensis communis nostrum omnium parentis, ac patroni virtutibus, ac laudibus grata commemoratione renovandis, dolorem ex ipsius morte conceptum, si possumus, leniamus. Misera quidem hæc ipsa, & acerba consolatio est; quantæ enim magis ejus, quod amissum est, excellentia perspicitur, tanto plus doloris ex illius amissione percipitur: sed neque animus ulla in cogitatione conquiescere hoc tempore facilius potest; & rerum ab eo præclare gestarum recordatio hoc saltem nobis solatium adferet, quod magis nos confirmabit in ea spe, quam merito omnes concepimus, ut eum non tam nobis ablatum, quam a te, Deus Optime Maxime, ad meliorem vitam vocatum esse credamus. Atque utinam doloris magnitudo desertos ac copiosos faceret! non dubitanter me, Patrone optime, ac clementissime, dignam plurimis, ac maximis tuis erga me beneficiis orationem habiturum esse profiterer. Nunc mihi misero omnia, præter egregium celebrandi, ac prædicandi tui studium, desunt; ægritudine obstupefactus est animus; oculi lacrymando defessi; vox ipsa pectore, ac faucibus interclusis exitum reperire vix potest; si quid in me ingenii fuerat, si quam modicam dicendi facultatem exercitatio attulerat, quæ tibi maiora veris pro amore erga me tuo videbantur, ea, moriente te, omnia conciderunt. Conmitar tamen quantum poterò, & omnem difficultatem pietate superare conabor. Sive enim aliquid effecerò, gratus erga te, quoquo modo potui, fuisse dicar; sive etiam in medio cursu defecerò, hoc ipsum mihi gloriæ ducam, quod de tuis laudibus dicere cupientem obruerit atque oppresserit dolor. Nunc, quæso, obtestorque vos, quicumque adestis, ut ad breve tempus intermittatis gemitus vestros, mihi quæ ex innumerabili copia eorum, quæ de illo dici possunt, pauca libanti abductos tantisper, & avocatos ab atrocitate tanti vulneris animos abhibeatis. Primum igitur, si splendorem, & claritatem generis ad commendationem pertinere volumus,

Y z

quod



Quod ita ferè natura comparatum est, ut quæ in familia multi præclari, virtuteque, & rerum gestarum gloria insignes viri floruerunt, ex eadem qui sunt, eorum vestigia cupide persequantur: quæ tota Italia gens Eftensum Principum familia, vel illustrium virorum multitudine, vel traditi a maioribus imperii magnitudine, & antiquitate anteponi potest? Sed in hac parte non immorabor: nam plura dicere & in re tam nota supervacaneum est, & temporis angustia prohibent, & qui suis ac propriis laudibus abundat, ei ornando aliena conquirere, alienum atque absurdum videtur. Quamlibet obscura, & abjecta familia natus fuisset Hippolytus, eam ipse illustrare, & ad summum dignitatis culmen extollere potuisset. Illustrissima autem, & splendidissima natus cum esset, ira se gessit, ut non minus ipse lucis ac dignitatis maioribus suis attulisse, quam ab eis accepisse videatur. Cum autem in eo jam tum puerulo mirifica quædam, & ad omnem virtutem & præcipuè ad prudentiam indoles emereret: ita eum Pater optimus, ac sapientissimus Princeps diligebat, ut nulla de re maioris momenti, nisi adhibito filiolo, deliberaret. Eo præsentem legatos ad se missos audiebat: eo præsentem legationes decernebat: interesse eum volebat, quoties de bello, de pace, aliisque maximi momenti negotiis consilia caperentur. In illa igitur sapientiæ scola atque officina educatus, brevi tempore tantam sibi cognitionem, atque intelligentiam eorum, quæ ad populos recte gubernandos pertinent, comparavit, ut adhuc adulescens exercitatissimos senes consilii maturitate superaret. Itaque cum in Galliam confirmata iam ætate profectus esset, apud Franciscum Regem, non solum nomine, sed omnibus regis virtutibus omnium nostræ memoriæ Regum facile Primum, non tam propter gentis nobilitatem, aut propter affinitatem, quam propter singulari rem quamdam tractandarum rerum scientiam, tantum auctoritatis consecutus est, ut in illo amplissimo, & opulentissimo regno, secundum Regem de Hippolyti potissimum Estenis consilio, & sententia omnia gererentur. Neque vero minus apud Henricum Secundum valuit, qui ministros omnes per universam Italiam suos, sive legatos, sive exercituum præfectos, uno verbo, cujuscunque generis essent, ex ejusdem nutu, ac voluntate pendere, neque quidem quam, nisi eo consulto, quod quidem alicujus momenti esset, admi-

administrare voluit. Illam vero nobilissimam, totique Christianæ Reipublicæ salutarem legationem, qua in Gallia difficillimis, ac periculosis temporibus functus est, quomodo aut silentio prætermittere, aut de ea pro dignitate verba facere potero? Grassabatur per totam Galliam infinita quædam facinorosorum hominum colluvies, qui, capta occasione propter teneram Caroli Regis ætatem, impute sibi omnia licere arbitrati capitales ac nefarias de religione opiniones publice in vulgus disseminabant. Jamque res eo progressa erat, ut non infimæ, tantum plebis amos suis illis venenis imbuissent: sed & ex ipsis Principibus non paucos eadem errorum fœditate contaminassent. Exponebantur propalam, & omnium manibus tenebantur Lutheri, Calvini, & aliorum impiorum hominum scripta. Hieronymi vero, & Augustini, & Gregorii, & Ambrosii saluberrimæ lucubrationes ab omnibus propemodum & officinis, & bibliothecis exulabant; in ipsa aula, ac comitatu regio quotidie habebantur hæreticorum frequentissimæ conciones: omnia execrandis illorum cætionibus peritrepebant. Detestandis in Deum, & in Divos illarum pestium vocibus Catholicorum aures assidue verberabantur. In tam perturbato, ac periculoso rerum omnium statu Pius Quartus Pontifex Maximus divino, ut credibile est, instinctu nihil satius esse judicavit, quam ut Hippolytus Cardinalis Ferrariensis, primo quoque tempore legatus in Galliam mitteretur. Suscepit onus legationis Princeps maximo animo præditus: neque deterritus est aut imbecillitate valetudinis, aut longitudine itineris, aut anni tempore, erat enim ardentissima ætas, qua tempestate etiam qui firmissimi sunt, neque Romam venire, neque Roma exire tutum putant) aut periculis, quæ sibi noctesque diesque, & aperta vi, & ex insidiis ab hæreticis imminere intelligebat, in ea legatione alios ex hæreticis auctoritate deterruit, alios offensa aliqua spe commodorum eo unde abierant reduxit; multa dissimulavit, multa pertulit, multa palam & directo, multa latenter & artificiose molitus est, quæ ad illius regni salutem pertinebant; neque prius destitit, quam pulsus ex aula hæreticis, revocatis autem iis, quorum & erga Deum, & erga Regem fides constiterat, bellum denique apertum hæreticis indiceretur. Itaque ut in seminibus arborum causa est: ita omnium, quæ postea in Gallia pro reli-

gione fortiter, ac feliciter gesta sunt, illa legatio caput ac principium fuit. Illud autem admirabile est, quod cum alii gravissimi, & prudentissimi homines, toto, quod ajunt, cœlo in illius negotii tractandi ratione ab eo dissentirent, ipse adversus aliorum omnium sententiam suo unius consilio usus, ipso rerum exitu docuit, multo se quam illos plura vidisse, multoque prudentius cogitasse. Vellicabatur interea invidorum sermonibus, ac rumulculis, qui modo patientiam illius, ac leuitudinem reprehendebant, modo etiam quædam ab eo, optimo animo, & sapientissimo consilio facta in deteriorem partem interpretabantur. Quos ille despiciens, & operi proposito constanter instans, eorum maledicentiam ipso rerum exitu ita refutavit, ut verissime de eo dici illa possint;

*Unus homo nobis cunctando restituit rem;*

*Non ponebat enim rumores ante salutem;*

*Ergo magis que magis que viri nunc gloria claret,*

Sed in hac temporis angustia multa breviter attingenda sunt, quæ singula integros libros desiderarent. Atque hæc quidem, quæ hæcenus dixi, ad declarandam ipsius prudentiam pertinent. Quod? cæteræ virtutes, quales in eo, & quam in singulares fuerunt? Quis unquam illo in tota ratione vivendi splendidior, ac magnificentior fuit? Quæ in Gallia, quæ in Italia, & quam sumptuosa ædificia extruxit! Quam multa ingeniosè, & solerter excogitata ab antiquis, sed postea per posterorum ignaviam, oblivione obruta quasque sepulta revocavit! quam multos egregios artifices ad nova excogitanda propositis præmiis excitavit? quis unquam Princeps, quis Principis alicujus Legatus, quis denique magnus, clarusque vir apud eum diversatus est, quin sibi non a splendido Cardinali, sed a præpotenti aliquo Rege exceptus videretur? Et interea in pauperes & egentes homines quam liberalis, ac munificus fuerit, scitis ipsi, Cives Tiburtes, qui, ut illa perpetua, & quotidiana taceantur, meministis, cum quotannis, cum morbi, ut sit, æstare in vulgus grassarentur, quotidie mittere solitum, qui omnes ægrotantium domos circumirent, neque eorum quæ aut ad valetudinem recuperandam, aut ad alendam interea familiam necessaria essent, quidquam eis deesse paterentur. Meminimus & ipsi, ut se hac quoque in parte legatus in Gallia gesserit, cum quicquid pecunie

ex



ex legatione provenerat, nummum ex eo nullum attigit, sed totum in pauperes erogandum, distribuendumque mandavit. Eruditos autem, & excultos litteris homines nemo unquam amavit ardentius, nemo plures domi habuit, nemo largius, aut prolixius fovit. Horum disputationibus epulas suas condiebat, in eis audiendis quicquid a gravioribus curis dabatur otii, studiosissime collocabat. Jam & in eos, & in omnes domesticos, ac familiares suos tanta erat facilitate accomitate, ut communis videretur omnium parens. Cum eis familiarissime colloquebatur, urbanissime jocabatur; peccantes paterna potius charitate, quam herili potestate atque imperio, corripbat. Nullius autem rei æque facile obliviscebatur, atque injuriarum. Scimus quicumque cum eo paulo familiarius viximus, multo, a quibus ipse profummiis beneficiis summas injurias reculerat, cum eos sine ulla molestia, arbitrato suo posset ulcisci, novis postea beneficiis auctos ab eo, & cumulatos fuisse. Pietatis autem, & religionis in Deum, & plurima toto reliquo vitæ tempore, & certissima, ac luculentissima testimonia morti proximus dedit. Qui cum sibi ex hac vita migrandum esse sentiret, nihil territus, Sacerdotem accersit iussit, cui peccata sua ita confessus, ut eorum vere se, atque ex animo poenitere, omnemque spem sibi in divina bonitate, ac misericordia constitutam esse ostenderet, interjectis aliquot horis sacrosanctum Domini nostri Jesu Christi Corpus religiosissime accepit. Inde cum testamentum, nisi quantum certorum hominum invidia impediit, benevolentiae, ac charitatis erga omnes suos plenissimum condidisset, posteaque viribus magis, & magis deficientibus sacro oleo, adhibitis, ex ritu Christiano precibus, inunctus esset; languida, & moribunda voce ex Davidicorum psalmorum versibus, qui interea recitabantur, cum plura non posset, extrema saltem quæque verba pronuncians, cum incredibili eorum omnium, qui aderant, dolore extremum Deo spiritum reddidit. O me iosephicem, quanto mihi res secus cecidit, quam a principio cogitaram? Brevis enim hæc virtutum ipsius commemoratio, quam mihi levationi fore speraveram, ea mihi pectus effodit, ea vulnus idigit altius, ea dolorem dolore cumulavit. Quid aliud agere possumus, quicumque tali patrono orbat ac destituti sumus, quam ut lu-

precamur, ut modis omnibus testemur dolorem nostrum, ut quod vite reliquum est. in mœrore, ac lacrymis transigamus? Immo vero aliud & possumus, & debemus. Quamvis enim qui tam pie, tamque Christiane & vixerit, & diem suum obierit, eum Cœlo jam receptum ad sperandum est: quia tamen rari admodum ita puri egrediuntur ex corporis vinculis, ut non eis pœnarum aliquid post mortem luendum super sit; earumque tum aliis piis actionibus, tum præcipue suis ex animo precibus, & tempus contrahi, & ardor mitigari potest: facere omnes omnia debemus ut ei modis omnibus opitemur. Agite igitur quicumque Hippolytum Cardinalem Ferrariensem & vivum amatis, & mortuum amatis, conjungite mecum preces vestras, tum sublati in Cœlum manibus ac mentibus, liberationem ipsius ex loco purgandis post mortem animis destinato, si forte ibi adhuc detinetur, a Deo Optimo Maximo efflagitate. Nullius enim mortuo auxilium desit, cuius vivi nulli unquam auxilium defuit. Christe JESU humani generis conditor, & assertor, qui nos alios pro aliis orare voluisti, qui tuorum preces, nunquam irritas fore pollicitus es, respice hanc multitudinem afflictam, ac dolore confectam, & per illa vulnera, quæ pro nobis pertulisti, per illum sanguinem, quem pro nobis in ara Crucis effudisti; per illam mortem ignominie plenam, quam pro nobis sponte subiisti, tribue hoc nostris omnium concordibus votis, ut famulum tuum Hippolytum Cardinalem Ferrariensem a pœnis, si quibus adhuc obnoxius est, liberatum, eum in locum quam primum perducas, ubi æternis tecum gaudiis perfruatur. Ite domum Givæ Tiburtes, nunciate liberis vestris, nunquam neque ipsos, neque ipsorum liberos cujusquam majoris, aut omni ex parte præstantioris Cardinalis exsequias esse visuros.



IN FUNERE JOANNIS EPISCOPI MILITIE  
MELITENSIS MAGNI MAGISTRI.O R A T I O XXVI. (*alias XXI.*)

**P**Ræclare a vobis & ex dignitate vestri ordinis factum est, nobilissimi & fortissimi Milites, quod optimo Principi Joanni Episcopo, Magno fodalitatis vestræ Magistro, funus quibuscumque potuistis rebus ornatissimum amplissimumque duxistis, quodque & pietatis in eum vestræ, & doloris, quem vobis mors ipsius objecit, plurimas maximeque luculentas significationes dedistis: Quamquam enim ille & ea tum manu tum consilio gesserat, & ad eos honores virtute pervenerat, ut abunde ad gloriam visisse videretur; & eo progressus erat ætatis ut a vita tantam ex arbore, non per vim evulsus, sed suo tempore ipsa maturitate collapsus esse videatur: quorum tamen vita quo diuturnior, eo publice utilior visa est, eorum mors nunquam non acerba & immatura videri potest. Sed quando parens ac procreator rerum omnium Deus universum hominum genus eadem mortalitatis lege devinxit; ostenditque, si per ipsius præcepta gradiamur, certa spe melioris vitæ, commorandi nobis hic diversorium, non habitandi dedit: grates ei potius agere debetis, quod talem vobis Ducem ac Rectorem dederit, quodque vos illius virtute, ac bonitate tam diu frui voluerit, quam iniquiore animo ferre, quod eum quamquam viridi & cruda senectute, consumptis tamen corporis viribus, tot laboribus, periculisque jactatum, ex hoc inquieto ac turbulento salo, in illud, ut quidem spes est, placidissimum portum perpetuæ quietis ac tranquillitatis eduxerit. Nemo eo animo navigat, ut semper naviget; nemo militare discit, ut nunquam militare desinat; nemo ea mente laborem suscipit, ut alios ex aliis labores perpetuo excipiat: sed & qui navigat, portum, & qui militat, victoriam, & qui laborat, quietem atque otium spectat: quo qui pervenire, gratulari eis amici, non dolere illorum vicem solent. Vita hæc jactationis ac periculi plena navigatio est; militia omni ærumnarum ac laborum genere exercita; inexhausta molestiarum undique succrescentium seges: quam ut quisque optime



novit ita minimi facit; quam is demum tutissime possidet, qui de ea, cum Deus voluerit, ponenda sapientissime cogitat; quæ neque stultis unquam longa est, neque sapientibus brevis. Non ut in ea diu maneamus, sed, ut ex ea feliciter exeamus, optandum est. Nanquam viveremus, si hic perpetuo viveremus. Et tamen non tantum venia tribuenda est illis lacrymis, quas obitus majorum virtute præstantium ex illorum, qui cum eis conjuncte, amanterque vixerunt, oculis elicit, sed etiam laudanda ac deprædicanda eorum pietas, qui quacunque ratione possunt, funera ipsorum ornare & conestare conantur, Nam & se, quibus artibus illi floruerunt, earumdem studio flagrare declarant, & cæterorum animos ad cupiditatem ejusdem gloriæ inflammant. Quæ cum a vobis abunde & cumulate Joanni Episcopo præstita sint, nondum tamen vestræ in eum pietati satisfactum esse duxistis, nisi existeret aliquis, qui hodierno die publice verborum aliquid faceret: ne quid omnino, quod ad exorandam ac celebrandam ipsius memoriam a vobis prætermisum diceretur. Id munus quam a me potissimum obiri volueritis, parebo voluntati vestræ, & summa tantum capita strictim ac modice attingam, laudes ipsius brevi ac perspicua oratione complectar. Primum igitur ex fodalitatis vestræ legibus, atque institutis, certissimum ac firmissimum argumentum capere posse videor, quo eum & antiquo ac nobili ortum genere, & eximia quadam, minimeque vulgari virtute præditum fuisse confirmem. Nam cum legibus vestris cautum sit, ne quis in ordinem vestrum admittatur, quin prius eum & æque ab avia & paterna & materna stirpe nobilem esse liquido constiterit: quis est, qui ejus in pectore aut in humero candidam illam Crucem, velamentum atque insigne ordinis Hierosoly nitani, videat, quemque suffragiis suis habere in comitiis vestris sciat, de illius nobilitate dubitare amplius possit? eodemque modo de virtute argumentari licet. Nam cum in mandandis honoribus, in eoque præsertim deligendo, qui vobis summo cum imperio præsit, nullius rei præterquam cognitæ spectatæque virtutis rationem habere soleatis: dubitari de Magni Magistri virtute non potest, quin eadem opera de vestra in ferendis suffragiis fide ac religione dubitetur. Sed hæc quidem quamquam magna sunt, huic tamen cum multis aliis communia sunt. Illa propria, quod septemdecim annos natus,

(quæ

(quæ ipsa ætas Romanis olim moribus ad auspicandam militiam constituta erat) cum immanissimus hostis Rhodum ita obsessam teneret, vix ut illius servandæ spes jam amplius ulla superesset: generosus adolescens, cui virtus & pietas tenerum pectus acerbis stimulis perpetuo foderent, relicta patria, relictis suis, iter ingressus est, eo animo ut cum Rhodum venisset, aut opus aliquid pro virili parte afferret obsessis, aut cum eis adversus barbaros dimicans, juvenili sanguine Christo humanæ salutis auctori litaret. Quo in itinere Messanam advectus, cum conscensa triremi adversus usus tempestatibus, cursum tenere nequisset, venit interea in Siciliam, amissa Rhodo, vir æterna memoria dignissimus Lelidamus vestræ sodalitatis illo tempore Magister: qui adolescentuli virtutem effluentem se, & foras emicantem admiratus, adactum sacramento, & cruce candida ornatum, ritu vestro inauguravit, posteaque cum in Romam, cum in Galliam, cum in Hispaniam, cum in Melitam proficisceretur, nunquam a latere suo discedere passus est. Quid virtutis, quid constantiæ, quid militaris disciplinæ ex assiduo ac diuturno talis viri contubernio avidissimum per se omnis honestatis juvenem hausisse credendum est? Mortuo Lelidamo alumnus illius disciplinæ Episcopus totos sexaginta annos ita in coetu vestro versatus est, nulla ut interea adversus hostes Christiani nominis expeditio suscepta sit, cui ipse non interfuerit; in qua egregiam operam Reipublicæ non navaverit; in qua non ita se gesserit, ut semper inter paucos singularis ipsius virtus emereret. Testatur illius virtutem Peloponnesus; testatur Africa: quæ illum, altera in Methonis, Cononis, Naupacti; altera in Tunesi & Turris Regiæ expugnatione, & in illo calamitoso Cirtensi prælio spargentem in hostes funera, nec illorum, nec suo sanguini parcentem viderunt. Sed & postea, cum in Gallia esset & Melitam obsideri audisset, tanta celeritate, ut evolasse eum, non iter fecisse diceres, per mediam ostium classem cum aliquot militibus, quibus ipse præerat, in insulam magno cum periculo, sed majori etiam hostium admiratione, penetravit. Multa prope-ranti prætermittenda sunt, quæ vel singula nisi copia obtineret satis amplam ad dicendum materiam suppeditare possent. Dandis igitur assiduis industriæ virtutisque docu-

mentis, & multis maximi momenti publicis muneribus, fortiter, prudenter, feliciter obeundis, ita sibi conciliavit omnium animos, ut qui maximus honos suffragiis vestris deferri potest, anno post salutem hominibus restitutam 1572. pridie Kalend. Februarii sine ullo ambitu absens communi consensu delectus sit, qui summam potestatem in universam sodalitatem obtineret. Quo ex tempore patentiorem campum exercendæ virtutis suæ nactus, ita implevit omnes boni principis numeros, ut vestram in eligendo sapientiam, ipsius in regendo sapientia comprobarit. Nam ut a cultu divini Numinis principium ducam, quod fundamentum omnis virtutis est, nunquam ille ullum diem abire passus est, quo non rei divinæ interesset, quo non ipse manibus suis cibum tredecim egenis hominibus porrigeret ac ministraret. Templum etiam pecunia sua amplissimum & ornatissimum extruxit, sacerdotibusque, qui rem divinam quotidie in eo templo facerent, mille ducentos aureos nummos annuos adtribuit, ibidemque in monumento pulcherrimo eorum, qui ante se in eodem magistratu fuerant, corpora condidit ac collocavit. Et pietas igitur ipsius, & magnificentia cum ex eis, quæ dixi, tum e multis ejusdem generis aliis percipi potest. Quid ego nunc comitatem, affabilitatem, humanitatem prædicem? quæ tanta erat, ut neminem aut aspectu aut colloquio suo arceret, omnium postulata libenter cognosceret, nihil iusta petentibus denegaret. Si quid negare cogeatur, ea tamen utebatur lenitate sermonis, ut eos quoque, quibus negabat, æquos a se placatosque dimitteret. Liberalitatem autem ipsius multis & privatim & publice salutarem fuisse constat: nam & suis opibus multorum inopiam sublevavit, & viduarum, ac pupillorum quasi communis parens fuit, & multas virgines, multasque mulieres honesto loco natas, quæ propter paupertatem, conditionem reperire non poterant, dote de suo data collocavit. Quin etiam cum intelligeret, a multis inhonestis mulieribus filias ali, quas, cum adolevisset, in eisdem turpitudinem sibi constituerent: occurrendum manifeste periculoratus, puellas tota insula conquiri ac comprehendendi iussit, & in exstructum a se ejus rei causa cenobium includi, ut illic sancte ac pudice educatæ, suo tempore, aut perpetuam virginitatem Deo voverent, aut nuptum, si ita mallet, traderentur. Quid jam Xenodochia, Nosocomia,



mia, Orphanotrophia ab illo vel instituta vel redditibus aucta  
 commemorem? Vox me citius, aut dies, quam materia,  
 deficiat, si singula persequi vellem. In annonæ vero difficul-  
 tate, sæpe magnam vim pecuniæ egentibus tradidit, sæpe  
 cum magnam frumenti copiam e remotis locis compo-  
 tandam curasset, eodem illud precio distribuit, quo ibi unde  
 adductum erat, vendebatur. Injuriam vero neque facere  
 ipse, neque eos, qui facerent, perpeti poterat. Iudex inson-  
 tibus optabilis; iis, qui vel per errorem, vel metu aliquo ac  
 calore animi deliquissent, placabilis; in eos, qui certa &  
 obstinata malitia ac pravitare peccassent, plane inexorabilis.  
 Quæ se veritate, simulque aliis quibusdam, quæ silentio in-  
 volveresatius ducis, (neque enim ita eum laudare institui,  
 ut cuiusquam errata detegam) cum in se nonnullorum odia  
 concitasset, effectum est, ut propter qualdam suspiciones,  
 exacta iam ætate, Romam a summo Pontifice vocaretur.  
 Sed ut ex oriente Sole nebulas dissipari, & evanescere vide-  
 mus; sic ipso adventante, omnes illæ nubeculæ suspitionum  
 evanuerunt. In Urbem igitur ingressus est eo concursu om-  
 nium ordinum, ea pompa & celebritate, cum ipse etiam  
 Pontifex eum quam honorificentissime excipi iussit, ut non  
 ad dicendam causam venire, sed jam tum pulcherrimum de  
 obrectatoribus suis triumphum agere videretur. Divertit  
 ad illud decus, & ornamentum amplissimi ordinis Aloysium  
 Cardinalem Estensem, qui, ut sanguine regio editus, ita  
 animo plane regio præditus, eo cultu atque apparatu, di-  
 gnitatis ac venerationis plenissimum senem apud se habuit,  
 ut admiratio etiam eos caperet, qui, quæ in aliis admirabi-  
 lia videntur, ea Cardinali Estensi usitata & quotidiana esse  
 noverunt. Itaque interdum auditus est optimus senex cum  
 jocans (ut secunda innocentia est) diceret, magnam se gra-  
 tiam debere obrectatoribus suis: illorum enim opera sibi  
 eos honores Romæ habitos, quos ipse nunquam optare ausus  
 esset; plus multo eos sibi profuisse odio, quam obsequio pro-  
 desse potuissent. Ergo cum eum tota civitas in sinu atque  
 oculis ferret; cum quacumque incesserat, quasi exemplum  
 quoddam antiquæ virtutis ac probitatis spectaculo esset,  
 cum eum Pontifex libenter audiret, libenter videret, exi-  
 mia quadam charitate complecteretur: dolore lateris corre-  
 ptus & intra paucos dies absumptus est, tam placide ac le-  
 niter, tanta cum testificatione pietatis Christianæ, ut

magnam spem omnibus fecerit, non tam illam mortem, quam migrationem ex mortalitate ad immortalitatem fuisse. Quem enim paulo ante iis, a quibus graviter læsus erat, agnito errore veniam petentibus, tam facile ignovisse meminimus; ejus quoque peccatis facile a divina bonitate ignotum esse confidimus. Quod si quid, ut humana fragilitas fert, in ipso vitæ exitu expiandum adhuc eluendumque superfuit, certo speramus fore, ut tam multis Ecclesiæ precibus, tam multis eleemosynis, tam multis oblationibus & tempus pœnæ contrahatur, & ardor mitigetur. Nunc vos, Milites fortissimi, qui & vivum tantopere amastis, & ereptum tam multis honoribus prosecuti estis, unum etiam quiddam illius nomini ac memoriæ tribuite, idque non me, sed ipsum vivum adhuc & spirantem a nobis petere existimate. Fuit antiquitus apud multos consuetudo, quæ quisque vivus maxime amaverat, ea cum illo mortuo, aut cremandi aut sepeliendi. Vos contra facite. Quæ magnus hic non sodalitatis modo vestræ, sed virtutis & officii Magister castissima, dum vixit, habuit, ea ut perpetuo conservetis, operam date. A quibus autem illum toto animo abhorruisse scitis, eorum reliquias omnes eodem quo ille regitur tumulto, condite, eorum fibras elidite, semina exstinguite. Amavit ille cum alia honesta omnia tum concordiam in primis, & animorum consensionem: intestina autem odia, & discordias ac dissensiones semper capitales Reipublicæ pestes judicavit. Agite igitur, Viri fortissimi, flores ex omni Christiana Nobilitate delecti, columnæ virtutis, terrores Turcarum firmamenta ac propugnacula Christianorum, deponite omne studium contentionis, deletere omnem memoriam offensionum, consentientibus ac conspirantibus animis ad defensionem Christianæ Religionis incumbite; omnem iram, omne odium, omnem ulciscendi cupiditatem in hostes illius effundite, quæ tam multis hodie tamque sævis tempestatibus agitata, in vestra virtute, si concordēs sitis, non minimum sibi esse præsidium putat. Sepelite cum illo mortuo ea, quæ ut in perpetuum sepelirentur, sepeliri jam pridem ipse voluisset. Dissensionibus enim maxima imperia labefactantur & corrumpunt: mutæ caritatis vinculo etiam, quæ per se parum firma sunt, continentur.

## FRANCISCI BENCII,

## E SOCIETATE JESU

## O R A T I O

IN FUNERE MARCI ANTONII MURETI.

**T**Riste sane atque acerbum, sed solemne tamen ac justum,  
 Cardinales Illustrissimi, insigni pro vestra pietate, at-  
 que egregia erga eum voluntate, qui vos vivens perpetuo  
 observavit, officium solvit, M. Antonio Mureto mortuo; cu-  
 jus vel ipso commemorato nomine singularis quædam spe-  
 cies omnis eruditionis, atque eloquentiæ animis audien-  
 tium occurrit. Nihil videlicet prætermittitis, quod perti-  
 neat ad viri illius mortem celebrandam, qui cum viveret,  
 summorum virorum funera laudationibus per sæpe amplis-  
 simis honestavit. Quo in officio, etsi sapienter illud etiam  
 cogitastis, ut quemadmodum homines plerumque quibus vi-  
 vi florebat maxime, iis mortui honoribus afficiuntur; sic  
 etiam princeps illè oratorum non careret cultu aliquo ora-  
 tionis, & qui dicendo tam multa tractavit argumenta, fieret  
 ipse dicendi argumentum. Ego tamen qui & vestra auctori-  
 tate, & superiorum meorum permissu, & mea etiam nonnul-  
 la, ingenue ut fatear, inclinatione voluntatis, atque ut ipse  
 interpretor, erga magistrum meum pietate, hoc dicendi onus  
 non postulavi quidem, sed oblatum non recusavi, vereor ne  
 & præter expectationem vestram, & contra voluntatem  
 meam, mea apud vos infantia, mortui desiderium non mi-  
 nuam, sed augeam: neque illud tantum dicendo confirmem,  
 quod vos vel nemine dicente intelligitis, ad Muretum lau-  
 dandum, eo ipso qui laudatur, laudatore opus fuisse, sed ad-  
 moneam etiam eloquentiam ipsam decessisse cum homine  
 eloquentissimo. Sed quoniam æquissimum est, ut qui pluri-  
 mum debet, etiam si reddere non possit quantum debet, velit  
 reddere quantum potest, illud in hoc præstando futurum  
 mihi persuadeo, ut si minus eloquens ac prudens, ac certe  
 benevolus habear, & pius; cum ostendam illud unum, quod  
 sciunt permulti, hujus vocis, qualiscumque tandem est, fru-  
 ctum,



Cum ei potissimum deberi, qui illam aliquamdiu hortatu  
 præceptisque conformavit. Incitant præterea currentem  
 diversis stimulis, & amor, & dolor, qui mihi non tantum  
 a vobis veniam impetrabant, sed per se etiam afferent, ut  
 spero opem. Nam si amor, ut est in veteri proverbio,  
 musicam docet, docebit fortasse & lamentationem; & si  
 doloris magnitudini vis quædam dicendi proportionem re-  
 sponderet, patefaciet ille se quidem in oratione maximum,  
 ut debet: ac simul aperiet non elegantis quemdam dictionis  
 ornatum, quem aspernatur, ac respuit, sed gratum dicen-  
 tis animum, atque eximiam voluntatem. Amor porro erga  
 Muretum meus is est, quem per ipsos duos & viginti annos  
 spectata amplissimi viri virtus, & erga me benevolentia ex-  
 citavit, dolor vero ex ejus desiderio tantus, ut cum emi-  
 neate vultu atque extet, nihil opus sit, cur id faciam,  
 quod olim histrio Polus, qui ad verum dolorem imitandum,  
 in scenam filii ossa & urnam dicitur intulisse; cum præci-  
 pue sanctissimum hoc templum, in quo conditi testamenta  
 voluit, ipsum mihi videatur ante oculos, ac prope in  
 conspectu constituere. Dicam igitur, quando ita res tu-  
 lit, paucas quasdam e pluribus Marci Antoni Mureti  
 laudibus: neque enim possunt tam brevi tempore numeri-  
 ri omnes: atque ad ejus formam & præscripta me fingens,  
 ea utar ratione dicendi, quam ille præsens esset corpore,  
 quem animo intueor, probaturus videretur. Vos autem,  
 ••• Auditores, quibus pleraque nota sunt omnia, totos enim  
 annos quinque & viginti, vir omni honore ac laude dignis-  
 simus in hac urbe vixit, idest in hac luce ingeniorum,  
 in hoc clarissimo orbis terrarum theatro, & quidem cum  
 esset primarum partium; nolite quæso ex iis rebus potius  
 quæ a me dicuntur, quam ex iis, quæ sciuntur a vobis,  
 ejus laudes ponderare, qui fuit ingenio, doctrina, elo-  
 quentia, ratione vitæ mirabili ad laudem ac prope sin-  
 gulari. Sed hoc agite. Quæcumque a me non ponentur  
 in oratione mea, ea vos taciti mentibus vestris subjicite:  
 & quarum rerum quasi capita breviter attingam ac si in  
 formula & carmine præirem voce, eas excipientes; re-  
 liquis assensu & cogitatione prosequimini. Unde igitur  
 ••• in te ornando & laudando, quominus tam multis præ-  
 sentibus reprehendar ipse, Murete, incipiam? an a pa-  
 tria, & genere, & parentibus? hæc certe talia sunt,  
 ut

ut cum ipsa magnam tibi attulerint laudem, tum ve-  
 ro etiam a te acceperint non minorem. Natus est e-  
 nim, Auditores, Marcus Antonius anno post Chri-  
 stum natum M D X X V i. mense Aprili in Gallia, in pa-  
 go suburbano Lemovici, cui Mureto nomen, loco ho-  
 nestissimo, patre jurisconsulto, genere verantiquo &  
 nobili: quippe quod & pagum illum antiquitus posse-  
 derit, unde etiam familiæ nomen: & quadringentis  
 abhinc annis tulerit Stephanum Grandimontensem or-  
 dinis auctorem, virum sanctissimum, atque hominem in  
 corporis afflictatione singularem, cujus dies festus in  
 Idus Februarias incurrit. Sed non nititur majorum me-  
 ritis Muretus; talis enim fuit ac tantus, ut etiam si  
 præclari generis ornaamenta defuissent, summum ipse  
 generi ornamentum esse posset: & suarum splendore  
 virtutum asserret lucem majoribus, etiam obscurissimis.  
 At si hoc omittimus, dicemusne, quod est proximum,  
 de bonis corporis, & quadam oris dignitate? At tur-  
 pe, dicebat quidam e Romanis Imperatoribus, cum  
 animum habeat homo, laudem captare ex corpore. Ita-  
 que hæc etiam prætermittantur; non quidem, quod non  
 præstanti specie ac decora forma fuerit ipse, tamen  
 nempe, qualem eum plerique vidistis; ut videretur  
 pulcherrima ejus anima aptissimum sibi diversorium, in  
 quo habitaret, vel opsasse, vel finxisse; sed quod mul-  
 to major atque excellentior animi pulchritudo rapiat  
 atque absorbeat orationem meam, quæ etiam ut hæc  
 minora relinquam, hortatur. At in præstantissimis  
 ejus animi virtutibus, quas potissimum delibabo, ut  
 magis prædicandas: quas etiam in hisce angustis tem-  
 poris minore iactura præteribo? Nimirum hoc illud  
 est, quod ante audiveram æque magnum esse, ac dif-  
 ficile, eum laudare, in quo maximæ sunt laudes,  
 atque eum, in quo nullæ: quod in altero res ipsæ  
 desunt orationi, in altero rebus ipsa desit oratio.  
 Perstringamne paucis, ipsius initia discendi; atque  
 educationem puerilem? Sed vereor ne si dicam id quod  
 res est, videar multa quidem veritati tribuere, sed  
 plura benevolentiae. Quod tamen nemo existimare  
 debet. Egone hoc suscepto vitæ instituto, in hoc  
 templo, in tam nobili confesso, in tam ampla ma-  
 teria

teria atque uberi, ea sciens dicam, quæ sciam posse vel  
 tacentium iudicio refelli? Velimne tam multos viros  
 prima ios esse cupiditati meæ ac mendacio confcios?  
 quam multi e vobis verum esse illud sciunt, quod vix  
 verisimile aliis fortasse videatur, ab ipsa pueritia Mure-  
 rum nostrum tam admirabili fuisse ingenii magnitudine,  
 vix ut ullam desideraverit disciplinam? ut poene prius di-  
 scipulos habere cœperit, quam magistros? Nam ut pri-  
 mum imbutus est litteris, quibus informari ad humani-  
 tatem ætas puerilis solet, in patria sua, Lemovici pri-  
 mum, deinde vero Agini, quæ est urbs in Aquitania pe-  
 ne princeps, ea docere incœpit cum esset adolefcentulus,  
 aut potius puer, quæ nunc quidem communi more atque  
 usitato, ea ætate si quis disceret, in summa laude pone-  
 remus: quippe ut ingenio doctrinam, sic etiam usu præ-  
 currebat ætatem, Agini vero eodem tempore usus est suo-  
 rum duce, & adju tore studiorum Julio Cæsare Scaligero,  
 viro in omni eruditionis atque humanitatis genere perfe-  
 cto ac perpolito. Hunc ille ut parentem colebat, a quo  
 etiam ut filius diligebatur: admirabatur enim vir omnino  
 admirabilis excellentissimum ingenium adulescentis: eique  
 volens, ac libens rectam ac brevem, quæ ad rerum  
 scientiam ferret, viam monstrabat: quo sua eum natu-  
 ra ducebat. In qua tamen bonitate naturæ, atque in-  
 genii abundantia (rem admirabilem) tanta utebatur con-  
 tentione animi atque industria, quanta utendum est ho-  
 mini, qui quominus ingenio potest, subsidio sibi compa-  
 rat diligentiam, ut & ingeniosos diligentia vinceret, &  
 ingenio diligentes: & totum illud sibi tempus perire  
 crederet, in quo non aut doceret aliquid, aut discere-  
 ret, cum igitur aliquamdiu Agini fuisset, ejusque do-  
 ctrina atque ingenium omnium fama & oratione cele-  
 braretur, ad illud domicilium doctrinarum, & ut ita  
 dicam, orbis terræ Musæum Lutetiam profectus est; ubi  
 cum itidem explicaret divitias illas ingenii, nec latere  
 posset in tanto urbis splendore, tam illustre lumen  
 eloquentiæ, non magno negotio omnium ad se studia  
 atque ora convertit. Novus videbatur exoritur Demo-  
 sthenes Christianis Athenis: ita docente Mureto, &  
 quidem adhuc peradulescente, concursus audiendi cau-  
 sa ex tota urbe fiebant, magna hominum frequentia  
 gymna-



gymnasium celebrabatur, loci ipsi in gymnasio occupabantur, aditus complebantur, nec spes quidem relinquēbatur præ maxima auditorum multitudine, ubi pedem doctor ipse ponere posset: ita per illorum humeros quasi per undas gradiebatur ad suggestum: & quo etsi magno ab omnibus audiebatur studio ac silentio, nihil magis timentibus, quam ne cito faceret dicendi finem, ubi tamen fecerat finem, mirifico omnium clamore & plausu excipiebatur. Quid plura? nihil ferme aliud erat Luteriæ magis eo tempore in hominum sermonibus quam Muretus; quem ipse etiam rex aliquando & regina; at bone Deus, qui rex, & quæ regina! ut quod fama & auditione acceperant, re ipsa experirentur, audire voluerunt. Onerasset profecto alium tam mirabilis omnium expectatio & sermo: at M. Antonius, quasi jam non cum aliis, sed secum ipse certaret, quotidie sese admirabilior fiebat, & melior. Ut quanta ad diligentiam & doctrinam; tanta ad famam ejus, & gloriam, feret accessio. Multa mihi necessario, Auditores, prætermittenda sunt, ut servem certum aliquem & laudandi, & dicendi modum: quamquam difficile est admodum servare modum dicendo in iis laudibus, quæ modum re ipsa superaverunt: cum & qui eas cognitas habent, alia potius quam ea quæ dicuntur, dici potuisse: & qui incognitas, ne ea quidem debuisse, quæ majora sint hominum opinione ac fidē, arbitrentur: ut & ex horum sententia afficta nonnulla, & ex illorum, detracta non pauca videantur. Vestram hic ego Piclavienſes, Burdigalenses, Auscitani, Tolosani: nam Tolosæ ille juris civilis docendi primum quidem facultatem, deinde vero etiam potestatem accepit: sed tamen vestram ego, omnes quos dixi, universæ Galliæ populi nobilissimi, imploro & auctoritatem, & fidem: non ne cum juvenem excellentem, omnique laude cumulatam videbatis, cum ejus voce ac doctrina fruebamini, Mercurii vobis filium, ut nonnulli e vestris, ex ipsius literis nominis apte trajiciendis, sciteque connectendis quasi omen conscientes ingenii, dixerunt, aut ipsum potius Mercurium, ut dicebant alii, videre, & audire videbamini? Et fuerunt fortasse qui adolescentis gloriæ, quæ ita se extollebat, ut aliquorum luminibus officeret,

Z z

vel

vel detraherent occulte, vel inviderent aperte. Semper enim nascentis gloriæ comes fuit invidia, ut solis umbra. Quæ tamen gloria progressionem usque admirabili, & cursu pene incredibili, ut sol cum est in altissimo cæli vertice, umbram, sic ipsa cum pervenisset ad summum, invidiam plane omnem extinxit, ut quoniam cum sole virum clarissimum comparavi, consequens illud fuerit, ut posteaquàm omnem prope Galliam illuminaret, suam illam lucem diffunderet in Italiam. Itaque Venetias, id est, ad illam urbem, quæ veterem hujus urbis splendorem, ac speciem æmulatur, cum annum ageret duodevicesimum, venit. Neque vero hic latuit diutius: statim enim præclara ejus eloquentia, ut Phidias statua, & perspecta, & probata est: quæ etiam habita est in  
 . . . aliorum comparatione præclarior. Venetiis vero apud Lauredanos, Rembos, Contarenos, Sorianos, Manutios, ac cæteros clarissimos viros, tanto in honore, ac pretio fuit, ut dulcis quædam inter eos contentio nasceretur, qui maxime amarent Muretum, aut admirarentur: incerti omnes, utrumne ipsi admirarentur magis, an amarent: admiratio enim e virtutibus nascebatur, ex admiratione amor: ut e Thaumante Irum, ex Iri amore nasci poetæ voluerunt. Paulo post concessit Patavium in optimam illam & vetustissimam in Italia officinam ingenuarum disciplinarum & artium. Neque hic etiam diu versatus est. Anno enim ætatis circiter quarto & tricesimo honestissimis conditionibus invitatus, ad summum ilium doctorum Mæcenatem Hippolytum Cardinalem Estensem se contulit: in cujus comitatu & cohorte cum rediisset in Galliam, mox, etiam in Italiam, Romæ tandem, anno MDLXIII, ipse Cardinalis suavis, atque eorum rogatu, quorum consiliis litterarum studia regerantur, Aristotelis Ethicæ docere publice incepit, tanta, ut memini, hominum voluptate, ac frequentia, ut Aristoteles quidem ipse Romæ docere, sed nostra lingua, & lux quædam huic urbi reddita videretur veteris eloquentiæ. Non licet Auditores, sed ne decet quidem, cum Romæ loquamur, de iis rebus agere, quæ Romæ per hosce annos unum & viginti, tot enim annos Romæ docuit vir præstanti sapientia, agebatur a Mureto. Quid docuerit  
 brevi

breviter, ego strictimque perstringam: quo enim modo docuerit, vobiscum ipsi recordamini. Docuit videlicet annos quatuor libros Aristotelis de moribus, totidem jus civile, ne vulgari sane via, spinosas illas jurisconsultorum concertationes cum sermonis nitore conjungens: reliquos postremo annos, usque ad annuætatæ unde- sexagesimum, qui fuit annus superior, Gregorii XIII. cuius mortui gloria vivet semper in memoria vivorum, auctoritate & liberalitate permotus, in eorum librorum, qui non solum acuere, sed alere etiam ingenium solent, . . . ut Patonis, Senecæ, Horatii, Taciti, Ciceronis expli- catione collocavit. Quo interim tempore, cum a Ste- phano Bathoreo Serenissimo Polonorum Rege, qui & consiliis, & factis, Romanorum veterem Imperatorum æqua- re videtur gloria, in Poloniam accerseretur amplissimis præmiis; morem gessisset optimi Principis voluntati; nisi cum eo, quem Romani gymnasii lumen & columen ap- pellabat, egisset idem Gregorius, ne discederet: atque id quidem cum sua sponte, cum Romanorum monitu magistratum, qui Mureto ipsi aliquot ante annis ultro deculerant jus Romanæ Civitatis. Qua etiam ratione ef- fectum est, ut tantum stipendium decerneretur homini amplissimo, quantum haud scio, an, unquam antea ve- mini. Parcite Cardinales Illustrissimi properanti: parcite etiam dicenti: nam enim variam & multiplicem laudationem . . . suppeditat nobis Mureti laudum seges & copia, ut & oporteat properare, & nonnulla tamen attingere sit neces- se. Diximus nonnihil de iis, quæ docuit: de iis quæ scripsit, in quibus ejus spirat imago atque ingenium, adhuc quidem nihil, de quibus etiam nihil est, quod multa dicamus cum in promptu sint omnia omnibus. Quid enim variis ejus lectionibus, ut inde potissimum incipiam, uberius? quid pictius? quid omni lepore con- ditius? Quid magnificentius aut grandius orationibus? Quid magis pium aut eruditum verbis? Iis dico ver- bis quo Romæ cum esset, composuit; illa namque poemata, quæ cum esset annorum circiter viginti; juvenis quodam calore atque impetu profudit in Gal- lia, & convenienti quodam nomine appellavit Ju- venilia, Juvenilia inquam, dicam elarius, ut me- lius exaudiat ab omnibus: sæpe mihi in sermone dice- bat.



bat, sibi adeo non placere, ut ea tanquam sua, non modo probaret, sed ne agnosceret quidem. Et cupiebat huiusce suæ voluntatis, si vita suppeteret, extare testimonium. Quod ego nunc ipse opportuno sane loco & tempore, aperte testificor, planeque denuntio. Quid igitur senilibus Mureti versibus magis pium, eruditum, addo etiam iucundum? Quid subtilius atque elegantius iis disputationibus, quas scripsit de iure civili? Quid dulcius epistolis? Quid verius iis notis & scholiis, quas scripsit ad auctores utriusque linguæ probatissimos? Hæc certe omnia ea sunt, ut jam non septem Thebarum portæ, non pyramides Ægyptiorum, non Romanorum trophæa ac monumenta, quorum hodie vix cadavera proijecta jacent, ad tam diuturnam posteritatis memoriam pertinuerint, ad quantam ipsa pertinebunt. Quæ quidem omnia, ut flumina, quæ eo magis augentur, quo longius e fontibus & capitibus suis recesserunt, temporis beneficio sient non iis modo virtutibus, sed aliis etiam vitis (liceat enim hoc mihi dicere, quandoquidem jam ferunt omnes ac feruntur scribendi studio) præstantiora. In quibus tamen scribendis utrum admirer magis maximam scribendi elegantiam, an incredibilem ejusdem, sive facultatem, sive copiam? Multi credite, Auditores, loquor enim quod non opinor, sed scio: non accepi auribus sed oculis: neque semel atque iterum, sed quoties se offerebat occasio: ut omnis non tantum assentionis, sed amplificationis etiam suspicio abesse debeat. Nihil unquam bis scribebat Muretus, cum tam multa scribebat. Vix adeo bis legebat id ipsum quod scripserat: raro interpolabat: non sæpe mutabat aliquid, aut emendabat: rarius demebat, delebat: ita cum uno quasi tenore fluere omnia, nihil nisi aptum & accommodatum ad manum mentemque veniebat, ut multo meliora fortuito illi exciderent, quam alii qui assiduo opere eandem tundant incudem, extundant, atque excudant labore. Accipe quodvis unum de præclaris iis voluminibus, non dico ex iis, quæ adhibito acriori studio scripsit ac diligentia, sed ex iis, quæ effudit ludibundus: una cujuslibet argumenti sententiola, non dico pagina: una cujuslibet paginæ vocula, non dico comprehensio, mani-



facere poteras, parum vixisti, si quod fecisti, satis: si præclari memoriam nominis quam reliquisti, semper victurus es. Semper enim vivunt, etiam mortui, qui quamdiu vixerunt, vixerunt bene. Bene autem vivere iis dicendi sunt, qui in omnia vita profunt aliis, potius quam sibi, & in ea sunt cogitatione defixi, ut sibi perpetuo migrandum putent ad unum illum qui omnia audit & videt, Deum. Quæ duo quoniam hunc in locum incidit oratio, ut prætermittenda non sint, ita exstiterunt in Mureto, ut non admirationi magis, quam imitationi esse possit. Nam quod pertinet ad benignitatem, quis tandem fuit non dico e summis viris ac principibus, qualis vos estis Cardinales Illustrissimi, quibus ille omnibus fuit tum propter summam doctrinam & eloquentiam: tum vero propter suavitatem morum & elegantiam longe carissimus; sed e mediis, sed ex infimis etiam hominibus, non dico ex illis, qui ei essent familiares & cogniti, sed ex ignotis atque externis, quorum nonnulli vel ex ultima Europa hominis conveniendi & consulendi causa Romam consuebant: qui tamen profitebantur omnes, atque aperte prædicabant omnia se maiora re ipsa comperisse, quam fama: quis fuit inquam ex omnibus, quin si vellet, ejus auxilio uteretur & consilio? Ecceui unquam suam ille domum, bibliothecam, quam habebat illusterrimam, aures, arcam denique patere noluit? cui non aut opera benigne fecit, aut pecunia? Tribunalis olim domus in hac urbe nunquam clauderetur, ut essent portus quidam ac perfugium omni civitati: simile quiddam mihi videntur Mureti ædes fuisse, quem nunquam fere solum, aut vacuum invenires: quasi a Deo esset, uti erat ad communem omnium utilitatem datus. Rogares, ut perobscurum aliquem, aut Latini scriptoris, aut Græci declararet locum? declarabat; ut carnem corrigeret, aut orationem? corrigebat; ut enigma in scriberet in sepulchro? inscribebat; ut epistolam scriberet? scribebat: ut elogium in ponte, aut in basi statuae ponendum excogitaret? excogitabat: ut hæc ipsa recognosceret? recognoscebat, ut interdum mihi diceret (sed e enim mecum perquam familiariter loquebatur) sibi non licere vivere. Et vivebat quidem ipse, sed, ut dixi, vivebat magis aliis quam sibi. Docebat enim quæ



quæ poterat, id est, quæ discere velles, omnia: quid enim velles discere, quin posset docere? ab eo vero quem docebat, nullam omnino mercedem exigebat, ne illam quidem, quam Thales Milesius a Mandrayto Priennensi, quem docuerat quanta esset solis magnitudo, exegisse dicitur, cum ab eo cavit, ut ipsum tantummodo tam præclari inventi laudaret auctorem: ut non mirum fuerit, si invenirentur interdum, qui quæ a Mureto gratis acceperant, pro suis venditarent. Atque hæc pauca de benignitate in homines. Quid de religione ac pietate in Deum? Nolite expectare auditores, dum commemorare quod plerique meministis, catholicam semper ab eo servatam, servatam, dico, imo vero etiam defensam, & pro virili parte ornatam, religionem ac fidem: cum tamen non defuissent in Gallia homines nequissimi, qui omni machinatione admirabile illud ingenium ad suas partes adducere conarentur. Itaque propiora videamus. Hic vero mihi quam multa occurrunt, quam ingentia? quot conturbant in hac ipsa extrema, in qua versamur oratione, dicentem? cum & videam multa esse omittenda, & unumquodque quod occurrit, præcerpendum esse videatur? Novem iam sunt anni, Auditores, cum sacris est initiatus M. Antonius ac sacerdos factus: ex quo tempore tam sæpe, tam religiose, tam sancte fecit rem divinam, ut inter sacrificandum, nec lacrymas teneret ipse, & easdem etiam audientibus excuteret. Sacras vero quotidianas preces quam diligenter, ac sedulo obibat? aut se assidue ad Sanctorum, & Christi exempla limabat? quam solícite in se inquirebat? quam attente videbat, ne quid aut faceret, aut diceret, quod aut reprehensum, aut vocatum vellet? Quid? quod sæpe mecum (credo etiam cum aliis) de morte tanquam de migratione loquebatur? quod cum laboraret molesto morbo ac difficili pedum, jam jamque sibi esse cedendum domo, cuius jam labarent fundamenta, prædicebat? quod cum ei requietem suaderem atque orium, nec tamen persuaderem, requietem sibi æternam adesse propriis præfagiebat? Et certe tam insignis vita, quasi fabula, quæ tam præstantes habuit cæteras partes, extremo debnit actu præstantissimo terminari: qui talis fuit, ut haud sciam, an meliorem nos ipsi exitum optare possimus. Mortuus est enim ille, si tamen mori-

moritur, qui consequitur immortalitatem, ornatus omni  
 instrumento, & viatico, quod Christiana religio tribuere  
 homini atque impetiri solet, quem parat ad mortem: a  
 Sisto etiam Quinto Pontifice Maximo non privatim modo  
 veniam peccatorum impetravit, sed ad eorum expiationem,  
 ejusdem etiam illam publicam adhibuit indulgentiam, qua  
 qui rite uteretur, ei vero non liberationem modo culpæ  
 sed remissionem etiam pœnæ Christi Vicarius benignissimè  
 concedebat: ut scilicet Muretânæ illam mortis opportu-  
 nitatem, non lamentatione & misericordia, sed gratu-  
 latione & benevolentia prosequi debeamus. Sed effudit  
 mihi pectus memoria illius diei, post quem diem obiit die  
 tertio: quo cum esset Sacrosanctum Christi Corpus Chri-  
 stiano more suscepturus, omnibus qui eo conveniant  
 presentibus atque audientibus, longo exordio supplex  
 veniam a familiaribus petiit, atque ut sibi ignoscerent  
 postulavit: quod eo fecit animi sensu, ac dolore, ut ex  
 illo numero, qui sibi a lacrymis temperaret, invenires  
 neminem. Post quem diem, toto eo tempore, quo potuit  
 loqui, in magnis totius corporis doloribus, illas modo  
 voces interruptis suspiriis; o Jesu, o Deus, moribundus  
 iterabat: ut quoniam interpretis mentis est lingua; eam  
 constet aliud nihil eo tempore, in quo potissimum mori-  
 riante corpore disceptabat animi salus, habuisse in mente,  
 nisi illum, quem habebat in ore, cum quo, & ad quem  
 ut confidimus, evolavit. Hem M. Antoni Murete vir  
 clarissime: ut vere es natus ad omnem dignitatem & glo-  
 riam: contemnebas illam ut quidem inter homines, illis  
 etiam temporibus, cum eras gloriatione dignissimus; cum  
 in sacrosancto purpuratorum patrum senatu, in illo sancti-  
 tatis ac religionis domicilio in illa arce regum ac natio-  
 num omnium, fulminabas, tonabas, splendidissimorum  
 verborum, & pulcherrimarum rerum, & gravissimarum  
 sententiarum flamina effundebas: sed nunc tandem æter-  
 nam istam atque immortalem, quam sperabas, Dei munere  
 & concessu, pro summa tua erga eum pietate, atque erga  
 homines benignitate, es consecutus. Nos autem, nos in-  
 quam, afflicti jicemus ac mœrentes desiderio tui, quod  
 longinquitas temporis non leniet, sed duplicabit. Et cona-  
 ti quidem sumus, ut horum Illustrissimorum Principum ob-  
 sequeremur studiis, tuarum aliquot fuscipere laudum com-  
 me-

# ORATIO XXVII. 263

memorationem. Sed earum pondere oppressi, nostrarum ostendimus virium imbecillitatem. In quo tamen, illa nos cogitatio consolatur, quod illud fecimus, quod potuimus, quod voluimus, quod debuimus: quod etiam haud scimus, an unquam postea, viro eruditiori, atque homini eloquentiori, officium simile præstare possimus. DIXI.

## ORATIONUM FINIS.



# I N D E X

## O R A T I O N U M

### V O L U M I N I S I.

- I. **D**E dignitate ac praestantia studii Theologici. p. 1  
 II. De laudibus Litterarum. 9  
 III. De utilitate ac praestantia Litterarum Humaniorum  
 adversus quosdam earum vituperatores. 17  
 IV. De Philosophia & Eloquentia conjunctione. 23  
 V. Pro Francisco II. Galliarum Rege ad Pium IV. Pon-  
 tific. Max. 33  
 VI. Pro Antonio Rege Navarra ad eundem Pium IV.  
 Pontific. Max. 41  
 VII. De Moralis Philosophia laudibus, cum eam docere in-  
 ciperet. 43  
 VIII. De Moralis Philosophia necessitate, cum in ea docen-  
 da progrediretur. 56  
 IX. De Justitia laudibus, cum quintum librum Ethico-  
 rum Aristotelis inchoaret. 63  
 X. De sui cognitione, deque omnibus humani animi fa-  
 cultatibus, cum sextum librum Ethicorum Ari-  
 stotelis inchoaret. 72  
 XI. Pro Alfonso II. Duce Ferraria ad Pium IV. Pontif.  
 Maxim. 82  
 XII. Pro eodem Alfonso ad Pium V. Pont. Max. 86  
 XIII. Pro Carolo IX. Rege Christianissimo ad eundem Pium  
 V. 93  
 XIV. Pro Sigismundo Augusto Rege Polonia ad eundem Pium  
 V. 103  
 XV. De toto studiorum suorum cursu, deque Eloquentia  
 ac ceteris disciplinis cum Jurisprudentia conjun-  
 gendis. 114  
 XVI. Cur ad munus docendi, quo se sponte abdicaverat,  
 vocatus sit. 119  
 XVII. De Doctoris officio, deque modo Jurisprudentiam do-  
 cendi. 121

XVIII. De

# INDEX

365

|        |                                                                                                    |     |
|--------|----------------------------------------------------------------------------------------------------|-----|
| XVIII. | De auctoritate & officio Judicum.                                                                  | 127 |
| XIX.   | Inreditu ad Urbem M. Antonii Columna post Turcas Navali pralio victos.                             | 136 |
| XX.    | In Funere Pii V. Pontif. Max.                                                                      | 143 |
| XXI.   | De via & ratione ad Eloquentiam laudem perveniendam, cum secundum Tusculanarum exponere inciperet. | 151 |
| XXII.  | Pro Carolo IX. Galliarum Rege Christianissimo ad Gregorium XIII. Pont. Max.                        | 156 |
| XXIII. | De utilitate, jucunditate, ac praestantia Litterarum.                                              | 162 |
| XXIV.  | In funere Caroli IX. Gallorum Regis.                                                               | 173 |
| XXV.   | Pro Henrico III. Gallia & Polonia Rege ad Gregorium XIII. Pontif. Max.                             | 179 |
| XXVI.  | In Funere Pauli Foxii, Archiepiscopi Tolosani, Regis Galliarum Oratoris ad eund. Gregorium XIII.   | 182 |

## VOLUMINIS II.

|       |                                                                                                                           |     |
|-------|---------------------------------------------------------------------------------------------------------------------------|-----|
| I.    | De mysterio & festo Circumcisionis Dominica.                                                                              | 191 |
| II.   | De S. Johanne Evangelista.                                                                                                | 196 |
| III.  | Cum Seneca librum de Providentia interpretatur esset.                                                                     | 200 |
| IV.   | Cum explicare inciperet libros Platonis de optima Republica statu: sive Praefatio in primum Platonis de Republica librum. | 209 |
|       | Cum annexo Proœmio quodam e Commentariis Muræti transcripto.                                                              | 215 |
| V.    | Cum in Platone explicando progredieretur: sive Praefatio in secundum Platonis de Republica librum.                        | 217 |
| VI.   | Ingressurus explanare M. T. Ciceronis libros de Officiis.                                                                 | 224 |
| VII.  | Cum librum III. Officiorum Ciceronis explanare inciperet.                                                                 | 230 |
| VIII. | Cum Aristotelis libros de arte Rhetorica interpretari inciperet.                                                          | 231 |
|       | Cum annexo Proœmio quodam.                                                                                                | 236 |
| IX.   | Cum pergeret in eorundem Aristotelis librorum de arte Rhetorica interpretatione.                                          | 238 |


X. Cum

- X. *Cum expositurus esset Orationem Ciceronis pro Rege Dejotaro ad C. Casarem.* 245
- XI. *Auspicatorum librum II. Rhetoricorum Aristotelis.* 249
- XII. *Explicaturus libros Aristotelis de Republica.* 253
- XIII. *Interpretaturus C. Sallustium de Catilina Coniuratione.* 259
- XIV. *Cum explanaturus esset Æneida Virgilii.* 267
- XV. *Aggressurus Satyram XIII. Juvenalis.* 174
- XVI. *Cum Annales Taciti explicandos suscepisset.* 277
- XVII. *De eodem.* 283
- XVIII. *Cum pervenisset ad Annalium librum III.* 293
- XIX. *Cum interpretari inciperet Epistolas Ciceronis ad Atticum.* 299
- XX. *Reperiturus libros Aristotelis de Moribus.* 308
- XXI. *Cum libro I. de Moribus Aristotelis pervenisset ad locum cap. 3. quo juvenis negatur idoneus esse Auditor Politicæ.* 316
- XXII. *Cum in eodem libro I. Nicomacheorum progressus esset usque ad caput sextum, ubi mentio est idearum Platonis.* 320
- XXIII. *In studiorum instauratione. De via ac ratione tradendarum Disciplinarum.* 328
- XXIV. *Ad Cardinales, ipsa die Pascha, cum subrogandi Pontificis causa Conclave ingressuri essent.* 333
- XXV. *In funere Hyppoliti Cardinalis Estensis.* 338
- XXVI. *In funere Johannis Episcopi, Militia Melitensis Magni Magistri.* 343
- XXVII. *Francisci Bencii, e Societate Jesu, in funere Martiri Antonii Mureti.* 354



zo  
in  
re  
le  
in  
ir  
a-  
te  
e-  
ir







Biblioteka Jagiellońska



stdr0007979



